



6

11-a



Ex Bibliotheca  
majori Coll. Rom.  
Societ. Jesu

6-~~11~~-2-1


22

e

21

22.1.21







# ORATIONES SELECTAE IN SACELLO APOSTOLICO

Infra Missarum solemnia, coram Summo Pontifice,  
sacroque purpuratorum Patrum Se-  
natu habitæ.

P E R

FRATREM PAULVM DE FRANCIS  
Neapolitanum Sacre Theologiae professorem  
Ordinis Predicatorum, in unum  
corpus redactæ,

TOMVS PRIMVS. PARS PRIMA.



*Ex Libris*

*M. Coccioni*



ROMAE, Apud Aloisium Zannettum. M. DC. VI.  
SUPERIORVM PERMISSV;  
Et cum Privilegio Summi Pontificis.

ORATIONS

25 FEBRUARY

IN THE HOUSE OF REPRESENTATIVES

OF THE UNITED STATES

OF AMERICA



1850

1850

JOHN L. GILMAN, CLERK




1850

Printed by G. W. & J. C. Smith, New York

ILLVSTRISS. AC REVERENDISS. D.

D. SCIPIONI CARD.  
BVRGHESIO.



*Fr. Paulus de Francis de Neapoli F.*



V V M esse[m] hasce Orationes  
editurus ex ijs delectas, quæ sunt  
habitæ coram Summis Pontifici-  
bus, & sacro Cardinalium Col-  
legio, cui eas dicarè potissimum,  
non diu fuit sane deliberandum.

Tu enim mihi statim occurristi

Cardinalis Amplissime, in cuius nomine par esset eas  
in primis apparere. Primum enim si muneris huius  
rationem habere vellem, in quo Magistri Sacri Palatii  
focius annos iam aliquot versor, non fuit, opinor, ad  
aliùm mihi patronum confugiendum. Nam cum  
is, qui hoc tempore Magistri Apostolici Palatii officio  
fungitur Pater Fr. Io. Maria Guangelius Brasichellen-  
sis, præcepit te studio, atque obseruantia colat, ac tum  
ob alias egregias virtutes tuas, tum ob singularem  
animi tui æquitatem, atque humanitatem, qua omnes  
benignissime complecteris, fidelissimum se tibi famu-  
lum in omne tempus addixerit, æquum profecto erat  
me idem quoque profiteri, atque indicio aliquo decla-

rare animi mei studium Tibi gratificandi. Deinde  
vero si Orationum, quæ in hoc volumine continentur,  
materia perpendatur, hoc ipsum erat omnino mihi  
statuendum, quum de nulla re alia in ipsis agatur nisi  
de ijs, quæ ad Christianam pietatem, atque ad ortho-  
doxam fidem referantur: cuius Tu es in primis propu-  
gnator accerrimus; quod, & S.R.E. Cardinalis, & Pon-  
tificis Maximi Nepos es, atque eiusmodi Pontificis, qui  
summo odio salutaris doctrinæ hostes insectatur. Hoc  
igitur munusculum animi erga te mei, qualecunq. ar-  
gumentum, Te oro, vt eadem benignitate, qua soles,  
accipias. Ego vero vicissim Deum immortalem pre-  
cabor assidue, vt qua te cœpit prouidentia, & charita-  
te prouehere, eadem conferuet, ac protegat: vt quam  
tui expectationem, tam bonis orsus initijs concitasti,  
eam non modo sustineas, ac tuearis, sed etiam superes.  
Cuius protectio rei magna etiam nunc spes affulget  
omnibus, qui, & præclaram vim norunt ingenij tui,  
tuamque ad summum decus purpurato Principe di-  
gnum, propensionem, & Pauli Quinti Pont. Maximi  
auunculi tui pietatem, ac sapientiam intuentur: cuius  
tu nimirum imitatione, atque amantissimis, fidelissi-  
misque Consilijs nixus, facile ad culmen Apostolicæ,  
perfectæq. virtutis ascendes. Vale Romæ 11. Kal.  
Februarij M. D. C. V I.

# F. PAVLVS DE FRANCIS

PIO LECTORI SALVTEM.



*ER hosce quinque annos, quibus Patri  
Fratri Ioanni Mariae Guangelio Bra-  
sichellensi, Sacri Palatii Apostolici  
Magistro operam nauo, dum socij apud  
eundem exequor munus, animaduerti  
inter cetera scripta propè innumerabi-  
lia, Orationū quoque exempla quamplurima, quæ coram  
Sanctissimo Domino Nostro Papa sunt habitæ, latere in  
tenebris, quæ si prodirent, non exiguum fortasse legentibus  
honestissimæ, siue delectationis, siue utilitatis fructum  
asserre posse viderentur. Quare non ingratum, neque inui-  
cundum doctis præsertim, ac religiosis viris fore putau-  
i, si eas in ordinem aliquè redactas curarem in conspectum  
hominum, lucemq. proferendas. Et quo facilius amico Le-  
ctor, rem totam assiquaris, earum Orationum seriem, quæ  
in Apostolico sacello haberi solent paucis exponam. Ij enim  
sacri Cardinalium Conuentus, quos vulgo Cappellas di-  
cimus, in alma Vrbe die quidem Sanctorum omnium se-  
sto inchoantur, Apostolorum verò principum Petri ac Pau-  
li terminantur. Porro eorum catalogum dierum hic libet  
ascribere, quibus non modo rem diuinam, hoc est sacrosan-  
ctum Missæ sacrificium, Pontifice Maximo præseste ritè  
fieri, sed etiam Orationem pro tempore haberi de more ne-  
cesse est. Primus enim dies, ut diximus, Sanctis omnibus  
dicatus*

discatus in hoc numero recensetur, quem deinceps quatuor  
Aduentus Dominici dies consequuntur; tum dies sancti  
Stephani sacer, ac sancti Ioannis Apostoli, Circumcisionis  
Domini, & in capite ieiunij dies Cinerum: Dein quinque  
priores Quadragesima Dominica, & Feria sexta in Pa-  
rascene, solemnibus postremò Ascensionis, Pentecostes, ac San-  
ctissima Trinitatis dies: etenim tribus maximè solemnibus  
diebus Christi Domini Natali, eidemq. à mortuis exi-  
stenti, ac Sanctis Apostolis Petro & Paulo alma Urbis,  
atque adeo terrarum orbis vniuersi patronis consecratis,  
et si Cappella, siue sacri Conuentus, & quidem celeberrimi  
habentur, tamen propterea non est in ijs Orationi locus;  
quod per dies ipsemet Pontifex Maximus rem diuinā  
ritè, ac publicè facere in eodem sacello consuevit. Quam-  
quā die Cathedra sancti Petri Apostoli, Festo Purificatio-  
nis B. Mariæ Virginis, eiusdemq. Assumptionis, alijsq.  
nonnullis certis etiam, iustisq. de causis huiusmodi Orationi-  
bus supersedetur. Orationes porrò Pater Magister Sa-  
cri Palatii, ita viris idoneis habendas attribuit, ut cum  
pleraq. iam sint certo cupiam vel Ordini, vel Collegio ex  
prescripto maiorum assignata, nonnullas tamen Pater  
Magister pro sua prudentia modo huic, modo illi soleat as-  
signare: In harum numero collocantur, quæ diebus festis  
sancti Apostoli Ioannis, ac Circumcisionis Domini sunt  
habende, atque item quæ die Cinerum, quæque in Domini  
calum Ascensu, die Pentecostes, ac Sanctissima Trinitatis.  
Nam (ut certis locis attributas enumeremus) de San-  
ctorum omnium celebritate verba facit alumnus aliquis  
Germanici Collegij, de prima die tum Aduetus, tum Qua-  
dragesi-

dragesima Dominica pater Procurator Ordinis Predicatorum. De Adventus altera pater Procurator Ordinis Minorum Conventualium. De altera verò Quadragesima Dominica die Orationem pater Procurator eiusdem Ordinis de Observantia. De tertia & Adventus, & Quadragesima pater Procurator Ordinis Eremitarum sancti Augustini. De quarta item utriusque temporis pater Ordinis Carmelitarum Procurator: Ex Anglicano Collegio delectus alumnus de sancto Stephano Prothomartyre. De Epiphania Domini, ac Dominica Passionis pater Procurator Ordinis Servorum. Denique vnus aliquis de Societatis Iesu Patribus de Feria sexta in Parasceue. Ergo vndeiginti enumerauimus sacros, ac solemnes dies, quibus in sacello Apostolico presente Pontifice Maximo huiusmodi Orationes habentur, ex quibus quasdam suis quasque locis quàm aptissimè fieri potuit, dispositas, quæ in presentia prodirent in publicum selegimus, nam plurimæ alię, quæ adhuc supersunt, varijs de rebus, ac præsertim ad Summos Pontifices, ad augustissimum illud dignitatis fastigium recenter euectos, à Principium, et Rerum publicarum Legatis gratulandi, ac debite venerationis officium præstandi causa habitę in alterum volumen coniectæ propediem subsequuntur. Hasce autem quę nunc prodeunt, cur prætermisiss Auctorum nominibus in lucem daremus, duæ nos causæ impulerunt. Primum, quòd verebatur ne ex Auctoris ipsis quorundam latere cupientium offensionē (quod minimè volumus) incurreremus, quos inuitos detegere, & in medium proferre, quid aliud erat, quàm inimicitias (vt aiunt) aperto Marte suscipere? Deinde  
huius-



huiusmodi consilium capere, necessitate etiã coacti sumus, propterea quod Orationes pleraq. sine Auctorum nominibus conscriptæ apud nos extabant. Neque verò multos futuros arbitror, qui scire qua omissa sunt, magnopere desiderent; à qua cupiditate eos in primis seiungo, qui veritatis magis sunt, quàm hominum amatores: Veritas enim etiam sine Auctore plausibilis est. Quamquam ego non video quonam modo veritas sine Auctore esse possit, cum si quid boni ab hominibus dicitur, non longè, imò ubique sit is, ad quem bonorum omnium fontem, Auctoremq. certissimum eorum dicta sine ulla dubitatione referre debeamus. Hac habui studisse Lector, qua te hac tota de re initio huius Operis admonerem, ut facile perspiceres eundem esse à nobis ordinem retentum in hisce Orationibus in hoc primum volumen coniiciendis, qui in iisdem habendis coram Summo Pontifice toto anni decursu servari continenter solet. Cæterum si tibi hoc nostrum huius edendi Operis consilium probari, ut spero, senserimus, neque nos hunc laborem suscepisse penitebit, & ad alia edenda in posterum alacrius animum conferemus. Vale.



# PAVLVS PAPA V.



## DE FUTVRAM REI MEMORIAM.

Cum sicut accepimus, dilectus filius Aloisius Zannettus in Vrbe Typographus quendā librū inscriptū Orationes selectæ in sacello Apostolico infra Missarum solemniam coram Summo Pontifice, sacroq. Purpuratorum Patrum Collegio habitæ, quæ per dilectum filium Paulum de Francis de Neapoli, sacræ Theologiæ professionem ordinis Prædicatorum, in vnum corpus redactæ; & in Tomos duos diuisæ fuerunt, typis cudere intendat, vereaturq. nè postquam in lucem prodierit, alij, qui ex alieno labore lucrum quærunt, hunc ipsum librum typis cudi facere curent, in ipsius Aloisij præiudicium. Nos eiusdem Aloisij indemnitati, nè ex impressione huiusmodi nimirum dispendium patiatur prouidere, ipsumq. specialibus fauoribus, & gratijs prosequi videntes, & à quibuscumque excommunicationis, suspensionis, & interdicti, alijsq. Ecclesiasticis sententijs, censuris, & penis à iure, vel ab homine quauis occasione, vel causa latis, si quibus quomodolibet innodatus existit, ad effectum præsentium duntaxat consequendi harum serie absoluedi, & absolutum fore censentes. Supplicationibus eius nomine nobis super hoc humiliter porrectis inclinari, eidem Aloisio, vt Decennio proximo à primæua dicti libri, & vtriusque eius Tomi, dummodo antea à Magistro Sacri Palatii approbatus sit, impressione computando durante, nemo tã in Vrbe, quàm in vniuerso Statu nostro Ecclesiastico, immediate, vel mediatè nobis subiecto, librum supradictum sine speciali dicti Aloisii, aut eius hæredum, & successorum, vel ab eo, & eis causam habentium licentia imprimere, aut ab alio, vel alijs sine huiusmodi licentia impressum vendere, aut venalem habere, seu proponere possit, auctoritate Apostolica tenore præsentium cedimus, & indulgemus, Inhibentes propterea vniuersis vtriusq. sexus Christiifidelibus, præsertim librorum Impressoribus, & Bibliopolis sub Quingentorum ducatorum auri de Camera, & amissionis librorum, & typorum omnium pro vna Cameræ nostræ Apostolicæ, & pro alia eidem Aloisio, seu illius hæredibus, & succes-

foribus, aut ab eo, & eis causam habentibus, ac pro reliquis  
tertiis partibus Accusatoris, & Iudici exequenti irremissibili-  
liter applicandis, & eo ipso absque vlla declaratione incur-  
rendis pœnis, ne dicto durante decenno librum prædictum,  
& vtriusq; eius tomum, aut quamlibet illius partem tam in  
magno, quam in paruo folio etiam prætextu declarationis,  
siue additionum tam in Vrbe, quam in reliquo Statu Eccle-  
siastico prædictis sine huiusmodi licentiâ imprimere, aut ab  
aliis impressum vendere, aut venalẽ habere, seu proponere  
quo quo modo audeant, vel præsumant. Mandantes dilectis  
filiis nostris, & Apostolicę Sedis de latere Legatis, seu eorũ  
Vicelegatis, aut Præsidentibus, Gubernatoribus, Prætoribus,  
& alijs Iustitię Ministris, Prouinciarum, Ciuitatum, Terra-  
rum, & Locorum Status nostri Ecclesiastici, quatenus eisdẽ  
Aloisio, eiusq; heredibus, & successoribus, seu ab eis causam  
habentibus huiusmodi in præmissis efficacis defensionis præ-  
sidio assiscentes, quandocunq; ab eodem Aloisio, seu alijs  
prædictis fuerint requisiti pœnas prædictas contra quoscunq;  
que inobedientes irremissibiliter exequantur. Non obstan-  
tibus constitutionibus, & ordinationibus Apostolicis, &  
quibuscunq; statutis, & consuetudinibus etiã iuramento, con-  
firmatione Apostolica, vel quauis firmitate, alia roboratis,  
priuilegiis quoque indultis, & litteris Apostolicis in con-  
trarium præmissorum quomodolibet concessis, confirma-  
tis, & approbatis, ceterisq; contrariis quibuscunq;. Volu-  
mus autem, vt præsentium transumptis etiam in ipso libro  
impressis manu alicuius Notarii publici subscriptis, & si-  
gillo alicuius personę in dignitate Ecclesiastica constitutę,  
munitis eadem prorsus fides adhibeatur, quę ipsis præsen-  
tibus haberetur, si forent exhibitę, vel ostensę. Datum  
Romę apud Sanctum Petrum sub Annulo Piscatoris, die  
21. Ianuarii. M.DC.VI. Pontificatus Nostri Anno Primo.

M. Vestrius Barbianus.

# INDEX ORATIONVM

QVÆ IN HOC PRIMO

Tomo continentur.



## Prima Pars.

### IN FESTO OMNIVM SANCTORVM.

<b>O</b> Ratio prima.	folio 1
Oratio secunda.	3
Oratio tertia.	8
Oratio quarta.	11
Oratio quinta.	16

### DOMINICA PRIMA ADVENTVS.

Oratio prima.	20
Oratio secunda.	25
Oratio tertia.	29
Oratio quarta.	33
Oratio quinta.	38

### DOMINICA II. ADVENTVS.

Oratio prima.	44
Oratio secunda.	50
Oratio tertia.	56

Oratio quarta.	59
Oratio quinta.	63

## DOMINICA III. ADVENTVS.

Oratio prima.	69
Oratio secunda.	73
Oratio tertia.	77
Oratio quarta.	80
Oratio quinta.	85

## DOMINICA IV. ADVENTVS.

Oratio prima.	88
Oratio secunda.	93
Oratio tertia.	97
Oratio quarta.	101
Oratio quinta.	104

## IN FESTO S. STEPHANI.

Protomartyris.

Oratio prima.	108
Oratio secunda.	112
Oratio tertia.	115
Oratio quarta.	120
Oratio quinta.	124

## IN FESTO S. IOANNIS APOSTOLI, & Euangelistæ.

Oratio prima.	129
Oratio secunda.	137
Oratio tertia.	143
Oratio quarta.	148

Ora-

*Oratio quinta.*

IN FESTO CIRCVMCISIONIS

Domini.

Oratio prima: 2. CANTATO. II. ADHIMODI 161

*Oratio secunda.* 166

*Oratio tertia.*

Oratio quarta.

*Oratio quinta.*

IN FESTO EPIPHANIAE

Domini.

Oratio prima. 186

<i>Oratio secunda.</i>	188
	188

*Oratio tertia.* 191

Oratio quarta.

*Oratio quinta.*



DOMINICA W. QUADRAGESIMAL.

Secunda Pars.

83  
19 FERIA IV. CINERVM

Ratio prima. fol. 1

*Oratio secunda.*

*Oratio tertia.*

Oratio quarta.	2244	VI	28	16	MO	9
						13

*Oratio quinta.*

DOMINICA I. QVADRAGESIMAE.

*Oratio prima.*

*Oratio secunda.*

074-

Oratio tertia.	33
Oratio quarta.	38
Oratio quinta.	41

## DOMINICA II. QVADRAGESIMAE.

Oratio prima.	46
Oratio secunda.	51
Oratio tertia.	54
Oratio quarta.	58
Oratio quinta.	62

## DOMINICA III. QVADRAGESIMAE.

Oratio prima.	67
Oratio secunda.	72
Oratio tertia.	76
Oratio quarta.	81
Oratio quinta.	84

## DOMINICA IV. QVADRAGESIMAE.

Oratio prima.	88
Oratio secunda.	91
Oratio tertia.	95
Oratio quarta.	100
Oratio quinta.	104

## DOMINICA IN PASSIONE.

Oratio prima.	108
Oratio secunda.	112
Oratio tertia.	115
Oratio quarta.	119
Oratio quinta.	123

# FERIA VL IN PARASCEVE.

<i>Oratio prima.</i>	128
<i>Oratio secunda.</i>	132
<i>Oratio tertia.</i>	137
<i>Oratio quarta.</i>	142
<i>Oratio quinta.</i>	149



## Tertia Pars.

### DE CHRISTO DOMINI IN CAELVM

<i>Oratio prima.</i>	1
<i>Oratio secunda.</i>	8
<i>Oratio tertia.</i>	13
<i>Oratio quarta.</i>	18
<i>Oratio quinta.</i>	23

### IN FESTO SANCTISSIMAE

Pentecostes.

<i>Oratio prima.</i>	27
<i>Oratio secunda.</i>	32
<i>Oratio tertia.</i>	37
<i>Oratio quarta.</i>	41
<i>Oratio quinta.</i>	44

### IN FESTO SANCTISSIMAE

Trinitatis.

<i>Oratio prima.</i>	49
<i>Oratio secunda.</i>	53
<i>Oratio tertia.</i>	58
<i>Oratio quarta.</i>	63
<i>Oratio quinta.</i>	67

Finis Indicis Orationum.

111	Oratio prima.
112	Oratio secunda.
113	Oratio tertia.
114	Oratio quarta.
115	Oratio quinta.



Tertius Pars.

*Imprimatur si placet R. P. M. S. P.*

B. Gypsius Vicefgerens.

1	Oratio prima.
8	Oratio secunda.
8	Oratio tertia.
8	Oratio quarta.
8	Oratio quinta.

Imprimatur  
Fr. Paulus de Francis de Neap. Magister, & socius  
Reuerendissimi Sacri Palatii Apostolici.

IN TESTO SANCISSIMAE

Trinitatis.

27	Oratio prima.
32	Oratio secunda.
37	Oratio tertia.
41	Oratio quarta.
44	Oratio quinta.

IN TESTO SANCISSIMAE

Trinitatis.

49	Oratio prima.
53	Oratio secunda.
58	Oratio tertia.
61	Oratio quarta.
67	Oratio quinta.

Finis Indictis Oratorum.






IN F E S T O  
OMNIVM SANCTORVM.



O R A T I O P R I M A .



I L L E admodum precium, Pater Beatissime, Deus immortalis pro absoluta bonorum omnium adeptione deposcit: Beati, inquit, pauperes spiritu, quoniam ipsorum est regnum cælorum, nec dubito quin plurimos Christi liberalitas ad eam felicitatem alliciat, quam alioquin magnitudo ipsa nimis arduam

*Matth. 5.*

faceret, sublimitas possessione difficilem. Quum enim humanæ vires perexiguae sint, egestas vero atque inopia tanta, ut & nihil nos posse, & nihil habere fateamur; admirabile sane est, quod eo ipso Deus immortalis beatos nos esse velit, quo & nihil nos posse intelligimus, & nihil nos habere lætamur. Bona nimirum tum æterna, tum peritura, venalia omnia sunt. Sed profecto utrisque longe dispar est, dissimilisque natura, quod hæc ut comparentur, precium poscant, illa inopi ac misero tribuantur; hæc nisi quid afferas, emere non possis, illa nullo digniore precio adipisci possis, quam nihil habendo: non quod ad æternam gloriam recte facta virtutesque conferri non debeant; sed hæc ipsa maxima virtus est, Christi causa pauperem esse: & in recte factis hoc præcipuum, in rebus fluxis numquam animum figere. Sed quoniam non omnis inopia felix est, neque omnis paupertas beata; videamus quosnam pauperes vera Dei sapien-

tia beet; tum demum de eorum felicitate differemus. quis enim est, qui cum pauperem beatum existimet, qui se ideo miserum putat; quod diues esse non possit? quid si casus aliquis acerbis sua quempiam non minus tranquillitate; quam facultatibus spoliaret, si suppellectilis, ac domus incendium grauem in illo dolorem accendat; si animum frangat calamitas, si ruina mentem opprimat, huncne pauperem beatum quisquā arbitrabitur bonis omnibus orbatum, abiectum animo, fluctuantem curis, excusum angoribus, mœrore consumptum? Non igitur pauperem esse semper laudabile est, sed nihil appetere præclarum: neque bonis spoliari magnum est, sed in egestate lætari, gloriosum. Dolor enim perdit boni, noui boni sitim accendit, sitis auget dolorem, dolor miseriam; in summa vero miseria, quæ potest inueniri felicitas? At vero si bonorum cælestium ardor ita in nobis diuitiarum atque opum inanium desiderium extinguat; ut nihil tam velimus, quàm nihil velimus, neque tam gratum sit opibus frui, quàm carere; tum vero tum iure optimo à Christo habebimur & spiritu pauperes & beati. Pauperem enim facere multa possunt, beatum sine paupertatis amore non possunt; & facultatibus non abundasse non inhonestum fuit, sed eas spreuisse gloriosum. Quantam enim illius mercedem ac præmium esse dicemus, quem leuissimis vacuū curis nihilque appetentem, summum illud bonum, Deus inquam, immortalis explet liquidissimo fonte voluptatis? quàm opulentam eius possessionem, qui Deum solum possidet! quàm securam felicitatem, quæ in vna perennitate defixa sit? grassetur bellum, serpsit incendia, vastet omnia repentina tempestas, quid huic pauperi eripi possit, qui nihil esse suum putat, præter eum quem nec mors eripere, nec vita potest? Quodsi tamen interdum ille aliqua ratione aut affligi videtur, aut premi; numquid qui plantauit aurem, non audiet? aut qui finxit oculum non considerat? Iste pauper clamauit, & Dominus exaudiuit eum, propter miseriam pauperum, nunc exurgam, dicit Dominus. Junior fui, etenim senui, inquit Propheta, & non vidi iustum derelictum, nec semen eius quærens panem. & alibi: Quia satiauit animam inanem, & animam esurientem satiauit bonis: esurientis est nimirum satiari, & inanis expleri: sinus quidem pauperum vacuus est; sed nolite timere pusillus grex,

*Psal. 93.*

*Psal. 33. 11  
35. 106.*

*Luc. 12.*

men-

## Oratio Prima.

3

*Luc. 6.*

menfuram bonam, & confertam, & coagitata, & superfluentem dabunt in sinum vestrū. Vos ego testor clarissima orbis terrarum lumina, ornamenta cælestis domicilij, quorum laudes ac res præclare gestas hodierna die Anniversario cultu solemnique pompa celebramus. Vos, inquam, testor, quos diuitiarum despicientia ad solidas opes traduxit, honorum contemptus, ad gloriam, labor ad quietem. Et vero quamvis dum adhuc in hoc hominum diuersorio vitam duceretis, vestra esset conditio felicissima, tamen vita illa vestra Tyrannis miserrima, regibus obscura, diuitibus egena, insipientibus stulta videbatur; nunc autem vestræ gloriæ ac maiestatis toto orbe splendor effusus ita omnium in se conuertit oculos atque animos rapit; nihil ut habeatur vestra paupertate ditius, tenebris fulgentius, studijs sapientius, miseria beatius; hæc vestræ coronæ, hi triumphi, hæc simulacra victoriarum, hæc acclamationes, hæc præcopia, abiectis armis, Imperatorum audaciam fregisse, patientia, furorem, inopia potentiam, suppliciorum tolerantia crudelitatem. Viuet, viuet illa quondam misera hominibus visa mortalitas, nunc à Deo felicissima immortalitate donata. extant ac perpetuo extabunt in mentibus nostris vestrarum virtutum ac fortitudinis impressa vestigia. Neque enim Pater Beatissime, aliud à nobis poscunt, nisi ut tam insignes triumphantium exercitus, tam præclaras fortissimorum virorum, & castissimarum virginum cohortes, non tam laudum specie, quam factorum præstantia, neque tam faustis acclamationibus, quam accurata imitatione prosequamur, quum eisdem nobis Deus immortalis ad cælum gradus esse voluerit: neque vlla ratione putandum sit aliud iter hominibus ad felicitatem ac beatitudinem esse patefactum.

## ORATIO II.



**D**IVINO plane consilio, Christianæ religionis antistites instituerunt. P. B. ut hodierno die, quo vetusto cæremoniz ritu, simul cælestes colimus uniuersos, is in re sacra facienda diuinæ locus recitaretur historiæ, in quo sancte, casteque in hac hominum colluione

A 2 viuen.

viuentibus, fames illa, ſiſiſque Iuſtitie tribuitur, quæ non terrenis epulis, ſed caeleſtibus, non re aliqua mortali, atque caduca, ſed veri perpetuique boni adeptione ſaturatur, atque reſtingitur. Etenim cum tria ſint omnino, quæ ad abſolutam cumulatamque Iuſtitiam requiruntur, eximius & flagrantiffimus amor in Deum; peruigil in hominum ſalute curanda ſollicitudo, & rigidior quædam in corporis aſſiſtatione ſeueritas; ea Maiores noſtri viri ſanctiſſimi tanti ſemper fecerunt, quanti faciendum erat id, in quo totius pietatis ſumma continetur; tanto ſtudio, atque ardore animi complexi ſunt, ut ab illis nihil omnino diſceſſerint. Ac diuinus quidem amor ſic eorum mentes ſæliciſſimas abſorbuit; ut animo ſemper in Deum fixo, Angelis vix in eo diligendo concederent: de ſempiternis autem reliquorum hominum bonis ita cogitarunt; ut nihilo ſegnius alienam, quam propriam ſælicitatem concupiſcerent: ita denique, ſua corpora diſcruciarunt; ut cum erga omnes, quamuis inimicos, eſſent faciles & humaniſſimi; in ſe tamen crudeles, & omnem humanitatem exuiſſe viderentur. Quod ſane ego, dum hac dicendi ſuſcepſa prouincia cogitarem attentius, rem neque cuiquam ingratam, & caeleſtibus honorificam me facturum putauī, ſi breuiter oſtenderem in ſanctis Viris nullam omnino Iuſtitie partem deſiderari potuiſſe. Ac primum quidem hic ego quum Iuſtitiam dico, intellico genus omne ſanctitatis, & quicquid auguſtiſſima Religio parenti rerum omnium Deo, ſiue priuatim, ſiue publicè deſert; quicquid homo homini merito iuſteque perſoluit; quicquid ipſe ſibi homo, ſeu pars hominis nobilior ac ſuperior, humiliori & inferiori, tanquam Adam Eux præcipit, ad pulcherrimarum virtutum ornamenta comparanda. Quas omnes Iuſtitie partes ſanctiſſimi quondam viri mirū eſt, quam ſtudioſe coluerint. Quum enim intelligerent nullam eſſe corporis, nullam animi partem, nullam in viſceribus fibram, nullum in toto capite vel tenuem capillum, cuius auctor ac Dominus non eſſet Deus, Deo tanquam legitimo Principi ita ſe ſuæque omnia deuoueant; nihil ut in illis fuerit non conſecratum Deo; nihil quod ſibi malus Dæmon vindicaret; ſed ut crant omnia à Deo proſecta, & ab eodem illis conſeruata, ita vni Deo penitus omnia ſeruiabant. Atque ut Iſraelis Populus de Pharaonis tyranni-

## Oratio Secunda.

5

de profugiens, ad motum Nubis & igneæ Columnæ castra mouebat, figebatque tentoria; ita sanctissimi Viri illuc suis consilijs, & recte factis ferebantur, quò diuinus illos spiritus impellebat: quippe qui minimis etiam in rebus, celesti ducebantur imperio: ex quo procul dubio factum est, vt iustissimus ille Noe neque Arcam exedificauerit, nisi oraculi iussu: neque postea in eam ingressus sit, nisi precipiente Deo: neque tandem ausus sit illam egredi, nisi euocante se numine. Nouerant videlicet Viri sanctissimi, lege olim à Deo lata, in sacrificijs, quæ holocausta nuncupabantur, non solum artus omnes, viscera, ac membra, sed iecur, & quæ illi iungantur, caput etiam ipsum, ac pedes offerri, incendique oportuisse. Quod sane genus Hostiæ tradunt Deo fuisse odoris longe suauissimi. Quapropter, vt ipsi quoque se consimili plane ratione deuouerent, ita se Deo mactauerunt, vt sibi nihil omnino reseruarent; sed totos Hostiam viuentem, sanctam, Deo placentem immolarent. Non illi duas in partes, vt ait Elias, claudicauerunt, vnum illi Deum, vnum Dominum in cælo sursum, & in terra deorsum agnouerunt. Nihil potestatis Baalim, nihil Astaroth in illis habuit. Vespere, mane, & meridie, toto nempe vitæ decursu, Deo sacrificium laudis, & Altissimo sua vota reddiderunt. Illum timuerunt vt Iudicem, & scelerum ultorem. Illum, vt Parentem, omniumque rerum Principem obseruauerunt; Illum amauerunt vt redemptorem, qui genus humanum à peccatis lauerat in sanguine suo. Quamobrem nolite mirari fuisse quondam Potentissimos Reges, qui ante hanc Principis Apostolorum augustissimam Aram, Baltheum, gladium, Paludamentum, Aureas armillas, regium Diadema, sceptrumq. deponerent. Hæc inquit si quando legerimus laudare possumus, mirari non debemus. Qui enim animos Deo dederant, cur corpora non dederent? Qui deo mentem consecrauerant, cur membra non immolarent. Qui sua viscera conciderant, cur vestimentis parcerent? Qui principatum, Imperijque gloriam studio Religionis contempserant; cur non etiam vana, atque inania dominatus insignia reijcerent? Atque hæc fuit Sanctorum Iustitiæ fames, sitis, hæc in Deum pietas & Religio, qua diuinæ gloriæ, cultumque maiestatis appetebant. In reliquos porro mortales quales tandem fuerunt? Nullum fuit hominum genus

Gen. 6. 8-7.

Leuit. 1. 1.

3. Reg. 18.

tam

tam agreste, tam ferum, tam immane, tam barbarum, quod illi aut refugerint, aut non summa benevolentia sint complexi. Nulla Regio tam inculta; nulla terrarum Pars, siue quæ ad Boream glacie obrigesceret, siue quæ ad Austrum ardore Solis, æstuque deslagaret, ad quam illi non adierint, quam non excoluerint, & cælestis disciplinæ luce collustrarint. Quem sinum Oceani non transmiserunt? Quas Arenas & auias solitudines, serpentum potius quàm hominum domicilia, non peragrarunt? Quis Gothos & Vandalos, Pannonios, & Slauios, ex Aquilonis antris, & siluis, ferarum in modum, & feris ipsis tunc ferociiores, ad Germaniæ, Italiæque fines cruentis mucronibus aduentantes, humanitate deliniuit, benignitate permulsit, pietate repressit, Religione domuit, sanctitate suauissimo Christi Domini Iugo subiecit? Neque modo dum viuerent sancti, dum incolumes essent, sed iam iam morituri, de hominum salute cogitabant. Quamobrem Dunstanus in Britannia, paulo antequam animam efflaret, tres vna die conciones ad Populum habuisse fertur. Et fortissimus ille Protomartyr, capite afflicto, contuso lapidibus, obrutoque corpore, tamen salutis hostium memor, Deum intermortuis vocibus precabatur. Ne statuas illis, inquit, hoc peccatum. Vere felices illos & beatos, qui de sua gloria securi, de nostra calamitate solliciti erant: In portum sempiternæ quietis ingressuri, nos fluctibus & procellis iactatos miserabantur; mox cælesti concilio & Angelorum Choris fruituri, teterrimos dæmones à nobis & noctis æternæ caliginem depellebant. Hæc Sanctorum fames & sitis fuit; sic illi iustitiam, erga reliquos mortales coluerunt. Age vero qui tam cumulate officium alijs iustitiæque partes omnes præstiterunt, num quid ipsi se neglexerunt, suæque remissius & languidius quàm aliena curarunt? Quamquam hoc ego non profiteor me explicaturum, quum ne ipsos quidem, qui res tantas tamque præclaras gesserunt, existimem, posse omnia dicendo, vel cogitando assequi, quæ toto vitæ spatio supra mortalium vires, & supra communem virtutem effecerunt. Quid enim Benedictus, quid Antonius, Dominicus, Franciscus, alijque complures, de se sui que similibus dicent? Numquam profecto satis explicabunt, quanta in sanctissimis Viris fuerit rerum humanarum contemptio, gloriæ despicientia,



tia, honorum fuga, odium & detestatio voluptatum. Car-  
 nes non comediſſe, vinum non bibiſſe, panem non guſtaſſe,  
 daſtylis aut radicibus herbarum viſitaſſe, hoc Ægyptio-  
 rum Patrum fuit vulgare ieiunium. Poſt multos vero dies  
 aut etiam menſes, raro quicquam alimenti, præter Cæle-  
 ſtis Agni diuinum Corpus ſumpſiſſe. Hominum ne fuit illa,  
 an Angelorum vita? Dicant etiam nobis non modo cili-  
 cium, ſed thoracem creum; non aſperum funem, ſed fer-  
 ream catenam; non nudos pedes, ſed calceos acutis cla-  
 uis inſtructos, quibus plantæ confixæ lacerabantur. Hæc ſa-  
 mes ſanctorum; hæc erga ſe iuſtitiz ſitis, quæ cum illis ab  
 ineunte pueritia; imo ab ipſis incunabulis, & matris aluo  
 prodijt. Quis enim ignorat quosdam prius luſtos, quàm  
 in lucem editos; multis prius gratiz lumen, quàm ſolis ra-  
 dios illuſiſſe; prius quosdam cælum meritis, quàm terram  
 pedibus attingiſſe; vt non immerito ſuam ille ſelicitatem  
 ita commemorauerit: De ventre matris meæ, inquit, Deus  
 meus es tu; & ille, Ab infantia mea, inquit, creuit mecum  
 miſeratio, & de vtero matris meæ egreſſa eſt mecum. Quæ  
 tandem huic par ſelicitas eſſe poteſt? Vix homines eſſe cœ-  
 perant, & ſimiles Angelorum euaserant. Vix in mundum  
 prodierant, & in cælum vocabantur. Vix parua illis corpu-  
 ſcula aptata fuerant, quum gratiz veſtitu deaurato, & cæ-  
 leſtium donorum varietate circumdati, refulſerunt. Hæc  
 proſecto neque nos ingenio aſſequi, neque ipſimet Viri ſan-  
 tiſſimi pro dignitate verbis explicare poſſent. Quæ cum  
 ita ſint, quis iam erit, qui non cupiat hos viros glorioſos, &  
 Parentes noſtros imitari, horum inſtituto viuere, quorum  
 animus ſitiebat, quaſi ceruus ad fontes aquarum, & prope-  
 rabat ad Deum fontem viuum: qui non dabant ſomnum  
 oculis, neque palpebris ſuis dormitationem, donec inueni-  
 rent in corde locum Domino, & in mente ſua ſtatuèrent Ta-  
 bernaculum Iuſtitiz Deo Iacob. Quamobrem iam ſaturan-  
 tur, iam tranſiens miniſtrat illis magnus ille Paterfamilias:  
 qui ſedens in monte prædixerat: Beati qui eſuriunt  
 & ſitiunt Iuſtitiam, quoniam ipſi ſaturabuntur. Iam ſitim  
 reſtingunt, iam ſamem pellunt, iam ad Agni nuptias ad-  
 miſſi, comedunt in Regno Dei panem, quem hic appetue-  
 runt. O ſitim Iuſtitiz, ſamemque omnibus delicijs antepo-  
 nendam, quæ bonorum omnium ſatietatem promeruit! ò  
 incun-

*Psalm. 21.  
Iob 31.*

*Luc. 12.*

*Matth. 5.*

iucundissimos labores & cruciatus pro vera Iustitia susce-  
ptos, qui perennem quietem, & tranquillitatem attulerunt  
O sēlices animas, quibus ē regione vmbre mortis eductis,  
verum Iustitię lumen affulsit, quibus nihil in hac vita, iustit  
& grata in Deum pietate antiquius, nihil pia, ac religiosa  
in omnes Iustitia charius, aut gratius vnquam fuit. Nos  
quoque vtinam exemplo hominum sanctissimorum, Deum  
timeamus vt Iudicem, obseruemus vt Parentem, diligamus  
vt Redemptorem. Vtinam cum iustissimo Iob, oculus cæ-  
co, & pes claudus simus, & cum Diuino illo Pastore, pro cō-  
missis fidei nostrę ouibus, animam ponamus. Denique cum  
Apostolo sic pugnemus, non vt ij qui verberant aerem, sed  
corpus animę imperio, sensum & cupiditates omnes ra-  
tioni subiiciamus; vt his Iustitię pulcherrimis ornamen-  
tis instructi & cumulati, per Iustitię semitas, ad Iustorū do-  
miciliū admissi, Iustitię bonis, & Beatissimorum iustorum  
confessu perfruamur. Amen.

Iob 19.  
Ioh. 14.  
1. Cor. 9.

## ORATIO III.



**V**ERRIMVM victorię fructum, cuius posses-  
sione cēlestes in patria fruuntur, anniuersaria  
celebratione recolimus: laboriosę militię pon-  
dus eo leuius in mortali corpore toleraturi,  
quo sēpius & liquidius sanctorum ciuium tro-  
phęa prouiderimus. Tantisper Imperatoris nostri & socie-  
tate, & contemplatione priuati, animorum viuidos impe-  
tus alamus, certissima expectatione prēmiorum, eosdem  
certaminum exitus, Deo duce nobis pollicentes, quorum  
imitationem in misere vitę spacio adamanus. Non auspi-  
cia, non ducem, non hostes, non signa, non arma mutaui-  
mus: Imperatore Christo, paternis auspicijs, diuino mun-  
niti pręsidio, vexillum crucis in humani generis semperiter-  
nos hostes inferimus: sicut igitur prępotens DEVS in san-  
ctis suis tam sēpe debellauit, similes victorias animo, si nos  
milites dissimiles haud pręstemus, multo ante pręcipiamus.  
Te vicarium in terris ducem fortiti sumus, Pater Beatissime,  
ceteros quos in purpura splendere video, quasi legatos ac  
Tribunos



Tribunos veneramus, hoc ductu, his armis auxiliariis, vt nihil non audendum, ita desperandum nihil. Palmam igitur nostram in alieno gaudio grata recordatione præmeditemur, vt eius notitia recreati pugne difficultates alacriores euadamus. Etenim si contra intestinos, nec aspectabiles hostes fortiter depugnemus, nobis etiam Præan ille canetur, quem hodie incredibili cum lætitia, vt est B. Bernardi sententia, cælestes vsurpant: Convertere anima mea, in requiem tuam, quia Dominus benefecit tibi. His lætitiæ vocibus stellatæ personant regiones, & iucunda præteritorum memoria integerrimum sensum diuinæ coniuunt voluptatis. Namque animus vinculis corporis exsolutus, impetu liberrimo fertur in originem boni, ad quam totis medullis; in membrorum carcere detentus anhelauerat. Haustu perpetuo, in visceribus ducunt triplicem illum fontem ex vna vena diuinitatis, ex quo dei domus vniuersa mentesq. cælestes affluentissimis voluptatum irrigationibus eluuntur. Natant videlicet in Oceano gaudiorum, & diuinitatis intuitu beati, delicijs affluunt, & accipiunt mensuram bonam & coagitatam. Non contemnenda nobis videtur iucunditas, quum de loco altiore subiecta oculis vrbium, terrarumque spatia metimur. Quantum est delectationis in vrbe felicitatis, quum Rectorem illum summum inuenitur per immensa cæli, terreque interualla diffusum, ambientem omnia, inclusum omnibus, ab omni exclusum sede, & ita mundi vniuersitatem obeuntem, vt nulli termini definentem omnia circumscribant. Miraris inquit Bernardus, in sole splendorem, in flore pulchritudinem; in pane saporem, in terra sæcunditatem: sed à Deo hæc omnia ducta sunt, nec dubium, quin plus referauerit sibi, quam dederit craturis. Quum igitur principium decoris omnis, ac pulchritudinis sese beatorum mentibus apertissime fruendum aperiat, & quicquid sparsim delectationis ex formosissimis, quibusque libatur, collectum exuberet in diuina natura, iure cælestes singulari gaudio delibuti lætissime concinunt: Convertere anima mea in requiem tuam. Quid enim aliud re quietem asferre mentibus potest, & felicitatis ardentissimas cupiditates extinguere, quam fluminis impetus lætificans ciuitatem Dei? quam fluius viuientis aquæ, è Dei Agnique sede par argento deuolutus per media spatia diui-

B. Bernardus.

Psal. 114.

Bernardus.

Psal. 45.

nz Hierusalem , cuius ripas vtrinque vitalis arbor con-  
stitit , duodenis onusta pomis : vt & pomorum suauitate in-  
genita beatitudinis tollatur fames , & ctystallina liquoris  
puritate , cupiditatum ardores extinguantur . Hæc nimis-  
rum diuino perfusus lumine , cum animi voluptate præci-  
nuit Hieremias : Tunc lætabitur virgo in choro , iuuenes  
& senes simul , & conuertam luctum eorum in gaudium , &  
lætificabo eos à dolore suo . Hanc terram voluptatibus re-  
dundantem Hieremix admodulatus Malachias enunciat :

*Hier. 31.*

*Malach. 2.*

Beatos vos dicent omnes , dicit Dominus , quoniam eritis  
vos in terra voluptaria . Et quidem nihil beneficentiæ , ni-  
hil æquitati diuinæ consentaneum magis , quàm vt miles per  
sudorem & vulnera , & militiæ labores innumerabiles , in  
suo voluptuario , vt ita dicam agello , qui sit curarum por-  
tus , ærumnarumque terminus , conquiescat . Hac beatissi-  
ma & amœnitate & possessione delectantur cælestes vniuer-  
si , neque temporum iniurijs obnoxij , neque corporum af-  
fectionibus seruiantes . Non timor mentem deprimit , non  
angit ægritudo , non inflamat cupiditas , non liquefacit  
lætitia futilis , frigoris euasere asperitates , calorū æstus  
immodicos , morborum contagiones , ærumnas , pericula ,  
vastitates . Vna cura est viuax , æterna , sed cor suauissime  
vellicans , summum amare bonum , in id obtutum figere ,  
hoc ardere , hoc in affluentia sitienter expetere . Et sicut  
chalybs camino iniectus ignem ita ebibit , vt pene suæ obli-  
tus naturæ vestiat ignis alienam : vt ær solis candore pe-  
netrabilis , sic lucem imbuir , vt lux non tenuis natura sine  
fulgore natiuo videatur ; ita mens beatorum suauissimis  
deliderijs ignescit , & luce diuinitatis illuminatur , adeò , vt  
penè & ipsa ignis consumens , & sol æternæ lucis possit ap-  
pellari . Et hæc pro captu nostro summa voluptatis est ,  
quam Deus ipse vberrimè suæ familiæ diuidit æterna pe-  
rennitate : quantæ sunt illæ quas huic tanquam appendicu-  
lam adnexuit , quæ per ipsum Deum è sanctorum Societa-  
te ducuntur . Suspiciamus in cælum , inquit Chrysostomus ,  
& faces illas purissimum fundentes lumen intuentes , inex-  
plebili iucunditate perfundimur : modo disparē illorum  
magnitudinem , modo statum , conuersiones & progressus , &  
coniunctiones admirati . At quid tandem stellæ sunt , nisi  
corpus inanime , lucidum , in materia gemmea seminatum ?  
igitur

*Chrysost.*

igitur quanta vis gaudij futura est in contemplatione non-  
 syderum, sed mentium beatarum, præ quarum splendore,  
 hebes solis lumen in ipso meridie noctem, non lucem spar-  
 gere videretur? Quid dicam de ordine noueno alaræ mili-  
 tiæ? quid de multiplici classe mortalium, quos virtus illa-  
 tos cælo reddidit immortales? quid de integerrima cæle-  
 stium Augusta? cuius ego conspectum quantalibet præter  
 vnum Deum, proposita mercede, non paciscerer. Suspica-  
 mur tamen hæc ingentia bona, non assequimur intelligen-  
 tia: &, si Augustino, cuius ingenio nihil maius natura pa-  
 rens extulit, cum hac de re scribere pararet, diuinitus in-  
 tonuit, Augustine, Augustine, insanos Oceani tractus potius  
 includas vasculi angustijs; quid mihi, quid cæteris spei pos-  
 sit esse, dum peregrinamur à Domino, dum adhuc sub si-  
 gnis in militia longe à patria distinemur? Hoc interim  
 Pater beatissime, sit solatium desiderio, sit fomentum dolo-  
 ri: Has opes, has diuitias, has voluptates, quas adum-  
 braui, venales esse labore, si credimus Gregorio. Qui so-  
 cij sunt hodie æternæ lætitiæ, commilitones fuerunt in bello,  
 & per egestatis, & tolerantia gradus octonos, quos de  
 sacris literis audiuius, euaserunt in cælum. Et nos cum  
 nitimur ad id fastigium, vt appareat Princeps pastorum, spe-  
 remus, vt habet S. Paulus, percepturos immarcescibilem  
 gloriæ coronam.

August.

Gregor.

## ORATIO IV.



ETERIS, granisque controuersia B.P.  
 quæ de summo bono fuit inter sapientes  
 viros, finem hodiernus dies attulit; idē-  
 que initium de patientia, & de paupertate  
 Christiana rectè sentiendi. Apertum  
 est enim iter ad gloriam, atque beatam  
 vitam, quod alij cæno voluptatis inquinauerant,  
 alij diuitiarum difficultatibus intercluserant; &  
 certa felicitatis potiundæ ratio demonstrata est, vt quisque  
 vel iniuriam non propulsando honestus, & nihil habendo  
 beatus esse possit. Decretum est enim mortalium comen-

eis diuina auctoritate conuulsis, in contumelia gloriam, in paupertate felicitatem, beatam vitam in vitæ miseris sitam esse. Itaque quæ duo inter se quodam penè naturæ odio dissidebant, cum ignominia gloria, cum beatitate miseria, ea Christo auctore, maxima omnium lætitia in eandem societatem consensere. Ergo Iudeæ montes, ex quorum iugis beatitudinis sunt facta diuortia, hodierno die arietum instar exultant, lætoque nuntio personant: saxa ipsa concionantis Christi voci respondent, beatam paupertatē, beatas lacrymas, beatas esse calamitates. Et vero quis tam stultus, amenisque fuisset, qui spretis honoribus atque diuitijs ignominiam, & paupertatem tanto studio concupisset, tanta alacritate suscepisset, nisi fuisset honestior ac beatior in ignominia, & paupertate, quàm in honoribus, atque diuitijs? In illa sanè aurea ætate nascentis Ecclesiæ, quæ tantam sudit Martyrum copiam, exultabant rerum cælestium amatores se pro Christo contumelijs affectos, & ignominijs omnibus appetitos gloriabantur. Quid enim persequar hoc loco viros pulcherrimi facti laude clarissimos? quid honestissimas scæminas? quid pueros, & virgines? Conspirauerat in eam gloriam virtus genere clarior, sexu maior, ætate fortior, ad præclaram Christiani nominis confessionem, odio humani generis, non scelere gentis, sed furore temporum exardescentem, certatim currebant viri nobilitate principes, diuitijs affluentes, maximis honoribus, & imperijs ornati, omni doctrinæ genere, & sapientia recte instituti. Quod à Romulo in tam longa serie triumphorum Roma non viderat, ea primum tempestate vidit, & admirata est, mulieres triumphales à colu, & lana arcessitas ad triumphum. atque ex ipso matris amplexu se proripiebat ad gladios atq; illa simplex, víctima sine labe, & dolo, à parentibus edocta felicitatem pœnarum. Et vero præclarum erat spectaculum videre teneram illam, & exorientem Rempub. non singulis militibus, aut turmis, sed totis simul castris tanto animorum ardore prodeuntem ad certamen: conflatasque legiones ex flore humani generis perinde ad mortem atque ad immortalitatem festinantes. Sæpè vel deerat multitudini carnifex, atque supplicium: vel sola virginum, & puerorum alacritas terrori erat Tyrāno. Tam magna vis hominum ex omni ordine, genere, sexu, ætate,

tanta

tanta contentione conuolasset ad tribunalia , & vitam per summum dedecus amisisset , nisi gloriosum fuisset Christi causa cum dedecore mori ? infamauit ignominie malum natura , effecitque pudore , ac timore duabus quasi pestibus obiectis detestabile . Itaque malefici , & scelerati fugiunt lucem , & hominum conspectum , metuunt deprehensi , accusati , cruciatique negant , damnati , mœrore luctuque conficiuntur . Viro Christiano quid simile ? lætabatur comprehensus , accusatus non defendebat iniuriam , interrogatus vltro confitebatur , damnatus gratias agebat . Et appellabimus ignominiam , cuius fuit delatio votum , pœna felicitas ? quæ sine pudore suscipiebatur , sine timore expectabatur ? Quis enim ad iudicem quæsitus , carnifici se sponte non obtulit ? adductus ad tribunal , erubuit quæstionem ? damnatus ad mortem , non sollicitauit militem , non salutauit patibulum , non osculatus est secures , carnificem non est amplexatus ? Quem vnquam puduit seruitij instar , aut scelerati latronis cædi virgis & fustibus , in crucem tolli , bestiis obijci ? quis non est sibi visus honestissimus & beatissimus , spoliatus fortunis , eiectus è patria , compunctus notis , victus ferro , in ergastulis , lapicidinis , metallis ? Solemne , ac pene legitimum fuit non modo viris , sed mulieribus inter leones , inter accensos rogos , inter districtos mucrones , & truculentos carnificum vultus inclamare se beatos ; sibi esse feras pro epulis , ignem pro rosa , pro corona gladium , pro triumpho carnificem . quid hic inflammati scelere tyranni ? insanire , excogitare nouam carnificinam , excitare ab inferis novos scelerum architectos . quid factum tandem ? quid existimatis ? cognitum est Christianam patientiam esse omni supplicio & immanitate maiorem . Erat enim martyr in tolerando fortior , quàm tyrannus in excarnificando crudelior . Illi cum ignominia , nouoque cruciату , nouus addebatur triumphus , atque lætitia : huic dolor , & furor . O spectaculum non minus luctuosum , quàm gloriosum ! martyr de tyranni crudelitate gaudebat , tyrannus de gaudio martyris torquebatur . Nescires vter esset in ea quæstione reus , vter carnifex : plus enim tyrannus alacritate martyris , quàm martyr tyranni feritate cruciabatur . Itaque furebat in sella tyrannus , martyr in cruciату cantabat , rarus exaudiebatur gemitus , isque quum finem ignominie

minix carnifex dabat, non corona: quum tyrannus in mansuetudine crudelior iniiciebat supplicio moram: quæ cælum differret, ac triumphum in discrimen adduceret. Enimvero honestum vitæ exitum facit causa mortis, non genus; innocentia, non supplicium. Obitum viri Christiani non ornat pompa funeris, & moles insanæ sepulchrorum, sed vitæ integritas atque religio. Et dubitabimus ignominiam viris sapientibus fuisse materiam gaudij, gloriæ campum? Cæterum, vt tyrannorum nimbus ille detonuit in vrbibus, subito in siluis coortus alter in tonuit: defuere quidem immanissimi Neronēs, Domitiani, Decij, Diocletiani, nefaria monstra humani generis: sed tyranni non defuere, suos etiam pictas inuenit tyrannos, suos excogitauit cruciatus. Excitata est à viris rerum humanarum contemptoribus noua in se ipsos tempestas, nouumque martyrij genus, in quo idem tyrannus, ac martyr, esset pro gladio patientia, amor pro carnifice. Fuit illa quidem pia crudelitas, sed prior, diuturnior, & maior.

Vidisses non custodias martyrum, sed anachoretarum plena crenobia: non campos humano sanguine purpurascētes, sed vastas regiones, sanctissimis Monachorum choris & laudibus personantes, mutæ ipsæ solitudines mirabantur insolentiam illam coloniarum inter feras & nemora, inter niues & frigora, & homines rursum ex vrbibus deductos in montes, & in agris dispersos inter bestias. Obstupescēbant pauperes colonos, indutos pellibus, lugentes in speluncis, præ ieiunitate contabescētes: in ijs tamen ærumnis naturæ triumphatores, ac beatos, ex cinere, & cilicio ad cælum, & immortalitatem conuolantes. Quantum distat humana stultitia à diuina sapientia. Eos vulgus beatos afflorentes putat, qui habitant in ebore & auro, bibunt in gemma, in purpura dormiunt. At Christus beatos prædicat pauperes, & qui calcatis gemmis, triumphato auro in lacrymis & iqualore versantur. Vter vero beatus, qui in opibus, an qui in paupertate gloriatur? Conferre vitam cum vita, beatitudinem cum beatitudine. Expalescit diues in eadem gemma, qua bibit, vigilat in culcitra plumea, & in purpureo stragulo cruciatur: pertimescit auro, argenteoque circumuallatus; nec cibus, nec somnus illi securus, metus animi carnifex, & peccati recordatio continuus con-

sciē-



scientiæ vulturius funestant omnia. quanto felicior paupertatis status, quanto maioribus bonis affluentior, quæ mentis tranquillitas subministrat ! suavis illi victus ex olusculis, & puro fonte : diues vestis ex arborum frondibus, ex animantium pellibus : quietus somnus super nuda humo ; super frigidò saxo, iucunda visa, plenæ voluptatis vigiliæ, rerum cælestium pulcherrimæ contemplationes. Definite mirari, quum auditis tot Reges, & Imperatores opulentissimis Regnis, Imperijsque possiditis, cum siluis vrbes, cum solitudine frequentiam, delicias cum asperitate vitæ, cum seruitio dominatum, cum famulatu sceptrâ, cum sacro purpuram commutasse : eam enim paupertatis felicitatem intellexerunt, vt regnis, imperijsque redimendam putarent. Illa inflammatos cenſeo Theodosios, Michaelés, Isaacios, Emmanueles, Ioannes ex Orientis Imperatoribus; ex Occidentis vero Lotharios, & Vgones, illa Reges Italiæ Rachisum & Pipinum : Hispaniæ Bambam, Veremundum Castellæ, Ramirum Aragoniæ, Carolum Germaniæ, Bulgarorum Trebellium, Henricum Cypri, Armeniæ Ioannem, & feracioris Angliæ, Sigebertum, Eltheredum, Chenredum, Offam, Inam, & Ccolulfum : illa infinitos alios minorum gentium principes, qui sceptris, & maximis opibus paupertatem prætulere. Ergo dedit illis eam felicitatem paupertas, easque voluptates, quas Regnorum luxuries, & imperiorum opulentia non dedit. O beatissimam illam terram, in qua triumphat ignominia, ridet luctus, regnat paupertas ! Quid dicerent superbi illi Romani Cæsares, & exterarum gentium Imperatores, ac Reges, qui hoc mundi punctum ferro, & sanguine sibi diuiserunt ; vt nominis gloriam, & felicitatem consequerentur. Quid dicerent, si æternis se supplicijs, & ignominijs addictos, illos vero quos tanquam luce, & spiritu indignos crudelissime mactauerunt, quos egentes, atque pannosos deriserunt, intuerentur lacero, nudoq. vestigio calcantes stellarum globos, & Solem splendore obscurantes ? Quis esset eorum animi sensus ? quis stupor & furor, videre pauperes coronatos, trabeatosque Regum instar ? contemplari coronam illam, & purpuram contextam ex innocentia vitæ, distinctam meritis, illuminatam splendore gloriæ, pictam immortalitate recte factorum ? Vtinam nobis tam beatum Regnum bonis

bonis omnibus circumfluens inuideat noster hostis, non adimat. Nunc ad vos mea se conuertit oratio, triumphantes cælitum turmæ, ducesque fortissimi. Felices qui Regnum gloria diuitijsque florentissimum, ignominia vobis & paupertate peperistis. Gratulamur vobis hodierno die, gloriam, & felicitatem vestram, & opem supplices imploramus. Vos ò Christiani nominis satores, ac præsides. Vos qui hanc Romani Sacerdotij molem in amplissimum, terrarum orbis fastigium extulistis, obtestamur, atque obsecramus: Custodite, & seruate hanc Vrbem, arcem fidei, templum sanctitatis: corroborate purpuratorum Principum ceruices, quæ terrarum Orbi fortiter sustinendo sufficiant: protegite omnes prouincias, quas Barbarorum furor aut armis oppugnat, aut scelere: auertite mala & calamitates bonis omnibus impendentes: vt Ecclesia suis ducibus, ac triumphis cælum ornauit, sic Ecclesiam suis prædijs cælum tueatur. Præclare vero facis B.P. qui tanto robore animi Christianæ Reip. calamitates his temporibus sustines: plane enim ostendis, quid de gloria sentias, & Ecclesiæ felicitate, eam gloriari in crumnis, esse beatam in procellis. Vexet improbissimus hostis Ecclesiam aut ferro, aut lingua: gloriam istam nunquam eripiet, felicitatem nunquam labefactabit. Confirmabit magis & magis: nam ferro semper, & sanguine creuit Ecclesia; artibus, atque prædijs quibus ea disseminata, & propagata est, ijs in omnibus regnis, prouincijs, populis, vrbibus, dum mundus extabit, Ecclesia conseruabitur.

## ORATIO V.



Q VOD vnum Christi æterni Regis immortalibus victorijs ac triumphis, quod sanctissimorum hominum precibus, votisque terrarum, quod cælestium ciuium gloriæ, quod virtuti deberi, quod ossibus cinerique videbatur, vt expulsiis vanitatis erroribus, superstitionum impietate sublata, nefarij Deorum commentiorum cultus, funesta sacrificia, incestæ cerimoniz, sacri-

legi



legi ritus exterminarentur; hac tandem Sanctorum omnium memoria, sacra & solemnī die, Romanorum Pontificum singulari pietate, incredibili gentium omnium læticia, immortalī Dei beneficentia, tributum est: non ut regnum impietatis, euulsis erroribus euerteretur: (hoc enim iam multo ante fuerat Christi virtute perfectum) sed ut omnes illius turpitudinis reliquię deleantur, atque ipsa etiam memoria, euersis monumentis, deletis vestigijs, maculis expiatis, exstingueretur, obliuionis tenebris oppressa sempiternis.

Et quidem Christi imperio multo ante constituto, sincere & incorrupta religio, sedem imperij & domicilium dignitatis in ea vrbe, quę victis gentibus dominaretur, inuitis hostibus collocauerat: ut quę antea impietatis atque erroris fuisset, eadem & parens sanctitatis esset, & veritatis magistra.

Commūtata erat Vrbs species, & Roma seipsa augustior, maiestatem iam sacrosancti Imperij, relictis Capitolij prophanis arcibus, in Vaticanum Cælumque transcripserat. Deorum sana aut superstitionis odio disiecta, aut vetustate labefacta, aut sanctioribus dominis dedicata. Omnia Vrbs loca, aut Sanctorum extructa Basilicis, aut decora victorijs, aut illustria monumentis. Orbis denique vniuersus Christi imperium, Roma templum augustissimum aut sanctius quoddam in hoc amplissimo templo vniuersitatis sacrarium videbatur.

Tamen nondum expiata Panthei impuritate, nescio quomodo si minus relicta, certe non penitus extincta superstitionis macula videbatur, dum ex illius infamis cloacę latebris nebula quędam obscuritatis exorta, si non huius cęli serenitatem vel obtenderet, vel inficeret, at minueret certe, eiusque salubritatem quasi sentinę odore pollueret.

Verum decreto solemnī hoc, & Sanctorum omnium gloria illustri die, dedicatis illis sanctissimis adytis, expiata, vetustatis turpitudine, & scelerum maculis abolitis, caduę illę atque inanes superstitionis nebulę, quasi clarissimi Solis exortu depulsę recesserunt: cælum ipsum, superiorum, tenebrarum caligine deterfa, hodiernę lucis pulchritudinem tot solibus, totq. siderum splendore illuminat, quot illa sanctorum Virorum triumphis victorijsq. decorata est.

Et quidem ad victoriæ magnitudinem posteris prodendam sæculis, æquum fuerat (quod victis etiam bello populis fieri ac ciuitatibus solet) vt alia Dæmonum sana diruerentur ad ignominiam, alia reseruarentur ad memoriam, alia in vsus etiam sordidiores in stabula, haras, aut si quid abiecius est, ad ludibrium conuerterentur. Hoc vero commune omnium latibulum nec desertum esse oportuit, ob superstitionis metum, nec excindendum fuit, ne nobilissimæ Ciuitati, si hic illi quasi oculus alter erueretur, multum de dignitate & magnificentia decedere videretur. Nec tamen alijs dominis fuit, quam illis ipsis victoribus adiudicandum; vt ijs potissimum seruiret, quos qui ex eo expulsi essent, propter eorum egregiam sanctitatem semper crudelissime odissent.

Ergo hoc ad gloriæ cumulum pertinere videbatur, vt qui in cælo immortalibus ornamentis & præmijs redundarent, hanc præterea voluptatem ex hostibus suis caperent, si non solum victoriarum suarum recordatione fruerentur; sed in illis etiam ipsis sedibus victorum hostium habitarent: vt quoties sacrum limen illud aspicerent, toties lætitiæ præteritorum renouaretur, & cresceret triumphorum.

Quamuis enim plurimum ad animi fructum rerum præclare gestarum recordatio valeat, viuit tamen in monumentis ac trophæis hostium, præteritæ victoriæ gloriæ, illamque ipsam hostis humilitatem victi perpetuo præsentem oculis obijciunt, nec triumphi breuitatem labi, vel fluere patiuntur, sed eam efficiunt vsu perpetuæ semperque præsentis lætitiæ immortalem.

In qua igitur Vrbe hoc tam illustre monumentum constitui oportuit, nisi in ea vnde quasi ex theatro vniuersitatis in omnes exteras gentes atque nationes laudis & gloriæ voces, approbationes, plausus, significationesque referentur? Quæ quum antea quoque princeps esset ac dominæ terrarum, dedicato tam illustri domicilio, quod etiam coronæ formam imitatur, quasi diademate atque imperij insignibus, tot illigatis insertisque sideribus exornata est.

Vicistis egregie viri Beatissimi, reliquum est, vt qui impurissimos hostes de antiquissima loci possessione deiecistis, eos in sortem Domini debacchantes comprimat. Scitis quibus Ecclesia Christi bellis prematur, quibus machinis

chinis appetatur, quibus insidijs circumueniatur, quibus hostibus obsideatur : & multo hæc etiam illustrius in gloriæ vestræ luce conspicitis , quàm quum nobiscum in huius vitæ tenebris, pro illius incolumitate dimicabatis ! sanctissimæ religionis vel tyrannide oppressæ , vel errore pollutz, omnis ille prope splendor, quem quondam vidistis, extinctus est . Clades nostras orbis terrarum testatur, atque ostentat notissimarum reliquijs ac vestigijs ruinarum : omnis denique ille prope pristinus gloriæ exultus repressusque flos, siti veteris fecunditatis exaruit .

Audite igitur ò sanctissimi Cælitæ, audite gentium omnium, audite huius sacri confessus , audite Pontificis Opt. & Maximi plena æquitatis , plena pietatis & doloris vota, qui in tantis rerum fluctibus vna vestra pietatis fiducia ad spem restituendæ pacis , & tranquillitatis nititur . Nunc tempus est vt experiatur, quantum apud Opificem omnium & gubernatorem Deum, cui semper fuistis charissimi, gratia valeatis . Multum quidem huius precibus lacrymisque debetur, multum quoque iam tributum est , speramus etiam in dies meliora .

Opitulamini igitur ei, qui omnem spem amplificandæ Christianæ dignitatis , in vestra secundum Deum misericordia habet, beneficentiaque repositam . Adeste ope, præsidio, consilio, precibus . Facite vt qui Christianam Remp. tranquilliores multo quàm superioribus fuerit temporibus reddidit, etiam breui videat in terris, vbi militat, deuietis hostibus tuumphantem.





# DOMINICA PRIMA

## A D V E N T V S.



### ORATIO PRIMA.



V O D. olim in Areopago Athenien-  
sium instituto, Pater Beatissime,  
oratoribus prænunciabatur, vt sine  
proæmijs vel epilogis causas per-  
orarent, illud mihi hodierna die  
voce muta imperari videtur. Hu-  
ius enim graulissimi confessus ma-  
iestas & celsitudo, sacrati temporis  
religiosa. solemnitas, natura causæ

de qua futurus est sermo, accendunt satis ac inflammant.  
De vltima humanarum rerum vicissitudine differendum  
est, qua tandem mortalium indefessis curis apponetur fi-  
nis, & desideriorum nostrorum rota, perenni agitatione  
animos crucians ac dilacerans, validissima Dei dextera  
firmabitur, & conquiescet. Delitiosi tunc & delicati luxus  
accuratissime præmeditati subuertentur, subdoli & fraudu-  
lenti latentes laquei, & telæ subtilissimæ ante solem istum  
reuelabuntur, & dirumpentur simul. Hos intuens in illo  
tremendo die Isaias, aiebat: Mærebunt piscatores, luge-  
bunt mittentes in flumen hamum, confundentur, qui ope-  
rabantur linum, plectentes, & rexentes subtilia. Ad illos  
autem reuersus veluti subridens, aiebat: Cessauit gaudium  
tympanorum, quieuit sonitus lætantium, conticuit dulce-  
do citharæ cum cantico, non bibent vinum: attrita est ciui-  
tas vanitatis. Qui habet aures audiendi audiat. Consul-  
tius sane nobis esset, qui in ista scæna futuri sumus rei, iux-  
ta magni Gregorij sententiam, iudicia Domini metuenda,  
formi-


*Isai. 19.*

*Isai. 24.*

formidoloso silentio venerari, quàm sermonis apparatus illa recolere. At laudabili consuetudini morem gerendo, pauidè ac religiose rem aggrediamur. Rationem primo perquiram, qua ductus supremus omnium conditor, solas sub sole filiorum Adam causas decreuerit publice examinare, & sub iudiciaria forma discutere ac diffinire. Secundo attingam breuiter, qualis & quantus futurus sit iudex.

Humanæ naturæ dignitas, diuinus honor & gloria concordî suffragio protulerunt, immo & vnanimè postulant: Iudicetur homo ad tribunal iudicis, astet sui forumque omnium rationem redditurus. Cur ita? ille enim solus inter animantia cuncta pleno gaudet dominio, tanta voluntatis libertate pollens, ut neque ab auctore suo cogi queat. Sed obijcies, nonne cor regis in manu Domini, quocumque voluerit vertet illud? Vertet quidem efficacissimo impulsu, sed suauis: validissimo, sed dulcis. Attingit enim *Sap. 8.* suprema sapientia à fine vsque ad finem fortiter, & disponit omnia suauiter: id est, illi reseruatur tanto fœdere fortitudinem, & suauitatem coniungere, ut nec suauitas atenuet fortitudinem, nec fortitudo inficiat suauitatem. Acute factis Bernardus: Attingis Domine cuncta fortiter & suauiter: fortiter pro te, voluntati enim tuæ quis resisset? suauiter pro me, libertatem enim meam quis dissoluet? O grandis naturæ dignitas, præclarum & sublime humanæ conditionis priuilegium. Tibi ò homo concessum est ad Dei imitationem modo hoc, modo illud operari, non cæco naturæ impetu, sed præuia consultatione ac electione spontanea. Merito ergo tibi adaptatur tribunal, te expectant præmia, vel supplicia, te alicient coronæ, vel ignominia deterrébunt. Exurge Deus non confortetur homo, iudicentur gentes in conspectu tuo: constitue Domine legislatorem super eos (clamabat Regius propheta) ut sciant gentes quoniam homines sunt: ac si diceret, si legislatoris seueritas humanos actus non discutiatur, ignorabunt gentes quidnam sit, homines esse: vel enim propriam excellentiam obliuioni tradentes, iumentorum mores sectabuntur, vel plus æquo illam extollentes, diuinos honores affectabunt.

Quod autem diuinus honor iudicium hoc efflagitet, clare Propheta testatur, dicens: Honor regis iudicium diligit. *Psal. 95.* Idque



*Prov. 8.**Apoc. 21.**Psal. 73.**Psal. 72.**Iob 22.**Malac. 3.**Mar. 13.*

Idque sic ostendo : mundus iste palatium regale est & domus regia, illi persimilis, quam olim rex pacificus construxit pro dulci otio captando. Cælorum enim Dominus, hominum amore denictus de suo stellato solio descendens siluas & nemora nostra non abhorruit : immo intra ferarum latibula domicilium sibi parari voluit, ingenue protestans : Delitiz meæ, esse cum filiis hominum. Mirabile diuini amoris argumentum, quod cælum ipsum in stuporem adduxit. Et audiui vocem magnam de cælo dicentem, aiebat Ioannes, Ecce tabernaculum Dei cum hominibus, & habitabit cum eis. Si igitur domus est regia, reueletur aliquando huius domus venustas, appareat regis æquitas & rectitudo, segregentur fatuæ à prudentibus virginibus, permundetur area, ne tamdiu palearum leuitas frumenti soliditatem occultet, euellantur zizania, quæ bonum suffocant semen, pereant impij, puniantur scelerati. Exurge Domine iudica causam tuam, tua res agitur, honori tuo consuli-to : alias ineptus quisque, vel de sapientia tua dubius percontabitur, Si est scientia in excelsò : vel tuæ iniurius prouidentiz asseuerabit, Circa cardines cæli perambulat, nec nostra considerat : vel virtuti detrahens, & iustis insultans, illud Malachiz impudenter proferet : Vanus est, qui seruit Deo, & quod emolumentum, quia custodiimus præcepta eius ? Beatos dicemus arrogantes, si quidem ædificati sunt facientes impietatem, tentauerunt Deum & salui facti sunt. O vere vtilissimam gehennæ pœnam, quæ scelerum obliquitas quoquo pacto ad ordinem reducitur : ò pulchram, & decoram pyram, quæ supremi regis iniuria castigatur, ò certe necessariam creaturam, quæ si post culpam deesset & imperfecta familia, & familiæ pater improvidus censeretur. Sed iam vterius progrediamur. quando hæc erunt ? & quod signum consummationis sæculi ? Antiqua satis & peruetusta petitio, sed hucusque nec ipsis Angelis concessa, De die illo nemo scit neque Angeli in cælo, neque Filius hominis, sed solus Pater. Dimittam ergo fabulosa & friuola, quæ ante veritatis hanc sacram Sedem proferre non licet : neque enim vt Basilius dixit, mentis nostræ germina tradere cupimus, ne humana commenta mysteria nostræ religionis appareant, sed quæ a patribus accepimus, ea annunciamus. Inopinatus adueniet dies ille  
sicut

sicut fur, occultus sicut laqueus, subitus sicut fulgur. At si ex signis coniectandum est, calamitosum diem illum non procul distare, quod vehementius vrget ac premit, est execrabilis & inaudita quædam bonorum cælestium obliuio, terrenorum vigilantissima cura, & perditissimus amor. Sicut factum est in diebus Loth, dixit summa Veritas: Edebant & bibebant, emebant & vendebant, plantabant & ædificabant: qua die autem exijt Loth à Sodomis, pluit ignem & sulfur, & omnes perdidit: secundum hæc erit, qua die Dominus reuelabitur. Edebant & bibebant olim homines, emebant & vendebant, plantabant & ædificabant. Sed debito vsui, & necessitati seruientes: qualiter autem nostris temporibus carni indulgeamus, immo qualiter luxus, & voluptas colatur & adoretur, proponat gentium Doctor orbis & Vrbs vnicum ornamentum: Multi ambulant, quos sæpe dicebam vobis, nunc autem & stens dico, inimicos crucis Christi, quorum finis interitus, quorum deus venter est, qui terrena sapiunt: idest, terrena non segniter, non obiter, nec moleste pertractant, sed exactissime, iucessanter, iucundissime: qui de terrenis subtilissime philosophantur, qui tandem terrena vsque ad vltimum pertractare contendunt: non vulgo nota placent iam gaudia, non vsu plebeio trita voluptas, non placent suetæ dapes, non testæ, non vilis cibus. Denique Socraticum illud sed praua mente receptissimum est, Quæ sunt supra nos, nihil ad nos. Quid ergo superest? Tempus faciendi Domine, dissipauerunt legem tuam.

Matth. 24.

Lucæ 17.

Phil. 3.

Psalm. 118.

Tunc videbunt Filium hominis] Iudex nobis præscribitur, quem velle refugere summa est insania, nec enim ab oriente nec ab occidente patebit fuga, quoniam Deus iudex est: nec illum recusare licet, quia homo, caro enim & frater noster est. Quis recusabit iudicem, quem redemptorem fatetur? Quis illius suspectam habebit amicitiam, qui sanguine, & vita eam obsignauit. Quis illius renuet tribunal, qui pro victoria rei profanum tribunal subire voluit? Descendet itaque potentissimus iudex Angelorum, millibus circumuallatus, in nube lucida, veluti triumphali curru euectus, signo crucis desuper irradiante, tamquam totius triumphi regali vexillo, collocabuntur throni, sedes apponentur, aperientur libri, silentium indicetur: Terra enim

Psalm. 74.

enim



*Isai. 18.**Mal. 3.**Psal. 74.**Cant. 4.**Cant. 6.**Isai. 33.**Deut. 32.*

enim tremuit & quieuit cū exurgeret in iudicio Deus. Quāta maiestas, quāta venustas, quanta seueritas ibi erit! Deorsum astatit impiorum turba millies infelicititer nata, demonum agminibus obfessa, iam in fasciculos distributa, parati in cibū ignis inextinguibilis: torsiones & dolores tenebūt, Isaia teste, quasi parturiens dolebunt, vnusquisque ad proximum suum stupebit, facies combultæ, vultus eorum lacrymabiliter montes deprecabuntur, Operite nos: nec audientur, interpellabunt mortem, & fugiet ab eis: Conuertimini filij mendaces, intuemini illum, cuius vultum desiderabat olim vniuersa terra. Sed quis stabit ad videndum eum? non iam mitis & mutus agnus, sed leo sruissimus & rugiens, non iam brachia extensa amplexus vltro gratissime offerentia, sed in vindictam erecta vibrabunt lanceam, pietatis vulnera, antiqua miserorū refugia præclusa erunt, non iam cordis spatiosa & speciosa fenestra amoris industria elaborata amabiles, sed vlerices & hostiles flammæ emittet. De pijsima dextera olim plena diuitijs, & gloria dicetur: Iusticia plena est dextera tua. & tandem labia illa, quæ fauus erant distillans, iram longo temporum decursu thesauriza: am effundent clamando: Ite maledicti in ignem æternum, ite. Cessauit vox suauis toties repetita. Reuertere, reuertere Sion mitis. Vocauit enim & renouit, ite ergo ite. Tu Domine via es, veritas, & vita, quo ibunt si a te recedunt? In ignem æternum. Quis poterit habitare cum igne deuorante? Quis habitabit cum ardoribus sempiternis? Quis in illo flammæ pelago poterit cum ignibus perpetuo colluctari? Sed age obsecro pietatis origo, miserationum fons, totius consolationis pater, qua saltem benedictione suffultus infelix filius, a paterna domo repulsus intra flammæ globos reiecitur? Ite ait maledicti. O verbum asperum, o acerbum nuncium, o maledictio omnium maledictionum silua! Congregabo, dixerat Dominus, super eos mala, & sagittas meas complebo in eis. ac si diceret, sicut pro mei gregis sorte felicissima, benedictione vnica, bonorum omnium cumulum superfluentem conficiam; ita pro impiorum sorte vndequaque derestabili, maledictione vnica cunctorum malorum congregabo congeriem. Sagittas meas complebo in eis. Sagitta vna olim vniuersum orbem, diluuiο perdidit, sagitta alia

Sodo-

Sodomam & finitimas ciuitates dissipauit, telo vnico totius Ægypti insolentiam depressit, at in illo die contra impium exinaniturum se ultionum suarum pharetram promittit. Sagittas meas complebo in eis, lanceis meis impium traiciam, gladijs meis cum transuerberabo, vniuersis illum sagittis feriam, pharetra mea veluti exhausta, & vacua relinquetur. Quis tam ferreus, qui ad vocem huius tonitruum absurdescat? Quæ ratio sic adeo sepulta, quæ huius supplicij stupore non excitetur? Tempus habemus, vita manet, facultas suppetit, iudex sustinet, assidue vocat, veniam promittit: occurramus omnes, præteruolat enim cum vitæ momento æterni lucri non contemnenda oportunitas. Quod fiet si præstante Domino, consilium illud Bernardi mente & opere teneamus: Ante horrificum illud tribunal assistere curemus, vt iudicati, non vt iudicandi.

## ORATIO II.



O tandem vilis ac misera hominum conditio euasit B. P. vt cum, S. Christi Ecclesia miserationum Domini haudquaquã immemor, magnum illud pietatis sacramentum, quod manifestatum est in carne, annua commemoratione celebrandum diuino aſſatu ſpiritu inſtitueret, non prius filijs ſuis pientiffima Dei Saluatoris noſtri viſcera aperire viſa fuerit, quã formidabilem eis diuini iudicij ſeueritatem ob oculos poneret: vt vel ipſa terribilis iudicij expectatione correpti, ſuauiſſima Dei miſericordia, longanimique benignitate minime abuterentur. Neque prius vnigenitum, Dei Filium paruulum nobis datum inter duo animantia vili reclinatum præſepio auſa fuerit oſtendere, quã lucidiſſimo Angelorum agmine comitatum in maiestate & poteſtate magna, ſeueriſſimum iudicem venturũ prædiceret, horribiliaque aduentus eius in Sole, Luna, & Stellis ſigna prænuntiaret; ne ipſa magni Principis occultata potentia,

D

ſerui-

feruilem formam pusillo in corpore absque vlllo dignitatis splendore, humanis conspectibus exhibitam, cæci & stulti homines forsan contemnerent. Præpösterus quidem ordo, sed ob vilissimum hominum genus necessario commutandus. Quare Patres Ampliff. in hac prima sacri Aduentus Dominica de secundo Christi aduentu ad iudicandum verba faciam & quàm potero breuissimè: sed quis poterit cogitare diem aduentus eius? aut quis stabit ad videndum eum? sola terribilis huius diei præfensione perterriti obstupescunt cæli, columnæ cælorum contremiscent, cælestes virtutes conturbatæ mouebuntur, obscurabitur Sol, tenebrescet Luna, Stellæ ex cælo cadent, & miseri homines præ timore & terribilium malorum expectatione arescentes, demisso in terram vultu, ad æneum iratumque cælum trepidanti voce, flebilique vlulatu clamabunt. Sed quæ obsecro, tanti erit timoris causa? quæve in orbe toto tam indicibilis conturbationis occasio? Tunc videbunt, sacri inquit Euangelistæ, Filium hominis, venientem in potestate & maiestate magna, & plangent omnes tribus terræ. Mira sane res, quòd Filius hominis mundum ingrediens, ipsum conturbet totum, tantoque pauore conficiat, cuius conspectus, omnium malorum ac dolorum sœuitia flagrante, summum deberet hominibus solamen asferre, nouumque lætitiæ genus, vt in primo eius aduentu contigit, vniuersis insensibilibus etiam creaturis inducere. Quem times ò miser homo? cuius perhorrescis aspectum? Filij hominis, cuius delitiæ sunt esse cum filiis hominum? Qui, vt homo non pro Deo, sed vere Deus homini esset, ex ipso æterni Patris vtero ante luciferum genitus, factus est in tempore Filius hominis: & in magno illo suæ virtutis die cum in splendoribus sanctorum in suprema Filij Dei maiestate mundo apparebit gloriosus, quasi suppresso diuinitatis nomine, ipsa Filij hominis compellatione gloriabitur. Videbunt Filium hominis. Cur ergo tantopere Filium hominis times ò homo? nonne hic pater tuus est, qui creauit te; qui genuit te, qui in visceribus cordis sui portauit te, qui cum ei adhuc inimicus esses, te nimia æternaque charitate dilexit, qui inestimabili vitæ suæ pretio te miserum captiuum redemit, qui pretioso sanguine suo te sordidum & maculatum lauit, qui pro te, pro tuisque sceleribus quasi mansuetum

tum agniculum semetipsum tradidit immolandum. Quod si te insuperabilis Iudicij leonis fortitudo terret, nouimus quoque benignam & nobilem leonis iram; nam Parcere prostratis scit nobilis ira leonis. Verum cum sit timida nequitia, horrendumque sit incidere in manus Dei uiuentis, non mirum si peccator & impius ipsum Filij hominis conspectum pertimescat, & ante excelsum & eleuatum eius iudicis solium, qui mortuus fuerat, & de morte triumphans uiuit gloriosus, horribili pauore commotus deficiat ac corruat. Et si de excelso Dominus ut furens leo rugiet, quis non timebit? Nam solitum fuit Aegyptijs inخورابى lem & truculentam iram horrida rugientis & furentis leonis effigie catulos suos unguibus ac dentibus crudeliter dilanantis Hieroglyphica significatione describere. Nec quidem immerito in die illo pertinax impiorum nequitia, furem pertimescet Iudaici leonis iram, quam sub mansueta agni forma occultatam, eiusque insuperabiles vires iam olim fuerat experta: quando tyrannicum peccati imperium Christus moriendo destruxit, & sœuissimam nequitia tyrannidem ad ignem usque & sanguinem sub infimitatis specie uti bellator fortis viriliter expugnauit. Calcaui, inquit, eos in furore meo, & conculcaui eos in ira mea, & aspersus est sanguis eorum super uestimenta mea. Et ut alter David, quasi tenerrimus ligni vermiculus in ipso crucis ligno pendens, impetu uno interfecit octingentos, abstulitque iniquitatem terræ in die uno. Quod si tenerrimi vermiculi furorem, si mansuetissimi agni iram impia hominum nequitia ferre minime potuit, quidni rugiente ac sciiente leone expauescat? si à facie iræ columbæ totum iniquitatis & peccati corruit imperium, quidni à facie furoris Domini in potestate magna mundum iudicare, uenientis, ipsa pertimescat iniquitas, miserosque peccatores & iniquos præ malorum timore arescentes horribili pauore conturbet? Tunc enim (absit iniuria verbo) implacabilis dira & truculenta sœuiet agni leonis ira: non parcat oculus eius, neque cuiusquam miserebitur peccatoris, ipsos quos genuit filios, quos anxio parturientis dolore concepit, proprijs manibus dilaniabit, suisque passundabit pedibus, & quos incomparabili sanguinis sui pretio moriens emit, gloriosa tunc vita fruens, uti vilissimam stipulam in-

Amos 3.

Isai. 63.

2. Reg. 23.

*Malach. 3.**Matth. 24.**Psal. 96.**Osee 10.**Luc. 23.**1. Cor. 4.**Isa. 1.*

ferorum igni perpetuo cremandam inexorabili furore tradet; Ite, inquit, maledicti in ignem æternum. Quis ergo poterit sustinere diem aduentus eius, aut quis stabit ad videndum eum? Stellæ non stabunt, sublimiores Ecclesiæ Principes, illustriores Euangelici sacrorum mysteriorum dispensatores, qui in caliginoso militantis Ecclesiæ statu, quasi radiantes stellæ lucent, sole iustitiæ exorto, suum omnem in die illo splendorem amittent, & quasi ex supremo calorū fastigio deiectioni misere ruent, quando cœperit Dominus à seruis suis exposcere rationem. Non ut pater cum charissimis filiis dissimulanter agat, non ut primogenitus cum suis fratribus de paternis bonis fraternali beneuolentia conueniet, non ut amicus suis debita liberaliter condonabit, sed cum seruis suis rationem ponet, exacta inuestigatione disquirens, quis fidelis fuerit seruus & prudens, quem constituit Dominus super familiam suam: non stabunt montes, excelsiores nimirum sæculi potestates, & potentissimi orbis Principes; nam viderunt montes & doluerunt, & sicut cera fluent à facie Domini iudicantis terram: fastigiosamque pristinæ sublimitas altitudinem contemnentes montes montibus dicet, Cadite super nos, & colles collibus, Operite nos: quia pusillum & magnum iudicabit Dominus, & contra omnem superbum & arrogantem irato vultu confurget, destruetque ciuitates & non reputabit homines: nec mirum si non reputet homines, quando eorum destruxerit ciuitates, Ægyptique idola confregerit, in quibus miseri peccatores suam omnem habent fiduciam. Sed neque stabunt hi, qui vel stulta vulgarique hominum opinione, vel fallaci propriæ conscientiæ testimonio seducti, nunc se putant stare, de sua iustitia & sanctitate gloriantes: quoniam orietur in die illo sol iustitiæ, qui illuminabit abscondita tenebrarum, & reuelabit occulta cordium, qui lucem secerneret à tenebris, & pretiosum à vili separabit: quo vera splendescet sanctitas, veraque iustitia clarescet: Scrutabitur enim Dominus in lucernis solis iustitiæ lumine accensis, non impiam & prophanam Babylonem, quæ tanta disquisitione non eget, sed Hierusalem ciuitatem sanctam, diuinis dicatam obsequiis. Et multi qui in hac hominis die gloriantur se nosse Deum, in magna illa die Domini terribilem illam vocem à iudice iusto audient, Nescio

vos:

vos: & velint nolint tandem dicent, Iustus es Domine, & *Matth. 25.*  
 rectum iudicium tuum. Sed nunquid omnes illo die cor- *Psal. 128.*  
 ruent? omnes peribunt? stabit nullus? iustus morietur  
 cum impio? absit, sed stabunt hi, qui vere iusti fuerint in. *Sap. 5.*  
 magna constantia aduersus eos, qui se oppresserunt, & a ty-  
 rannica impiorum seruitute redempti, leuabunt capita sua,  
 erectisque in cælum luminibus Filium hominis in maiesta-  
 tis gloria venientem læti suscipient, & inenarrabili gaudio  
 per fusi ipsum audient dicentem: Venite benedicti Patris  
 mei percipite Regnum, mercedem laborum ego reddam  
 vobis.

## ORATIO III.



A est diuinæ bonitatis conditio (Bea-  
 tissime Pater) vt modo homines alli-  
 ciat beneficijs, modo terreat iudicijs  
 vltionum: blanditur enim simul, &  
 minatur. Si non blandiretur, inquit  
 S. Prosper, vix esset exhortatio: si non  
 minaretur, rara esset correctio. Qui  
 etiam si irascatur in Euangelica le-

*S. Prosper.*

ctione, idcirco irascitur, ne in perpetuum irascatur, & mi-  
 sericorditer ante iudicium adhibet seueritatem, ne æternā  
 iuste inferat vltionem. Tametsi, vt verum fatear, tot iu-  
 dicij portenta, ipsamet secundi aduentus forma, si impios  
 deterrebunt, (turbabuntur enim, & timebunt qui habitant  
 terminos iustissime Iudex, à signis tuis) iustis plausum ex-  
 citabunt, cum proposita ficulneæ parabola animentur: Re-  
 spicite, & leuate capita vestra, ecce appropinquat redem-  
 ptio vestra. Primo igitur terrorem implorum, mox iu-  
 storum lætitiā breuiter attendamus.

*Psal. 64.*

*Luc. 21.*

Erunt signa in sole &c. inquit Christus Dominus in Euan-  
 gelio. Rectissime id quidem ait S. Gregor. vt ea quæ no-  
 stris vsibus accommodata in culpam conuertimus, ipsa in-  
 quam, nos faucient. Rationabiliter ait S. Chrysost. vt mo-  
 riente Patrefamilias vniuersi, omnia subiecta pedibus eius  
 lugubri amictu acerbissimam vim doloris ostendant. Quasi

*S. Greg.*

*S. Chrys.*

muta



*Psal. 18.**Sap. 14.**Isai. 30.  
Tren. 4.**Psal. 138.**Sap. 5.**1. Macch. 6.*

muta voce , sed multum loquaci cæli ipsi (quorum non sunt loquelæ neque sermones, vt non audiantur voces eorum.) peccatores alloquantur . Ergone diurnæ nocturnæque nostræ vicissitudines vestris vtilitatibus attemperatæ, ortus, occasus, lumen, influxus tantum obfuerunt , vt essent intantationem, & muscipulam pedibus insipientium ? Cur nostris facibus vobis illuximus, si lumine nostro abutentes, contra illum, qui lucem inhabitat inaccessibilem dimicatis ? Vtinam hæc ipsa lux, quæ rutilans vestri fuit comes delicti, nunc obscurata, sit ministra doloris . Hem radios radios, si expansi quandoque ad peccandum allexistis, detenti nunc, à peccato reuocate . Parua vestra iactura est, nam tandem erit lux lunæ, sicut solis, & solis septemplex effulgebit : sed peccatorum facies denigrabitur super carbones . Saltem si non profuerunt lumina, profint tenebræ, & si in lumine velut in tenebris aberrastis, illucescant vobis nunc tenebræ nostræ, vt sit nox nostra illuminatio vestra, non in delicijs, sed in mœstitijs nostris . Rationabiliter tandem erunt prodigia in cælo sursum, & in terra, deorsum, vt creatura omnis Creatoris iniurias vlciscatur . Armabit enim Deus creaturam in vltionem inimicorum, & pugnabit sicut scriptum est, cum eo orbis terrarum contra insensatos . Liceat paulisper in belli huius calamitatibus recensendis immorari . Videmus quotidie, pacis tempore, milites excubijs, & custodijs destinatos, cum procul absit lituum rumor, tubarum clangor, armorum strepitus, in armorum cultu, & elegantiâ occupatos, & tantam interdum præferunt pulchritudinem, vt equitum phalanges, cristatæ galeæ, deaurati clypei, hastæ fulgentissimæ intuentium oculos ad se conuertant, quinimo solaribus radijs repercussi, tanta est clypeorum, & galearum coruscatio, vt merito dici possit, Refulsit sol in clypeos aureos, & resplenderunt montes ab eis . Sed cum pugnandum est, & manus cum hoste conferendæ ; tunc nulla militi ratio, nulla cura ornamentorum est, nulla certæ stationis habita ratio, miscentur exercitus, confunduntur omnia, nec aliud videre iam liceat nisi instar niuis iaculorum ingruentium impetum, densam caliginem, fumum omnium oculos excæcantem. Hic sanguinis torrentes, ibi cadauerum acerrum : hic cadentium gemitus, ibi stantium clamores : hic rotas,

& cur-



& currus sanguine tinctos, ibi contractos arcus, sagittas, scuta, gladios, & bellum; tantam denique calamitatem, *Psal. 45.* vt etiam fortissimi, & inuictissimi duces sola militiæ recordatione exhorrescant. Verum militiæ ista pictura modo expressa, puerorum potius ludus, & oblectatio quàm bellum censi debet. Illud certamen est metuendum, quando in nouissimo die, die pugnæ, die hostis, & belli, accingetur militia cælestis exercitus, ad faciendam vindictam, in nationibus, increpationes in populis. Leuate in excelsum oculos vestros, & certè in operibus digitorum suorum exultabitis. Quàm perfecti sunt cæli, & omnis ornatus eorum: siue vt Chaldaus legit, exercitus eorum. Verè gloriosa species cæli, gloria stellarum mundum illuminans: stellæ enim dederunt lumen, in custodijs suis, & vocatæ, dicunt, Ecce adsumus: vt merito à magnitudine, & specie earum, possit rerum opifex Deus agnosci. Attamen cum exurget in iudicio Deus, tabescet (Isaias ait) militia cælorum, & complicabuntur cæli, sicut liber: Sol obscurabitur, Luna non dabit lumen suum, stellæ cadent de cælo, in luce sagittarum ibunt in similitudinem fulgurantis hastæ suæ, vt hinc cernas ignem, sanguinem, vaporem fumi, inde cruores occisorum, & in triumphi signum, cælestes ciues lauantes manus in sanguine peccatorum. In tam horribili clade, & bellico apparatu, si vix iustus erit securus, quid faciet peccator? quo se vertet? quo fugiet? cum cæli, terræ, maris, & vniuersæ creaturæ stimulis ad gehennales flammæ urgeatur. De scorpione tradunt naturales, & experientia compertum est, si vndeque flammis accingatur, vim luminis ferre non valens, præsentiens vim ardoris, iactetur, stimuletur, crucietur, agitetur in rota miser: omnem aggreditur viam, huc & illuc concursitando, si forte, rimulas reperiatur, vnde diffugiat: sed cum omnis euadendi ei præcludatur locus, vindictæ potius, quàm naturæ instinctu ductus, suimet sit carnifex truculentus, nam venenata cauda, & proprio aculeo proprium corpus pungit atque cruentat, vt hoc sit illi dulcius proprio furore se exdere, quàm flamma prius possit exurere. Talis erit peccatorum fors accerbissima. Ignis enim iudicent præcedet, & inflammabit in circuitu inimicos eius. Sursum sedebit Triumphator in Israël, qui non parces, nec pœnitundine flectetur.

Dilata-

*Daniel. 9.  
Cant. 3.  
Aper. 6.*

Dilatabit deorsum infernus animam suam absque ullo termino : in circuitu throni millia millium, & decies centena millia assistent ei , omnes tenentes gladios, & ad bella doctissimi . Abscondent se homines, in speluncis, & in petris montium, à facie sedentis super thronum, & ab ira Agni . Sed quo fugitis ? quo pergitis ? quo tenditis ? clausa est ianua , nulla salutis via vobis referabitur , neque ab oriente , neque ab occidente , neque à desertis montibus ,

*Psal. 74.*

quia Deus iudex est . Quomodo ergo impius in tanta angustia, non sub peccato tristis ? quomodo non sub iudice tremens ? quomodo non sub theatro orbis totius erubescens ? quomodo non sub criminibus desperatus ? Quid tandem ?

*Psal. 111.*

Peccator videbit, & irascetur, dentibus suis fremet & tabescet : fremet culpa, tabescet pœna, fremet iustitia, tabescet iudicio ; fremet priuatus gratia, tabescet orbatus gloria ; fremet conflagratione vniuersi, tabescet æterni plaga supplicij : fremet, & tabescet ; nam conscientie aculeo ( stimulus enim mortis peccatum est ) animam suam lacerare incipiet, antequam deputetur igni ardenti, & ardoribus sempiternis . Sed bellorum peritis militaris tuba insonat

*1. Cor. 15.*

disciplinam , pauidis timorem, suis addit vires, hostibus pauores . Non secus vox Christi, ( quæ non arcto spiritu per concauum ligni cornu, exigui tantum sonitus dabit mugitum, sed quæ de cælo intonans mortuos reuocabit ad

*Isai. 33.*

vitam ) sicut impijs metum incutit, ita electos consolatur, cum dicit, Ab arbore fisci discite parabolam ; his enim præcedentibus signis, mox canitur : Ficus protulit grossos suos, tempus putationis, hoc est, iudicij aduenit . Tunc electi ( Isaias inquit ) leuabunt vocem suam, atque laudabunt cum glorificatus fuerit Dominus, hincient de mari . Verè hincient fugatis voluptatum spumis, vitiorum fluctibus superatis, decursis criminum procellis, possidentes paschæ portum, lucrum vitæ, gaudia resurrectionis . Vox ista

*Matth. 24.*

*Luca 21.  
Cant. 2.*

( Beatissime Pater ) exultationis , & salutis reperitur in tabernaculis nostris, & si diligimus aduentum eius, dicamus : Veni, nam spiritus, & sponsa dicunt, Veni . Veniat

*Isai. 24.*

veni, qui coronet nos in misericordia, & miserationibus . Veniat veniat, ut carnem reparet, animas innouet, & vniuersa in meliorem statum reformet . Veniat veniat, ut peccatum tollat, mortem deleat, sepulchri destruat mo-

*Aper. vii.*

lem ,

*Psal. 108.*

lem, inferis bellum inferat, mortuis vitam inspiret, resurgentes ad vitam gratiæ, euocet ad triumphos. Audiamus, quid respondeat Sponsus: Venio cito. Veni Domine Iesu, & gratia tua sit semper cum nobis omnibus.

*Apet. vii.*

Amen.

## ORATIO IIII.



**S**EFFICERET hodierna die (Beatissime Patēr) vt arescerent homines præ timore, & expectatione, quæ superuenient vniuerso orbi, Solis, & Lunæ obscuritas, defectus, & lapsus syderum, cælestium virtutum, & elementorum inopinata turbatio, gentium pressura, maris fragor, & strepitus, terra internis externisque agitata concussibus, tubæ sonitus, pavor insolitus inferorum, spontanea referatio sepulchrorum; si his fieri incipientibus non inuitarentur ad tripudia, non prouocarentur ad palmas: Respicite & leuate capita vestra, ecce appropinquat redemptio vestra. Mira Dei dispensatio, animari hominem ex horrore, quo crederetur extingui. Vt siue hinc ex lenitate ad fiduciam excitetur intentio; siue illinc ex iudicio accendatur vtilis timor, semper, & misericors, & iustus appareat, cum rationali naturæ, & mansuetudine consulat, & flagello. Primo ergo terroris, mox fiduciæ argumenta perpendamus.

*Luc. 21.*

Minatur, ecce, propria mundus excidia, & vniuerso concusso, natura deficiens, ad terrendos, impios, vltimi exitus monumenta testatur. Erunt signa in Sole, & Luna, & stellis. Quæ signa? Respondeat Isaïas: Quoniam stelle cæli non expandent lumen suum, obtenebratus est sol in ortu, & luna non splendet in lumine suo. Quid ita? erubescet enim sol, & confundetur, cum Dominus in conspectu senum suorum fuerit glorificatus. Cur ista? Cernentes (ait Hieronymus) nil dignum præstitisse bonitate eius, qui solem suum oriri facit super bonos, & malos. Quid? si non erubescerent, sed timerent? an potius, veluti sanguine præcordia inuadente palleferent? Ita prænunciat Joel: Sol,

*Isai. 13.*

*Isai. 24.*

*D. Hier. in*

*hunc loc.*

*Isai.*

*Joel 2.*

E

& Lu-

*Orig. ho. 30.  
in Matth.  
Chrys. hom.  
77. in Mat.  
Schol. in 4.  
dist. 46.*

& Luna obtenebrati sunt, & stellæ retraxerunt splendorem suum. Quo pacto? siue ob conflagrationem fumo cælestia lumina offuscate, ex Origene: siue Dominicæ crucis superueniente fulgore, ex Chrysostomo: vel densarum nubium, interpositione, vel luminis suspensione ex Scholasticis: certum est, quod dies tenebrarum tyrannide exclusus, obscuram noctem dissimulato iure contradictionis admittet, importunæ tenebræ aliena tempora inuadent; ut moriente die, nec vera nox nascatur, & oriente nocte, suum dies sentiat occasum. Quod si quidpiam tremulo videatur splendere sub lumine, & eructantes flammæ, seu incendia, igniti globi, fulgura per conscissas nubes discurrentia, spissam innaturalis noctis caliginem illustrare videantur, non erit propterea terra illustrata fulgoribus, sed inclinato per alternos vices pondere commota dissiliet, & circumstrepentibus tam maris undis, quam igne fluctuante adoperta succumbet. Tanta igitur rerum perturbatione loquetur mundus occasum suum; nec tam contra rebelles rationabiliter creaturas conspirasse demonstrabit, quam diuinam sapientiam, in eiusdem molis dissolutione admirabilem exitisse, prædicabit. Nam, quemadmodum qui definiturus est tempus, & horam, qua somno excitetur, horologij rotas diligenter componit, lineas, & puncta adamussim intersecat, & tantum abest, ob leuem illam rotarum susurrationem excitari, quod inde placidissimum somnum sibi conciliet. At cum minorum peruolauerit tempus, ruunt rotæ, aguntur, colliduntur, ut ob earum violentam concursitationem, horologij structura dissolui videatur: excutitur somnus, cui gilat homo ad opus suum, & ad operationem suam usque, ad vesperam. Non secus, qui fabricatus est auroram, & solem, statuit diem, in quo iudicaturus est orbem terrarum in æquitate. Idcirco qui cælestia lumina efformauit, ut essent in signa, & tempora, & dies, & annos, ipsemet aptauit cælestes rotas, substantia fusas quasi ære solidissimo, magnitudine spectabiles, figura tornatas, situ subordinatas, impetu celeres, motu veloces, non agitatione exesas, nec sex millia annorum spacio consumptas: tanta leuitate præditas, ut à se ipsis moueri diceres, nisi spiritus vitæ esset in rotis, assistens scilicet intelligentia. Quibus cum nullo corporeo fulcimento suis librata ponderibus, subternatur,

terra,

*Psal. 103.*

*Psal. 73.  
Añ. 17.*

*Gen. 1.  
Job 37.*

*Ezech. 1.*

terra, & indicatrix sphæra distinguat horas (dies enim  
 dici eruat verbum, & nox nocti indicat scientiam) & in *Psal. 44.*  
 omnem terram exeat sonus cælorum. Quid amplius in hoc  
 horologio naturali desiderem? Dicam necesse est: Con-  
 centum cæli quis dormire faciet? Attamen instante mundi *Iob 38.*  
 consummatione, cæli magno impetu transient, elementa *2. Pet. 3.*  
 calore soluentur, virtutes cælorum mouebuntur: prima  
 rota, videlicet Angelica natura cælus, cæli elemēta, elemēta  
 homines mouebunt, vt ad tubæ sonitum, qui in puluere dor-  
 miunt, euigilent, & excitetur tamquam dormiens Domi-  
 nus, vt faciat opus suum, impios nimirum igni inextingui-  
 bili deputare, & ardoribus sempiternis: peregrinum certe *Dan. 12.*  
 opus ab eo qui non venerat perdere, sed saluare. Sed ò *Psal. 76.*  
 ineffabilia diuini amoris argumenta, ex aliorum terrore fi-  
 duciam nasci, quæ parentis lucem extinguat; & nouo ti-  
 moris antidoto, contra timorem, iustum roborari. Respi-  
 cite & leuate capita vestra, ecce appropinquat redemptio  
 vestra. Quod vt mihi persuadeam, miserabilem Christia-  
 norum apud Barbaros captiuitatem ante oculos meos sta-  
 tus. Quid quæso anhelant nisi amabiliissimam libertatem?  
 Turres sublimis interdum ascendunt, rupes inaccessibiles  
 adeunt, terræ marisque longissimos tractus explorantes, si  
 vel expectata aut inopinata præsidia cernant: si forte hinc  
 vela, & crispantes vndas auratis clypeis, vel solis luce re-  
 percussas, illinc camporum planicies, rutilantibus armis  
 corruscantes aspiciant, hinc sentiant vndarum fragorem,  
 illinc hinnitus equorum; vndique tandem aduertant con-  
 stipatos duces, milites; sagittarios, funditores, iaculato-  
 res, triremes, phalanges, & ad expugnandos barbaros ac-  
 cinctam aciem vniuersam? Bone Deus, quæ alacritas, quæ  
 lætitia depressa colla non subleuaret? Interim dum belli-  
 cus rumor horribili fama crebrescit, & horrifonus tubarum  
 clangor acies instruit, mox tyrannis formidolosa mortis  
 imago occurrit; sed captiuorum, ita pectus accenditur, vt  
 moras pugnæ arguant, dilationem accusent, vt non tam  
 milites armis, quàm captiuos voce, vultu, gestu aduersa-  
 rios terruisse, manifestissimè appareat. Quid moror? vix  
 dat belli signum tuba; insurgunt exercitus in tyrannos, &  
 quò magis funesto cælorum imbre densantur, cò pœnam  
 de cruore occisorum sumentes, præcipiti furorē feruntur

*Pfal.* 149.  
*Rom.* 8.

*Rom.* 7.

*Pfal.* 147.

*Rom.* 8.  
*Zach.* 9.

*Habac.* 2.  
*Ierem.* 4.  
*Isai.* 13.

*Isai.* 2.

*Pfal.* 117.

ad triumphos . Et ne quid desit ad victoriæ cumulum, mutantur rerum vicissitudines: alligantur enim Reges in compedibus ; & de catenis captiui regrediuntur ad regnum . Vanitati subiecta est creatura non volens, & sub tyrannide, tam sensuum, quàm impiorum constituta , seruire tamenescit ingenium ; sed ingemiscit & parturit vsque adhuc . Nonne istæ voces, vt parturientis ? Infelix ego homo, quis me liberabit de corpore mortis huius ? Et illæ ? Educ de custodia animam meam ad consistendum nomini tuo : sed propter eum , qui subiecit eam in spe , expectat liberari à seruitute corruptionis . Interea , clamat iste Propheta , Accingimini ad munitionem victi spei . Respondet ille : Super munitionem meam figam gradum, vt videam . Explorat iste : Non tacebo, quoniam vocem buccinæ audiuit anima mea . Indicat ille : En. Vox multitudinis in montibus quasi populorum frequentium . Videbunt tandem omnes, cum dies erit tubæ , & clangoris ; & ecce sonitus quadrigarum super capita montium, velut sonitus flammæ deuorantis stipulam, sicut populus fortis preparatus ad prælium . A facie eorum turbabuntur impij, stupebunt metu, obrigent horrore , vicinitatem æternæ mortis horrentes . Iam videre mihi videor peccatorem pauidas cogitationes, secum tacita mente reuoluentem . Heu, ò , quid est ? Quid est quod meos fallere possit obtutus ? quid est, quod contra me video ? currus igneos, flammanes rotas, equites ardentes . Quis ista fabrefecit, temonem protendit, aptauit lora ; vt cum nulla alia regio , nisi ignea ista produxerit, nec aurigarum vestigia incalescant ? Quàm citis saltibus equi inane ferientes glomerant cursus , quodd nec vertigo oculorum possit aduertere . Obuiam istis militibus ire cupio, sed armatæ copiæ mihi non suppetunt ; iacula contorquere desidero, sed non valeo . Sine congressione superior, eo quodd solo vincor aspectu . Nosco illos . Angeli sunt . Agnosco fortissimos bellatores, de mea natura sæpe victores . Quoties peccando contra illos pugnaui : lædere non potui, cum redeant ad pugnam acriores . O meam descendam miseriam ! O miserandam conditionem ! O iniquitatem proprijs armis expugnatam ! Hæc & deploranda nimis iniquorum pars . Verum quæ vox exultationis & salutis in tabernaculis captiuorum , tabernaculis iustorum ? Audiamus : Leuate capita



pita vestra, ecce appropinquat redemptio vestra. Leuabunt capita: nam & si ferro abscindatur vitis abundans, erumpentibus pampinis, melius vua vestitur, vt non tam mundus perfectius instaretur, quam iustus vitam, mundi morte reperiatur. Leuabunt capita: frangerent enim gloriam victoris exercitus, si impij plangeretur poena: nec esset plena letitia in triumpho, si hostis lamentarentur interitum. Leuabunt capita, cum cedat mors in vitam, labor in ocium: ad primum poena, ad cælum terra, miseria transeat ad regnum: prospera succedant, aduersa procumbant, aptentur imperia, infernus occludatur, faciant securos defudata iam praelia, nec amplius sollicitent rediuiua certamina. Leuabunt tandem capita sua, dum omnes creaturæ leuabunt manus in superbias iniquorum, ponentes non signa sua, signa, sed Dei, stantes in ordine suo stellas, cælum, elementa, Angeli, & vniuersus orbis contra impios dimicantes: donec intingatur pes eorum in sanguine, & auctore belli prostrato, & in profundum demerso, atque gehennalibus flammis alligato, soluantur vincula colli captiuæ filiz Sion, procedentis in libertatem gloriæ filiorum Dei. Leuemus & nos capita nostra (Beatissime Pater) audivissimè expectantes beatam spem, & aduentum gloriæ magni Dei. Nobis enim etiam dicitur: Ab arbore fici discite parabolam: Et cum videritis hæc omnia fieri, scitote, quia prope est Regnum Dei. Dulcis epistola bone Iesu, sed quousque veniat maiestas quæ misit: necessarium chirographum, sed vsque ad debiti solutionem: grati flores, sed vsque dum fructus parturient. Festinet presentia, & epistolam deleat, rumpat solutio cautionem, flores absumantur à pomis, desiderium collium æternorum. Interim dum caro nostra requiescit in spe, sit crux tua corporis nostri aratrum, semen fides, sepulchrum sulcus, expectatio tempus: vt cum ver Dominici temporis arriserit, matura viriditas, vitalem surgat in messem, ignoraturam canitiem, non pasuram falces, sed nouum gloriosi corporis erumpens in fructum. Amen.

*Psalm. 73.**1. ad. 5.**Psalm. 67.**Isai. 52.**Rom. 8.**Tit. 2.**Matth. 24.**Luc. 21.**Ex D. Petro**Chrysost.**Serm. 62.**Ex eodem**Serm. 103.*



## ORATIO V.



**N**IL mihi quidem de magno nouissimoque die iudicii breui oratione dicturo, opportunum magis occurrere poterat B. P. neque his, qui pro Christiana fide atque pietate de supremis rerum humanarum finibus loquentem attentius audituri sunt, iucundius quicquam vtiliusve admirando

hoc Christi Aduentu atque conspectu enarrari videtur potuisse. Hoc enim illud est Patris æterni Verbum, quod vt in carne olim exinanitum, ita in fine denique temporum, peracto naturę cursu, numero electorum expleto, totiusque humanę redemptionis opere consummato, abbreviatum, faciet Dominus super terrā, vt super terram in nubibus cæli sedens, in momento, & in ictu oculi, mundum ante se aduocet vniuersum, quem de iustitia neglectę legis arguat, quem de iudicio contemptiq; beneficij reprehendat, cui pro suorum qualitate factorum, supplicia premiave decernat. Tametsi enim sedeat sitque sessurus in solio maiestatis antiquus ille dierum Pater, orbem terrę in æquitate iudicaturus: perueniet tamen & ad thronum eius Filius hominis, cui potestatem, honorem atque regnum dedit, vt verus homo, suavi hominibus iudicio causam ipsorum agat atque definiat, summa virtute, quā & assumptę contulit carni, mortuorum corpora ad perpetuam reuocet vitam. Denique vt formam serui, quā despectam olim sine specie atque decore redimendo homini prætulerat; eximia tandem gloria atque maiestate nitentem, confundendis impijs bonisque recreandis vtrorumque iudex ostendat. Pater siquidem omne iudicium Filio dedit: quid enim non dedisset? Verbum eius æternum est, per quod omnia fecit: Filius & idem hominis est, per quem facta cuncta redemit; eius proinde munus iure optimo futurum est, vt peccato collapsa restauret, restaurata pro meritis discernat: discreta iudicet, iudicata condemnet aut saluet: districtā deniq;

sui

1. Cor. 15.

Psalm. 9.

Ioan. 5.

sui sanguinis, qui mundi redemptionis pretium est, ab hominibus exigit rationem: Exurge, propterea Vates olim, clamabat, exurge Domine iudica causam tuam, qui suauitatis sopore, seu graui quodam sompo arreptus, hominū tamdiu peccata dissimulas, qui in feruentissimo tuz charitatis meridie pascens ac recumbans, summa sustines patientia, quinimmo effusi zelo cruoris quasi perdulci crapulatus à vino, eximia peccatores longanimitate ad penitentiam expectas, iam tandem euigila, exurge tandem iudica causam tuam, qui aliorum causas iuste iudicas, tuam denique haud fas est negligas. Honor siquidem Regis iudicium diligit, vt cuius causa iam iudicata est, causam iudiciumque recipiat, exaltet caput, qui de torrente in via bibit, sedeatque index, qui sub iudicem stetit. Iudicet iniquos, qui cum iniquis est repuratus. Damnet reos, qui falso factus est reus. Viuus appareat in nube, qui mortuus est in Cruce. Veniat cum potestate, qui in infirmitate passus est, conspicuus fiat in maiestate index, qui iudicandus in humilitate delituit. Honor regis iudicium diligit, vt ultionem suis hostibus reddat, & his, qui oderunt eum, retribuatur, denique honor regis cui propriū misereri, ipsa est misericordia, q̄ iustitia vsq; adeo diligit, vt teste Apostolo: Misericordia superexaltet iudicium: vt sola videlicet neglecta contemptaque Dei misericordia iusto eius iudicio firmum, inconcussūq; argumentum sit præbitura. Adueniet tandem dies ille magnus, in quo suam hanc causam iudicaturus cum potestate ac maiestate adueniet Dñs, vt cuius modo misericordia penitentium peccata donantur, in eius tūc iudicio misericordiā contemnentium peccata puniantur. Adueniet dies ille magnus tanquam fur, vt hoc totum vniuersum in eius vindictam, concitet ac impellat, qui in Cruce in medio latronum suspensus, ea quæ non rapuerat, pretio sui Cruoris exsoluit. An non tanquam fur in nocte, magnus ille dies adueniet, qui illata naturæ vi, ac mundi domo perfossa, à Sole lucem, splendorem à Luna, ab astris ordinem, tranquillitatem à mari, à terra stabilitatē, vitā ab animantibus, à prauis hominibus spem omnē auferet, ac letitiam. An non tanquā fur, in quo quasi furtim repente, ligatis manibus & pedibus, sublata videlicet operandi merendique potestate, mittendus reus erit in tenebras exteriores? An non tanquam fur dies

Psal. 73.

Psal. 77.

Psal. 98.

Psal. 109.

Psal. 33.

Iacob 2.

1. Thes. 5.

Matth. 21.

Iacob 1.

Psal. 1.

Lucæ 23.

Gen. 3.

Ezai. 5.

dies illa crudelis, in qua, proh dolor, & ab ipso Patre misericordiarum quasi ipsa auferri videbitur misericordia, vt teste Apostolo, sine misericordia ab eo iudicium habendum sit, aduersus eum, qui non fecerit misericordiam? in quo denique; nendum vlla impijs, ex iucundissimo pulcherrimoque Christi conspectu iucunditas lætitiæ sit accessura, quinimmo fere constituta illis sit summa malorum? Ideo inquit Vates: Non resurgent impij in iudicio &c. Quidnam hoc quæso? nonne omnes astabimus ante tribunal Christi? at non resurgent, inquit, impij, non sponte accedent, non vltro iudicis sese, conspectui præsentabunt: quin canente tuba excitabuntur mortui, & vocabuntur perterriti, compellentur confusi, & ad tribunal Christi trahentur inuiti; quem ne conspiciere cogerentur, & montes super se cadere, & à collibus operiri, & sensu vitæque penitus vellent orbati; quibus satius est, decem millia fulminum aut ipsum orbem collabentem sustinere, quàm mansuetam Christi faciem aduersam infelicitibus illis oculis contueri. Sed quidnam hoc quæso? quid si præuicator Adam stamineum gladium ac versatilem Cherubim manu tenentem, iratum sequè è paradiso expellentem videret? quid si leonem hedorum græx iste immanè se inuadentem conspiceret? quid si tartarei funestissimique corui cætus hic pullorum volitantem super se crudelem, viderent accipitrem? Videbunt Filium hominis. At vero non Angelus hic ille est, sed hominis Filius qui hominem perditum, ad regna cælestia reuocauit: non leo est rugiens, sed mitis Dei Agnus, qui coram tondente se obmutuit, & mundi crimina tulit: non serpens accipiter, sed simplex, & placida columba est, quæ pacis æternæ mundo è cælo fœdera deportauit. Quid itaque huius humanitate iucundius? quid huius mansuetudine dulcius, quid huius pace atque delectatione suauius? quid denique huius conspectu delectabilius? At heu heu A. P. hæc ipsa diuini amoris signa, hæc ipsa Christi benignitatis maximæ officia prædamnabunt! quid enim dicturus, quid facturus tunc eris ò infelix homo, cum Deum pro tua salute hominem factum, ad tui perditionem iudicem videbis iratum? qui clamabit obijciatque, Quid vineæ meæ facere debui, & non feci? quibus impie te benedictionibus dulcedinis non præueni? quibus te beneficijs non inuitauit? quibus verbis monitisque insipientem

pientem non edocui, non quæsiui errantem, perditum non  
 reuocaui, non roborauī pauentē, cadentem non erexi, ef-  
 frenem non terrui, audacem non compescui, non increpaui  
 superbū? quibus remedijs non sanauī debilem, vulnera-  
 tum non curauī, defunctum non suscitauī, sepultum quadri-  
 duanum scetentemque ē tumulo non eripui, ab inferis non  
 reuocaui? Aspice iam miser, operiatque confusio faciem  
 tuam, cum in forma Christi essem, vt Deus ipse fieres, fa-  
 ctus sum homo, vt diues paupertatem, vt magnus humili-  
 tatem, vt sanus infirmitatem, vt felix miseriam, vt liber ser-  
 uitutem, vt viuus mortem, vt cæli ciuis, in aëre crucem, & in  
 terra sepulturam elegi: tu vero odisti disciplinam, monita  
 despexisti, contempsisti beneficia, insuper, quo nihil tur-  
 pius, nihil nequius excogitari poterat, p̄ bonis mala impie  
 reddidisti. Thesaurizas, inquit Apostolus, tibi iram in die  
 iræ &c. quidnam quæso, cum ira thesaurus? ira est quæ pu-  
 nimur, thesaurus quo ditamur, & pulchre vtique, Christi  
 enim vita prædicatio, mores, exēpla, miracula, opprobria,  
 passio, dolor, mors, merita, ceteraque nobis collata benefi-  
 cia, quibus velut cumulatisimīs quibusdā thesauris re-  
 dimi, ditari, bearique vniuersi homines debuerant, iustam  
 tunc maxime eius iram accendent, impiosque peccatores  
 condemnabunt, vt iam ponat in thesauris abyssos, conti-  
 neatq. in ira sua misericordias suas. Mitissimus Dei Agnus  
 maximo tunc furore succensēbit, cum & hinc beneficiorum  
 quæ hominibus pro sua pietate contulit, inde peccato-  
 rum quibus ingrati scelestique homines pro sua impietate,  
 ex tam dulci rore lætiferum venenum auxere, libros ape-  
 rit, vt omni ira crudelior futura sit despecta Agni huius  
 misericordia. Inde, inquit Apostolus, clamabūt illi petris at-  
 que montibus, Cadite super nos, & abscondite nos à facie  
 iræ Agni: cælestis denique columba, quæ ex sacratissima  
 Virginis arca procedens, Patris placauerat iram, mortis  
 imperium, & diaboli tyrannidem effugarat maxima cum  
 tranquillitate, homines iudicatura, summa ira exardescet,  
 vt quibus nulla veræ sinceræque pacis fœdera profuerunt,  
 nulla quoque reconciliationis, nulla spes veniæ, tunc sit re-  
 linquenda. Et conticuerunt, inquit Vates, arua pacis à facie  
 furoris Domini: facta est terra eorum in desolationem à fa-  
 cie iræ columbæ. Tunc itaque videbunt Filium hominis.

1 Cor. 11.

Rom. 1.

Psalm. 32.

Apoc. 6.

Ierem. 25.


Iustum iudicem quem Salvatorem clementissimum recipere noluerunt, tunc cum latere erit impossibile, intolerabile apparere. Tunc cum nullum impijs erit effugium, refugium nullum, nulla spes veniæ, nullus locus penitentiae, tunc videbunt Filium hominis in nubibus &c. ut nubes undique pluant iustum, dum hinc pluuiam voluntariam æternæ benedictionis segregabit hæreditati suæ: inde pluet super peccatores laqueos ignis: erit thronus eius in columna nubis, ut in medio sedens, cælum aduocet sursum, & terram discernere populum suum, ut stellas cæli ab arena maris, hedos ab ouibus, iustos ab iniquis, & à beandis separet æternæ mortis pœna damnandos. Adueniet Iudex hic in potestate magna, ac maiestate: in potestate cui nemo resistat, in maiestate, quam totus orbis adorabit. In maiestate, quæ iustos felicissima tandem sui præsentia glorificandos enuntiabit, cum potestate qua impios in æterna morte victuros, in infernum detrudet. Tunc videbunt Filium hominis, cuius nutu totus per ignem orbis renouabitur, cuius pietate cælestia mox patebunt regna beatis, cuius iustitia reprobi pœnis cruciabuntur æternis. Heu heu Amp. P. quis poterit cogitare diem aduentus eius, & quis stabit ad videndum eum? Magnus ille legis æmulator Elias, cum spiritus commotione ignem atque tenuis auræ sibilum, quæ supremi huius erunt signa iudicii, sensisset, nimio timore percussus, pallio vultum operuit. Cum sanctissimus ille Christi dilectus Ioannes terribilem iudicis huius faciem in spiritu vix longe fuisset intuitus, expauit, defecit viribus, & ad pedes eius quasi mortuus cecidit. Heu quid nos legis contēptores, quid diuinæ gratiæ munere destituti, peccatis onerati, repleti miserijs, in quos fines sæculorum deuenerunt, lati vitam hanc mortalem ducimus! Mare hoc magnum ubi sunt reptilia quorum non est numerus, ubi draco ille magnus ad nos deuorandum, semper est paratus, flante Aquilone, vnde omne malum pandendum est: quasi in summa tranquillitate alacres enauigamus. Tremit ciuitas super petram ædificata, an domus firma manebit super arcnam constituta? Si concutientur cedri Libani, inconcussa manebunt deserti virgulta? si flectentur concedentque cæli columnæ, leuissimæ palæ consistent erectæ? Sæuus iam ille fur est in ianuis, ut domum nostram perfodiat, & adhuc somno,

*Psal. 67.**Psal. 10.**Ecclesi. 24.**Malach. 3.**3. Reg. 19**Apost. 1.**Psal. 103.*

somno, & adhuc torpore tabescimus? Ad radicem arboris iam posita securis est, vt succidatur, & in ignem mittatur, & adhuc solis vanitatum atque voluptatum folijs lasciuiens, terram inutilis occupat, & vineam Domini replet infructuosa? Securi & lati pacem atque tranquillitatem, decantamus, cum repentinus subito super nos sit casurus interitus? Hæc illa sunt B. P. quæ mundo ruinam, quæ hominibus præcipitium parant: vitæ spes longioris, diuinæ charitatis obliuio, nulla iudicii, nulla mortis meditatio. Eia itaque emendemus nos ipsos iam tandem, & quæ quomodocunque peccauimus, salutaribus lacrymis defleamus, ne subito præoccupati die iudicii, spatium queramus penitentis, & inuenire non possimus: talenta quæ nobis Deus sua liberalitate tradidit, cum usura sine fraude amplificare studeamus: grato animo Christi suscipiamus beneficia, diuinæ gratiæ vigili spiritu cooperemur, humiles veneremur maiestatem, nostrorum consciij delictorum potestatem vereamur, vt venientem in nubibus cæli cum potestate magna ac maiestate Iudicem securi videamus.







# DOMINICA SECVNDA A D V E N T V S.



## ORATIO PRIM A.

*Psalm. 87. Numquid cognoscantur in tenebris mirabilia tua, & In-*  
*stigia tua in terra obliuionis? Canit diuinus*  
*Psalmes P. B.*



**O**BLIVIONIS terram Propheta  
 Regius hanc nominat vitam: Deus  
 namque & bonorum, & malorum,  
 hominum fere obliuisci videtur.  
 Bonorum quidem, in laboribus quos  
 eius amore sustinent. Malorum  
 autem cum ipsos, ut eorum facino-  
 ra exigunt, non puniat. Iustis nunc  
 illis eripit bona, nunc varijs affli-  
 git morbis, nunc demum innumeris illos torquet dolori-  
 bus. Peccatores exaduerso tam secure ambulant, ac si iu-  
 stus iudex illos non videret, & quod admirabilius, Deus  
 ipse sic illos impune viuere finit, ac si eorum scelera non  
 essent, neque ijs offenderetur. Quis talia animaduertens  
 cum Propheta, mundum hunc terram non diceret obliuio-  
 nis? Perillustre exemplum huius nobis hodiernum præbet  
 Euangelium. Vir sanctus & iustus, sanctitatis norma, vitæ  
 magisterium Ioannes Baptista in vinculis manet, & carce-  
 ris ignominiosa fastidia patitur. Impius tamen, ac flagi-  
 tiosissimus tyrannus regnat Herodes. Herodes Rex imma-  
 nis huius sæculi diuicijs abunde, & libere perfruitur. San-  
 ctissimus

*Matth. 11.*



Aſſiſſimus Chriſti Præcurſor, qui ſingularem animi continen-  
 tiam cum horrido atque aſpero veſtitu coniunxerat, nihil-  
 ominus tanquam aliquis luxu diſfluens ac diſſolutus, vincu-  
 lis coercetur. At forte dicat aliquis, loca deſerta Ioannes  
 incolebat, vt malum & exitium alicui moliretur, vtque aut  
 vitę, aut opibus aliorum inſidias tenderet? Immo vero  
 pœnitentiam erratorum ille ſuadebat: & qui duas tuni-  
 cas haberet, vt altêram non habenti daret, & vt omnes  
 contenti eſſent ſtipendijs ſuis. An forte pœnitentiam ille Lucæ 7.  
 in ore habebat, cum reiſſa tamen nihil minus, quàm reſi-  
 piſcentiam ſibi cogitaret? immo veſtibus ille è pilis came-  
 lorum contextis utebatur. Eſca eius erat locuſta, & mel  
 ſilueſtre. Vnde de ipſo hōdie Veritas clamat: Quid exiſtis  
 in deſertum videre, hominem mollibus veſtitum? An vero  
 ſibi forte homo ambitioſus Meſſiæ nomen vendicabat?  
 Tam longe id abſuit, vt ſe Chriſtum non eſſe neque Eliam,  
 neque Prophetam aſſeuerantiſſime affirmaret: licet hodie  
 eum Prophetam, & pluſquam Prophetam Chriſtus ipſe  
 turbis pronunciet. Et quia omnem gloriam contempſit,  
 quæ aliquid ſaperet impietatis: nedum homo à Deo miſ-  
 ſus, ſed Angelus hodie nominatur. Quare ergo vincus? quia  
 linguā aduerſus eos ſoluit, qui nefarijs erāt inter ſe vinculis  
 obſtriſti. Turpia vincula, quæ Herodem, & vxorem fratris  
 inuicem connectebant, linguæ gladio amputare niteba-  
 tur. Hanc ardentem lucernam, atque lucentem lippientes  
 vtriuſque oculi ferre diu non poterant. Impudentiſſima,  
 atque importuniſſima ſeminarum Herodias, quæ relicto  
 viro, adhæſerat tyranno, acerbam ſibi vitam viuo Ioanne,  
 maximam ſibi impoſitam ſeruitutem libero illo ac ſoluto,  
 exiſtimauit. Hæc ergo cauſa vinculorum, veritas: & quia  
 verum Vox clamantis reticere noluit, neq; in publica con-  
 cione veritus eſt Regi ipſi in os dicere, Non licet tibi ha-  
 bere vxorem fratris tui: in vincula conijcitur. Et dum ere-  
 mi cultor, ac maximus vatū tetro carceri mancipatur,  
 inceſtuofus Rex dominatur, iniqua Herodias libertate uti-  
 tur: vterque voluptati dat operam. Quis eſt qui terram  
 hanc, terram non dicat obliuionis? Quis eſt qui cum  
 Chryſoſtomo non exclamet, Vbi lex? vbi homo? vbi Deus? Chryſoſt.  
 Dicite obſecro (Illuſtriſſimi Principes) ſi miles aliquis in  
 hoſtium confinibus eſſet, qui die noctuque ferro onuſus  
 incede-

incederet, cibum, & quietem, vt arcem sui Regis defenderet, raro sumeret. Rex autem eius bona eriperet, carceribus eum mancipari, ac tandem vulnerari iuberet. Nonne Regem ingratum appellaretis? Nonne officiorum omnium, & tam fidelis militis meritorum oblitum esse diceretis? Et si in Vrbe hac latro esset famosissimus, homicida, proditor, & millies mori dignus: iudex autem impune in omnem culpam eum prolabi permetteret. Nonne Iudicem tamquam iniustum accusaretis? nonne huius hominis scelorum tantorumque facinorum oblitum esse clamaretis? Id ipsum sanctissimo Ioanni & Herodi scelestissimo in terra hac obliuionis accidisse quis est, qui non animaduertat?

Ioannes qui vt hanc animæ arcem ab hostium vi, & insidijs tueatur, die noctuque laborat, vigilat, orat, ac spiritualibus exercitijs pluribus occupatur, in vinculis tamen manet, libertate priuatur, & vitam amittit: Herodes impijssimus in mensa tam laute epulatur, scelusque tam grande committit, liber tamen Rex regna promittit. O rem admirabilem, & eximio stupore dignam! Ioannes iacet in carcere pœnali; sed tamen Herodes in throno regali? Fimbrijs Ioannes circumligatur, purpura vero Herodes ornatur. Ioannes inter victos angustjatur, Herodes cum conuiuijs puellam saltantem spectare lætatur. Ioannes tandem audit extremum sibi diem imminere mortalem, quando impius Herodes suum celebrat natalem. Tremendum spectaculum, ac timendum exemplum nobis Dominus in Sanctis suis, & hodie in Ioanne, quo inter natos mulierum non surrexerat maior, considerandum proponit. Vir tantus qui missus fuerat, vt audiret gemitus compeditorum, & solueret filios interemptorum: in vinculis manet malefactorum, quoniam iustus & sanctus: sciebat Herodes, vt inquit Diuus Marcus Euangelista, cum virum iustum & sanctum: ò iudiciorum Dei profunditatem, ò Altissimi secretorum incomprehensibilitatem! Videtur equidem Deus reëctitudinis ordinem commutare, cum malo proficiat, bono vero officiat. Scelestum Herodem finit in mensa lætari, Ioannem sanctissimum in carcere lacrymarum pane sustentari. Non sane rerum ordinem mutat, qui iustus est, atque semper laudabilis Deus. Magna enim & imperferabilia sunt iudicia eius. Hoc est quod aperit mysterium

Prophe-

*Psal. 101.*

*Mar. 6.*

*Sap. 17.*

Propheta Dauid : Ponens (canit de Deo) in thesauris aby-<sup>Psal. 32.</sup> sos . Deum namque in thesauris arcas custodire , praposte-  
 rus videtur ordo , qui enim thesaurizant thesauros in arcis ,  
 non arcas thesauris includunt . Deum autem viceversa in  
 thesauris arcas custodire Regius canit Propheta . Hoc cer-  
 te significare videtur , quod de Ioanne hodierna narrat hi-  
 storia . In qua si externa tantum spectemus , & occulta Dei  
 non penetremus mysteria , profecto diuina non videtur  
 elucere iustitia . At vere in thesauris est abyssus , occultum  
 Dei latet iudicium , quod suo tempore patebit : superuaca-  
 neum nunc inuestigare existimo , cur Deus permittat iustos  
 calamitates in presenti sæculo sustinere , impios vero in-  
 vijs suis prospere agere : vel cur contra Catholicam , san-  
 ctamque Romanam Ecclesiam falsos permittat magistros ,  
 ac varios seductores ? & tot prauis non accurrat errori-  
 bus . Nos in carne mortali agentes hæc scire non decet , nec  
 si sciremus , beatiore idcirco fieremus . Beatus qui non  
 fuerit scandalizatus in me , inquit hodie Veritas ipsa , hoc  
 forsan innuere intendens , vel si aliquid ad nostram do-  
 ctrinam de his dicere vellemus , Augustino auctore hæc <sup>August.</sup>  
 narrare possemus : Deus Opt. Max. probos viros in hac  
 vita plurimis conflictari sinit incommodis , quia vult ea re  
 tam pios , quam impios admonere illos quidem vt huius  
 mundi bona eo magis contemnunt : hos autem vt eo ma-  
 gis extremi iudicij diem reformident : si enim sanctos viros  
 ita accipit in hac vita Deus , quomodo accipiet tunc im-  
 pios , cum non amplius veniæ ac misericordiz locus erit ? Si  
 tunc vix iustus saluabitur , quomodo igitur putat peccator  
 luxu & otio sine vlla molestia & labore saluari ? Si vincula ,  
 & vinculorum incommoda patitur qui vera dicit , de eo ,  
 qui vt ad sui domini voluntatem loquatur , passim menti-  
 tur , & perisurus est , quid fiet ? Si qui locustas comedit & ri-  
 gidis pilis camelorum vestitur , in vinculis est , quid gulosi &  
 delicati ? Si qui ne venialiter peccaret , in deserti solitudine  
 vixit , occiditur ; quid illi , qui vt peccarent , prauis sese , &  
 corruptis familiaritatibus dederunt ? Sed hæc Dei arca-  
 na suo tempore patebunt ; nunc in thesauris est abyssus ,  
 occultum Dei latet iudicium . Et vsique in vinculis Ioan-  
 nes , vt tamen postea regnet in celo . Herodes in hac vita  
 delictijs gaudet , vt in inferno carceris æterna patiatur tor-  
 menta ;

menta; certe in thesauris ponit abyssos. Habet se Deus profecto in hoc, vt locuples mercator, qui in emporium tendens, vt mercimonia necessaria emat, quę sunt vilia & parui valoris mercatur: hæc statim perfoluit: sunt autem alia pretiosa, quę statim perfolui non possunt: atque hæc fide iussa emit, vt tandem in futuro perfoluat emporio. Mercator est Saluator noster, qui fideles prudenter mercari præcepit, Negotiamini dum venio: & alibi: Simile est regnum celorum homini negotiatori. Venit quidem in huius sæculi emporium ad nostra omnia iam emenda opera, quę in mortali peccato facta inuenit, tamquam vilia & parui pretij statim in hoc mūdo perfoluit, reddens pro illis honores, diuitias, & his similia: quę tamen in charitate facta agnoscit, tanti estimat, vt in futuro sæculo æterno præmio perfoluenda relinquat. Vere igitur est ponens in thesauris abyssos. Hinc iusti non mirantur, nec animo deficiunt cum contra eos impij insurgunt. In hoc sæculo, inquit summus ille Pontifex Gregorius, Sancti timent prospera magis quàm aduersa, immo vero in aduersis sperant magis & gaudent. Hoc aperte hodiernum monstrat Euangelium, Ioannes in vinculis duos misit discipulos, & interrogat, Tu quis es? Non prius ausus fuerat ab eo petere vt se Christum incredulis manifestaret discipulis: sed modo interrogat & sperat intrepidus, quia se videt in vinculis pro veritate coniectum. Miram enim iustis fiduciam, operatur tribulatio, quam pro Deo sustinent: tunc omnia se obtenturos credunt: de quo optime apud Oseam legitur: Et dabo eos vinitores ex eodem loco, & vallem Achor ad aperiendam spem. Achor turbationem, & afflictiones significat, quibus maxime Sanctorum spes confirmatur. Hinc Propheta subiungit, Ad aperiendam spem, id est, vt inde ostium magnum ad Dei sperandam magnificentiam apeririatur. Vnde Symmachus merito vertit, In ostiū spei, quod optime exponit Paulus: Non solum autem, inquit Sanctus Apostolus, sed & gloriamur in tribulationibus, scientes, quoniam tribulatio patientiam operatur, patientia vero probationem; probatio autem spem, spes vero non confundit. In vinculis ergo Christum se discipulis propalaturum sperat Præcursor, & iam responsum accipit non sibi, sed discipulis necessarium. Nam volens mundi Redemptor ta-

## Oratio Prima.

49

lis agnosci factis suis, Cæcis lumen, surdis auditum, mortuis vitam restituit; fecit ut claudi ambularent, & pauperes euangelizarentur: ad locum Isaia: alludens, quando Prophetico prædixit spiritu, Deus ipse veniet & saluabit nos. Tunc aperientur oculi cæcorum, aures surdorum patebunt, saliet sicut ceruus claudus, & aperta erit lingua mutorum.

*Isai. 35.*

Sed cui fundamento ò Ioannes tua hæc firmissima spes innitur? Video me in valle Achor, inquit sanctus Christi Præcursor, in vinculis scilicet, cum manicis ferreis pro veritate detentum, magnus mihi ad spem aditus patet: spes est super spem: nihil enim negari potest pro Christo, & veritate patienti. Cum ergo fuerimus in hac vita tribulati, haudquaquam turbemur, nec animo in angustiis deficiamus. Dominus enim amat iudicium, & seruos suos non derelinquit; prospera magis, quàm aduersa timere debemus. Christianæ dignitatis non est in temporalibus exaltari, sed potius deprimi; cum mali prorsus nihil in cælo, & boni parum habeant in mundo, siquidem fides nostra est substantia sperandarum rerum, argumentum non apparentium, inquit Apostolus. In his ergo quæ apparent, haud sperare debemus, sed in Domino spes nostra omnis ponenda est, à quo petamus quæcumque libuerit, dat omnibus affluenter, & non improperat: ipsi, non mundi principibus, inquit Dauid: Reuelemus vias nostras, & tanquam protector in tempore tribulationis dabit petitiones cordis nostri: nec æmulemur eos, quæ prospere agant in vijs suis malis, quoniam tanquam scænum velociter arescent: exiccatum est scænum, & flos eius decidit, inquit sanctus Isaïas. Infelix Herodes, qui in vijs suis malis prosperabatur, nunc autem æterna pœna cruciatur. O nimium felix Christi Præcursor, qui compedibus iam eras grauatus: nunc vero tanquam scintilla in cælesti arundineti discurrens exoneratus. Hæc mutatio dexteræ excelsi est, qui in thesauris ponit abyssos. Herodes quidem in hac vita sedebat in throno regali: nunc vero detinetur in carcere infernali. Ioannes qui inter vivos cruciabatur: nunc iam inter beatos sine fine lætatur. Herodes, qui diem sollemnem suæ celebrabat natiuitatis, nunc æternæ mortis suæ irascitur immortalitati. Ioannes qui dulci erat libertate priuatus, à militibus tamquam in-

*Heb. 11.*

*Iaco. 1.*

*Psal. 145.*

*Isai. 40.*

*Psal. 36.*

*Sap. 3.*

famis spernebatur, nunc autem ab omnibus summopere  
veneratur, & lætus iubilat gloria & honore coronatus.

## ORATIO II.

*Cum audisset Ioannes in vinculis opera Christi.*



**D**O potissimum sunt (Beatissime Pater)  
quæ hodie in Evangelica lectione divini-  
tus continentur. Vnum quod ad cuius-  
cunque nostri salutem pertinet: Aliud  
vero quod ad Ecclesiæ Catholicæ & Apo-  
stolicæ Romanæ statum refertur. Hoc  
allegoricè; illud vero moraliter à me  
quantuncunque minimo, breuioribus quoad potero verbis  
erit explicatum.

*Conc. Trid.  
Sess. 6.*

Quatuor equidem sunt, quæ ad nostram iustificationem  
maximopere conducunt, vt clarissime in sacro Tridentino  
Concilio, à Patribus sancitum est, nempe lex diuina, fides  
Christi, gratia cælestis, & opera nostra bona. Quæ in  
frontispicio hodierni Evangelij mirabiliter insinuantur,  
dum apud Matthæum dicit: Cum in vinculis audisset?

*Mat. 3.*

In vinculis, ecce lex sancta, in qua Dei madata cõtinetur.  
Audisset, ecce vera Iesu Christi fides.

Ioannes, ecce cælestis in illo diuina gratia significata.

Opera Christi, ecce nostræ bonæ actiones. Quibus qua-  
tuor alia duo concurrentia adduntur, nempe liberum ar-  
bitrium nostrum, ex intellectu & voluntate constans, quod  
manifestatur, dum dicitur: Mittens duos ex &c. & meritum  
Christi, quod exprimitur ibi, Ite, & renunciate. Agam,  
quæso de singulis.

Sacrosanctæ legis mandata rationabiliter vincula nun-  
cupantur, ex eo quia adeo nos ad diuinæ voluntatis ex-  
equendum studium ligant, vt hac, atque illac minime secun-  
dum sensum nostrum viuere valeamus, sed arctiori nodo  
constricti, & nos ipsos per legem cognoscimus, & diuinum  
velle, & iudicium, & iustitiam eius in lege tanquam in pur-  
gatissimo speculo conspiciamus.

Miserabi-



Miserabiliter quoad omnes tam internas, quam externas potentias erant sub iugo legis multi homines ligati, in intellectu, quia omnia contigebant illis in figuris: ligati in voluntate, quia frequenter, non amoris gratia, sed timore ducti operabantur: ligati in memoria, quia quasi promissorum Dei obliti, ollas carniū, cucumeres, & pepones Ægyptiorum exoptabant: ligati in oculis, quia clariorem vultum Moysis conspiciere non valebant: ligati in auribus, quia dulcissimum Dei verbum deterrebat eos, vnde dicebant filij Israël ad Moysen, Loquere tu nobis, nō loquatur Deus, ne forte moriamur. Hinc David clamabat aduersus eos, Os habent, & non loquentur, oculos habent.

Exo. 13. 34.

Exo. 20.  
Psal. 113.

Nos autem legis Euangelicæ sectatores etsi libertate, per Christum Dominum nostrū acquisita gaudeamus, quia reuelata facie credimus; sub iugo tamen, & in vinculis executionis manemus, vt ait Christus Deus noster: Iugum meum sum. Mandata itaque legis salutis nostræ conuenientia, quæcunque illa sint, iure vincula dicuntur.

Mar. 11.

At quemadmodum non sat est, infirmo, vt suum cognoscat morbum, sed necessario adhibenda sunt alia medicamenta; ita ad peccatoris curam non sufficit per legem suorum peccatorum cognitio, sed diligentissime alia sunt exquirenda, vtpote pro fundamento spiritualis sanitatis, fides Christi; sic scriptum est, Qui non crediderit, condemnabitur, ideo inter vincula, idest legis mandata, dicitur. Audisset, idest fidei necessitas accedit.

Mar. 16.

Nostris intelligentes, quod fides nostra in adultis habetur per auditum, & expressum verbum Dei, vt perbelle vos Romanos docet Apostolus: Fides est ex auditu. Hinc recte dicitur, quod auditus est germanus Christianorum, sensus, per quem omnis Christi asecta Deo Patri sit obediens, vt olim per os David dixerat: In auditu auris obediuit mihi. ea propter in hac particula Audisset, Fides vti nostræ iustificationis fundamentum præintelligi potest.

Rom. 10.

Psal. 17.

Ceterum cum fides sola, & nuda absque auxilio diuinæ gratiæ minime peccatorem iustificare valeat, ideo Euangelista sequitur Ioannes, qui habens gratiam interpretatur; Gratia enim est causa formalis iustificationis, fidei nostræ, vim sanatiuam tribuens.

Lex enim sua natura impium iustificare non potest; Ni-



*Heb. 7.**Iacob. 2.**Rom. 3.*

hil ad perfectum deducebat lex, testimonio D. Pauli: Fides similiter peccatorem non viuificat, quia sine operibus mortua est, teste Iacobo. Sed ijs necessaria est diuina gratia, Iustificati gratis per gratiam ipsius, ait Apostolus. At non sine præcedentibus nostris bonis operibus, quæ ad iustificationem peccatorem præparant, atque disponunt.

Gratia enim cum sit accidens quoddam spirituale, absque subiecto haud existere potest, & quia forma necessario dispositum expostulat subiectum, ideo opera bona, animam nostram disponentia, quæ auxilio Christi fiunt, ex parte nostri requiruntur; quod manifeste declaratur, dum dicitur, Opera Christi.

Hinc elicitur hæc Catholica Conclusio aduersus persecutores nostros hæreticos, quia liberum arbitrium hominis, tanquam concausa concurrit ad nostram iustificationem.

*Auguſt.*

Liberum arbitrium, quia ex intellectu & voluntate, tanquam ex duobus principijs constat, vt in De libero arbitrio tradit B. P. Augustinus. Liberum arbitrium est facultas rationis & voluntatis, qua bonum eligimus gratia assistente, malum vero gratia desistente; ideo id nobis aperire volens Matth. d. Mittens duos.

Vnde ex lege docente, & fundamento fidei posito, ex gratia Dei assistente, ex dispositione hominis per bona opera, ex determinatione liberi arbitrij per intellectum & voluntatem, tanquam per nuncios ad Christum missos, ex præsupposito merito Domini nostri Iesu Christi, qui primam gratiam, & remissionem peccatorum nobis meruit, iustificatur omnis homo. Quod meritum notificatur omnibus ex responsione Christi ad discipulos Ioannis: Ite, & renunciate Ioanni, quæ &c.

Sine legis cognitione, Christi fide, Dei gratia, hominis dispositione, liberi arbitrij ad bonum determinatione, & absque merito Christi, omnes cæci sunt propter ignorantiam, claudi propter sæcularia desideria, leprosi propter carnis concupiscentiam, surdi propter contemptum verbi Dei, mortui propter peccatorum consuetudinem, & pauperes propter diuinæ gratiæ priuationem.

At dum Ioannes est in vinculis, idest, dum peccator per legem cognoscit semetipsum, fide adhæret Deo, habet diuinam gratiam, mittit nuncios bonæ voluntatis ad Iesum,

Iesum, illico cæci vident statum suum, claudi ambulant ad bonum, leprosi mundantur ab illecebris carnis, surdi audiunt verbum veritatis, mortui resurgunt ad pœnitentiam, & pauperes euangelizantur propter gratiam.

O felicem iustificatum peccatorem, qui non modo à malis omnibus liberatur, sed in deserto huius sæculi ab ore Christi in multis commendatur! Commendatur primo, quia iustificatus peccator firmus est, & stabilis, diabolicæ fraudi resistens. Quid existis &c? Arundinem vento agitatâ? nequaquam. Commendatur secundo, quia omnia huius mundi vana respuit. Quid existis? Hominem mollibus vestitum? nec hoc. Commendatur tertio, quia à terrenis ad cœlestia eleuatus, recordatur præterita, cognoscit præsentia, præuidet futura, & veluti Angelus Domini in puritate existens, viam penitentiæ Domino Deo suo parat. Laudemus ergo Deum, & nomini sancto eius dicamus gratias, qui dedit potestatem talem hominibus.

Allegorice autem (sanctissime Pater) & citius modum dicendi faciam. Quid Ioannes in vinculis, nisi Ecclesia Christi visibilis, hincinde in terris, tot tantisque angustijs, calamitatibus, seditionibus, perturbationibus circumligata, & minis, & bellis, flagitiosisque sceleris inimicis circumdata?

Quid Christus diligens Ioannem, ipsumque publicè magnificans, nisi summus Romanus Pont. vniuersalis Ecclesiæ caput, & pastor? qui vices Christi in terris gerens, semper dilectam eius Ecclesiam custodiet.

Quid duo ex discipulis eius ad Christum missi, nisi duo S. R. F. potiores status, Ecclesiasticus, videlicet & Sæcularis? Qui concordî voluntate rogent, humiliterque Romano Pontifici supplicent, ut ipse, ipse sit, cui traditæ sunt, in vtrunque statum clauis, qui Ecclesiæ sancte provideat, eam ad inimicis protegat, Catholicos Principes aduersus hostes iniat, infideles destruat, hæreticos comprimat, rebelles anathematizet, malos perdat, bonos diligit, pauperes defendat, religiosos visite, & studiosos subleuet.

Semper fuit, semperque erit Ecclesia Christi militans in vinculis Herodis constricta. Qualis & quanta fuerit nascentis Ecclesiæ persecutio, & in persona Christi & Apostolorum, & discipulorum eius ab insidijs Iudæorum, sacri codices

dices docent. Qualis, ac quanta erit circa nouissima tempora eiusdem Ecclesie persecutio, ipsemet Christus prædixit nobis: Cum videritis abhominæ.

*Matth. 24.*

Nunc autem hac ferrea nostra ætate (hem lugubre spectaculum) Ioannes in maximis vinculis, in angustiis, & tribulationibus reperitur: & est sancta Iesu Christi Ecclesia, quæ ex vno latere ab infidelibus premitur, ex alio ab hæreticis dilaniatur, circumcirea, & in medio à pseudo Christianis vilipenditur. Orientalis draco aperto ore aduersus eam mouetur. Occidentalis vipera vsque ad mortem mordet eam. Septemtrionalis basiliscus venenoso aspectu occidere, & ad nihilum redigere omnes neruos contendit, & vniuersus orbis in armis positus, publicè cum Angelo percutiente clamat, veh, veh, veh, habitantibus in terra. Iam, ubique illustrissimi Patres, insurrexerunt hæretici, hostes nostri, & dictis & factis aduersus Christi Ecclesiam, & defensores eius crudeliter dimicant. Mouentur verbis, dum Romanam Ecclesiam, Romanum Pontificem, Cardinales, Archiepiscopos, & Episcopos, religiosos execrantur.

*Apos. 3.*

Mouentur factis, dum furenti multitudine arua deuastant, demoliuntur vineas, succendunt habitacula, expugnant arces, depopulant ciuitates, violant monasteria, monialium, vi opprimunt religiosos, prophanant sanctuaria, reliquias sanctorum, & eorum imagines projiciunt, crucem Christi vilipendunt. Et hoc genus hominum, graue, & inutile pondus super terram, à nobis sustinendum est? non, non, non. Quid ergo agendum?

Duo ex discipulis Ioannis mittendi sunt ad Christum, idest, Principes Ecclesiastici, simul & sæculares concordii voluntate currant ad Roman. Pontif. qui Vicarius Christi est, & vno ore dicant: Tu es qui venturus &c?

Et tunc stante hac omnium principum vnione, illico respondebit Romanus Pontifex: Ite renunciate, & Cardinales fratres dicite omnibus: Oratores filij annunciate Principibus vestris, qd ego dictis & factis pro Christi Ecclesia, & ouibus meis omnino paratus sum & animam ponere: Dicite, dicite libenti animo: Cæci vident, claudi, &c. quia diebus nostris omnium vitiatorum genera erunt euulsa, & tempore nostro, sic fauente Deo, in Ecclesia Christi redibunt aurea sæcula.

Loque-

Loquere, loquere (Pater sancte) & cuilibet Ecclesiam, sponsam tuam opprimenti dic velocius: Quid existis? Arundinem? Nunquid Ecclesia Christi infirma sit, & instabilis? Hoc non; quia scriptum est, Portæ inferi non. Quia, fundata est domus &c. Quia fundamenta eius in montibus.

Quid existis? Hominem? Nunquid Ecclesia Christi Romana & Catholica carnalis, corrupta, & deprauata sit? Nec hoc esse potest, quia tota pulchra est, & macula &c. Quia columna est, & firmamentum veritatis.

Quid existis? Prophetam? Et ego dico, quodammodo plusquam Prophetam; quia Ecclesia Christi omnia videt, omnia nouit, omnia iudicat, omnia determinat, semper verax est, nunquam mendax, & errare non potest. Ideo Angelus Domini est, quia in amore, & obsequio Deo, & Domino nostro Iesu Christo viam pulchram, & impollutam parat. Angelus Domini est, quia manifestat abscondita, tenebrarum. Angelus Domini est, quia ex ore Altissimi prodijt, ab eodem originem traxit, & aliunde comparari nequit. Angelus Domini est, quia candor quidam lucis æternæ existit, imago bonitatis Dei, superflua delet, necessaria claudit, inania prohibet, & pia vndeque admittit. Angelus Domini est, quia gyrum cæli circuiui sola, profundum abyssi penetrat, in fluctibus maris ambulat, in omni populo, & in omni gente primatum tenet, superbiorum hæreticorum, & sublimium Turcarum colla diuina, virtute calcatur. O admirabilem & insuperabilem Christi Ecclesiam, quæ lætissime cum Propheta, clamat, Sæpe expugnauerunt.

Sap. 7.

Ecclesi. 14.

Gaudeamus ergo omnes, & dulci spiritus modulatione, exultemus in Deo salutari nostro, quia velati nos in vinculis peccatorum manentes, assistente gratia Spiritu sancti, cooperantibus nobis cum bonis nostris operibus iustificati sumus; ita Ecclesia Catholica, & Apostolica Romana in persecutionibus posita, concurrentibus vobis Principibus, tanquam duobus vnitis discipulis eius, erepta erit de laqueo venantium hæreticorum. Faxit Deus vt tempore tuo (Beatissime Pater) dulciter à nobis cantetur, Laqueus contritus est, & nos liberati sumus. & tunc deuictis hostibus, à solis ortu vsq; ad occasum in Ecclesia sancta laudabitur nomen Domini nostri Iesu Christi inuocabitur, vexillum sanctum

etiam eius explicabitur, & ante faciem omnium populorum humiliter adorabitur. Et ita factum sit ab eo, qui uiuit, & regnat Deus in secula seculorum. Amen.

## ORATIO III.



**Q**UITE rite perpenderit (Beatissime Pater) naturam malignam peccati, quam sit eius origo pudenda, & infelix finis, quam infinite bonitatem Dei offendat, mundum peruerat, & peccatorem deordinet, mentem implens tenebris, affectum iniquitate, vitam scandalis, cor obstinatione, animam morte; ut & viuendo iram in die iræ, & moriendo iudicium sibi thesaurizet, & gehennam; perpendere vel facile poterit quantum sit opus aduentus Messie D. N. cum in plenitudine temporis plenitudinem ferens lucis iustitiæ, gratiæ, sanctitatis, redemptionis, & vitæ, illuminauit fide, reificauit gratia, mundauit sanguine, uiuificauit morte, ditauitque meritis; restituens hominem in gratiam, in spem gloriæ, & in libertatem filiorum Dei. Opus enim hoc est omnium maximum totius etiam orbis molitione maius, quod sine ipsamet Deitate expediri non potuit. De quo si ex altitudine rei & loci oritur difficultas fandi ubi adest ratio non tacendi, illud Sapientis tremula ipse arundo exordiar.

*Rom. 8.*

*Proh. 30.*

Tria mihi difficilia sunt, & quartum penitus ignoro: via aquilæ volantis, vestigium serpentis in petra, semitæ nauis in mari, & via viri in iuuentute sua.

Inprimis enim quod Aquila illa diuina, inimica serpentum Christus Dominus sit eminentissimus euolans super Cherubin & Seraphin natura, gratia, potentia, virtutibus; & meritis scire licet, & quod de cælo delapsus in hac ipsa Ecclesia posuerit nidum suum, ut alius ab eo Messias, Saluator, & Redemptor non sit expectandus, certo certius est: ut vero tanta maiestas venire, & se ipsam exinanire, & hominem assumere dignata fuerit, ut virgo verbo repente conce-

conceperit, & virum statim circumdederit, & vnico partu, ac prole diuinam & humanam inter se distinctissimas, & diuersissimas, non mixtas, non compositas, non transmutatas, non oppositas, sed in tantam vnitatem coniunctas ediderit naturas, vt faciant connubium sempiternum, & miraculū perpetuæ felicitatis & gloriæ, vt homo fiat Deus; & Deus homo, immortalis mortalis, lux eclipfis, inuisibilis visibilis, seruus Dominus, supremus infimus, & humanitatem sustineat, & non confundat, sed consoletur & beet diuinitas, & formam serui forma Dei non adimat; & formam Dei formam serui non minuat, via Aquilæ est, quam nec mundus capere, nec mens concipere, nec vox fari sufficit, sed tantum admirari, & exclamare licet. *Rem. 11.*

O inuestigabiles viæ eius! At admirabilior si rite attendatur, finis aduentus eius videbitur. Vnde est, vt eclipsetur Sol, nisi vt cæci videant, & mens hominis illustretur fide? Cur infirmatur virtus? vt claudi ambulent, vt spes erigatur, & confidamus omnia à Patre nos posse habere per Christum, quando nobis cum illo omnia donata sunt. Cur mundities effecta leprosa, nisi quia vetera holocausta, & victimæ, lex & Prophetæ mundare & iustificare non poterant. (Vmbra enim erant) & morbus læthalis in mente, non tollitur per vnctionem sanguinis animalium in carne; vnde Isaias do- *Isai. 1.*

lebat, Vlnus originalis, liuor venialis, & plaga tumens mortalis peccati non est curata medicamine, neque foras oleo, ideo venit vnguentarius, qui vnctionem confecit sanitatis, vt mundarentur leprosi. Sic vt surdi audiant, Verbum assumpsit carnem; & mortalitati nostræ sempiterna, est vnita vita, vt dupla morte mortui viuereamus. Hinc & ditati pauperes, quia facta est Dei ad humana descensio, vt fieret pauperum ad æterna prouectio, & ingredi, & egredi detur ad Deum ad hominem, & duplicia felicissima inuocare pascua. O Amor nobilis, qui Deum hominem, & homines deos facis! O ineffabile Sacramentum amoris, O inestimabilis dilectio charitatis! Sed aliud difficile audite.

Si Christus petra est, si fundamentum aliud Ecclesiæ, fidei, & salutis, nemo potest ponere, quomodo super petram *1. Cor. 3.* hanc imprimi vnquam potuit serpentis vestigium & peccatum? Quomodo esset Christus inter mortuos liber, & de *Rem. 8.*



Num. 21.

Job 14.

peccato damnasset peccatum? Quomodo secundus homo de cælo cælestis, & mysticus anguis morsus serpentum sanaret, & cæteros serpentes deglutiret? Necessè erat, vt semen in quo benedicendæ erant omnes gentes, esset sanctum, vt sanctificare posset. (Quis enim potest facere mundum de immundo?) Nec mortis inuentor diabolus originalem deditij generis nostri, seruitutē admilisset, nisi pro reconciliandis hostia esset nostri generis socia, & nostræ contaminationis aliena. Ex sanctitate ergo Christi nostra deletur iniquitas, & adducitur iustitia sempiterna: sic mors morte destruitur, vetustas nouitate reparatur, sic de impijs iusti, & de terrenis incipiunt homines esse cælestes, & filij Dei, quando & redemptio aufert seruitutem, & regeneratio mutat originem, & eodem spiritu, quo de virginis visceribus natus est Christus, de sinu sanctę matris Ecclesię renascitur Christianus. Perspiciate quāto cordatę mentes, quanti referat nullum in petra serpentis impressum esse vestigium, & quā purā ab eo reddatur Siloe & Iordanis, quāque secūra in peccatorum diluuiū euadat Ecclesię Arca, in qua vnā omnis reconditur salus & sanctitas.

Et hæc est illa nauis Patres Amplissimi, cuius inuestigabiles penitus sunt semitæ. Quis enim nouit quomodo innascenti suā aurora (ita eūm appellari liceat) Baptista, noster in ergastulis posita, & in Ioannis capite minuta; argumentum sumpserit veluti noua Phœnix in latere & morte Christi nascendi, & in Christo in Cruce crescente crescendi? Quæ via est ista, vt dum persequitur floreat, dum opprimitur crescat, dum læditur vincat? Hoc propriū Sponsæ tuæ est, Pater Beatissime, quod de suis cladibus ingrāuata triumphat, persecutionibus proficit, tribulationibus dilatatur, sanguine martyrum irrigatur, fletibus pascitur, ieiunijs reficitur, & inde potius augetur, vnde mundus deficit. O humilitas & sublimitas! O tabernaculum Cedar & cæleste palatium & domus lutea, & aula regia, & corpus mortis, & templum lucis, media inter cælum & terram, continens cælestes, & terrestres, vias tuas quis inuestigabit? Tu ante Christum polluta vano deorum cultu, at per aduentum Christi virgo effecta (mirabile dictū) vni viro admirabili Christo desponsata es.

Hic enim vir tuus, vir ille est, cuius iuuentutis virginitus



nitus ignorantur, quia nullus mortalium explicare potest, quæ opera patrauerit in terris, quæ itinera virtutum duxerit, quæ miracula ediderit. Exigua illa sunt, quæ ex Euangelio audistis, Cæci vident, claudi ambulant, leprosi mundantur, surdi audiunt, mortui resurgunt, at si omnia descripta essent, mundus (inquit Io.) capere non posset.

*Ioan. vi.*

*Luca 6.*

*Leo Pap. ser.*

*1. Sæ. Nat.*

*Dominici.*

Vnum illud satis sit. Virtus de illo exibat, & sanabat omnes. Agnosce ergo ò homo dignitatem tuam, & diuinæ confors factus naturæ, gratiæ & sanctitatis, noli in veterem vilitatem degeneri conuersatione redire, quando pretium tuum sanguis est Christi.

Noscat & sancta Mater Ecclesia in aduentus Christi humilitate gloriâ suam, quoniam ex eius latere orta, & ex sanctitate, & morte eius, sanctitate & immortalitate donata, hoc priuilegio decorata est, vt Sponsa Christi, mater & magistra Ecclesiarum totius orbis dicatur & sit: & quod stipiti ramus, quod capiti membra, quod soli radij, quod fonti riui, hoc Apostolicæ Sedis eminentiæ debeant omnes aliz.

Quod si Asia, & Bithynia, Persis & Oriens, Indus & Scythia vnum non adeunt & colunt Christum, & vnam Catholicam non integrant Ecclesiam, si non illuminantur, rectificantur, mundantur, resurgunt, euangelizantur (testes inuoco cælum & terram) eorum est culpa, cum in Ecclesia sua pro omnibus aduenerit, & factus sit Christus lux, iustitia, sanctificatio, & redemptio, quousque Arcam hanc Ecclesiæ suæ sistat in montibus sanctis, vbi gratia terminetur in gloriam, & fiat in ea Christus forma, vita, & gloria inhabitantium. Amen.

*1. Cor. 1.*

## ORATIO III.



MAGNUM inter mulierem & serpentem certamen attendo, magnum bellum dispositum esse considero, magnam sollicitudinem habendam esse cognosco: directa est vtriusque acies, paratum est bellum, statur comminus, proprius constititur, ab vtriusque intentè prouocatur

H 2 tur

tur, vt cautela adfit, follicitudo intendat, & fecuritas conquiefcat. Stat mulier in procinctu, caput serpentis obferuans & vitans, obferuans, vt calcet, vitans, vt eius morfum declinet. Adeft paratus ferpens, callidus & subtilis, callidus ne mulieris pede calcetur, subtilis vt eius morfu, vt mulier incauta profternatur. Hanc pugnam intēdit, & latus afpiciat Deus, quafi prauidentis prifcam eius in serpente conſummandam eſſe ſententiam, hoc breui carmine completam: Seque ſuo mulier perimet cum ſemine cuius, Extremis tantum inſidiabere plantis. Hanc pugnam nobis non inutilem audire non dedignetur S. B. & ego breuibꝯ me expediam.

Præclara eſt illorum ſententia, qui mulieris appellatione ſanctam accipiunt Eccleſiam, cui perpetuum & irreconciliabile cum antiquo ſatana hoſte certamen horribile indictum eſt. Ille namque ſerpens turbulentus, ardens, & natura vehemens tanto in Eccleſiam odio inflammatus eſt, vt ad illius exitium aperto Marte, & furioſiſſime nihil non molietur. Sic namque inſidiabatur ſerpens calcaneo Eccleſiæ, Adæ ſcilicet primo parenti noſtro, vt velut extrema de terra terreſtris pars corporis Chriſti, quod eſt Eccleſia, obſecratas eius ſuggeſtiones plagata, & ſaucia relinqueretur. Inuidebat enim hoſtis, quod ipſe ſuperioris naturæ, inde ceciderat, quò inferioris naturæ homo accedere ſperabat: & quod homo de terra in cælum eſſet migraturus, vnde infeliciter & irreuocabiliter fuerat ille delapſus. Vnde toto induſtriæ conatu hominem fraude & vorſucia ſic adoruſus eſt, vt impio telo, quam primum ſcientiam eius nobilem & innocentiam plagauit, lætalem ſcientiam inſinuando, dicens: Eritis ſicut Dij ſcientes bonum & malum; & criminofam inobedientiam ſuggerendo, inquiens: Nequaquam moriemini, ita vt perfectæ ſcientiæ orbatus, & ruinofa inobedientia claudus Adam effectus, ſic vocem Altiffimi tum vocantis fugiebat, vt non tantum cæcus & claudus, ſed & ſurdus etiam ipſe videretur.

At piſſima mulier in hoſtem ſpiritu fremens, iduque Eccleſiaſticæ pharetræ illum petens, ſuo comitata ſponſo, plagas hominis & vulnera pietate curat, charitate ſanat, & prouide componit. Qua in re eò peruentum eſt, vt victus fuerit, qui prius victor credebatur. Incertus eſt enim bellorum

bellorum exitus. Nam serpens intendebat hominis cæcitatē, obliquitatem, cordis duritiā, fœditatē, ac denique mortē. Mulieris autē & Sponsi eius opera, Cæci vident, claudi ambulant, surdi audiunt, leprosi mundantem, & mortui resurgunt.

Math. 11.

Cæci vident, quia sancta mater Ecclesia singulari pietate, & lepidissimo affectu; sic mentes nostras illustrat, ut quod ignorat natura, quod mens non capit humana, & quod non percipit ratio creata, à nobis fideliter dignoscatur. Cæci fuimus in principio, modo videmus in fidei speculo: cæci iam plaga, videmus modo reparati: nam Deum, trinum & vnum distinctè cognoscere: originē & nostri finē apice nostri intellectus illustrati attingere; cuncta media, in finem respicientia, & inuisibilia quæque, quasi manu tangere; viatoribus obscura, quasi certo scire: & præmium nostrorum laborum fiducialiter præuidere, summa hominis disciplina, grande hominis decus, magna viatoris gloria, & singularis honor.

Nos rursus cæcos illuminat Ecclesia, quia docet superna ad quæ suspiramus; interna, vnde plangimus; ex terna, vnde laudamus, & in ferna, vnde horrescimus. Coram hac muliere cæci vident, enim vero ipsam sanctam Ecclesiam etiam videntes Philosophi cæci sunt, & pertinaces hæretici in sua cæcitate peribunt.

Claudi ambulant. En secundi vulneris curatio. Nam primus parens noster morfu inobedientiæ deuictus, obliquus factus & claudus, eius tamen sanitatem præferat Ecclesiæ Sponsus inquires, Claudii ambulant, ac si aperte dicat: Claudii iam non amplius claudi, sed ambulant; immo & recte ambulant.

Recte autem ambulant, qui relictis impietatibus ad virtutes mouent, in virtutibus proficiunt, & à via veritatis, neque fide, neque opere aberrant.

Recte, inquam, ambulant, qui digne & caute ambulant: digne quidem, qui ut præmio & corona digni sint, vocationem suam laudabili consummatione perficiunt. Caute vero qui vitantes nociua procurant vtilia. Vtilissimum autem, est manere in Ecclesia (Ecclesiæ seruare præcepta) & Ecclesiæ Pastorem agnoscere.

Manent in Ecclesia, qui lauari, nutriri, coalescere, diligenter

genter saluari petunt ab Ecclesia, cum salubriter cibum, potum, lauacrum, & salutem nō præstet nisi Ecclesia, nec recte Deum amare quis potest nisi in Ecclesia Dei est, quia Deus Ecclesie spiritus, & vita æterna est.

Præcepta seruant Ecclesie, qui ritus & traditiones Ecclesie gratanter recipiunt, & humiliter obseruant: in illis enim est quædam dulcis ad omne bonum directiua notitia, & in obseruationibus earum fidelium fidelissima praxis: in illis inquam traditionibus, cui debeatur honor, cui affectus, cui reuerentia, cui timor, cui consolatio, cui admonitio, cui coercitio, cui disciplina, cui obiurgatio, & cui supplicium; sedulo docet Ecclesia.

Pastorem Ecclesie agnoscunt, qui Vicarium Christi recipiunt & colunt, & curam eius non contemnunt, cum extra curam eius non sit sanitas, neque curatio. Huic enim vni clauēs Ecclesie collatæ sunt, illique data omnis potestas in cælo, & in terra, vt euellat, & destruât, ædificet, & plantet. Et propterea ab ipso & à sacrosancta Romana Ecclesia omnium magistratū interius orbis instituitur, curatur, & componitur. Huc enim tendit traditionum, & legum, prudens conditio, vt scilicet cæci videant. Huc vtriusque Signaturæ prouida institutio, vt claudi ambulent.

Huc Congregationum Concilij, Episcoporum, & Regni consultorum illustrissima prouisio, vt surdi audiant. Huc sanctissimæ Inquisitionis Officiū, vt leprosi mudentur. Huc sacra Pœnitentiariæ opitulatio, vt mortui in peccatis resurgant. Huc tandem copiosa eleemosynarum erogatio vt pauperes euangelizentur. Hinc lacrymæ & suspiria, serpentis; in hic & per hæc omnia inuictissima mulier serpentem calcit, vincit, & perdit. Hæc est mulieris victoria, & gloriosus eius triumphus, quo sicut potimur in via, sic Domino concedente fruamur in patria. Amen.



## O R A T I O V.

*Laudemus Viros gloriosos, Clamitat Ecclesiasticus. P.B. Eccli. 44.*



**L**et neque laudis causa virtus cape-  
 ssenda, neque coram laudare-  
 tutum sit, aut decorum; virtus  
 tamen ipsa laudem meretur ma-  
 ximam, & eam suo loco, ac tempo-  
 re, absque adulationis vitio lau-  
 dare, laudabile est, vtile quoque,  
 & fructuosum, interdum etiam  
 necessarium. Laudabile quidem,  
 quia charitatis hoc magnum est argumentum. Vtile ac  
 fructuosum: sicut enim pictores exemplar diligenter aspi-  
 ciunt, inquit magnus ille *Basilius*, vt ad eius lineamenta, & colores imaginem exprimant; sic qui virtutum imagi-  
 nem in se exprimere cupit, Sanctorum vitas, dicta & facta  
 diligenter inspiciat oportet. Necessarium demum; nam à  
 natura comparatum est, vt qualia in alijs, vel audimus, vel  
 cernimus, talia fere imitari, & facere soleamus: oues enim  
 Iacob virgas intuentes varias, similes Agnos pariebant: sic  
 iuxta ea, quæ cernimus, seu bona, seu mala, impetus ani-  
 mi operantur. Quod propemodum naturale cum sit, ma-  
 gna est interdum necessitas sanctorum & fortium virorum  
 virtutes præclaras studiose laudari: sic suos senex ille Ma-  
 thathias ad fortiter pro Dei legibus pugnandum, filios  
 hortabatur, exemplo scilicet Phineez proposito, sic castissi-  
 ma vidua illa Iudith veterum exemplorum memor, fiducia  
 accepit occidendi Holo fernem. Sanctus quoque Isaias sic  
 concionabatur: Attendite ad Abraham Patrem vestrum:  
 & rursum, Attendite ad petram, de qua excisi estis. Diui-  
 nus ille præco sic suos alloquebatur, Mementote præposi-  
 torum vestrorum, quorum intuentes exitum conuersatio-  
 nis, imitami & fidem: sic demum, vt alios taceam, sancti  
 Præcursoris virtutes, egregia & facta à Christo Iesu hodie  
 in euangelio proponuntur, vt per id, quid Christianos de-  
 ceat

*Basilius.*

*Gen. 30.*

*1. Macac. 2.*

*Iud. 8.*

*Isai. 51.*

*Ad Heb. 13.*

ceat viros, animaduertamus. Sane virtutem laus, vt vmbra corpus, sequitur: vere sequitur, accurrentem tamen fugit. Sanctus Præcursor sic omnem laudem fugit humanam, vt desertum peteret; ab omni humana conuersatione remotus, & laude alienus, at sic laudatur, vt nemo vnquam mortalium magis. Sed quidnam in eo hodie Christus magni faciat, attendamus. Vnam ne virtutem dumtaxat, aut alteram? minime vero, sed varias, & multiplices. Constantiam scilicet, vitæ asperitatem, futurorum præmeditationem, Angelicam puritatem, ac Præcursoris officium, eximiam dignitatem. Quid existis in desertum videre?

*Leon. 1.*

Arundinem vento agitatam? Non est profecto Ioannes, arundo quolibet in constanti vento agitata, sed Ecclesiæ columna firmissima in amore constans, & innocentie immobilis conseruator, de quo sanctus Hieremias vaticinans, Ego (inquit) dedi te in columnam ferream, & vere columnam; nam nec ventis, nec tempestatibus, nec mundi hominibus, & fauore commotus. Herodis namque potentiam non timet, nec Iudæorum assentationi cedit. Sed illius incestus improbat nuptias: & his tentantibus, an Christum se profiteri vellet, Confessus est, & non negauit; quia non sum, ego Christus. Qui enim hominibus placent, tempori seruiunt, vitijs varijs laborant, ad omnem tentationis pulsationem aurem porrigunt, ac animum mutant. Hi profecto arundo sunt vento agitata: Quid per arundinem, inquit

*Gregor.*

Maximus ille Pontifex sanctus Gregorius, nisi carnalis animus designatur? qui mox vt fauore, vel detractio tangitur, statim in partem alteram inclinatur. Non sic, non sic sanctus Ioannes Baptista, nam quod libere, & fortiter fecit, constanter etiam in carcere tenuit; & vt animo constans, sic mollia fugiebat. Quid enim existis videre, hominem mollibus vestitum? id est amicum sæculi, qui eius fruatur bonis? Mollibus namque non erat vestitus sanctus Christi Præcursor, mollia immo abhorrebat, durioribus se affligebat, multisque vitæ laboribus sanctitatem custodiebat. Qui mollibus vestiuntur, in domibus regum sunt; affirmat hodie Veritas ipsa: & vestes quidem non damnantur, sed vitium vestibus abutentium. Quis ignorat sub purpura multos Deo placuisse, plures tamen sub sacco displicuisse? sunt namque qui in purpuram non efferentur, & qui se vesti-



tòs sacco, vel dolent, vel certe gloriantur. Magnus sane est quem saccus non deiecit, & quem purpura non extollit: talis erat Dauid, & talis Ioannes Baptista; nam nec ille sub purpura, nec sub cilicio iste arundo erant agitata. Sed quid existis videre? Prophetam? equidem Prophetæ est de Christo prædicere, & ipse Prophetæ fuit; nam nedum futura prædixit, sed in vtero constitutus, Deum in eo quoque cognouit: sed plusquam Prophetam existis videre, & audire, dum alij quæ de Deo ventura forent, prænunciarunt: at de Ioanne Deus ipse in Malachia prophetauit, inquit: *Mal. 3.* Ecce ego mitto Angelum meum. Angelus à mundi Redemptore in testimonium esse plusquam Prophetam, ex prophetæ vaticinatione hodie ergo est nuncupatus. Audi nunc, & intellige dignitatem, ait Chrysostomus, puto si non audaciter dicere, quòd gloriosior est Ioannes, quia homo fuit, & propter virtutis meritum Angelus est vocatus, quàm si nomine Angelus, & natura fuisset. Angelus enim hoc ipsum quod Angelus est, non tam est virtutis præmium, quàm naturæ proprietas: iste autem mirabilis est, qui humana natura, Angelicam sanctitatem transgressus, quod non habuit natura, per gratiam Dei tamen obtinuit. Vere itaque Ioannes Angelus nuncupatur, Angelus vita, Angelus conuersatione, Angelus oratione, Angelus contemplatione, Angelus charitate, Angelus denique & si non natura, tamen puritate. Proculdubio homo sicuti & nos Ioannes erat; sed si vitam, & actiones eius spectemus, nullam videbatur habere hominis similitudinem. Etenim eius cogitatio, eius voluntas, eius desiderium, eiusque denique actio admirandum quid, & diuinum potius, quàm humanum præferebant, vnde ante Euangelium, Euangelicam vitam ducens, Euangelicus homo, viam præbuit Euangelio. Venit in testimonium vt testimonium perhiberet de lumine. O vere lucernam ardentem, diuinum lumen ostendentem! ò Prænunciij amplitudinem! ò Præcursoris dignitatem, ac nobilitatem! *Chrysost.*

Oratione satis explicari possit? quibus laudibus tua dignitas efferrî? Vnde autem commodius perspicere quis poterit quanta sit tua nobilitas, quàm ex officio tibi iniuncto? Hic venit in testimonium, vt testimonium perhiberet de lumine. Sed quis de luce perhibere potest testimonium? luce



enim omnia monstrantur, luce omnia clarent; lucem esse, per se manifestam, cui non est conpertum? Quis igitur poterit lucem monstrare? datur ne lux maior luce? & si non, erat ille lux; quomodo lucem demonstrabat? si lux non, erat, potius lucem obscurare, quam monstrare poterat. Attendite quæso diligenter, lux in tenebris lucet, & tenebræ eam non comprehenderunt. Venit Ioannes, ut tenebris testimonium perhiberet de lumine, non propter lucem, quæ de se clarissima erat: sed propter tenebras, quæ lucem ipsam comprehendere minime poterant: Non poterant, inquam, homines tenebris assueti, apertis oculis solem inspicere: præmissus ergo est Ioannes tanquam lucerna ardens, & lucens, ut per eam ad cernendum solis radios vires acquirerent. Mira res Illustrissimi Principes, & omni admiratione digna, triginta annis inter homines Deus erat, & factus est homo, cum hominibus loquebatur, neque tamen agnoscebatur. Tantum inquam mysterium, tam singulare beneficium in mundo erat, & mundum latebat. Venit Ioannes, ut de hoc homines admoneret, & latentem in homine maiestatem cæteris indicaret: ipse enim erat lucerna ardens, & lucens; vere ardens, & lucens, inquit sanctus Bernardus, ut nos per hoc quid agere debeamus, intelligamus. Lucet, & ardet homo perfectus: est enim tantum lucere vanum, tantum ardere parum: ardere, & lucere perfectum. Audiamus quid dicat Scriptura: Sapiens permanet ut sol, stultus autem ut luna mutatur. quia splendet luna sine feruore, modo plena, modo exigua, modo nulla videtur: sic qui conscientias suas in alienis labijs posuerunt, modo magni, modo parui sunt, modo nulli videntur, secundum quod adulantium linguis, vel vituperare placuerit, vel laudare.

At vero solis splendor igneus est, & cum feruet acrius, etiam oculis lucidior exhibetur. Sic sapientis ardor, intus & foris lucet. Et si ei non datur utrūque, curat semper ardere magis, ut Pater suus, qui videt eum in abscondito, reddat ei. Væ nobis si luxerimus tantum: nam lucemus quidem, & magnificamur ab hominibus. Sed mihi pro minimo est, ut ab humano iudice die: qui enim iudicat me, Dominus est. Qui feruorem ab hominibus exigit, pariter & splendorem.

Apostolis ac Apostolicis dicitur viris; Luceat lux vestra coram

*Ioan. 5.*

*S. Bernardus.*

*Eccli. 27.*

*1. Cor. 4.*

*Matth. 5.*

coram hominibus, vt videant opera vestra bona, & glorificent Patrem vestrum qui in cælis est. Apostolus mundi fuit Ioannes, non in vnâ Prouinciâ, vt cæteri, sed in vniuersum orbem præmissus, vt quem tot retro sæculis ab initio creationis venturum prophetarum cætus prædixerat; hunc ipsum non tam vaticinatione, quàm digito tanquam lucerna ardens & lucens ostenderet. Quid enim venisse profuisset, nisi agnosci contigisset? Christus venit vt pretium redemptionis Deo exolveret. Ioannes vt hæc ipsa redemptio mundo per ipsum ignotesceret. Christus vt afferret salutem in medio terræ, Ioannes vt salus illa per vniuersam terram crederetur, Christus, vt viuificaret, Ioannes vt illuminaret: Vt omnes, inquit sanctus Euangelista. Ioan. v. Ioannes, crederent per illum. Voluit namque Christus per Ioannem aduentum suum esse testatum, vt veluti tanquam alter mediator inter mediatorem Christum, & hominem intercederet. Nam Ioannes homo fuit missus à Deo, vt homines conuerteret: & multos Filiorum Israël conuertet ad Dominum suum. Christus autem venit vt homines à peccatis absolueret: Ioannes ergo corripuit, vt Christus susciperet: Ioannes mandauit, vt Christus sanctificaret: Ioannes demum præparauit, vt Christus inhabitaret. Et habitauit in nobis, de Salvatore dicitur: qui præparauit viam, inquit Christus de Ioanne. Quis vnquam Sanctorum, talem in Ecclesia Dei sortitus est locum? quis ad tantum dignitatis gradum ascendit? Nam & si Ioannes propter tenebras in lucis testimonium venerit; maius tamen ipse testimonium à luce accepit, quàm dederit.

Ioannes enim Christum laudans, humanam illi contulit gratiam; inquit eloquentissimus Chrysostomus: Christus autem Ioanni diuinam contulit gloriam: Ioannes Christum Agnum ostendit: Christus autem Ioannem Angelum prædicaui: Ioannes minus laudauit in Christo, quam erat; nam non tantum peccata mundi abstulit, sed etiam vitam æternam mundo donauit: Christus vero Ioannem supra quàm videbatur erexit, vt qui homo erat, Angelus diceretur. Chrysost.

Quid maius ad Ioannis gloriam potest accedere, cum nullus in orbe, Dei etiam testimonio, sit præferendus: quoniam maior Ioannis dignitas, quàm vt à Christo, iam viuus

laudaretur? Agnoscite, inquit, doctissimus ille Nyssenus,  
magnificentiam laudis, ex dignitate laudantis.

O te igitur beatum Ioannes Baptista, quem ille te lau-  
dat, qui nec adulari, nec falso laudare potest:

ille te magnificat, cuius potentia non est fi-  
nis, & sapientia non est numerus: ab

illo tandem glorificaris, cui

summa laus, & gloria


debetur.





## DOMINICA TERTIA

## ADVENTVS.



## ORATIO PRIMA.

*Miserant Iudæi ab Hierosolymis Sacerdotes, & Leuitas  
ad Ioannem, vt interrogarent eum,*

*Ioan. 1.*

*Tu quis es?*



OMMVNIS quidem, satisque  
vsu recepta (Beatissime Pater) hæc  
Sacerdotum, ac Leuitarum inter-  
rogatio; sed non vulgaris, nec ab  
omnibus vsurpata Ioannis respon-  
sio nobis hodierna lectione pro-  
ponitur expendenda. Illa siqui-  
dem tumore vndeque referta,  
hæc singulari humilitate est deco-  
rata. Illa sæculi vanitate infecta, hæc propheticæ, ac subin-  
de Divino roborata testimonio. Illa ex falsa suspitione  
profecta, hæc constanti confessione obfirmata. Et confessus  
est, & non negavit, & confessus est, quia non sum ego Chri-  
stus. Tu quis es? Ioannem interrogant Sacerdotes, Messia  
eidem vitro offerentes dignitatem: ille vero demissionis  
scuto protectus; Elia nomen, Prophetæ, vel Angeli, alias  
sibi conueniens, sponte reiecit, Vocis tantum appellatione  
contentus. Ego vox (inquit) clamantis in deserto; Quare,  
propheticum illud nequissimis hisce nuncijs fas erat obij-  
cere: Molliti sunt sermones eius super oleum, & ipsi sunt  
iacula. temerè redarguentibus: Quid ergo baptizas, si tu

*Psal. 54.*

non

non es Christus, neque Elias, neque Propheta? Verum, uti ex amaro flore, celesti rore conserpso, mel colligunt apes, non secus diuino adspirante numine, suauissimum sui ipsius cognitionis liquorem ex hoc tam fucato quasito sugere nobis licebit, illo sapientissimo, ac perinsigni oraculo, *Nosce te ipsum*, memoria retento; ne quandoque nostrorum obliti, obliuioni quoque à Deo tradamur. O infelix, nimisque deplorandum, quorundam ingenium, rerum naturalium studijs tantopere incumbentium, domesticis negotijs inuigilantium, profunda maris inquiringentium, cælorum cursus, variosque syderum influxus perscrutantium, sui ipsius vera, atque salubri (admirante Bernardo) cognitione neglecta. Qua in re oculis cuncta cernentibus (se ipsis tamen inuis) merito comparantur. Quorum propterea impietatem plane designari amphoræ illius visione, quam oculum esse in vniuersa terra Zachariæ vati, quidnam videret, hæsitanti, exposuit Angelus, coniectura quisque facile consequi poterit. Ad perfectam vero sui notitiam comparandam, duo potissimum ob oculos sibi homo proponat: Naturam scilicet ipsam, Christianumque institutum. Ut primum iugiter meditetur, summo animi affectu hunc in modum Diuinus precabatur Vates: Constitue Domine legislatores super eos, ut sciant gentes, quoniam homines sunt. inde beneficij accepti haud immemor, adiecit: Mirabilis facta est scientia tua ex me: vtramque cognitionem sub eodem prorsus animi sensu efflagitans pater Augustinus, orabat, Nouerim te, nouerim me. Duo autem in homine inter se conspiciuntur longe diuersa, corpus nimirum, & animus. Vniuersa vanitas omnis homo viuens, in corporea moles. Benedic anima mea Domino, qui coronat te in misericordia, & miserationibus, qui replet in bonis desiderium tuum: en summa, ac perennis animorum felicitas: ex illo mortalitas, ex hoc perpetuitas: ex priori vix pecudum naturam excedimus, ex altero ad cælestes mentes patet salutaris accessus. Nobis, quales natura sumus cogitantibus, homines re vera nudos, pauperes, miseros, de muliere ad laborem, non ad honorem natos, breuique admodum victuros esse, aperte compèriemus. Ex terrena igitur conditione, abiectionem nostram agnoscamus, nuditatem erubescamus, labores deploremus, de muliere

*Lib. 2. de  
confid. ad  
Eug.*

*Zach. 5.*

*Psal. 9.*

*Psal. 138.*

*August. in  
Sol. c. 34.*

*Psal. 38.*

*Psal. 102.*

*Iob 14.  
Ibid. 5.*

muliere ortum duxisse, flocci natalia faciamus, ex temporis breuitate fluentis, erumpentibus hinc inde ruinis, ingruentibusque periculis: innumeris pariter insidijs animo vndique presso, vitijs irretito, improbis affectionibus pergrauato, terrestrium cupiditatum feritate percusso, metus exterius, interiusue pendet assiduus. Hæc tum animi, tum etiam corporis calamitates Rex ille Salomon ad summum sapientiæ, & dignitatis fastigium euectus, graphice describens, in hæc verba prorupit: Sum quidem & ego mortalis *Sup. 7.* homo, similis omnibus, ex genere terreno illius, qui prior factus est. Detestemur itaque perniciosam hanc humanæ mentis cæcitatem, qua homo sui ipsius ignarus efficitur. Eia agite (Amplissimi Patres) dignoscamus quæso nos ipsos, in quibus non modica elucet animorum præstantia; *Gen. 2.* se namque homo ad sui conditoris imaginem formatum, immortalitatis participem, Diuinæ naturæ confortem, cælorum hæredem, & Angelorum conciuem quandoque futurum, luce clarius conspiciet. Hæc si mortales secum tota mente renouerent, cunctis huius sæculi, cum Ioanne Baptista effugatis fallacijs, ad ea dumtaxat, quæ præparauit Deus diligentibus se, consequenda, toto conuerterentur affectu; neque apponerent vltra magnificare se super terram; sed blandientem hanc desidiam procul pellentes, terrestriū *Psal. 9.* voluptatum iam somno sopitos, ad sui notitiam assequendā, se ipsos vel maximè excitarent. Quod vt diuinitus efficeretur, sic Isaïz præcepit Omnipotens: Clama. Quid (respondit Propheta) clamabo? Omnis caro scenum, & omnis gloria eius quasi flos agri. Clamare iusserat Dominus, quia de cælo prospiciens super filios hominum, si est intelligens, aut requirens Deum, vidit (proh dolor) omnes declinasse, simulque inutiles effectos, statuisset oculos declinare in terram: suo non dissimiles Protoplasto, qui cum in honore esset, non intellexit, sed iumentis insipientibus comparatus, è deliciarum loco in maximā deiectus est miseriam. Quod non obscure exprobatum est Sponsæ: Si ignoras te ò pulcherrima inter mulieres, egredere, & abi post vestigia gregum tuorum, & pascce hædos tuos, carnis scilicet effrænis affectibus nutriendis: iuxta tabernacula pastorum, vbi petulantes homines dominatrices animi cupiditates pascere solent. Quorum indignum plane obsequium, tamquam *Psal. 16.* idolola- *Cart. 1.*

*Isai. 44.**Deut. 32.**Ab. 5.**1. Reg. 16.  
Exo. 14.**Ionn. 1.**Isai. 40.**Psal. 77.*

idololatriz scelus reprehendens. Prophetà inquit: Pars  
eius cinis est, & cor insipiens adorauit illud. Si rursus quid  
nobis profutendum sit, aqua lance libremus; non quidem  
homini quantumuis præpotenti, sed vniuersorum Condi-  
tori fidem spopondisse, iustitiæ baptismali ad Agni nup-  
tias degustandas, candida stola suscepta: eamq. postmodum  
(ô impiû facinus) accumulatis flagitijs violasse, minime diffi-  
tebimur. Cuius ingrati animi, fractæque fidei vitium  
spiritus nobis Diuinus ita exprobrabat: Hæcine reddis  
Domino Deo tuo popule stulte, & insipiens? Stultissima  
quidem res est, ac prorsus detestanda, vnâ cum Anania, &  
Saphira Deo primæ veritati mentiri. Nil certe pernicio-  
sius viro Christianæ fidei cultori (teste Hieronymo) quàm  
proprio munere posthabito, se ipsum, opificemque suum  
obliuioni tradere. Quo tam graui scelere inter aliqs Saul,  
& Rex ille Ægyptius infecti quandoque fuere: quos pro-  
inde superbientes, Deique monita contemnentes, & im-  
perijs orbatos, & cruciatibus perpetuis mancipatos, sacra  
contestantur oracula. Id malorum genus, vt caueret Do-  
mini Præcursor, tenera sub ætate deserti antra, sæculi ho-  
noribus quantumlibet sponte oblatis, omnino reiectis, sibi  
petendum, sapientissime duxit. Quamobrem à Sacerdoti-  
bus hodie an Messias foret, rogatus; confessus est, & non  
negauit, & confessus est, quia non sum ego Christus. sed  
iuxta propheticum vaticinium respondit: Ego vox cla-  
mantis in deserto. Ecquid (obsecro) vox est, nisi spiritus  
vadens, & non rediens? En vanitas humana diuino præsi-  
gnata mysterio. Neque vox clamans, ne quid sibi plus æquo  
tribuere videretur; sed clamantis adiecit, vt nos ipsos, &  
quæcumque nostra in Deum bonorum omnium largitorem  
referenda, insinuaret. Quare humili corde, ac mente pu-  
ra debitas illis gratias hunc in modum persoluamus: Non  
nobis Domine, non nobis; sed nomini tuo da gloriam.





## ORATIO II.

*Miserunt Iudæi ab Hierosolymis Sacerdotes, & Leuitas  
ad Ioannem, vt interrogarent eum,  
Tu quis es?*



**N**VLVS est in hac vita locus (Be-  
tissime Pater) nullus est hominis  
status, qui periculis subiectus, &  
vehementibus tentationum procel-  
lis, non reperiatur obnoxius. Nul-  
lus est qui hanc vitam viuat, & pla-  
cida animi cōstitutione potiri pos-  
sit. Infestissimus dæmō, quasi qui-  
dam latrunculus, & viarum obses-  
sor, frequentes insidias tendit, deceptionis laqueos parat,  
& nos in lætale periculum curat abducere. Et licet malos,  
quos quieto quodam iure possides, non infestet: per eos  
tamen in bonos impetum facit, vt eorum cordibus incon-  
cussa potestate dominetur. Et sicut pirata, qui mare nauigij  
peruagatur, non nauim portu exeuntem, sed cum pri-  
mum conspexerit eam onustam sarcinis redeuntem, inua-  
dit: ita dæmon, simul ac viderit animæ nostræ nauigium  
pretiosis virtutum lapidibus plenum, ipsum irrumpit, vt  
demergat. Hoc vnum præcipue sacrosancta Euangelij le-  
ctio, hodierna luce non obscure demonstrat. Ioannes gra-  
tia decoratus, desertum peragrat: non homines, sed Ange-  
los socios habet, humi cubat, locustis nutritur, æstu cru-  
ciatur, & gelu, Deum trinum veneratur & vnum, & tamen  
dæmonis instigatione tentatur, vt sibi Christi honorem  
vendicaret, ac dignitatem. Miserunt Iudæi ab Hierosolymis  
Sacerdotes, & Leuitas ad Ioannem, vt interrogarent eum:  
Tu quis es? Iure certè, ac omni merito dixerat doctus illè,  
& re, ac nomine sapiens: Fili, accedens ad seruitutem  
Dei, sta in iustitia, & in timore, & præpara animam tuam  
ad tentationem. Verum quæ fuerit huius missionis, & ten-  
tationis ratio, vel causa, quo item pacto sacer Præcursor

*Greg. ho. 11  
in Matth.*

*Greg. lib. 4.  
mor. 21. fo. 2*

*Chrysost. ho. 3. sup. 19  
cap. 6.  
Isai. 1.*

*Ioan. 2.*

*Eccli. 2.*

se liberarit , paulo longius dicendum est . Principio dicen-  
 dum existimari iudæos non ignorasse Ioannem non esse  
 Messiam , vel Redemptorem mundo promissam : nam nec in  
 Bethleem fuisse natum , nec de tribu Iudæ , satis aperte no-  
 uerant . Nullum præterea miraculum aspexerant , cum  
 tamen Christus ingenti quadam hominum admiratione ,  
 innumera præstiteret : sed diuitijs , honoribus , voluptati-  
 bus , alijsque fluxis , ac perituris bonis seipso tradentes ,  
 inutilem Christum temere censentes ( quippe qui ea despi-  
 ciens , æterna atque cælestia prædicabat ) eum quærebant  
 Messiam , qui eos voluptatibus perfunderet , urbana nego-  
 tia non negligeret , terrenumque ac temporalem quæsum  
 facile pateretur . Ecce Achab , qui Micheam vera dicen-  
 tem , ac prædicantem in vincula dedit , & eos prophetas  
 quæritabat , qui & regi blandirentur , & ad voluptatem ,  
 non ad veritatem loquerentur . Ecce Saul , qui ( non respon-  
 dente sibi Domino quæ voluisset ) pythonissam quæsiuit , ut  
 Samuelem quàm citius excitaret . Ecce Ochozias , qui  
 ( grauissima infirmitate correptus ) stultè consulere voluit  
 Deum Accaron . Hinc igitur perditissimi Iudæi Messiam ho-  
 norem soli Christo debigum , Ioanni volunt offerre , ut tanti  
 beneficij memor , eorum vitia dissimulet , auaritiæ pariter  
 atque ambitioni fauat , studeat , suffragetur . Vos misistis  
 ad Ioannem ? dixit Iesus Phariseis , & voluistis ad horam  
 exultare in luce eius . Hoc est , Ioanni honorem obtulistis ,  
 ut eius præterita licentia , licentius illecebris luderetis .  
 Sed re vera tantum facinus Christi famulum commissurū ,  
 opinari nefas erat , cum ab iuente ætate in his mundanis  
 ineptijs , in his vanis ac perituris huius sæculi rebus abij-  
 ciendis , eximiam sui animi præstantiam & fortitudinem ,  
 optime ostenderit . Liber itaque audire Ioannem sapientis-  
 sime respondentem : Non sum ego Christus , non Helias ,  
 non Propheta , sed vox clamantis in deserto . Ioseph , cum  
 in Ægypto dominum reliquaque bona domini sui sibi credita  
 sciret , uxorem non ignorauit exceptam : nouerat mulierem  
 gloriam esse viri , & ingrati hominis esse dehonestare eum ,  
 a quo mirifice dilectus , honore maximo cohonestatus erat ,  
 Ioana es bona meminerat , quæ sibi Christus cælitus attule-  
 rat , & inde meritas gratias persoluens , grato animo præ-  
 cinebat : Quid retribuam Domino pro his quæ retribuit  
 mihi ?

Mich. 5.

Isai. 32.

3. Reg. 22.

1. Reg. 14.

Ios. 1.

Gen. 39.

Psalm. 115.

mihi? Afferte, afferte Domino glóriam & honorem; & nunc interrogatus, Tu qui es? consulto respondet: Non sum ego Christus. Confessus est, refert Dñus Euangelista, & non negavit, & confessus est, quia non sum Messias. Confessus est veritatem, non sciam ego Christus: confessus in corde, non negavit in ore. Confessus est coram amicis, & inimicis, quia non sum ego Christus. Magnam vim maioremque emphasim præferunt verba semel, atque iterum repetita, apertè siquidem indicant immane nefas esse, impiumque facinus, & sacrilegum semper, honorem Dei sibi homines arrogare. Paulus, & Barnabas, cum eos Lystrij ciues propter edita miracula venerari, & adorare, vellent, conscissis tunicis, tantæ impietati repenti obstiterunt, dicentes: Viri, quid facitis? & nos mortales sumus. Neque vero contenti ab hac temeritate populum reuocasse, cursu, voce, vestiumque abscissione, quantus eos tremor inuasisset, satis superque indicauit. Simili consilio, & affectu Ioannes à se diuinos honores depellit, inani hominum gloriā detestatur, & de se humillimè sentiendo, magna animi submissione respondet: Non sum ego Christus, sed vox clamantis in deserto. Ecce (Patres Amplissimi) miles expertus, qui cum viderit per aërem, & super caput volitare sagittam, ne cadente vulneretur in capite, sese demittit. Ecce, inquam, Ioannes, qui, ne inanis gloriæ callidæ insidiatrici offendatur ictu, demissè respondet: Non sum ego Christus, non Helias, non Propheta, sed vox clamantis in deserto. Mirentur alij alia in Ioanne, ego maiorj, ac potiorè iure humilitatem eius admiro. Nam non inquirere, neque desiderare honores, & alta loca, perfectum quidem est, sed oblatos respuere, ijsque minime delectari, hoc summum est, hoc Ioannis est. Non magnus est in abiectione humilem esse, sed magna prorsus & rara virtus est, humilitas honorata. Haud satis ponderare queo, quem splendorem humilitas habeat. Hæc Deum hominibus peperit, hæc vitam mortalibus edidit, celos innouauit, mundum purificauit, paradysum aperuit, & hominum animas ab inferis liberauit. Hæc est aqua, quæ tantò altius ascendit, quantò eam quisque ad ima deducit. Sed ad Ioannem redeamus, & illuc oratio reuocetur, vnde aliquantulum declinauit. Non sum ego Christus, non Helias, non

- Propheta. Vnus est Ioannes (tradit D. Bernardus) & secundum non habet. Si diceret, Christus sum, secundum haberet, quia alius est Christus. Si Helias, secundum haberet, quia alius est Helias. Iam vero quia vnus est, secundum non habet. Neque Christus, neque Helias, neque Propheta, sed ego vox clamantis in deserto. Vox quidem, sed docens quæ sunt Christi Domini. Dum Ioseph regio curru vehebatur, summa animi alacritate præco clamabat, vt populus flecteret genu, & vniuersæ terræ Egypti Præpositum coleret, veneraretur. Medius vestrum stetit (cæcinit cælestis ille Vates) quem vos nescitis, cuius non sum dignus corrigiam calciamenti soluere. Iure optimo in medio Christus, est enim medius inter veterem legem; & gratiam Euangelij, & qui cum præcesserunt, sequunturque, per eum misericordiam consequuntur. Erant ante peccatum quasi contigua Deus & Homo; qui si innocens persistisset, mediatore non indignisset. Verum dæmonis vestigia sectando, & ad eius castra transfugiendo, turpitudini se dedit, & veluti ingratus, in Deum benefactorem optimum deliquit. ex quo factum est, vt peccatis atque flagitijs recesserit à Deo, & longè ab impio Deus. Christus autem, clementissimus Dei Filius, nostræ salutis auctor, vt è mundo peccatum aboleret, dæmonem detruderet, longèque depelleret, & nobis æternum Patrem animo clementem, & vultu placidum redderet, factus est mediator noster, propitiatio nostra. Singulare profecto beneficium, & gratissima recordatione dignum: quemadmodum enim si inter cælum & terram vacuum esset, nulla è cælo ad terram influentia descenderet: ita si inter Deum Patrem & hominem Christus medius non esset, nec quicquam boni haberemus. Ipse namque origo fontium, fluminum mare, virtutum auctor, ac scientiarum Dominus est. Continentia carnis, cordis munditia, voluntatis rectitudo, ex illo fonte manant. Si quis callet ingenio, si quis nitet eloquio, si quis moribus placet, inde est. Theauri sapientiæ, atque scientiæ, ibi omnes absconditi sunt. Quid? recta consilia, iusta iudicia, sancta desideria, riuuli sunt fontis illius. Exulta igitur, & lauda habitatio Sion, quia magnus in medio tui sanctus Israël. Verum & animi circumspectione, & diligentia curandum est, nè nobis dicatur: Medius vestrum stetit, quem

quem vos nescitis. magnum siquidem dedecus, & ingens animæ periculum est, nolle cognoscere eum, à quo quisque factus est. Infelix homo (proclamat Augustinus) qui multa nouit, Christum autem nescit. Beatus autem qui Christum nouit, si omnia alia nescit. Consueuerunt homines (Beatissime Pater) cælestium atque terrestrium commendare scientias, de ijs grauiter, & peracutè disserere: at prudentiores quidem, & longè sapientiores sunt, qui Christi notitiam curant habere. Ceterum, si Christum ignoremus, quomodo sperabimus in eo, quem ignoramus? Vt cæcis oculis, qui non vident Christum, lumen verum, lumen admirabile, lumen superlaudabile illuminans omnem hominem venientem in mundum. Eia igitur ad Christum confugiamus, Christum prædicemus, mentem, & linguam ad Christum laudandum excitemus; & cum pro nobis apud Patrem ardentissima quadam benignitate, & charitate, mediatoris munere functus sit, grati animi recordatione debitas sibi gratias persoluamus.

## ORATIO III.



EMINISTIS arbitror, Pater Beatissime, Sacer Amplissimorum Patrum Senatus, validissimæ illius vocis, quæ in huius sæculi deserto potentissimè dum clamaret, fidissimè simul testis & egregij Concionatoris officium, solertissimique Præcursoris ita re, vt nomine præstitit. Id enim mihi superiori

anno ex amplissimo hoc loco dicenti argumentum orationis fuit. Nunc vero postquam vocem ipsam in eremo clamantem pro virili nostra patefecimus, & rerum ordo, & ratio ipsa exposcere videtur, vt ipsius etiam vocis clamorem qualis scilicet fuerit, explicemus. Dirigite, inquit, viam Domini, sicut dixit Isaias Propheta. Libet Patres Amplissimi, ipsa quoque diuini vatis verba in medium afferre: vt quàm concinne prophetica simul, atque Euangelica

tuba

Joan. 1.

*Iſai. 40.*

tuba ſibi inuicem occinant, & adſtipulentur, nonnulla intimorum ſenſuum voluptate, velut cæleſtem quandam harmoniam percipiamus. Parate, ait, viam Domini. Rectas facite in ſolitudine ſemitas Dei noſtri. Duo igitur hæc tantummodo à me explicanda attendite, Ampliſſimi Patres, quæ nam hæc ſemitæ ſint, & qua ratione parandæ, ac dirigendæ. Et ne quis huiusmodi vias aut noſſe, aut ignorare, noſtra parum fortasſe nihilue referre putet, audiat ipſum Dominum per Prophetam ſuum, ſic comminantem: Ipſi inquit, non cognouerunt vias meas, quibus iuraui in ira mea, ſi introibunt in requiem meam. Quod ſi ex hæc viarum inſcitia in Diuinam iram incurrimus, & cæleſtis patriæ hæreditate priuamur, orandum certè nobis eſt cum Pſalmographo, vt vias nobis ſuas Dominus pateface-  
re, & ſemitas ſuas nos docere non dedignetur.

*Rom. 11.**Pſal. 24.**Pſal. 76.**Auguſt.**Iob 40.*

Porro & ſi multæ & incomprehenſibiles, immo vero inueſtigabiles (vt dixit Apoſtolus) ſint viæ Domini, aptiſſimè tamen eas ac veluti breui quodam compendio colligit, in Pſalmo ſacraſſimus Vates, vbi ait: Vniuerſæ viæ Domini miſericordia & veritas. Siue enim has vias æternas Diuinæ mentis cogitationes, & rerum ideas accipiamus, de quibus, vt reor, alibi idem diuinus Pſalter canebat: In mari viæ tuæ & ſemitæ tuæ in aquis multis, & veſtigia tua non cognoscentur; in his & miſericordiam & veritatem contemplari licet: tum quia ſola ſua miſericordi bonitate, de vniuerſo hoc producendo, iuxta æternum, quod mente gerebat ſimulacrum, Deus præcogitauit: tum quia res ipſæ, vt rectè affirmant Sancti Patres, in ſe quidem veræ ſunt, at in Opifice Deo ſunt ipſa veritas.

Siue etiam has ſemitas rerum ipſarum productiones intelligas, iuxta quem ſenſum ſanctus Iob. Iueiferum principium viarum Domini appellauit, in his ſimiliter Diuina miſericordia atque veritas clariſſimè ſplendent.

Miſericordia quidem, in ablatione defectus, veritas autem in iuſtiſſima diſtributione. Quia nimirum quicquid Deus rebus à ſe conditis tribuit, conuenienti ordine ac proportionem diſtribuit. Quicquid vero his tribuitur, ex ipſius dumtaxat benignitate proficiſcitur. Vniuerſæ igitur viæ Domini miſericordia & veritas. Sed ſi præcepta Dei, vias eius interpretemur: in quibus ſcilicet nos ambulare vult  
& con-



& conuersari, hæc profecto maxima misericordia atque veritate plena esse cognoscuntur, ab ijs præsertim qui cum Propheta verè pronunciant: In mandatis tuis exercebor, & considerabo vias tuas. Omnes denique Diuinæ actiones, quæ viarum etiam nomine in sacris litteris designantur, misericordia itidem ac veritate comprehenduntur: optimo diuinorum eloquiorum interprete Augustino attestante, vbi ait: Docebit, inquit Psalmista, mites vias suas. Quas autem vias docebit eos? nisi misericordiam, qua placabilis est, & veritatem qua incorruptus est? Quorum alterum præbuit donando peccata, alterum merita, diiudicando: Et ideo vniuersæ viæ Domini, duo aduentus Filij Dei: vnus miserantis, alter iudicantis. Vnde & perspicitis opinor, Ampliss. Patres, quàm recte moneant Isaias atque Præcursor, vt in vtroque Redemptoris nostri Aduentu paremus viam Domini, rectasque eius semitas faciamus.

Parabimus autem atque dirigemus, si nullis nostris meritis in primo eius Aduentu nos liberatos esse cernentes, deponamus superbiam, & in secundo examinantis seueritatem caueamus, qui subuenientis clementiam experti sumus. Hoc nempe est parare viam, auferre sentes, lapides, lutum, cæteraque impedimenta, id est, præterita errata, deslendo, à futuris præcauere, hoc dirigere semitas, obliquo, scilicet ac vitiofas viuendi rationes ad rectam virtutis normam componere, viasque nostras in Domini vias felici commutatione transferre. Viæ siquidem hominum sunt, iniquitas, cupiditas, elatio, mendacium, dolus, fraus, ambitio, detractio, hypocrisis & his similia. Quæ quàm toto distent cælo ab illa misericordia, ab illa veritate, quibus vniuersas vias Domini Propheta conclusit, vel lippis ipsis, & cæcurentibus manifestum est. Vnde non immerito Ieremias ciues suos hunc in modum hortatur: Bonas facite vias vestras, & studia vestra. Paremus itaque Patres & nos, non nostras, sed Domini vias, & aduentanti Domino iter in animis nostris aperiamus, & scelerum detestatione atque expiatione semitas purgemus, vt rectâ ad cordis nostri thalamum Saluator gradiatur, ibique maneat atque infideat, aduentuque suo nos bonorum omnium compotes efficiat. Amen.



## ORATIO III.

Ioan. 1.

*Confessus est, & non negauit, & confessus est, quia  
non sum ego Christus.*



E suprema apud Iudæos dignitate (Beatissime Pater) Baptista sanctus rogatus, cuius iam specimen totius vitæ austeritate, ac sanctitate, diuina prædicatione, & noui baptisni administratione satis dedisse videbatur non frigide & cunctanter, sed prompte & constanter illum se esse, quem illi arbitrabantur, pernegauit. Confessus est & non negauit, & confessus est, quia non sum ego Christus. Huiusmodi ad Sacerdotes, & Leuitas salutare responsum, cur tam efficaciter, toties iterata confessione, exaggeret Euāgelista, paucis percurram, modo diuinum adsit auxilium, simulque Amplissimorum Patrum, grauissimique confessus non minus benignum, quàm deuotum concedatur cum attentione silentium, &c.

Exo. 17.

Nullus vnquam mortalium est repertus, qui tantopere in sui, aut amicorum suorum puro, & incorrupto seruando honore fuerit studiosus, vt sancti omnes erga vnus triniq. Dei gloriam, & honorem, nil prorsus de eo detrahentes, si-bique tribuentes. Vnde parta ab Israël contra Amalechitas victoria, Moyses in gratiarum actionem ædificatum, altare appellauit, Dominus exaltatio mea, quia, subdidit, manus solius domini erit contra Amalech a generatione in generationem. En seruus dei, neque propriæ virtuti, suis rationibus, aut dexteritatib. neque populi viribus, sed omnia ad votum obtenta, soli deo (a quo omne datum optimum & omne donum perfectum est) adscripsit.

Iacob 1.

Paulus & Barnabas, cum illis diuinos honores Lystrenses, propter sanatum claudum exhibere vellent, conscissis tunicis suis exilierunt in turbas, clamantes; Viri quid hæc facitis? & nos mortales sumus similes vobis homines, annuncian-

Act. 14.

nunciantes vobis ab his vanis conuerti ad Deum viuum. Petrus & Ioannes ob simile miraculum, accurrenti populo dixerunt: Viri Israëlitæ quid miramini in hoc, aut quid in-  
*Mat. 3.*  
 tuemini? quasi nostra virtute & potestate fecerimus hunc ambulare?

Petrus item Cornelium Ducem Romanum coram seipso procidentem (tanto alioquin dignus honore) his verbis ele-  
*Ibid. 10.*  
 uauit: Surge, & ego ipse homo sum. Immo Angelus quidam Ioanni in Pathmos apparens, Ioannem ipsum ad eius pedes, vt illum adoraret procumbentem, statim sic monuit: Vide  
*Apo. 9.*  
 ne feceris, conseruus tuus sum, & fratrum tuorum habentiũ testimonium Iesu, Deum adora. Non secus omnia nostra, seu naturæ, seu gratiæ munera in Dei conspectu offerre nos  
*Apo. 4.*  
 semper oportet, & mittere meritorum, si quæ adsint, coronas ante thronum Dei viuentis, cum iustis omnibus acclamantes, Dignus es Domine Deus noster, accipere gloriam, & honorem, & virtutem: Laudem dicite Deo omnes sancti  
*Apo. 19.*  
 eius, & qui timetis eum pusilli & magni: Non nobis Domine non nobis, sed nomini tuo da gloriam.

Gratam hanc sanctamque gentem fauoribus explosis humanis, omnia in Deum, vt par est referentem sanctus commendabat Gregorius: Sunt namque plerique, inquit, continentes, qui ab exteriori se appetitu custodiunt, & spe ad interiora rapiuntur, carnem macerant, & toto desiderio ad supernam patriam anhelant, æterna præmia expetunt, pro laboribus suis recipere laudes humanas nolunt. Hi nimirum gloriam suam non in ore hominum ponunt, sed intra conscientiam contegunt. Ingens profectio cura, & sollicitudo maxima sanctorum semper extitit, vt non leuiter, & oscitanter, sed acriter & accuratè laudis & excellentiæ famam, ita à se longissimè repellerent, vt ne quidem illam in veris virtutibus, veraque laude dignis, vlllo pacto admitterent: Baptistam immitantes, in quo sic vincebat sublimitatem nominis, humilitas cordis, vt non tantum posset eum vniuersus mundus erigere, quantum seipsum magno sanctitatis studio deiciebat solus. Quod hodierno responso, omnĩ prorsus vero Messii honore tributo, non obscure monstrat: Et confessus est, quia non sum ego Christus. Quanto se quisque submissius gerit, tanto altius diuinitus extolli, chariusque diligi à Deo, ex hoc humili Baptistæ responso  
*Psalm. 119.*  
*Gregor.*

facile docemur. Dauid etiam cum sibi denuntiati, se generum futurum Regis, hac humilitate respondisset: Quis sum ego, aut quæ est vita mea, aut cognatio patris mei in Israël, ut hiam gener Regis? tunc minimus inter fratres, dum oues in deserto pascit, in siluis, & speluncis latitans ac victitans, ad Regiam inde fuit dignitatem euectus.

1. Reg. 18

Luc. 9.

Petrus quoque Redemptori dicens, Exi à me quia homo peccator sum Domine: illico audiuit, Ex hoc iam homines eris capiens. fitque postea pastorum Princeps, Petra, & fundamentum Ecclesiæ, clauigerque Regni cælorum. Baptista asserens hodie se non esse dignum, ut calceamentorum Christi corrigiam solueret, quod tamen minimum erat obsequium, ac se esse Christum negans, dignus postmodum fuit, ut manum suam eius capiti imponeret in Iordane, &

Matth. 11.

ab eodem Domino magnifice commendaretur: Inter natos mulierum non surrexit maior Io. Baptista. Magnum id fuit diuinæ gratiæ argumentum. Quoties enim quis verè seipsum (ut Baptista) demittit, sibi tum Deum esse propitium, sic è contra infensum, mox credere fas est. Propterea Saul dum Dei esset amicus, ad populi sui regnum renuens sublimari, in hæc verba prorupit humillima: Numquid non filius Iemini ego sum, de minima tribu Israël, & cognatio mea nouissima inter omnes familias de tribu Benjamin? At acri illa in eum merito lata, & audita sententia, Quia proiecisti sermonem Domini, & proiecit te Dominus. hunc in modum superba mente respondit: Peccaui, sed nunc honora me coram Senioribus populi mei, & coram Israël. Expendite, quæso, quantum à se ipso nunc differat Saul: etenim sua culpa reprobatus à Deo, tunc coram hominibus honorari inuerecundè petijt. Verum cæli gratia perfusus, ipsum cōtemnebat honorem, nec solum de minima tribu, sed & de minori minime tribus familia vocare seipsum non erubuit, & in Regem electus, absconditus est domi. Ea enim est veræ humilitatis conditio, ut quo quis vberius donis cælestibus fuerit illustratus, eò fixius, & intensius, terram ex qua conditus est, tota mentis acie inspiciat, & contempletur, seque puluerem agnoscens, eius spectata vilitate, ac fragilitate, semetipsum magis, magisque deiiciat. Quod ob oculos habes Ambrosius ita prodidit: Sicut apes quoties acres ventos suspectos habet, lapillis sæpe sublati, per inania se

1. Reg. 19.

librat

librat nubila, ne leue alarum remigium præcipitent flabra  
 ventorum: sic quisquis à vanæ gloriæ vento sibi timet, ne  
 eius impulsu intransuersum rapiatur, culparum suarum me-  
 ditatione assumpta, mentis suæ cogitationes libret, vt quan-  
 tum potuit eum vanagloria attollere, tantum deprimat hu-  
 militas. Præstabant id primi illi Ecclesiæ Patres, qui cum  
 alicubi aliqua inciperent sanctitatis opinione clarescere,  
 inania huius sæculi à se procul pellentes, ignota loca, eaque  
 vilissima petebant, sacra illa monita probe callentes: Quæ *Iaco. 4.*  
 est enim vita nostra? Vapor ad modicum parens, & dein- *Ecclesi. 11.*  
 cepts exterminabitur. Confide autem in Deo, & mane in  
 loco tuo: facile est enim in oculis Dei subito honestare pau- *Ibid. 7.*  
 perem. Noli querere ab homine ducatum, atque à Rege  
 cathedram honoris. Hanc hodie repudians Baptista, con-  
 fessus est, & non negauit, & confessus est, quia non sum ego  
 Christus. O admirabilis doctrina, recusat vir sanctus, quod  
 verè non est, reputari: nos vero peccatores miseri, & in-  
 felices admodum, quod non sumus, appetimus existimari:  
 Humiles dum superbi: mites dum iracundi, benigni dum  
 seueri, vtilis dum inuidi, liberales dum auari, continentes  
 dum impudici, sobrii dum edaces, solliciti dum negligen-  
 tes, peruigiles dum dormimus, prudentes dum stulti, for-  
 tes dum timidi, iusti absque iustitia, docti dum imperiti,  
 diuites dum pauperes, illustres dum ignobiles, boni deni-  
 que dum mali alijsque peiores. Reiecit Baptista, licet san-  
 ctissimus, sibi dignitatem oblatam, nos autem vani, quod  
 non offertur, neque fortasse conuenit, vt illud assequamur  
 (etiam cum propriæ salutis dispendio) summopere desuda-  
 mus. Immo vero quod magis deplorandum est, honoribus  
 ipsis ac dignitatibus indebitè forsan nos aliquando aucti,  
 gaudemus, lætamur, atque ridemus. Auerrat Deus (obse-  
 cremus) auerrat, ne risus hic dolore quandoq. misceatur, &  
 extrema gaudij luctus occupet, hisque comparemur, qui te-  
 nent tympanum, & citharam, & gaudent ad sonitum orga-  
 ni: ducunt in bonis dies suos, & in puncto ad inferna descen-  
 dunt. Quos etiam diuina ita carpit Sapientia: Vsq; quo *Iob 21.*  
 paruuli diligitis infantiam, & stulti ea quæ sibi sunt noxia cu-  
 pient, & imprudentes odibunt scientiam? Ego quoque in *Prou. 1.*  
 interitu vestro ridebo, & subsannabo, cum vobis, id quod ti-  
 mebatis aduenerit, cum irruerit repentina calamitas, & in-

teritus quasi tempestas ingruerit, quando venerit super vos tribulatio, & angustia, tunc inuocabunt me, & non exaudiam, mane consurgent & non inuenient me, eo quod exosam habuerint disciplinam, & timorem Domini non susceperint, nec acquieuerint consilio meo, & detraxerint vniuersæ correctioni meæ. Magna certè stoliditas, maior temeritas, maxima impietas est hic improbus prælationis affectus. Puerilis quidem stultitia, cum veris honoribus ex virtute procedentibus, umbraticos, falsosque in caducis constitutos, miserè nunc homines quidam anteponant, & his adeò corrupto oblectentur iudicio, ut ad eos parandos, aut tuendos, & humana, & diuina iura non dubitent violare; nescientes miserrimi, quoniam iudicium durissimum in his qui præsumunt fiet, & incipiet à domo Dei iudicium. Estque temeritas maior, impietasque maxima, alijs præesse vel, & subesse numquam: quod arguens Bernardus, aiebat: Quoties hominibus præesse desidero, toties Deum meum præire contendo, & tunc verè non sapio, quæ Dei sunt. & alibi: Radix iniquitatis ambitio, subtile malum, secretum virus, pestis occulta, doli artifex, mater hypocrisis, liuoris parens, vitiorum origo, criminis fomes, virtutum ærugo, tinea sanctitatis, execratrix cordium, ex remedijs morbos creans, generans ex medicina languorem. Christus Dominus pestem hanc, tamquam ethnicum affectum, atque adeò doctrinæ, ac vitæ Christianæ cultoribus indignum à suorum cordibus abducere volens: Qui maior est (inquit) fiat sicut minor, & qui præcessor est, sicut ministrator. Quid enim reuera aura laudeque populari fucatus, & inani gloria mendacius? quæ ut sentit Basilius, spiritualium operum est latro, blandus animarum hostis, sub mellis illitu fraudis suæ venena propinat, & poculum ijs mortiferum porrigit, quos captiuos tenet, eos ad omne nefas facile impellit. Quantuncunque id turpe sit, & inhonestum, nec modo honestas omnes actiones subuertit, sed ad improbas quoque facit iter. Erudiamur ergo, erudiamur (obsecro) non semel repetito, eoque saluberrimo Baptistæ responso: vana quæcumque atque inprimis superbiæ gehennæ matrè, & bonorum operum (ut ait Chrysostomus) naufragium, ad superiora semper pro quibus contendunt omnes perniciosè anhelantes, neruis omnibus fugientes, humilitatem  
omni

Matth. 20.

Mat. 12.

Luc. 9.

omni diligentia amplectentes. Hæc enim tam pretiosa virtus inferiora, quorum nulla vnquam est, pugna continuo petens, concordiam inuenit vbique & pacem, quam cum mundus iste immundus dare non possit, diuinam, diuque noctuque hac nostra præsertim asperrima ætate, in summis versante angustijs imploremus. clementiam, vt illam tibi potissimum (Pater Beatissime) & vniuerso gregi, tuæ pastoralis credito vigilantiz, hostium sublata formidine, elisa superbia, prostrataque contumacia, ac omnibus catholicæ Ecclesiæ gremio ope diuina restitutis, humillimo intercedente, ac protegente Baptista, impertiri dignetur. Amen.

## ORATIO V.



ON alienum ab Ecclesiæ instituto hoc sacrosanctio Aduentus tempore videtur esse, Pater Beatissime, vt aliquid de Ioannē Baptiste laudibus dicatur, ita enim laus omnis, quæ in Ioannē conuenit, cum Christi laude coniuncta est; vt magnam vim habere ad eius aduētum comprobandum existimari debeat. Sed quoniam neque Ioannis laudes singulas percerferi temporis patiuntur angustiz, neque is, quem Christi breuissima illa quidem, sed diuina tamen laudatio exornauit, cuiusque dicendi desiderare copiam videtur, tres dumtaxat ex hodierni sacri Euangelij historia Ioannes laudes summa breuitate perstringam: verum has laudes ex his, quæ alio loco de se Ioannes asserit simili ratione intelligi posse existimo, qua præclarissimi colores vmbis distingui, atque illustrari solent, cum aliquando totius religionis monumenta Iudæorum scelere in Ioannis potestatem adducerentur, isque in eum locum expetiretur, qui summus est in Ecclesia, qui Christo vni debebatur, quique nisi cum totius humani generis perniciē occupari ab alio non posset. Ioannes neque sui oblitus, neque vnquam dissimili tanto animi ardo-



2/sal. 1.

Luc. 1.

ardore imprudentissimam Iudæorum legationem repulit, vt ne explicari quidem pateretur, & confessus est, & non negauit: & confessus est, quia non sum ego Christus. Cumque eorum insania vehemētius vrgeretur, Elias ne aut Prophetæ esset, ac tandem importunitate, à modestissimo viro sententiam de se ipso extorqueret: neque se Eliam, aut Prophetam, sed vocem quandam esse affirmauit. Iam, vt vmbra cum colore conferamus, vocem ille rem sanè multo arundine tenuiorem affirmarat. Christus non arundinem, sed videlicet solidam quandam esse arborem docet, eius similem, de qua illud Dauidis extat, *Et erit tamquam lignum quod plantatum est secus decursus aquarum. quod sterilis arundinis dissimile fructum suum dabit in tempore suo, cuiusque non modo truncus nullo ventorum impetu commouebitur, sed ne folium quidem defluet: arundinem ita tenuissima quæque aura exagitat, vt rectum retinere statum diutius non possit.* In huius arboris trunco verba illa leguntur incisa: *Parate viam Domini, rectas facite semitas eius.* Illud tamen in laudes arundinis referri solet, quod vento frangi non potest, at neque transferri, vt marcescere eodem, quo sita est loco, pluuiarum iniuria cogatur, hæc vera arbor, nec flecti, neque frangi potest, sed vi Herodianæ crudelitatis, tamquam vehemensissimo quodâ vento transferenda fuit, vt Christi etiam ad inferos præiret aduentum. Nunc alteram Ioannes laudem attingamus, Eliam ille esse se Iudæis interrogantibus negauit, è contra Christus cum Eliam esse affirmat: non est vlla ratione existimandum Ioannem Christi contrarium, sed vmbra esse colori appositam, qui enim si res ipsa spectetur, Elias non erat, si vitæ, morumque consuetudo perpendatur, Elias erat; Et ecce inquit Angelus apud Lucam, præcedet ante illum in spiritu, & virtute Eliæ, incredibilis fuit inter Ioannem & Eliam similitudo, vterque cultor eremi, vterque aquarum vicinitatem amauit, Iordanem alter, alter Torrentem, cultus vestigiū idem, vterque potentissimorum, superbissimorumque. Regum reprehensor acerrimus, vt iure optimo cum Ioannes alter Elias esse existimetur, Herodes alter Achab censeri possit. Fuit in Elia magna quædam animi vis ad religionem collapsam, iacentemque suis temporibus erigendam, & confirmandam, Ioannes tanto animi ardore præparandæ Domi-




no plebis semper astuauit, vt ne quidem ante huius lucis  
vsuram impetum, ardoremq; animi continere potuerit, &  
extiterit, vt elegantissimè dixit Augustinus, seruus nuncius  
qui ante gestiuit nunciare, quàm viuere, impatiens dux, qui  
antequam peruenerit ad corpus, peruenit ad Regem, ante-  
rapuit arma, quàm membra, ante aciem petit, quàm lucem,  
& vt vinceret mundum, vicit ante naturam. Illud etiam sin-  
gulare erat in Elia, vt ad reprehensionis acerbiteriam saepe  
ferum, ignemq; adderet; Ioannes quoque vitæ sanctimonia,  
doctrinaque diuina Iudeorum animos inflammabat, quæ  
ferri vis maior excogitari potest, quàm quæ cum illa verbo-  
rum grauitate coniuncta erat? Postremo Ioannes Prophetæ  
nomen, honoremq; recusauit, Christus verò non cum, cum  
ceteris Prophetis conferendum esse, sed eis omnibus ante-  
ferendum putauit: non enim prophetam, sed plusquam Pro-  
phetam appellauit, munus prophetarum erat præcipuum, vt  
Messiam futurum esse prædicerent, & felicissima illa tempo-  
ra certa aliqua ratione describerent: tanto igitur Ioannes  
est Prophetis omnibus superior, quanto præclarior, ac di-  
uinius est, non tam contemplari futurum, ac prædicere, quàm  
intueri præsentem, ac demonstrare. Ecce Agnus Dei, ecce  
qui tollit peccata mundi. Ioannes, quod nulli prophetarum  
contigit, tanto ante interuallo temporis Malachiæ oraculo  
promittitur, ne in contentionem cum ceteris prophetis ad-  
duceretur, non homo promittitur, sed Angelus, nimirum,  
non propheta, sed plusquam propheta futurus erat. O vi-  
rum tanto nomine, tantaque laude dignum, qui antequam  
ederetur in lucem, diuino, quo plenus erat redundante spi-  
ritu, etiam maternum pectus compleuerit, qui nascens clau-  
sum Zacchariæ os sui nominis pronuntiatione aperuerit. I-  
diutius orationem vagari P.B. non patiar, & qui tres tan-  
tum elegantissimos flores ex tanta copia elegi, ceterorum  
omnium iacturam egrefaciens, vno omnia complectar ver-  
bo, Non surrexit maior inter natos mulierum Ioanne Ba-  
ptista.





# DOMINICA QVARTA A D V E N T V S.



## ORATIO PRIMA.



CESSV & recessu earum, infinitæ propemodum conversiones rerum, & commutationes eruperunt in actum : deinde suis horis præterierunt, & effluxerunt ( Pater Beatissime ) quæ si assidua lectione euoluantur, deliniunt animos, adferunt absque satietate oblectatione, necnon admirationem, plerumq. etiam mæiores ex-

citant : legentibus tamen maxima confertur utilitas. Ex illis enim admonentur ponderari consilia, periculis provideri, eaque fortiter ferre cum imminet, & impendunt. Præcæteris vero ( si adsit fides ) nihil temere, fortuito, & casu à Deo evenire : cui placuit ea commendari ex historia, atque ex sanctorum vaticinationibus. Ab historia, quippe mutuamur euentorum, ac temporum ordinem, explicatur radix, origo, & principium in rebus gestis, quæ hominibus contingunt, vel prosuunt ab illis. Amplius illinc excipitur qua fama, quo iudicio, qua præstantia excelluerint, potissimum Imperatores, Reges, Duces, Sacerdotes, Præsides, Præfeci. Horum omnium exemplum præcla-

præclarissimum hodie nobis proposuit Diuus Lucas, commemorans Tiberium Cæsarem, tertium Romanorum Imperatorem, Cæsaris Augusti successorem; Tetrarchas, Principes, Sacerdotes, Annam & Caypham, intermedijs Ismaele, Eleazaro, & Simone silentio studiosè prætermisiss. Eiusmodi narratione, cur horum hominum series hic in-texta fuerit, & quanti eorum imagines æstimandæ sint, quæ in terris collucent, splendent, & audè expectantur, maxime si cum Deo ex similitudine comparentur, enunciare, constitui, nixus Dei ope, Patrum doctrina; vobis item indulgentibus, vestræque voluntatis inclinatione in me propendente.

Si princeps, & architectus alicuius ædificij (Amplissimi Præsules) vniuersa exquirenda, & præmunienda, vt opus suum absoluat, instruit, molitur, & parat; si à pictore nulla pars vilius ornamenti relinquitur, quò forma, & pictura beatur nitida, læta, & collustrata; similiter decet literatos rerum explicatores consilia; acta, euentus, constituta, atque tempora (digressionibus interiectis, sicut varij occurrunt gellorum exitus) in volumina referre. Ibi digere, & ordinare sermonem, intelligentiam recondere, ac partes singulas quasque conquirere curiosius. At qui eiusmodi scripta contrahere student, rerum summam cogunt, & accipiunt, correctas narrationes vitant, ac declinant, sicut effecit Diuus Euangelista noster, qui perinde, vt historicus prudens, seuerus, & grauis, tantum nomina, dignitates, officia, annos, loca, diuinum institutum super Ioannem, eius item vocem, & prædicationem effinxit breuiter, & expressit. Non modo Principes, Ducesque Iudæ, sicut Prophetæ in sibi collatis diuino afflatu oraculis proferunt, sed maxima sapientia, maximoque iudicio Imperatoris nomen ad suam descriptionem adiunxit, vt Iudæis, mundoque huic vniuerso (cui Imperator dominari videbatur) hanc prædicationem gloriandam, nuntiandam, & præferendam esse innueret, & patefaceret. Altius deinde mysterium attulit, Iudæ, Procuratorem recensens, Galilææ pariter, Ituræ, & Traconitidis, simulque Abilinz Tetrarchas. Horum enim administratione, & gubernatione, Augusti decreto instituta aperuit, quod præfenserat Iacob de sceptro auferendo ab Iuda, finem accepisse, dominationem

fuisse sublatam, aduenisse Sylo, seu Messiam, & qui mittendus erat, mutatumq. dominum. Idem autumabat vox clamantis in solitudine, enuncians salutare Dei, omnium oculis obijciendum. Amplius, proprio nomine signauit sacerdotes Annam, & Caipham, prætermisiss intermedijs, quod minime conspirauerant in Christum, quia illi duo nequissimi ex perfidia, ex malitia, ex simulatione officij, occultiores excogitauerant insidias, oculosque adiecerant, quò pateret aditus ad scelus innocentissimi sanguinis effundendi perficiendum.

Sunt hæc certè, quæ ex hac lectione collegimus, maxima; sed aliud inde excipitur insigne ad summam Christi virtutem, ad summanique dignitatem, ob Imperatorem, Præsides Regum loco, & Sacerdotes. Professio monebat singulos certioresque faciebat, Christum extitisse summæ amplitudinis Imperatorem, Regem, necnon Sacerdotem, Sacerdotem videlicet fidelem, sempiternum, immo victimam, hostiam, sacrificium, magnum Pontificem ad salutem nostram reservatū. Fuit præterea Rex à Deo oleo lætitiæ vnctus, ille, ille qui vnxit nos, dedit pignus spiritus in cordibus nostris; sub cuius pedibus omne regnum, Regnum perpetuum; Rex item sæculorum, & hominum, nedum Iudæorum, & hominum. Imperij quoque dignitatē tanta excelluit, quanta, in omnibus reliquis vnquam visum, aut auditum fuerat. Habuit enim scientiam rei militaris, virtutem, auctoritatem, & felicitatem. Quæ militiæ scientia, viros delegit dociles, & idoneos, eos instruxit, armis muniuit, designavit hospitia, prouidit, vt nihil deesset, prædixit pericula; adeò reddidit intrepidus, vt haberēt mortem in desiderio, & vitam in patientia. Eiusdem virtus fuit incredibilis, ac diuina, cum ei non abfuerit velle pati terribilia, quod est valde nobilius, quàm velle illa repellere. Mirifica etiam, virtus, vis erat intus permagnis nitens viribus; dispositio non tantum perfecti ad optimum, sed absolutissima. Adequat mens optimè instituta, rectè consulens ratio, voluntas sapientissimè imperans. Ex illa ipsa virtute, cunctis pro adipiscenda victoria, fiducia oriebat. Ne ob tristitiam imminētis mali animus decideret, tribuebatur patientia, perseuerantia verò infundebatur, ne imbelles afflictione diuturna titubarent, nec distraherentur. Refertissima quoque

*Psal. 44.  
2. Cor. 1.*

quoque infuit auctoritas, & potestas, quia æterna, quia non vna, sed omnis, & tota; quia non ex hominibus, sed à Deo; quia non vno in loco, sed in cælo, & in terra. Eius denique felicitatem quis explicabit? Moriens mortem, vicit, destruxit eum, qui habebat mortis imperium, inferno fuit doloris morsus; cadens hostem prostravit; surgens captiuam duxit captiuitatem, triumphans hominibus contulit inaudita ac preciosa munera. Quid ergo Duces, quid Reges, quid Imperatores, quid cæteri summi viri, quid vniuersa, si huic conferantur, & comparentur? Nimirum creata subsistunt, quia à Deo; at non existunt, quia non sunt, quod est Deus. Id namque verè esse dicitur, quod constans, & immutabile; nec de perpetua hic iam quis, sed de hac exigua vita cogitare potest. Homo enim est sicut fœnum, & dies eius, sicut flos agri, qui viget verno tempore, & paulo post oblanguet, ac defluit. Inde vates illud edidit obstupefcens: Omnis homo mendax, seu mendacium, seu deficiit, seu mentitur.

*Heb. 2.**Psal. 67.**Psal. 102.**Isai. 40.**Psal. 235.*

Hominis namque felicitas, nihil firmitatis habet, ac magis quævis firmitas (si nostra fuerit) infirmitas extat. Deus vero excelsus super omnes, quia dignior, & sublimior, cuncta intuens, sua vi moderans, ac potentia. Magnus est, quia omnipotens, & stabilis, manens dat cuncta moveri, laudabilis, quia misericors. Terribilis, quia metuendus. Terribilis est, apud Reges terræ, quorum baletheum dissoluit, renes præcingit fune, & spe sua facit aberrare, sicut euenit huic Tiberio Cæsari, cupienti in principatum imperij sufficere Tiberium ex Druso filio nepotem. At diuino numine ei aduersante, successit Caius. De Herode Ascalonita, (cuius regnum in Tetrachias diuisum fuit) non est omittendum, quàm terribiliter Deus in eum animaduertit. Ob cuius immanitatem grauissimis morbis ita fuit adactus, & sœuissimè coli doloribus, intestinorum putredine, vermium multitudine teterrimè fuerit cruciatus. Sic Herodes Antipas eius filius Tetrarchia priuatus, cunctis spoliatus opibus, cum Herodiade apud Lugdunum æterno mulcatur exilio, & ambo ex beatis sunt miseri; quo nihil infelicius. Hi, & horum similes, montes sunt, & colles editi in altum, gloriæ huius orbis; quos Diuus Ioannes pronunciat dimittendos, ac sternendos humi; è contrario autem stratos, &

abiectos, vallium instar, complanandos, & extollendos, non hominum, sed potestate Dei, qui deprimit, & amplificat: minuit, & adauget, plerumque etiam infimos collocat inter Principes. Sine dubio terribilia, & admiranda sunt, quæ ex Diui Lucæ historia excepiimus. Ecquem Principum ac Potentum, horum non commouerent exempla? Scripsit hæc eo studiosius, quo primum Dei Filij, ac Diui Ioannis gesta fuisse præclara, & commemoranda elucidaret: Deinde, ut induceret animos ad sese abducendos ab inflatis cogitationibus, quæ vanæ sunt, ad mala procliuës, & faciles, præsertim ad confidentiam in vi, armis, opibus, nobilitate, & potentia positam.

Re vera nihil hic sincerum, lætitijs mox iunguntur tristitijs. Nuptijs viduitates, puerorum educationi sollicitudo, liberorum procreationi eorum amissio, charitati ignominia: secundis detrimenta: satietates delitijs: quæ si traduntur ventri, finis earum est secessus. Demum risus dolore miscetur, & extrema gaudij luctus occupat. Non solum falsa sunt hæc omnia, sed aduersissima nobis, diuina. Sapientia testante: Creaturas Dei in odium factas, in tentationem hominum, & in mulpulam pedibus insipientum. Ea quidem semper deceptura sunt, nisi (vt Christi Præcursor ante dixit) viam Domini parauerimus. Adhibeamus ergo diligentem præparationem: sancta menti nostræ cohaereant cogitata, funesta flagitia mœrore, & fletu detestemur; expetantur virtutes, pro illis adipiscendis, omnis adiungatur conatus, ad bona stabilia, atque perpetua; omne studium dirigatur, manus, & cursus, gratia Dei præuia, simulque operante.

Iam quæ huius viæ ingressum impediunt, & præcludunt, copiosè enunciauimus, à quibus maximè cauendum monuit Magister omnium IESVS Christus, videns hominum, propè infinitam, & inexhaustam auaritatem, cum inquit: Attendite ne grauentur corda vestra crapula, ebrietate, & curis huius vitæ. Corda inspexit, quia parum refert si oneribus, & officijs vrgeatur corpus; homo enim ad laborem nascitur. Sed maximum est pondus, si spe horum nimia corda premantur, vel grauescant. Diligi possunt ista, cum ea in hominum gratiam Deus effecerit; sed præuidendum est, ne sit immoderatus amor, quod est vinum cordis.

Nam



Nam quemadmodum vino, ultra quàm satis exhausto, ebrius quisque efficitur; sic evenit plus æquo & extra modum anibienti amantiue facultates, dignitates, & honores. Quare abstinentes ab hoc vino, animum, & desideria, vel temperantes, vel coercentes, viam Domini ingrediamur; cogitantes ex Imperatore, ex Tetrarchis, & Sacerdotibus degentibus extra hanc viam, quàm terribilis sit, turpitudinum, ac flagitiorum nostrorum animaduersiones, & supplicia inculcans. Item quàm clemens, & beneuolus ijs qui illam obambulant.

Sit spes nostra, & expectatio Dominus. Ille placatus iuxta mœnia, confringet hostium potentias, arcum, scutum, & gladium; alioquin excitabit furorem indignationis, & forte bellum. Rectas faciamus semitas Dei nostri; in illis delectemur; non adsit animæ somnus, quæ est creatoris obliuio. At magis dormiamus sæculo, vigilemus de luce, vt habeamus Deum in memoria.

Tum enim auferentur praua, emollientur aspera, sitiet mens nostra ad Deum, non ad improbam cupiditatem, non ad insolentiam, non ad iactationem, nec franget nos ærumna, aut quæuis infelicitas; si prosperitas, commoditas, huiusque vitæ voluptas antea nos non corruerit, aut corruptos, si scelerum antea cœque consuetudinis nos pœnituerit.

## ORATIO II.

### *De Bono solitudinis.*



**Q**UOD diuinum Ioanni in deserto hodie in Euangelica lectione datum præceptum in omnem Iordanis prodeundi regionem, ac pœnitentiæ prædicandi baptismum, quæ & quanta sint, Beatissime Pater, solitudinis bona nobis manifestè demonstrat. Locus siquidem est aptus ad peccata, eorumque occasiones facillimè vitandas; ad speciatim arctiusque Deo seruiendum, ad tutiorem ac magis liberam ducendam vitam;



## 94 Domin.iiiij.Aduentus

- Gen. 12.* tam; ad ipsius demum Dei vberius participanda gratiarum dona. Sicut autem olim Abraham præcepit Deus, vt egrederetur de terra, & cognatione sua, & de domo patris sui, quo ab idololatriis Chaldaeis recedens peregrinaretur in terra ab omni mali occasione separata: ita & nunc Diuini numinis interius lumen sequi volenti ab innumeris mundum hunc tamquam Deum venerantibus arripienda,
- 1. Ioan. 2.* fuga, ne veluti eius elementis, carnis nempe concupiscentia, oculorum & vitæ superbia constringi, vel alijs pluribus eiusdem laqueis irretiri, & periculis valeat offendi. Formido namque Isaïæ testimonio, & fouea & laqueus super te qui habitator es terræ. Et erit: Qui fugerit à voce formidinis cadet in foueam, & qui se explicauerit de fouea tenebitur laqueo. Ab his vero se omnino eripit, qui ad solitudinem contendit. Id expressit Maria soror Moysis, quam vt à lepra sanaretur, septem diebus à populo separari iussit Deus. Et manus illa Moysis, quæ in sinum retracta sanauit, sed prolata fiebat leprosa. Vt enim quis criminum se purget labe, malorum vitare debet consuetudinem, in seipsumque ingressus sui quærere & inuestigare rationem, qua certe salutem consequetur, & quietem. Sic autem ad populi
- Num. 12.* Israëlitiçi similitudinem è Babylonis seruitute in Hierusalem reuententis, aquam crassam sæculi cupiditatum scelerumvè sordibus turpem & frigidam super altari amoris sancti, diuini tamen solis radiante gratia percussam ponens, magnum charitatis ardentis accendit ignem, qua Deo sua mirum in modum sacrificat desideria & affectus, seque totum ei tradit & coniungit. Nulla etenim aptior videtur reperiri via, nullum arctius proponi Deo ipsi adhærendi vinculum, quàm in solitario vtique loco manentem, ad eum tamen suas dirigere cogitationes, quibus ipsi singulari quadam vniatur ratione.
- Gen. 32.* Ita Iacob dum solus ageret itér, vt vocaretur Israël, idest vir videns Deum, cum ipso luctatus, adeo contra eum fuit fortis, quod licet neruus femoris tactus (quia fuit mortificata caro) emarcuerit, ab eodem tamen obtinuit benedictionem illam, qua sic ipsi fuit coniunctus, vt eius saluata sit anima. Quin vero & scalam illam in somnis vidit
- Ibidem. 28.* ex altera parte terram, ex altera cælum contingentem, & eius cacumini Dominum innixum diuinas salutis promissiones

siones ipsi facientem, quibus illi vnitus nullam exhorruit persecutionem, nullum timuit vitæ periculum, liberamque prorsus & tutam potuit ducere vitam.

Ceterum & id solitudinem consequitur bonum, quod in ipsa commorans & cum Deo versans, nedum pluribus ab eo repletur consolationibus dum ad eius cor loquitur, sed quamuis ipsum dæmon, vt olim mulierem illam partus doloribus oppressam expectet, quod contra periendum filium bellum gerat, ab eo tamen eripitur, quia datæ sunt ipsi alæ dux aquilæ magnæ, vt volet in desertum, in locum suum: dum bona concipit desideria, ob quæ & si plures patitur persecutiones, quia ipsum dæmon cernit euntem cum partus dolore, dum illa executioni mandat, ab eo tamen pariter liber euadit, quia ad desertum volat celeriter, columbarum vtens pennis ibi sedet, & tacens leuat se super se, superbix fumo non offensus, avaritiæ sordibus non inquinatus, aliorumvè criminum puluere non respersus, vitam ducit rege beatiorē: felicior enim est Chrysostomo teste, solitarius sine societate, quàm rex associatus, quia, rex dominatur ciuitatibus, sed ille imperat vitijs. Rex coronam gerit auro ornatam, solitarius virtutibus.

Hinc quo magis ipse humanis priuatur delectationibus, eo tutius & liberius fruitur diuinis. Siquidem & manna panisque de cælo filijs Israël à Deo non fuit datus nisi post reiectam Ægypti farinam.

Hinc & Ioanni hodie licet prius in maternorum viscerum secreto prophetæ fuisset demandatum munus, nunc tamen denuo palam in deserto factum est verbum Domini super eum, vt qui ciuium turmas, ac humanam omnem fugerat consolationem, diuina vberimè afflueret, dum sibi Dei communicantur negotia, ipsiusque mens Spiritu sancto repletur, quo eius exequeretur mandata, & quod secreto aliàs eidem fuerat dictum, nunc omnibus faceret manifestum. O gratiam verè singularem Ioanni datam, qua diuini verbi præco fieret assiduus ad homines ad pœnitentiam reuocandos! O donum certè admirandum, quo singulos viam Domini parare, & eius semitas rectas facere doceret. Hæc tamen Deus sua gratiarum munera non confert nisi à mundo recedenti, & interiora deserti, vt alter Moyses penetranti, quia cum sit Sponsus animæ castissimus, vt cum

ipsa

ipsa tuto gaudeat, ab illis locis, in quibus videri possit, recedit vt castus, & eam in cellaria sua introducit, vt cum ipsa exultet & lætetur, memor vberum suorum super vinum. Iam vero cum tot, ac tanta sint solitudinis bona, quid est A. P. quod tam pauci reperiantur, qui ipsam amplecti, eiusque commodis vti velint? An forte quod vel ipsum deserti nomen horrorem incutiat & metum, vel quod ad idem monachos tantum tendere oporteat? Sed cum non prosit solitudo corporis, si desit solitudo cordis, quamuis vtraque hæc melior sit, tamen & negotiorum mole oppressis, & in curarum sæcularium tumultu constitutis solitudo mentis Gregorio affirmante tribuitur, dum exurgentem intrinsecus strepitum terrenorum desideriorum premant; dum ebullientes ab infimis cordis curas per superni gratiam restringunt amoris; dum omnes importunè se offerentium leuium cogitationum motus quasi quasdam circumuolantes muscas ab oculis mentis abigant gravitatis manu; dum quoddam denique sibi cum Domino intra se secretum quarant, vbi cum illo exteriori cessante strepitu per interiora desideria loquantur silentio. Neque vero est adeo horridum, & metuendum, vt præfereat deserti nomen, licet enim ibi sint luctus Amalech, & Edom; adsunt tamen victoriæ Moyſis & Iosue: sint aquæ Marath amaræ, & venenatæ; est & lignum quod ipsas reddit dulces. Deficiat panis; cum nunc afferunt corui, nunc pluunt nubes, nunc dant Angeli. Non sint carnes pretiosæ, demittuntur coturnices. Sint saxa durissima, fluunt mel & oleum, scatuntque fontes & riui vberes, quorum dulcis est aqua. Hodie etiam sint valles profundæ, at implentur: sint montes & colles excelsi, tamen humiliantur: sint praua & distorta, sed diriguntur: sint demum aspera ac ferè inaccessa, verum omnia Dei auxiliante gratia ita superantur, & rediguntur ad vias planas, vt in his rectè ambulans æternam tandem consequatur gloriam, sicque videat omnis caro salutare Dei, &c.



## ORATIO III.

*De superbia damnis, & humilitatis commodis.*

VÆ plurima, & maxima superbos  
detrimenta, humilesque innume-  
ra sequantur beneficia, dum sum-  
mus Dei præco Ioannes montes, &  
colles humiliandos, & valles cla-  
mat implendas, in hodierna B. P.  
Euangelica manifestantur lectio-  
ne. Ex peccatis namque illis, quæ  
hominem à Deo diuidunt, cum so-  
la superbia quasi bellum contra eum gerens, ab illo separaret,  
& distrahat: humilitas vero ut magistra omnium, mater-  
que virtutum eum illi coniungat, & substernat, sic illa erit  
extirpanda, ut hac statuta, vias Domini rectas inambula-  
re, Deoque gratus quilibet euadere possit. Sicut autem  
olim Saul cum paruulus in oculis suis esset, caput fuit in-  
Tribubus Israel factus, & Rex à Domino vnctus; tempora-  
li postea fultus potentia, iam se paruulum non videns, qui  
per humilitatem fuerat prælatus, per superbiam fuit re-  
probatus: ita & nunc qui verè magnum aliquid operari  
vult, non se debet tanquam magnorum suspicere merito-  
rum, sed illa semper cogitare, quæ ipsum ad humilitatem,  
non ad superbiam inducere valeant, ne in cogitationibus  
suis euanescentes, à Deo reprobos inueniatur. Hoc nimirum  
singulare inter cetera omnia vitia, superbiæ & sui ipsius  
complacentiæ esse videtur, ut reliqua superet in omnibus.

Alia etenim peccata interdum quiescunt, nec semper,  
nec ubique in homine apparent, at superbus domi, forisque  
in omni loco, ac tempore arrogantis suæ profert indicia, &  
exercet actiones. Alia vitia consortio gaudent, superbia  
societatem non admittit, omnia sibi defert, omnibus an-  
teponi vult, omnia alia non nisi à vitij, & natræ vicissim  
vitiosa generantur, fouentur, perficiuntur, sed eadem om-  
nia virtutibus extinguuntur, & corriguntur, sola superbia

1. Reg. 15.

ex virtutibus nascitur, non nisi bonis insidiatur, ex pietate ortum capit & incrementum. Reliqua singulas adoriuntur & destruuntur virtutes. At vna superbia omnibus nocet virtutibus, omnia bona tollit, omnia præclare gesta euacuat, mercede spoliatur, Deo reddit exosa. Cetera demum peccata saltem cum ætate languescunt, & se tandem vinci patiuntur; solius superbiæ tanta est pertinacia, ut alijs omnibus vitijs profligatis, sola virtuti pugnam audeat per totam ætatem inferre. Hinc verè à Chrysostomo dictum, nullum malum esse quod superbiæ par esse videatur; ex homine namque facit dæmonem, conuitiatorem, maledicum, perierum, mortis ac cædis cupidum. Superbus perpetuus est in trinitibus, perpetuo indignatur, perpetuo moerret, nihil est quod hanc animi ipsius affectionem exsaturare queat, etiam si regem ante se procumbere viderit, non expletur, immo magis incenditur.

Nihil ergo ita hominem fatuum reddit ac superbia. Si enim hominem videres, qui sibi appareret altior monte, & ad sidera vsque pertingere, an non eum dementem diceres? Ita certè amens superbus est, qui sibi alios antecellere ac supergredi videtur. Hinc Paulus: Si quis existimat se aliquid esse cum nihil sit, ipse se seducit. Hinc & Deus malè se cum superbis habet, quia illis resistit, quin & à sæculo cum iisdem contendit. Voluit ascendere Lucifer super altitudinem nubium, & detracta est ad inferos superbia eius. Voluit Adam Deo similis esse, & comparatus est iumentis insipientibus, & similis factus est illis; & quoniam Deo subijci noluit, ipsa eius caro in eum rebellauit. Sed ò rem valdè mirandam, simulque deplorandam, dum tortores quotidie videmus ac carnifices, qui occiderunt superbos parentes nostros, nec tamen superbiam fugimus. Quid obsecro vniuersa corporis mala, & incommoda sunt? Carnifices, qui occiderunt superbos parentes nostros, hos indies & cernimus, & eorum experimur violentiam, nec tamen superbire cessamus; satisque nobis fecisse videmur, si alia fortè vitia prosternimus, cum tamen instar Eleazaris magnam quidem referentis victoriam dum elephantem occidit, qui super ipsum cadens suum interemit occisorem; sic licet alia conculcentur peccata, & à superbia, & inani non recedatur gloria, ipsa vtique victoria victorem vincat,

qui

*Homil. 1. in  
2. ad Theff.*

*Gal. 6.  
Iac. 4.*

*Isai. 14.*

*Gen. 3. &  
Psalm. 48.*

*1. Mach.*

qui victus maneat & mortuus . Quid itaque mirum si cum tot ac tanta sint superbiz damna , & incommoda , Ioannes hodie in deserto clamet, omnem montem & collem humiliandum, elatos nempè & superbos sic esse deprimendos, vt qui emittit fontes in conuallibus, cum à montibus aqua, *Psal. 103.* dilabatur, superbas mentes veritatis deserat doctrina. Tunc vero fontes in conuallibus surgunt, quia humilium, mentes prædicationis verbum accipiunt: Et conualles frumento abundant, quia illorum ora, qui mites ac simplices huic mundo despiciatui ducebantur, sunt pabula veritatis impleta: sicque omnis vallis hodie etiam dicitur implenda, quia humilium corda sacræ doctrinæ eloquio & virtutum repleantur gratia. Vbi namque est humilitas, ibi est *Prou. 11.* sapientia. Simplicitas iustorum dirigit eos. Hac igitur humilitate, vt omnium virtutum bati & fundamento insignitus, quia deesse sibi multa, immo omnem perfectionem, atque virtutem existimat, orando se incuruat, & assidue Dei gratiam, & dona implorat.

Ac illi similis est habendus, qui quanto acutius videt, tanto magis percipit quam longe à cæli regione distat: sic quanto altius per spiritualem profectum ad virtutis culmen conscendit, & mentis oculum perpurgat magis, tanto amplius docetur, quam sit inter Deum, & ipsum grande discrimen: tanto clarius cernit, quam adhuc humili, & abiecto loco consistat, sicq. quasi gradibus quibusdam ascendens cognoscit omne, si quod habet bonum à Deo proficisci omnis boni fonte, & auctore. Id non sua industria, sed Dei ipsius gratia, & misericordia se esse consequutum. Aliorum tantum conspicit virtutes, suas ignorat, in sanctoq. viuunt timore, quocum vitam degit tutiorem. Nedum veris bonis se censet priuatum, sed vera in se mala amoris proprii cernit, prauarum voluntatis inclinationum, in bono inconstantia, in cordisq. custodia negligentia, omnibus alijs criminum labe infectis se existimat viliozem, qui non rectè beneficijs in se collatis vtatur, nec sanctorum vitæ puritatem vt decet imitetur, ac demum ad exteriores etiam tendit humilitatis actus, in vestium pretiosarum contemptu, societatum bonarum delectu, & vilis seruitij consuetudine. Iam vero virtus nulla est, nisi coniunctam habeat humilitatem, qui hoc verè solidum & constans iecerit fundamentum, in-



quantam voluerit altitudinem poterit excitare structurā .  
 Hæc siquidem est inexpugnabilis turris. Hæc omne continet  
 ædificium, nec sinit ipsum vel à ventorum violentia, vel ab  
 imbrum impetu, vel à spirituum vi deijci, sed omnibus in-  
 sidijs inaccessum facit, & innictum, quasi ex adamante sit  
 constructum, magnasque nobis Diuinæ bonitatis affert re-  
 tributiones. Hæc augmentum parit gratiæ, additamentū  
 luminis, perseverantiam boni, spei delectabile gaudium,  
 proficiendi desiderium, sapientiæ gustum, fidei constantiā,  
 patiendi amorem, spiritus exultationem, mentis rectitu-  
 dinem, iustitiæ zelum, sitimque virtutum. O verè itaque  
 celestem thesaurum in agro absconditum, quem sibi sodiis  
 ditissimus euadit! O fabrefactam clauem, mysteriorum Dei  
 arcam aperientem, quorum cognitione quis valde læratur.  
 O lapidem pretiosum nec mundo cognitum, qui tanti apud  
 Deum valeat! Ceterum cum tot ac tanta sint superbiæ dā-  
 na, & incommoda, humilitatis vero bona, & beneficia, quid  
 est A. P. quod adeo excutiant homines, vt relicto lucidissi-  
 mo sole tenebras ament? quod humilitatem præcipuum,  
 spiritualis ædificij fundamentum negligant, vt inani super-  
 biæ turbine leuiter iacentur? Ea quidem causa esse vide-  
 tur, quod nullus cogitat se nil prorsus esse, siue proximorum  
 respiciantur virtutes, siue culpæ propriæ, vel etiam virtu-  
 tes, si quæ sunt, cum à Deo non à nobis sint considerentur,  
 siue conspiciatur Deus ipse, cuius vel potentiā euadere, vel  
 sapientiam eludere, vel iustitiam corrumpere, vel misericor-  
 diam proprijs viribus nullus valeat promereri: siue hostiū,  
 mundi, carnis, & dæmonum cernatur varietas, importuni-  
 tas & crudelitas: quæ omnia profecto humilitatem, & no-  
 stri ipsius docent abiectionem. Superbas itaque projicia-  
 mus cogitationes, humiliterque de nobis sentientes rectas  
 faciamus Domini vias, prauas ac distortas dirigamus,  
 asperas demum ita complanemus, vt tandem videat om-  
 nis caro salutare dei, &c.





## ORATIO III.



**A**D MIRABILIS est, Beatissime Pater,  
 sed explicari nequit hominis dignitas,  
 & amplitudo, si vel solam illius origi-  
 nem spectemus, est enim ad imaginem  
 Dei factus homo, sed longè est admira-  
 bilior eius conditio, si in adiutorio Al-  
 tissimi habitans, id præstare satagat,  
 quod hodie prædicat Vox clamantis in deserto: Parate  
 viam Domini, rectas facite semitas eius. Desertum Spiri-  
 tus sanctus hominem vocat Dei gratia destitutum, quem-  
 admodum diuina maiestate, & præsentia ornatum, hortum,  
 atque Domini delicias appellare consuevit. Ponet (in-  
 quit Esaias) desertum eius quasi delicias, & solitudinem, *Isai. 51.*  
 eius quasi hortum Domini. Quisquis enim vno Deo va-  
 cuus, omnium aliorum bonorum compos est, nihil habet,  
 nihil est, desertum est, & solitudo. Omnis copia quæ Deus  
 meus non est, dicebat Augustinus, egestas mihi est. Quia *August.*  
 ad imaginem Dei facta anima rationalis, cæteris omnibus  
 occupari potest, repleri non potest, naturam capacem Dei,  
 quicquid Deo minus, non implebit. Cæterum (quod est mi-  
 serabilius) quid aget inermis homo, Dei gratia destitutus,  
 quot stimulis malorum interius, quot agminibus hostium  
 exterius vallatus exagitatur, vexatur, & impugnatur? cū nul-  
 lus in eo Dei respectus, nulla diuini timoris scintilla, nulla  
 futurorum cogitatio, nullus diuini iudicii metus, nulla sui  
 custodia sit, sed natura infirma, ac peccati labe infecta, vna  
 tantum informi fide, ac spe relicta, quid non patietur? cui  
 miseriæ non patebit? cui hosti non succumbet? O infeli-  
 cem animæ conditionem! o miserandam solitudinem! o  
 desertum truculentum! In hoc deserto prædicabat Vox cla-  
 mantis: Parate viam Domini. vt anima ad Deum conuer-  
 sa deliciarum paradysus, & summæ amœnitatis hortus cul-  
 tissimus efficiatur: ac in cubilibus, in quibus primum dra-  
 cones habitabant, oriatur viror calami, & iunci virentes,  
 virtutum flores, & fructus gratissimi. Nam sicut olim via  
 quas

Num. 20.

aquæ ex petra profluxit, quæ non solum populi sitim sedauit, sed amœnissimam viriditatem ex illa aridæ telluris vastitate elicuit, totamque illam terræ superficiem, quam abluebat, herbarum atque plantarum insolito cultu vestiuit, sic diuinæ gratiæ perennis fons ex spiritali petra Christo, tanquam salutis nostræ veto auctore manabit, qui non modo sitim depellet, verum etiam mentes hominum vitiorum asperitate vastatas amœnissimis virtutum hominum viridarijs exornabit, terra solibus exusta stagnantiũ aquarum copia redundabit, in locis aridis fontes scatebunt, & vbi prius fuerant serpentium, vitiorum scilicet latibula, prata virtutum nitidissimo cultu vestita confestim fient, quibus exculta anima ante Dei conspectum sistat, illi seruiat, ei placere studeat, naturæ dignitatem reparans, atque ad Angelorum sedes contendens. Non immerito igitur nos hortatur vox illa beatissima clamantis in deserto: Parate viam Domini, &c. Præibat Iosephum præco, vt illum esse,

Gen. 21.

quem Pharaon vniuersæ terræ Ægypti præposuerat, singuli agnoscerent, & adorarent. Vox antecedit verbum, vt vniuersi orbis gentes Salvatorem agnoscant, & adorent, illius cordis hospitium diligenter præparent, & disponant. Prædicat clarissimo testimonio venturi diuinitatem. Ego vidi,

Ioh. 1.

& testimoniũ perhibui, quia hic est Filius Dei. Eternitatẽ, Post me venit, & ante me factus est. Præstantiam, Cuius non sum dignus soluere corrigiam calciamentorum. Præcipuam baptizandi potestatem. Hic est qui baptizat in Spiritu sancto. Admirandum opus redemptionis. Ecce Agnus Dei, &c. & vniuersa mysteria edocet, ac qua ratione paranda sit illi via, & semitarum recitudo componenda declarat. Pœnitentiam, inquit, agite, & appropinquabit regnum cælorum. Hæc est enim via Domini, & recitudo semitarum illius. Nam cum cælorum regnum vim maximam

Matth. 3.

(ipso Domino testante) patiat, & non nisi violenti illud rapiant, necesse est, vt per fructus pœnitentiæ dignos veterem hominem (peccatorum sentinam) suffocantes, nouum induamus. Affert Redemptor noster peccatorum remissionem, sed gemitus postulat, & suspiria. Medicamenta tulit saluberrima, efficacissimæque potiones, sed nobis illi est paranda via, vt si qua est in nobis vallis, hoc est, nimis

Matth. 11.

abiecta malæ vitæ consuetudo, vel pigritia in Dei cultu, deinceps

deinceps sollicitudine non simus pigri: & si qua est montium asperitas, vel sublimitas elata nimis, eam in humilitate cordis nostri temperemus, non alta sapientes, sed humilibus consentientes.

Tunc omnis vallis implebitur, & omnis collis, & mons humiliabitur, humilibus enim excelsus Dominus gratiam infundit, eandemque seruat infusam, & rursus seruata, consumat, ac inimicum gratiæ, omnisque initium peccati superbiam debellat, prosternit, annihilat. Tunc erunt praua in directa, & aspera in vias planas. Nam gratia naturam sanat, mentem roborat, à vitijs auocat, ad virtutum officia stimulat, intellectum illuminat, affectum accendit, terrena fastidire, & cælestia appetere facit, dulcia in amara, & amara vertit in dulcia, ac demum cælestibus donis hominem munit, atque armat, cumque (nisi sponte se hosti subijciat) inexpugnabilem efficit. Nos beatos, nosque felices B. P. si Domino, qui prope est, occurramus, & corda nostra in mundum eius hospitium paremus: nam qui hoc præsidio destituti viuunt, quem habent in laboribus adiutorem? quem in periculis defensorem? quem in rebus dubijs consiliarium? quem in doloribus consolatorem? quod in tentationibus refugium? cuius contemplatione vescuntur? cuius memoria recreantur? cuius doctrina erudiuntur? cuius contuitu oblectantur? cuius auspicijs, quæ moliri cupiunt aggrediuntur? ad quem mentis suæ oculos attollunt? quis illis adest comedentibus, legentibus, dormientibus, vigilantibus? Oculos igitur nos ad Deum

attollamus, eam viam quam Christus sua dulci

conuersatione amabilem reddidit, ingrediamur,

& ad illum, ex quo omnia, per

quem omnia, & in quo omnia,

mentis aciem eleuemus,

& tunc apparebit

gloria Domi-

ni,

& videbit omnis ca-

ro, salutare

Dei.

## O R A T I O V.

Lnc. 3.



VANGELICVS sermo, qui instar vehementissimæ tubæ auribus insonuit, & occulta quadam vi animos penetrauit B. P. Ioannem Baptistam Zachariæ filium facto super eum verbo Domini, anno quinto-decimo Imperij Tiberij Cæsaris, summo Iudæorum sacerdotio fungentibus Anna, & Caipha, perque Tetrarchas administrato eorundem regno, in omnem regionem circa Iordanem venisse, & veluti fidelem ministrum baptismum pœnitentiæ in remissionem peccatorum prædicasse, ac Iudæorum corda legalibus obseruantijs plusquam par erat dedita, ad Euangelicam doctrinam præparasse commemorat. In cuius historię summa diuinitus Apostolici muneris functionem ob oculos positam perspicio. Quare etsi nihil mihi polliceor, quod exequenda tantæ rei magnitudine, tantique Senatus, quo maior in terris esse non potest, expectatione dignum afferre possim, opere tamen prætium me facturum sum arbitratus, si lectionis propositæ cancellos non egrediens, Euangelici, Apostolicique muneris functionem, Euangelicis Apostolicisque radijs illustratam ostendero. Ad quod dum vires, conatusque admoveo, pertimescerem vehementer, nisi immenso maiestatis tuæ splendori felicissimā humanitatem coniunctā viderem. In quam quum omnem fiduciam contulerim, iam cœptum sermonem persequor. Si quid vnquam humanarum rerum immortalī Deo tuæ fuisse credimus, id Remp. Christianam potissimum esse arbitror. Quam Christus Apostolici muneris functione ijs delegata, quos ad tanti ministerij celsitudinem gratuita electione parauerat, ita ornauit, vt nihil ea insignius, ita disposuit, vt nihil ordinatius, ita denique firmavit, vt nihil stabilius. Non est cum tanta diuinæ liberalitatis munificentia, quod facili conferri possit. Quid enim ea diuinius? quid quod interim ta-

cco.

ceo potentius? Qua factum est, vt ad celestis illius Hierarchiæ similitudinem Ecclesiam adhuc in terris decertantem formatam perspiciamus. Nam quemadmodum inter beatos illos spiritus talem in ea ordinem diuina prouidentia constitutum legimus, vt qui perfectiore intelligentia excelluerint, in alios diuini luminis fontem transfundant, ita supremus Ecclesiæ Hierarcha, qui in vices Christi, locumque successus est, Apostolicæ functionis, qua omnibus ipse præest, & in omnes, Euangelicæ lucis radios transfert, Ecclesiasticos proceres, & Episcopos participes efficit, vt pro suo quisque munere Ecclesiam sibi creditam illuminet.

Est enim Apostolici officij functio spiritualium omnium administrationem veluti summa quædam perfectissima, & copiosissima plenitudo, qua iuxta sanctissimum Dei verbum Respub. Christiana ita administratur, vt Christus ipse nunquam ei deesse credatur. Qui enim corpore absfuturus pascendum vice sua gregem Petro Apostolici ordinis capiti incredibili sedulitate commendauit, & Apostolis omnibus Euangelicæ doctrinæ ministerium tradidit, is nihilominus omnibus se adfuturum contestatus est. Itaque multum abest, vt Apostolicus ille senatus, cui Christus sui Spiritus afflatu præsidet, & quicumque eum retulerit, vlllo diuinis in rebus errore contaminari queat. Qua fiducia Apostolicam auctoritatem Paulus eleuans: An experimentum (inquit) queritis eius, qui in me loquitur Christi? Et scio (ait) quod & ego spiritum Christi habeam. Atque rursus Apostolorum omnium nomine, quod pro Christo, non quouis mundi Principe oratores, nouique testamenti, quod celestium bonorum hæreditas legata est, dispensatores agerent, fidentissimè gloriatur. Quo fit, vt non modo incomparabilem functionis huius magnitudinem extollat, verum etiam temerarios Apostolicarum legum præuicatores, qui non homines: sed Christum ipsum offendunt, acerrime confodiat. Proinde Moses musitanti illi ceruicoso populo: Quid (inquit) nos sumus? nec contra nos est murmur vestrum; sed contra Dominum. Ministerium tamen illud, & magisterium Moysi hoc multo erat inferius. Illud mortis, hoc vitalis est spiritus, illud damnationis, hoc iustitiæ, illud rei euacuandæ, hoc stabilis, & æternæ. Ve-

1. Cor. 13.

Exo. 16.

rumtamen illud ea claritate fulsisse creditur, vt omnem Iudæorum intuitum, & aciem ipse Moſis vultus intolerabili fulgore obſcurauerit. Huic igitur clarior multo, illuſtriorque gloria, & maiestas debetur. Quid enim hoc eminentius, quo viuum Chriſti verbum proponitur? Quo cæleſtis theſaurus promittitur? Quo ciuitatis Dei fundamentum iacitur? Quo denique qui fungitur, non cuius nationi; ſed regali cum primis ſacerdotio, & populo acquisitionis præſtititur? Sed nunc demum à tantæ functionis diuinitate ad potentiam me conſero, qua factum eſt, vt docta illa ignorantia, & ſapiens (vt ita dicam) ſtultitia, barbaras, & efferas gentes, ac orbem ferè vniuerſum non ferro, aut igne; ſed occulta quadam vi perdomuerit. Nam & Paulus Apoſtolicæ militiæ arma, non carnalia; ſed ſpiritualia, & diuinæ eſſe virtutis affirmat, quibus impiorum, conſilia demoliri, altitudinem aduerſus ſententiam Dei ſe extollentem deprimere, intellectum in obſequium Chriſti captiuum ducere, inobedientem denique iuſtæ ultioni ſubijcere valeat. Hæc ad vindictam ipſe admouit, dum incæſtuoſum ſcortatorem, & Hymenæum, ac Alexandrum blaſphemos ſatanæ tradidit. Scriuit dum Elimam verbo veritatis contradicentem, & Proconſulem à fide conantem, euertere, cæcitate percuffit, Petrus autem quid ipſe poſſet apertè declarauit, dum gladium ſpiritus arripiens, Ananiam, & Saphiram, qui Spiritui ſancto mentiti fuerant, morte damnauit. Côm memorare poſſem alia innumera in hanc ſententiam, quæ omnia naſcentis Eccleſiæ exordio, & pululantis fidei incremento, & adſtruendæ Apoſtolicæ auctoritatis teſtimonio conueniebant. Sed ad Ioannem redeo, qui cum appeteret tempus illud æterno conſilio præſinitum vt Chriſtus ſalutis noſtræ negotium aggrediretur, in Iudæam à Deo legatus eſt, vt qui generis nobilitate, natiuitate admirabili, vitæ ſanctimonia, præclarisque vitæ actionibus magnam apud Iudaicum populum ſibi conciliauerat auctoritatem, tanquam fidelis Domini ſui mihiſter, & diſpenſator myſteriorum eius, venienti Chriſto viam pararet, ac gentem illam, cui imprimis Meſſias fuerat, vt rudem quendam campum proſcinderet, & ad futuram meſſem diſponeret.

Vnde propterea venit in omnem regionem circa Iordanem

2. Cor. 10.

1. Tim. 1.  
Act. 13.



nem prædicans baptismum pœnitentiæ in remissionem peccatorum, dicens: Ego vox clamantis in deserto: Parate viam Domini, rectas facite semitas eius. Non sum ego Christus aiebat; sed eius minister. Non sum Verbum, per quod facta sunt omnia; sed vox, quæ verbum præcedo, inuitoque ad futuram ex Verbo salutem. Exhibete igitur corda vestra Deo, cogitationes, affectionesque vestras in eum dirigite: iam enim tempus adest, vt Euangelica doctrina innouetur orbis, ita vt humiles, & abiecti, qui Esaiæ valles sunt, diuina sapientia impleantur.

Contra vero superbi, & humana sapientia, & potentia elati montes humilientur, prauæ hominum semitæ dirigantur, asperaque, & difficilia legis præcepta complanentur, ac planentur, ac facillima reddantur. O verum, & accuratum Domini sui ministrum Ioannem! Vtinam B. P. illi, qui in Ecclesia Ioannem referunt, eique in ministerio surrogati sunt, eius exemplo prouocati, quanto nobiliores, tanto ad munus Apostolicum præstandum promptiores essent.

Nam si vnquam, hoc præsertim infelici sæculo id necessarium esse intelligo, quando omnia innouanda essent, omnia sunt confusa, & Regna, & Religio, & fides magnam iacturam fecerunt.

In quibus Christianæ Reipublicæ malis hæc vna spes nobis relicta est, quod te Deus his turbulentissimis temporibus nobis pastorem dedit, & principem, qui cum habeas summa cum potestate optimam voluntatem coniunctam, omnem morturus sis lapidem, vt Ecclesia tuæ fidei credita pristinum suum splendorem recipiat, valles impleantur, montes humilientur, depulsis hæresibus pax inter regna firmetur, omnes idem dicant, & sapiant, videatque omnis caro salutare Dei.


Quem propterea precamur, vt tibi diuturnam, & felicem ætatem concedat, tuisque votis aspiret, ac post longam senectam, pro tuis laboribus incorruptam, & immarcescibilem coronam largiatur in cælis, &c.







IN FESTO  
SANCTI STEPHANI  
PROTOMARTYRIS.



ORATIO PRIMA.



RAE STANTISSIMVS Martyr Stephanus (Pater Beatissime) vt primus fuit, qui Christi Domini fidem sanguine, ac vita sanciret, ita formam descripsit absolutissimam, quam exprimere deinde Christiani Martyres deberent: quam ego formam hodierno die, quo nobis tuo iussu de eius laudibus dicendū est, quantum potero, si minus exprimere, certe paucis adumbrare conabor. In idoneo teste (quem Martyrem Græco nomine dicimus) quatuor in primis hæc ornamenta inesse oportet: Dei cognitionem, de qua testificaturus est, ne per errorem decipiatur: innocentiam vitæ, ne per improbitatem decipiat: animi constantiam, ne spe, metuue abducatur à vero: quibus postremo si charitas erga eos, cum quibus agendum est, accedat, non solum fide digna auctoritas efficitur, sed quæ facile etiam persuadeat. Et quidem quanta erat illa sapientia, cui nemo poterat, siue è ciuibus Hierosolymitanis, qui ceterarum erant nationum magistri, siue è peregrinis, obsistere? Coniurant è nationibus celeberrimis, qui & peritia legis Mosaicæ, & impudentia Hebraica nobilissimi habebantur; vt quem  
non

non poterant singulæ Prouinciæ sustinere, vniuersæ obruerent. Coeunt è synagoga Libertinorum, è synagoga Cyrenensium, è synagoga Alexandrinorum, Cilicum, Asianorum. In angustum adducta res est, vbi tot vndique emendicata auxilia colliguntur. Armant animum audacia, ingenium fraudibus, frontem impudentia, linguam procacitate, oculos ac vultum furore: confertique ac densi ruunt in vnum omnes Stephanum.

AA. 6.

Et non poterant resistere sapientiæ, ac spiritui, qui loquebatur. Hæc erat huius admirabilis scientia Martyris, ipso loquente, Spiritus diuinus, ipsaque sapientia loquebatur. Reicci igitur, conuictique quid agerent? Aequum erat fateri errorem, mutare sententiam; sed hoc duri Hebræorum capitis non est, malunt esse parricidæ, quam imperiti videri: quem intelligunt esse doctiorem se, vt sacrilegum criminantur, vt sint potius innocentis carnifices, quam discipuli sapientis. Verum Deus qui formam, de qua agimus, absolutissimam Martyris in Stephano figurabat, hoc fieri est passus; vt cuius sapientiam cognouerant, eiusdem cernerent oculis probitatem. Ducitur igitur in conuentum hominum maxima ex parte sceleratissimorum, inclutus Martyr tentandus fraudibus, quoniam veritate vincebat. Ecce autem dum sacrilegi testes in adornando perituro laborant, sanctissimi Iuuenis innocentia ad sui defensionem alienum patrociniū non expectat, nec voce, nec argumentis obiecta vult dilui: prosilit ipsamet è recessu animi foras, & in vultu se collocat, palamque spectandam, aduersariorum oculis offert. Itaque cum omnes in eum, se toruo, trucique ore conuerterent, quem quasi impium configere obtutu volebant, Angelum vident. Et intuentes in eum viderunt faciem eius tanquam faciem Angeli.

O duros oculos? Huiusmodi vultum cum aspiciant, non suspiciunt. Dicebat quidam sapiens, virtutem si oculis cerneretur, fore, vt miros amores excitaret sui, vt omnium ad se animos ac mentes alliceret. En Hebræi cerpunt, nec amant: amant autē? imo furiosius insectantur. Legunt in illa insolita specie bonitatem Angelicam Martyris, & suam, diabolicam prauitatem, neque illum admirantur, neque se ipsi exhorrescunt. Quid habes Iudæa, quod illius de animo dubites, cuius tale simulacrum tam certo in speculo

con-

contemplaris ? fulgor ipse virtutis est color , testimonium veritatis, vox innocentiae, tessera caelestis amicitiae . Scelus timidum est, fugit à noxiorum vultu decor , conscientiam, oris habitus arguit .

At Stephani vultui optime oculi respondent , facies Angeli, oculi Angeli : illa, quam caelestes admirentur, hi quibus pateat cælum . Vident Hebræi caeleste in facie Martyris decus, videt ipse cælum apertum : quid aliud hoc est, nisi ingens verumque documentum sanctimoniae caelestis ? si non creditis propter id, quod Stephanus videt, propter id credite, quod ipsi vidistis : si de eius oculis dubitatis, consulite & audite vocem . Digna est auctoritate vox, quæ posteaquam conspectus est Angeli vultus , auditur .

Vsque eo ne insanitis ? huncine è vestro commercio eijcietis, cui sponte patefit cælum ? Non complectimini , non modis omnibus retinetis, quem cælum ambit, quem, ad sese inuitat, quem porrecto sinu expectat ? Occidite, occidite igitur quoniam videtis in ore ipso sanctitatem, iam habetis dignum theatrum, ad aperto cælo spectator est Christus . Ecce igitur peruerissimi homunciones, ad quorum oculos, dum minime animaduertunt, Angelici vultus peruenerat aliqua lux, ne perinde ad aures vox aliqua veritatis accideret, eas obstruunt . Atque vt ostenderent in Stephano non solum scientiam, cui quamuis coniurati, & constipati omnes resistere non possent, non solum innocentiam, quæ oculis caelesti luce perstringeret, sed etiam aliàs duas quasi coronæ martyris gemmas inesse, constantiam, quæ nulli vi cederet, & charitatem, quæ mortem ipsam superaret, cum horrendo clamore ruunt ad saxa.

Obruitur densissima iactorum tempestate saxorum, humeri sanctissimi, integerrimum pectus, sapientissimum caput, totum denique corpus ingenti vndique fragore contunditur, infringitur, cruentatur . Non modo locum tenet bellator inuictus, non modo fidem suo duci non fallit, sed vitæ prodigus, ad eius amplexum cupidus, quàm citissime euolandus, sublati in cælum placide oculis : Domine IESU (inquit) suscipe spiritum meum : quem quidem audiuit Dominus, sed noluit prius euocare, quàm summa pulcherrimæ tabulæ, quæ describebatur, adiectis erga hostes aureis beneuolentiæ coloribus, manus imponeretur . Inualescunt  
igitur

igitur Hebræi, horrida lapidum grando in Stephanum præcipitat, fluit ex omni parte gloriosus sanguis, vulnus vulneri additur, dolore dolor exulceratur. Quid inter hæc ille? Rem admirandam, opportune dehiscit cælum, & nova se aperuit scena: accurrite beati Ciues ad spectaculum, vestris oculis digna res agitur. Non perturbatur, non irascitur, non ad ultionem homines ac Deum implorat; sed, ut potest, in turbine illo undique ingruentium, opprimentiumque telorum, procumbit in genua. Et qui suam causam neque magna vocis contentione, tantumque stans egerat, causam hostium abiectus humi, & cum ingenti clamore, pertractat; ijs vitam precans æternam, à quibus vnam hanc vitæ mortalis, per summam iniuriam crudelissime, eripi sibi videbat. Neque vero tam insignis charitas inanitis, aut infœcunda fuit, sed aduersariorum consilia egregie dissipauit, ac lussit, & è lapidibus illis Abrahæ filios excitauit. Intererat spectaculo adolescens, immo & quodammodo præerat, qui quo plurium manibus Stephanum vulneraret, ferientium vestimenta seruabat. Hunc militiæ Christianæ suo loco, ne quicquam ex absentia sua detrimenti sentiret, hostibus è medijs ereptum reliquit, eademque opera acerrimo duce suos armavit, spoliavit Hebræos. Quid itaque agis Saule, quid insanis? quam ob causam, istum lapidas? te quoque mox lapidatum esse gloriaberis. Perge igitur, feres facilius quæ intuleris: disces ex immanitate tua constantiam. Perge (inquam) facis tibi tua iniuria magistrum, ac ducem, in numerum inseris te illorum, quos in extremo suo spiritu habet præcipue commendatos. Et tu fortasse quo sauior es, eo es carior. Patrociniatur tibi apud Stephanum furor tuus, minora acciperes ab illo dona, si isthinc abesses.

Quum igitur præstantissimus miles Christiani Martyris formam è Christi magistri exemplo mirifice effinxisset, suoque loco Paulum Ecclesiæ impetrasset, in tetro illo tumultu, ruinaque saxorum, dulcem tamen somnum inuenit: Obdormiuit in Domino. Felicissimus plane vir cum alijs nominibus multis, tum eò præsertim, quòd primus Christo salutis auctori, si non parem gratiam (quod fieri non potest) at certe pro vita retulit vitam, eiusque calido sanguini miscuit suum.

Salve igitur primus flos Chriſti ſanguini, è quo enatus es, concolor, prima eius neci reddita viſtima, primum Chriſtianæ fortitudinis documentum: Martyrum forma, admirandis ſapientiæ, innocentie, conſtantiæ, charitatis expreſſa coloribus: dux & ſignifer purpurati agminis Chriſtianorum. Merito & olim recens tua victoria ingenti ornata eſt luſtu tuorum, & quotannis toto orbe terrarum, ſæpius & hoc tempore dies octo, & luce hodierna tanto apparatu, ab hiſce mundi principibus honoratur. Tu protege, vt facis, Eccleſiam: nos quoque recipe in fidem tuam, non enim dubitamus, quin quum adeo pius erga inimicos fueris, benignum te, ac munificum præbeas erga clientes.

## ORATIO II.



**A**BSOLVTA virtutis effigiem elegantissime perfectam, rem in hac ærumnoſiſſimæ vitæ conditione ſingularem, quia difficillimam; in Stephano martyrum antesignano fortiſſimoque Levitarum Principe (Beatissime Pater) liquido nobis contemplari licet. Et ne materiam ampliſſimam exequar operoſo circuitu verborum, intelligentia facit huiusce ſapientiſſimi confeſſus; & vt omnem remoueam calamitſtrum Rhetorum, ipſa rei dignitas impetrare debet: quæ nudam, potius & apertam, quàm inductam & aduentitij coloris illitam ſuco formam ſuam ad inſpiciendum ſapientibus proponi cupit. Aio igitur formam virtutis vſquequaque perfectam, quoad humanum ingenium capax erat, in Stephano ſuis omnibus coloribus fuiſſe diuinitus expreſſam.

Satis inter ſapientes conſtat animi pulchritudinem & quaſi formoſitatem, vt corporis venuſtatem è ſuauitate colorum, ſic ex temperatione multiplicium virtutum effloreſcere. Age vero videamus hoc cognito, quemadmodum in Stephano Deus gratiæ penicillo virtutum colores omnes, vt inſtitueram dicere, collocauerit: vt in Eccleſiæ filijs vnus eſſet è paucis optimus ſapiens vſque ad inuidiam, tempe-

temperans vsque ad admirationem, iustitiæ tenax vsque ad certamen, in certamine fortis vsque ad cædem, in cæde beneuolus condonator iniuriæ vsque ad remunerationem. Relegamus animo quod proximè recitabatur ex Apostolorum Actis: Stephanus plenus gratia, quæ virum omnibus virtutibus excultum, ac præparatum integerrimi iuuenis animum occupauerat (& fortitudine plenus) quæ discrimen etiam vltimum ante Principes ipsos pro veritate posset deponere. Faciebat prodigia & signa magna in populo, quidni aut faceret? qui neque conceptum verbum retinere posset, & Dei digito, hoc est Spiritus sancti virtute munitus, fortiter in populi conuentu virtutem hominibus ostenderet; in cæli theatro constantiam probaret Deo, vitam Ecclesiæ dedicaret. O dignum spectaculum cui vacet Deus! quia diuini vis amoris fortissimum quæcumque pignus solet.

Surrexerunt quidam, qui sibi, multisque videbantur sapientes: de Synagoga, quæ appellabatur Libertinorum, verbo, re autem vera Sathanæ seruatorum, sociorum. Et Cyrenensium, & Alexandrinorum, & eorum qui erant de Cilicia, & Asia, non pauci periculum facturi sapientiæ primū, deinde constantiæ. Disputantes enim Stephano: sed qui sine profectu bonæ mentis disputabant, iidem sine virtutis affectu non poterant resistere sapientiæ, & spiritui qui loquebatur in Stephano. Ex diuinis certe litteris hæc verba sunt: Audientes autem hæc, quæ sapientissimè longissimeque repetita memoria diuinè Stephanus in concilio sanctissimorum (ciuium ne dicantur hostium) inemoriter disseruerat, discabantur cordibus suis, hostes veritatis simul & Stephanus, & stridebant dentibus, vt furētes aduersus eum, qui sibi stabili pacatissimaque virtute constabat. Quum enim Stephanus esset plenus Spiritu sancto, & eo vsque plenus, vt in eius vultu diuinam speciem ex integerrimo pectore efflorescentem velut Angeli splendorem: cæci etiam hostes intuerentur, intendens in cælum lucē causam virtutis & præmium, vidit gloriam Dei pro qua stabat, & Iesum stantem, ad pugnam animos, ad victoriam vires addentem, a dextris virtutis Dei, & ait.

Ecce video celos apertos, quod primus testis dato sanguine



de veritatis ingressus, ad simile factum multos mortales ex reliqua Ecclesie posteritate promptissimos, & Filium hominis stantem à dextris virtutis Dei, summam omnium gentium ac seculorum adeptum apud Patrem iudicij potestatem. Reliqua mortuissima sunt eademque præclarissima, quæ consequuntur.

Heb. 2.

Psal. 67.

Et eicientes eum. O rerum condicionem humanarum, qualem tandem virum, & quantum eiecerunt à eum qui videbat cælos apertos, unde videlicet laborantibus terris, quæ erant apud Deum gratia, felicitatem elicere potuisset: eum inquam, eiecerunt extra civitatem, qui iam tum vefabatur in exlo. Vtrum hic stabit hostium amentia perditorum & non stabit, qui dissecabantur cordibus, & dentibus stridebant, armant manus: & eius sanguinem exforbere cupiunt, cuius vocem audire non possunt.

Psal. 102.

Isai. 40.

Psal. 115.

Lapidibus petunt & obruunt inuocantem, & dicentem: quid autem in illo ruinæ fragore, quid in supremo vitæ discrimine dicentem? Domine Iesu suscipe spiritum meum. Verissime dictum est à nescio quâ: Iustus ac tenacem propositi virum. Non civium ardor prava iubentium, Non vultus instantis tyranni. Mente quatit solida. Si fractus illabatur orbis, Impavidum ferient ruine.

Videsne, ut animus optimè constitutus, conscius hospes Dei; Deum appellat hospitem, amicus amicum & cuius ad vivum similitudinem morum effinxisset in vita, vocem etiâ usurpavit in nece. Positis enim genibus remuneratur supplicatione supplicium, benevolentia furorem, precibus maledicta, vulnera muneribus, interitum vita: quam Saulo reseruvauit, qui nondum Paulus percussorum vestimenta servabat. Domine, inquit, ne statuas illis hoc peccatum. Vocem agnosco charitatis, Christum videre licet in Stephano. Christus in amici nece perditissimis hostibus ignoscit, qui pepereit in sua. Et quum hoc dixisset, obdormuit in Domino: sanctissimam vitam exitu felicissimo conclusit ut similis virtus similem gloriam consequeretur.

O verè fortunata mors! quæ naturæ debita, pro Christi Ecclesie potissimum reddita, nomen etiam quietis & immorta-



mortalitatem mutuatur. Hunc vero virum veræ gloriæ natum iudico, cuius etiam appellatio virtutis & gloriæ præmio digna est, ut eidem coronam, insigne victoriæ, dedisse videatur Deus, cui virtutem dedisset; victoriæ causam. Hostes igitur tam miseri, quam impij, qui Stephanum occiderunt, non Stephanus, qui spiritu fortiter dato, victoriæ præmium, immortalitatem, & sedes est beatorum consequutus. Brevis illi quidem iuveni contigit vitæ cursus: at memoria bene redditæ vitæ sempiterna. Erant enim illius facta æternitatis, non ætatis. Tecum igitur præclarissime actum est fortissime, dum vixisti, nunc etiam sanctissime: cuius primus & integerrimus spiritum delibavit Deus, & exemplum Ecclesiæ, sepulcrum Romæ, memoriam æternitati, animum cælo, famam literis, virtutem templis, interitum natalitijs sacrificijs, laudem Pontificum prædicationibus consecrauit.

## ORATIO III.



**C**ELEBERRIMA Martyrum Principis, letissimaque memoria, Beatissime Pater, facit ut inauditum, quoddam à nobis atque incredibile dicendi genus expectare videatur, quod & fortissimi iuuenis diuinis laudibus, & nouo splendore Christianæ Reipub. par esse possit. Neque enim id à nobis requiritur solum, ut Stephani triumphum amplissimum debitis vel laudibus, vel officijs prosequamur, sed etiam ut sanctissime, atque optime omnium parenti Ecclesiæ de singulari martyrij gloria, quam Stephano duce est adepta gratulemur. Verum neque dicendi studio copia suppeditat dicentis, nec tanta rei incredibilem magnitudinem mens consequi potest adolescentis. Dabis igitur nobis hanc veniam, Beatissime Pater, ut in tanta rerum præclarissimarum vberitate & copia eam tantummodo laudem hodierno die celebremus, quæque in Stephano maxima & cumulatissima sem-

## II 6 In festo S. Stephani

per fuit, tum ab optimo quoque videtur non magis prædicanda, quam imitanda.

Enimvero cogitanti mihi de huius inclyti martyris infirmitis pene laudibus, illa præ cæteris extare maxime, atque elucere visa est, animi, & corporis singularis quædam integritas, quæ & Deo Opt. gratissima fuit, & tantam in Stephano rerum gestarum gloriam excitavit: Et quamquam nemo est in hoc florentissimo numero, cui Stephani puræ mens non plane sit cognita atque perspecta; tamen ad maiorem in nobis admirationem excitandam recordemur si placeat, quæ fuerit semper omnium de illo celebrata opinio, quæ dignitas oris? quis ingressus in Hebræorum conciliū? quæ animi habitudo? quis splendor oculorum? qui vultus, quæ oratio? neque enim pudorem & pudicitiam suam Deo soli & cælesti Curie, sed Apostolico etiam Senatui cōmendauit: neque Apostolis modo, sed & Christiano populo vniuerso, neque huc tantum, sed & eorum etiam furori, qui nefarijs consilijs incitati, vt paulo ante salutis auctorem, ita nunc ejus imitatores omnes in vltimam perniciē, atque interitum vocabant. Quibus ille mentem castissimam nunquam profecto satis commendasset, nisi diuino auctus beneficio internum animi candorem vultu ipso atque oculis prætulisset. Magna vis est integritatis B. P. & magna in vtramque partem: vt & laudabiles reddantur ijs in quibus est, & ad ejus amorem, vel inuiti perditissimi quique rapiantur. Intuentes cum omnes, qui sedebant in Concilio viderunt faciem ejus tanquam faciem Angeli. & merito. Qua enim alia in re (vt sapientissimus vir Chrysostomus ait) verè amatores integritatis ab Angelis differunt, nisi quod hi in huius corporis sunt inclusi compagibus, illi ab omni prorsus mortali concretionē seiuncti ac liberi?

An vero quicquam est ijs cum hac mortali concretionē commune, qui quod est proprium maxime humanæ naturæ ita superant, vt singulari illa mentis integritate, qua cum Deo copulantur, corpus ipsū mortale & caducum ad beatam illam cælestium mentium similitudinem pulchritudinemque traducant? Etenim quid tam est commune, quā corruptio mortalibus, illecebra voluptatis adolescentibus? procreandi cupiditas aninantibus? amor humanarum re-

rum

rum in theatro rerum omnium naturali quadam lege degentibus?

Quum tamen veræ integritatis amatores ita mortali corpore induti sunt, ut integri semper & incorrupti seruentur: ita iuventutis iactantur fluctibus, ut voluptatum illecebris non irretiantur: ita coniunctionis appetitu sine præditi, ut quemadmodum à Dei Filio dictum de cælitibus accepimus, neque nubant, neque nubantur: ita postremo in tanta procreatarum rerum vbertate constituti viuunt; ut non nisi cognitione rerum cælestium, & iucundissima cum Deo consuetudine capiantur. Tantæ virtutis gloria, cuius tam insignes, & præclaræ sunt partes, cuiquam dubiū esse potest, quin cum cælestium mentium nobilitate & pulchritudine iure comparentur. Quid quod vir sanctissimus Bernardus anteferre aliqua ex parte non dubitauit. quid quod Basilius ad Diuinam etiam extulit dignitatem. Magnum quiddam re vera, inquit ille, & præclarum virginitas est, quæ ut omnia vno verbo complectar, hominem incorruptibili Deo simillimum facit. Quem te igitur (Beatissime Stephane) in beata ista vita ad amplissimum honoris gradum euectum appellabimus, qui adhuc in terris integritate tua vel ipsorum hostium testimonio ad cælestium splendorem Ciuium, immo verò ad diuinæ ipsius nature similitudinem propius accessisti. Equidem fateor me dum in huius tantæ virtutis gloriam animam intendo, iusta quadam admiratione ita desigi, ut obstupefactus hæream, nec ullam possim orationem elicere. Quantam illum cælestium bonorum copiam hausisse par est, qui tam purum atque integrum celestis sponso diuersorium parauerit? Quæ ille à benignissima Dei manu acceperit munera, qui ipsius Dei causa quicquid extra Deum foret pro nihilo duxerit? Tantus, tamque ab omni rerum humanarum sui que ipsius amore sciunctus animus ac liber, vacuus esse non poterat.

Quinetiam ut maxime mortales negligebat delicias, ita maximè cumulabatur æternis. Illi, illi vni cum sanctissima Dei parente laus illa quasi communis fuit, ut plenus gratia & fortitudine, plenus Spiritu sancto vocaretur. En laudes diuini roris, quibus pura illa mens, & incorrupta redundabat. En sensus è diuina dulcedine delibuti, en munera in castissimum pectus inclusa diuinitus. Et mirabitur

iam quisquam eius animi robur, fortitudinem, vim, constantiam contra acerrimos Christiani nominis hostes, contra verę Religionis celestisque doctrinę oppugnatores, aduersus Principes & potestates, aduersus mundi Rectores tenebrarum harum? Quis umquam ab impijs est oppugnatus vehementius? Quis apud iniquissimas gentes certamę atrocius excitauit? Quę ille contra eorum conatus, qui nefarium Deo bellum indixerant, prelia sustinuit? Pugnat ludęorum odium cum Stephani charitate, illorum minę cum huius constantia, illorum crudelitas cum huius patientia, illorum impotentia detestabilis, cum huius inaudita moderatione. Denique impuritas cum integritate, iniquitas cum equitate, pertinacia cum fortitudine, cum fide perfidia, mendacium cum veritate dimicabat. In tanto tamque inusitato certamine, in tam noua pugnandi ratione; in tam luctuoso, vt illi putabant; vt ipse arbitrabatur, gloriosissimo spectaculo, quid illum agitasse animo, quibus armis inimicorum iniurias vltum esse censeris? Obruebatur lapidibus, in oculis ipsis Hierosolymitanę vrbs, in luce Palestinę totius adolescens egregius, princeps iuuentutis, sapientię magister, salutis publicę defensor, pauperum, miserorumque perfugium, & parens. Is igitur in medijs hostium conuicijs, contumelijs, maledictis, in medio laterum atque saxorum imbre de hostium salute sollicitus, oblitus suę, quum vix oculorum aciem tollere; vix membra commouere posset, in illud ipsum solum suo cruentatum, sanguine procumbens, clamauit voce magna, Domine ne statuas illis hoc peccatum. O mansuetudinem singularem, O clementiam inauditam, ò facinus non memoria magis omnium posterorum, quàm imitatione prosequendum! Quis enim interpretari possit, patientior ne fuerit, qui summis affectus doloribus, an fortior qui in ipso vitę exitu, an constantior qui in oculis ipsis inimicorum: an mitior, qui eorum, à quibus ipse scēdissimo supplicio excruciat necaretur, pœnam inauditi sceleris deprecabatur. Quid igitur restat sanctissime Stephane? Quid habemus quod dicamus? quibus iam laudibus tuam incredibilem virtutem prosequemur? Quatuor ex omni antiquitate adolescentes fuisse celeberrimos accepimus, Abelem, Iosephum, Gedeonem, Dauidem. Sed neque tam Abel ille iustorum,

Princeps fuit, quàm tu dux & signifer Martyrum : neque tam Iosephus ille paternæ subsidium senectutis, quàm tu oppugnata veritatis defensor : neque tam Gedeon ille Angelum Domini conspiciat, quàm tu ipse Domini gloriâ, & Iesum stantem à dextris virtutis Dei . Neque tam postremo David ille superbissimum tyrannum quinque lapidibus de medio sustulit, quàm tu teterrimæ inferorum belluæ ceruicis obrutus ipse lapidibus, confregisti . Quæ igitur tuæ gloriæ par oratio inueniri potest, qui iusticiâ Abelem, pietate Iosephum, integritate Gedeonem, Dauidem fortitudine superasti ? Enimuero hoc ideo factum existimo, vt merito sibi istam gloriam esse à Christo tributam intelligeremus, qui Christianæ militiæ Imperator maximus ad similem virtutem, & fortitudinem egregiam (vt ita dicam) stirpem esses in perpetuum propagaturus .

Et quoniam iniuria temporis animorum obstat voluntari, illud vnum vir fortissime à te etiam, atque etiam perorationis loco petimus, vt qui tantam iustitiæ, integritatis, mansuetudinis, constantiæ, virtutum denique omnium : Christique Optimi Maximi similitudinem in vita es consecutus, illud efficias, vt quoad infirmitas humanæ naturæ patitur, aliqua in nobis omnibus appareat earundem virtutum, si non perfectio, at conatus tamen, & adumbratio : & qui egregia tua facta summa cum animi delectatione cognouimus, eadem diuina ope & auxilio fultis diligentissime imitando prosequamur, &c.



## ORATIO III.



**Q**UAM felix est Sanctorum conditio  
 (P. B.) qui cum despici, ac præteri-  
 ri silentio Dei causa euperent, ade-  
 pti sunt apud omnes nomen, quod  
 non deficiet, neque canescet sæcu-  
 lis innumerabilibus: imo vero v-  
 loca quædam vetustate sunt san-  
 ctiora, sic illud diuturnitate tem-  
 poris illustrius. Neque enim quã-  
 diu res oriuntur, & occidunt, aut quamdiu menses, & anni  
 cæli conuersionibus distinguuntur, tamdiu iustorum me-  
 moria permanebit: ampliora spatia requirit, dedignatur  
 temporis angustias, nec se vult alijs quàm æternitatis ter-  
 minis circumscribi. Celebramus vbique post mille ac sex-  
 centos ferme annos Beati Stephani necem solemni pompa,  
 prædicat eius laudes coram amplissimo tot principum Se-  
 natu caput orbis terrarum Roma: vbi tot regum ingentes  
 moles, tot monumenta Caesarum conspiciamus, qui id vnum  
 suis laboribus contenderunt, ne funditus interirent, ne ip-  
 sorum memoria vnà cum morte pariter occideret, nec ta-  
 men assequi potuerunt, vt se ab hominum silentio & obli-  
 uione defenderent. Non est hæc nostra, sed Dei virtus, cu-  
 ius cum in dextera sit potentia, & gloria, infirma mundi  
 elegit vt confundat fortia. Is Stephanum docuit non co-  
 minus gladios, aut eninus hastis pugnare, vt palmam con-  
 sequeretur, sed obsistere nulli, cedere omnibus, inter ho-  
 stium conuicia, & maledicta silere, vulnerantes charitate,  
 complecti, Deum pro persequentibus, & lapidantibus depre-  
 cari. Quam nouum & admirabile pugne genus! sed lon-  
 ge mirabilius est tam inusitato armorum genere triumphum  
 retulisse, patiendo vicisse, audaciam benignitate, inimico-  
 rum furorem fuso sanguine represisse, de extremo denique  
 supplicio æternum gloriæ pondus, summamque celebra-  
 tem nominis reportasse. Verum quia victoris non modo  
 triumphus, sed & pugne recordatio delectat, accipite pau-

cis,



cis, quæ de occasione pugne veterum monumenta testentur. Erant Hierosolymis si Iosepho credimus, collegia non pauca, cuiusmodi & Romæ iâ visuntur, quæ Gregorij XIII. Pont. Max. euexit munificentia, de vniuerso orbe Christiano optime meriti, eò ex diuersis Iudeæ partibus confluabant adolescentes, vt diuinam legem addiscerent: inter hos Stephanus erat, qui cum Christi fidem profiteretur, eamque miraculis consignaret, Sauli Tarsensis Cilicum synagogæ facile Principis indignationem in se, atque impetum concitauit. Is quum eodẽ quo Stephanus vteretur magistro Gamaliele, & vt scribit ad Galatas, profecisset in Iudaismo præ cæteris coactaneis suis, paternarum traditionum abundantius æmulator existens, numquam destitit ab incepto, donec illi in Concilium adducto, vita lapidibus eriperetur, à cuius animo Christus charior vita auferri nõ potuit. Spectabant Iudæi non obscure ruentem Moysis synagogam, Christi que surgentem Ecclesiam, conati sunt reiectam ab ædificantibus petram si fieri posset obruere, ne in tam nobili structura conspiceretur. Verum non est consilium contra Dominum: nam lapis quem isti Mosaicæ domus coementarij reprobauere, hic factus est in caput anguli, vt nimirum non modo martyr, sed martyrum etiam ductor existeret. Apostolos enim ipsos à quibus pie viuere didicerat, triumphali morte præcessit, & quorum discipulus erat gradu, magister cœpit esse martyrio. Quid moliaris Pharisæe, quid proficis? Christi discipulum argumentis aggredieris? sed non timet humanæ sapientiæ nexus, quam Dominus crucis mysterio reddidit insipientem: fustes intentas? non expauescit ad fustes, cui spes est omnis in ligno: collo, & manibus funes inijcis? martyribus ornata sunt ista, non vincula. Extra urbem compellis, & lapidas? sed subtrahitur perfidiæ tuæ illa sâ veritas, & Stephanus in cælum abeunte, tu conficeris saxis tuis. Iamvero quod genus spectaculi, quæ florum varietas, quæ tam grata colorum distinctio, sic oculos intuentium oblectat, vt Stephanus inter hostes benenolus? inter immanes feras mitissimus sub procella? & nimbo lapidum innocentissimus: dicam amplius, damnatur vt reus, & patrocinator vt iustus; moritur, & timetur: tanta est maiestas in verbis, aut bonitas in prodigijs, pondus in vita. Vbi que inuicæ Ste-

Gal. 1.

2<sup>a</sup> al. 117.



phane corona te tua dignum reperio, siue disputantem intueor, siue sanguine & sudore manantem, & docentem admiror & patientem: sic enim decebat ut instar doctissimi scribæ noua proferres, & vetera, Christum callores, & Moysem, ut quæ verbo docebas, sanguine confirmares, ut Euangelicæ præcepta legis te doctore, quem omnis posteritas audire non poterat, non in tabulis lapideis; non in columnis, non in xre Corinthio, sed in excarnificato pectore tuo cerneremus incisa. Cælum ipsum ad tam nouum gratumque spectaculum portas aperuit, dilatauit sinum, amplificauit aditus, ut ingentes Protomartyris triumphos exciperet. Sed vnde mihi exciderant lapides illi quos cruor morientis quum infecisset, in pretiosas margaritas, gemmasque conuertit? Hi viam strauerunt Diacono, & osium reserarunt tabernaculi non manu facti, ut intraret summo ministraturus Pontifici, qui per proprium sanguinẽ ingressus erat in Sancta. Iisdem enim, P. B. lapidibus quatiiebatur cælum, & Stephani pectus, & quamuis corpus illud beatarum mentium domicilium indissolubile sit & immortale, tantus fuit tamen sub molli carne vigor fidei; tantum robur, ut prius hostium furori cesserit cælum, quam pectus. Vicisti Stephane; adhuc spiras, & cælum ictibus intueris apertum; nunc sub oculis præsentis Domini dimicas, quem stantem vides à dextris Dei, nec adest tantum ut spectet, sed ipse luctatur in te, ipse congregitur, ipse in certamine tuo, & coronat pariter, & coronatur. Fessa iam erat, nondum tamen expleta inimicorum sæuitia, carnifices ipsos lapidando vires defecerant, non defuit amor in martyre, sed exarsit. Itaque ut ijs salutem afferret, qui vitam ei eripere conabantur, postis genibus pro conuicijs preces ad Christum rependens, Domine (inquit) ne statuas illis hoc peccatum. Hæc dixit finemque dolori quem saxa non dabant, coronæ dederunt. Ne miremini, suum habebat ignem Stephani pectus, feruebat spiritu, redundabat gratia, prodidit tandem crebris contusum ictibus, ac veluti scintillas è siliice & suspiria pro hostibus, & pro lapidantibus preces audiuius. Sed quis illum docuit sugere mel charitatis de petra, oleumque misericordiæ de saxis durissimis? non hæc hausit è schola Moylis, sed ex Caluario, nõne ad pedes Christi pendens in cruce, cuius dum imitatur exemplum, experi-

peritur effectum : ibi Dominus precibus suis ex latrone  
 martyrem fecit , hic seruus virtute Domini lupum in  
 agnum, Saulum in Paulum, persecutorem in Apostolum con-  
 uertit . Quod dicendi genus illustrissime Martyr, fortitu-  
 dini tuæ par esse poterit, quæ fortitudo præmia, non plagas  
 numerans, ex lapidibus ipsis vt ex diuinis quibusdam semi-  
 nibus metere potuit immortalitatem ? Tolerasti vsque ad  
 consummationem gloriæ illata supplicia , nec cessisti tor-  
 mentis, immo vero tibi tormenta cessere . Quamuis tanta  
 esset in afflictio corpore tuo vulnerum vis , vt membrorum  
 compage dissoluta, non amplius torquerentur membra, sed  
 vulnera . Serue bone & fidelis, quàm subito persoldisti Do-  
 mino, quod debebas ? hesternis lacrymis hodiernum san-  
 guinem, stabulo illadium, vagitibus & sceno saxorum im-  
 brem . Ille pro te heri hominem induit, tu pro illo hodie  
 hominem exuis . In cælo nunc viuis, & viuis Deo: vbi nul-  
 læ tibi vitandæ hostium insidiæ, nulla pericula metuenda,  
 ibi mortalis esse desijisti , quod inuitus eras , & immortalis  
 esse cœpisti, quod optabas : sed exutus mortalitate compa-  
 tere nobis, quibus omnia sunt cum morte communia , qui  
 hanc ipsam, quam viuimus, horam cum morte dinidi-  
 mus, nos præsertim Angli, qui ( à Petri successoribus ad  
 iuuandam patriam destinati, orbatam Christo Sponso, vt  
 tu olim electus à Petro ad viduarum curam ) æsti-  
 mati sumus tamquam oues occisionis . Affer  
 opem in pugna, qui victoriæ spem dedisti,  
 & quod olim pro lapidantibus es pre-  
 catus, nunc pro deprecantibus  
 ora, quo facilius ad veram  
 gloriam, & ad ista gau-  
 dia nobis aditus  
 pateat.



## ORATIO V.



IRVM sane ac prope incredibile, exploratum tamen ac verum est, Pater Beatissime, illud Augustini pronunciatum, homine nullam esse immaniolem feram, si sibi relinquatur. Etsi enim ita natura comparatum est, ut is non solum cum rebus inanimis corpus, cum animantibus sensum, verum etiam, cum cœlitibus rationē habeat cōmunem, cuius impulsu, & bono adhereat, & abhoreat à malo; ita tamen aut cupiditatibus distrahitur, aut illecebris irretitur, aut iracundia perturbatur, ut obscurata intelligentia, & affecta voluntate, in homine nihil interdum humani reperiat.

Quod si quando sui homo dissimilis est, cum certe est dissimilimus quum pravo de rebus divinis sensu, & adulterinis opinionibus hallucinatus, superbè ac pertinaciter veritati resistit, & in erroribus obfirmata animi perversitate persistit. Luculentissimum profecto huius rei exemplum hodierno die in Iudæis videntur expressum, qui erroris caligine excecati tam estraneo ac præcipiti furore abrepti sunt, ut neque cœlestis aspectus decore, neque admirabili sermonis gravitate, neque illustri miraculorum gloria flecti potuerint quominus innocentissimum, sanctissimumque adolescentem per summam iniuriam damnarent, obruerent, tam & acerba morte multarent. Erroris enim comes est pertinacia, & inexorabilis quedam iracundia, quæ ita Iudeorum mentes è suis sedibus dimovit, ita occupavit sensus, ita vim omnem ac facultatem rationis evertit, ut quæ omnibus placere solet, ipsis displiceret pulchritudo, quæ omnes demulcet, illos exulceraret eloquentia, quæ incredulos convertunt, crudeliter eos redderent miracula. Verum apud quos inuisus fuit Christus, quid mirum inuisum quoque fuisse Christianum? & qui in meridiana luce cœcutientes splendorem solis non percipere, eos exiguum illius in-

bar conspiceret nequiuisset? Quamquam exiguum certe iubar Stephanus dici non debet, cuius animi fulgor in ipsum etiam corpus redundans in homine adhuc mortali, futuræ immortalis speciem quandam & specimen exhibuit.

Sed quid ego Iudæos velut inimicos criminor, qui martyribus antesignanum insignem, fidei testem amplissimum, Stephano denique coronam incorruptam vel volentes addiderunt? Quid ego hostili eos oratione perstringo, quos Stephanus tam singulari visus est amore complecti, ut potestatem spiritus, vocis, vitæque usuram in eorum rem & commodum conferre non dubitaret? Intellexit nimirum gratissimus iuuenis lemniscatam hanc & insignem martyrij palmam nonnisi ab hostibus posse deferri. Hoc enim Christianorum peculiare ac proprium est, ut si in fidei causa vicerint, hosti prædam extorqueant: si vero, ut Stephano accidit, in obfirmatos animos incurrerint, quorum nec duritiem flectere, nec furorem euadere possint, tolerantur sustinendo, gloriam, fortiter occumbendo, victoriam consequantur; adeo ut siue prostrato, siue prosterrente inimico, felicissime homini Christiano omnis belli cedat euentus: quinimmo nobilior mortem ferendo, quam inferendo victoria martyri comparatur, quum præstantius, & admirabilius sit, si a quo dum viueret, vincebatur, de eodem mortuus victor triumphet, ac repenti adhuc sanguine saxa eorum corda mollescant, qui vitam ei & sanguinem saxis abstulerunt.

Superarunt quidem Iudæi Stephanum, sed ita superarunt ut deteriore morte ipsi perirent, quam illum perimerent. Vicit Stephanus Iudæos, sed ita vicit, ut præstabiliorem vitam ipse acquireret, quam illi adimerent. Superarunt Iudæi vi & vulneribus; vicit Stephanus veritate ac precibus.

Denique Iudæi ita vicerunt, ut Deum quem propugnare videbantur, maxime oppugnarent, Stephanum autem quem expugnare visi sunt, coronarent potius, quam vincerent.

At vero Stephanus ita pugnavit, ut ab hostibus victus hostes vinceret: ita vicit, ut victis hostibus victos liberaret.

Si enim, ut ait Augustinus, Sanctus Stephanus sic non oraf-

orasset, id est, inter densissimos hostium ictus, Ecclesia Paulum non habuisset. O arduam plane ac difficilem, felicem tamen victoriam, tam eximijs auctam spolijs, quæ è Saulo Paulus, ex lupo agnus, ex crudelissimo Ecclesiæ oppugnatore acerrimus propugnator effectus est! Tu verò Saul, qui parricidio huic & cædi iniustissimè suffragaris, quid agis? cui insultas? itane tibi iniustus est Stephanus, quem in causa simili, quamvis dissimili mortis genere es imitaturus?

Nihil te adolescētis diuina species oris mouet, nihil sanctitas, nihil constantia? Veniet profecto, veniet aliquando dies ille, quo discussis errorum tenebris hæc omnia suspicies, & nobilissimo illius stimuleris exemplo, cuius nunc tantopere delectaris exitio. Quod autem in præsentia facis non tam ingenio tuo, quàm falsis quibus imbutus es opinionibus tribuendum est, quæ eò hominem dementiæ redigunt, ut ab omni pietatis sensu ad belluinam nescio quàm feritatem degenerans, summam in cæde & sanguine voluptatem ponere videatur. Atque vtinam vltimum huius rei experimentum in Stephani cæde accidisset, vt iram vel hæc nostra tempestas Iudæorum barbaries, in innumerabilibus opinosissimorum hominum sectis non reuiuisceret. Vtinam nusquam hodie Ecclesia truculentiores veritatis hostes, quàm qui Stephanum infestati sunt, experiretur. Iudæi falsis quidem damnarunt testibus innocentem: è ciuitate instar piaculi exturbatum lapidibus obruerunt: sed neque torserunt equuleis, neque raptarunt equis, neque in mortuum scruerunt.

At non desunt hodie hæretici, qui Catholicos homines omnibus ludibrijs & cruciatibus viuos, mortuosque diuexent.

Testes sunt recentes illi in Gallia Caluinianorū (vt de veteribus hæreticis taceam) furores, qui in Catholicis potissimum sacerdotibus excruciandis eousque peruenerunt quo ad progredi potuit ferorum ac ferreorum hominum immanitas.

Testes sunt innumerabiles strages, & plurimorum millium cædes, quas tragica illa Lutheri dogmata Germaniæ populis attulere. Te ipsum Stephane testem appello, qui gloriosissima pro Christo morte ab incredulis affectus, com  
plu-

plures tuo exemplo ad similem fortitudinem omnibus sensibus excitasti : & nunc ex beatissima ista cæli arce quam lamentabiles & luctuosas ubique gentium istiusmodi homines pariant ærumnas . & calamitates intueris . Intueris tu quidem Ecclesiæ pugnæ , sed sacras intueris , non ut pugil in palestra , sed ut victor in patria . Nos vero te ducem , atque auctorem secuti , adhuc in sole ac pulvere desudantes , plagas ab hostibus inflictas non cernimus modo , sed sentimus ; non eminus tantum prospicimus , sed etiam cominus experimus . O longum , ô difficile experimentum !

Septem & viginti annos in Anglia equulecorum cruciatus , custodiarum squalores , bonorum rapinas , & grauissimas exilij difficultates perpessi sumus .

Septem & viginti annos Londinum , assæque vrbes Angliæ complures , innocentissimo martyrum sanguine redundarunt ; necdum tamen insatiabilis eorum feritas exsaturata est : adhuc nostrum sanguinem sitiunt , adhuc Catholicos ad carnificinas rapiunt , adhuc omnibus supplicijs cruciant , maciant , contrucidant .

Tu igitur præclarissime Protomartyr , qui primus in hac acie signa sustulisti , tuis inhaerentes vestigijs tuis precibus corrobora , & quos instituis exemplo , ne destituas auxilio , nec tuis in cælo precibus careant æmuli , quas sibi in terris salutare senserunt inimici .

Te autem Pater Beatissime , per hunc ipsum martyrum Principem , per istam , quam sustines Christi personam , oratus atque obsecramus , ut si hoc nobis potissimum ab hæreticis hominibus crimen obijcitur , hoc in nobis præcipue omnibus supplicijs vindicatur , quod Pontifici Romano addicti , quod Romanæ Sedis ministri sumus ; ut auitam ( quod facis ) Anglorum erga Romanum Pontificem obseruantiam amplectaris , calamitatem subleues , miseriam depellas .


Sicque ob eam ipsam causam ab huius Apostolicæ Sedis hostibus exagitati , atque vexati , relicta patria , fortunis , cognatis , parentibus , ad hanc religionis arcem , ad te communem omnium gentium parentem confugimus ; Angliæ reliquias tantopere ab impijs iactatas , in pater-

ao tuo pietatis gremio, tantisper fouere velis, dum do-  
 ctis ac viribus instructi, aliquid opis, oc-  
 cidenti patrie vel nostri capitis pe-  
 riculo afferamus.

Amen.







IN FESTO  
SANCTI IOANNIS  
APOSTOLI  
ET EVANGELISTÆ.



ORATIO PRIMA.



R **O**, res, locus & tempus postulant, Beatissime Pater, vt post desideratissimam Natalis Filij Dei celebritatem, & gloriosam gloriosi Stephani Protomartyris & virginum præcentoris coronam, dicam in hoc augustissimo & vere Apostolico Patrum amplissimorum Senatu de beato Euangelista & Apostolo Ioanne, qui priuilegio amoris præcipui cæteris altius à Domino meruit honorari, vt in hac perturbatione rerum omnium atque adeo religionis Christianæ sollicitè considerantes quod vidit, audiuit, annunciauit, scripsit, intuen- do eius conuersationis exitum, fidei, patientiæ, virginalis castitatis & reliquarum virtutum ad imitandum, & Christum cum beato Petro sequendum iuxta Euangelicam historiam exemplum habeamus, quo maiorum inituito laudata virtus crescat, & in maioribus periculis fides nostra in patientia, sapientia, & charitate, vt superiore anno Iulio potentius perseverando sese exerceat.

R Verum

# 130 In festo S. Ioan. Euang.

Verum enimvero tam multa mihi deesse ad suscepti muneri functionem feliciter obeundam vehementer doleo. Adhibenda enim videtur ea dicendi ratio, quæ huic loco ad dicendum amplissimo conveniat, quæ professioni Theologiæ omni ex parte respondeat, quæ senibus, quæ grauib, & ad miraculum doctis hominibus perplaceat. Quocumque enim me conuerto summum & singularem aliquem in quolibet bene dicendi & sentiendi genere conspicio, ut quod Romæ ignoratur, alibi nesciri ingenuè fatendum sit. Sed est quoddam prodire tenus, si non datur ultra. Dicam ergo Beatissime Pater, de beato Evangelistâ & Apostolo Ioanne cum bona venia huius Sanctissimi senatus, prout spiritus sapientiæ & intellectus dabit eloqui, si prius Catholicæ Ecclesiæ consilium & prudentiam in æconomia & distributione natalitiorum gaudiorum volueritis & placebit contemplando paucis recognoscere.

Ecclesia Romana omnium aliarum mater & magistra à Deo Patre & Doctore nostro Iesu Christo secundum promissionem à Spiritu sancto edocta ad filiorum suorum salutem & consolationem perpetuam utiliter instituit, ut statim post natalem Domini horum trium mentio fieret Stephani videlicet Protomartyris, Ioannis Evangelistæ & Innocentium, qui incarnationis Dominicæ non loquendo, sed moriendo præcones ac testes mirabiliter extiterunt, quod primum perspicue agnoscere, in quem vltim Christum venisset in hunc mundum, ut nimirum, inquit Paulus, eos qui sub lege erant redimeret, & adoptione ius filiorum acciperemus: & quæ hominum genera ad Christum pertinerent. Innocentes siquidem pueri infantes fuerunt, Stephanus mediæ ætatis, Ioannes Evangelistæ vixit diutissime, nec dubitandum hos omnes consecutos regnum cæleste gratia & misericordia Domini nostri Iesu Christi, qui & solus meruit ut illorum & omnium Sanctorum merita thesauro Ecclesiæ fideliter asseruata nobis applicando prodesse. Quæ certe æconomia docemur ad Christum pertinere infantes, mediocres & senes, nullumque genus ætatis & conditionis Christum excludere, in Christo non est infans, adultus, non senex, non mas, non femina, Apud Deum non est distinctio Iudæi & Græci, sed omnis qui facit voluntatem eius acceptus est ei.

Gal. 4.

Secun-

Secundo doceremur non solum de humanitate & humilitate Christi, verum & de eius diuinitate quo regni Christi ordo quasi per prosopopeiam omnium oculis subijceretur: nam in die natalis Domini audiuius Christum in praesepe iacentem, infantem, pauperculum: memoria Stephani Diaconorum maximi, videmus eum in caelo stantem a dextris Dei, vt quemadmodum in primo baptismo, Christi videlicet, Deus Pater, sic in primo martyrio Christus Dominus se omnibus martyribus adfuturum ostenderet. Quam quidem consolationem Stephani ex apparitione Christi sedentis a dextris Dei, veteres Christiani in articulo mortis, vel instante tyranni persecutione ex communione sacramentali corporis Christi quasiuerunt. Ioannis vero Euangelista aquila instar supra ceteros volantis conscripto Euangelio diuinitatis eiusdem monemur, sic enim clangit tuba Euangelica filius Tonitru i Ioannes, qui de pectore Saluatoris doctrinarum fluentia potauit: In principio erat Verbum, & Verbum erat apud Deum, & Deus erat Verbum.

Tertio moneremur trium istorum commemoratione, tria hominum genera perpetuo aduersatura Ecclesiae Romanae quae eadem est ac Catholica cum sola vere in Concilio Niceno trecentorum decem & octo Patrum Catholicae nomen meruerit obtinere. Philosophos & sapientes huius saeculi, qui de religione nihil amplius credere volentes quam quod illis ratione esset persuasum, naturae & physicis demonstrationibus omnia tribuendo, fidem Christianorum, penitus conuellere tentarunt, vt hoc nostro tempore ex aduersariis subtiliores & acutiores in disputando, qui suae impietatis errores gentilium scriptis ita suo more obscurant, vt dicant quaedam vera esse secundum philosophiam, quae non sunt secundum fidem Catholicam, quasi vero duae sint fides, duae veritates contrariae & quasi contra veritatem Scripturae & Ecclesiae sit veritas in dictis gentilium datarum de quibus scriptum est, Perdant sapientiam sapientum. Quomodo enim vera fides dici potest si non est vna, cum quicquid est praeter veram fidem perfidiam non, fidem dicat esse Hilarius? Si vna est, profecto intus vna & foris esse non potest. Si intus est, in Apostolica sane est Ecclesia, vbi solum legitima & perpetua successio Sacerdotum

qui nos in vera fide genuerunt, esse demonstratur: foris enim esse non potest, cum infallibilitas veritatis ex promissione Christi concludi non possit & valeat. Contra, quos post beatum Stephanum Christi athletæ veteres, omnes Theologi pro Christianismo non modo voce, sed & scripto pugnarunt, & ex recentioribus pene infiniti, qui ab aduersarijs læcessiti huiusmodi pugnam sæpius instaurare coacti sunt.

Hos sequuntur Hæretici & impijssimi Capharnaitæ, ut Cherintus, & Ebion, qui non iam ut illi de principiis rerum, de creatione mundi, sed de incarnatione Verbi, Christi-que diuinitate ita impie disputarunt, ut coactus fuerit nosse Ioannes alioqui grauissimus hæreticorum & schismaticorum infestator Euangelium suum Asiæ Episcopis, suadentibus conscribere.

Tertij in persecutione Christianorum sunt reprobi homines & tyranni principes, quæ persecutione nulla maior, nulla formidabilior Christianis ex præcepto Christi demerantibus potestatem à Deo datam, esse potest: sed non est consilium aduersus Dominum, nec contra diuinam prouidentiam astutia suffragatur humana. Velint nolint, regnabit Dominus in medio inimicorum suorum. Narrauerunt hætenus poetæ fabulationes suas, Philosophi suas demonstrationes protulerunt: Hæretici schismata & dissensiones ad suam ipsorum perditionem inutiliter seminarunt, cum ex tanta prætergressa hæreticorum multitudine, Manichæorum, Pelagianorum, Marcionistarum, Anabaptistarum, Nouatianorum, Donatistarum, Arrianorum, Valdensium, Viclestarum, Hussitarum ne littera quidem scripta ad nos perueniret. Quin etiam plerique ex Catholicis Doctoribus tam Græci quam Latini, ut loquitur Propheta, ex inimicis (gentilium dico & hæreticorum dictis & scriptis) & de manu omnium qui oderunt nos, salutem quaesierunt, ut de suis magistris ad sui dogmatis defensionem iam supra nos non posse gloriari videantur. Tyrannorum minæ, exilia, cruces nihil profecerunt nec vnquam proficient contra legem Domini & eam doctrinam quæ Apostolis eorumque successoribus adhæret & quæ Christi Vicariatum agnoscit, sequentiumque B. Petrum in Sede Romana potestatem veneratur.

Quarto certo concluderemus Christi regnum non esse mundanum, sed in hoc mundo expositum cruci, vt vere Euangelium Christi verbum crucis existat, iuxta quod Ecclesiastes pium quemque sic adoritur: Fili accedens ad seruitutem Dei; sta in timore & iustitia, & prępara animam tuam ad tentationem. Omnes (inquit Paulus) qui piz volunt viuere in Christo persecutionem patiuntur. ideo Hebręos eod̄ mentis oculos attollere & Patriarcharum ac Prophetarum exempla intueri iubet, vt infixum illud immotumque animis hæreat, quod aliquando promulgauit, oportere per multas tribulationes introire in regnum celorum. Sic enim inquit B. Augustinus: Dilectis suis Deus iter asperum facit; ne dum delectantur in via, obliuiscantur eorum quę sunt in patria. Nos quoque res ipsę edocent nobis utiliora bella pace, quia pax nos delicatos, remissos facit & tumidos; bellum vero & mentem acuit & pręsentia quasi transennia contemnere facile persuadet. Itaque B. Stephanus quamuis plenus gratia & fortitudine varia Dei in Iudęos beneficia commemoraret; & multiplicem eorum contra Deum rebellionem zelo demonstraret, seditiones omnium primā contra Christianos a Scribis primum mota lapidibus eod̄ anno quo Christus passus est, obruitur; & noster Ioannes, vt reliquos ex ordine quatuordecim, persecutionum in Christianos breuitatis studio prętermittā; quem vocatum, cum Petro & Andrea prę ceteris dilexit; sepeque magna amoris argumenta exhibuit; quippe qui in cęnā nouissima super pedus eius requieuit, transfigurationi eius in monte cum Moyse & Helia adfuit, in cruce commendauit Virginem matrem Virgini, prędicauit Euangelium Christi annos plusquam sexaginta. Nam ad extremam vsque vixisse senectutem singulari quodam Dei munere veterum monumenta testantur. Quę vitę diuturnitas etsi magnum Dei donū sit nec ceteris Apostolis concessum, qui omnes violenta morte perierunt: tamen tanto in tempore tam multa tamque diuersa propter nominis Christi confessionem passus est, vt illi multo iucundius experibiliusque fuisset mortuum esse, & cum beato Petro sequi Christum, quā in tantis afflictionibus manere, nisi Christus Dominus sic eum manere voluisset, vulgari intelligo, & naturali morte Deo & naturę debitum soluere, non violenta occumbere.

Eccles. 2.

2.Tim. 3.

AB. 14.

AB. 6. &amp; 7.

Matth. 4.  
Matth. 17.

Ioan. 19.

# 134 In festo S. Ioan. Euang.

cambere cum Esaia, Amos, Iohele, Ioanne Baptista, Petro, Paulo, & reliquis qui per omnia tentati in occisione gladij mortui sunt. Vidit enim suos collegas & Coapostolos crudeliter trucidari, sub Imperatore Domitiano in Insulam Pathmos exul missus est; in dolium feruentis olei coniectus vegetior exinde prosiliit, vidit deuastationem urbis sanctae Hierusalem, & internecionem gentis suae. Postremo vt malis omnibus bona quaedam permixta sunt, vidit Ecclesiam Christi fideliter promoueri: quod summum inter tam varia malorum genera, & solum fuit illi solatium. Neque enim cessabant tum impij ex gentibus & ipse Cheryntus cum Ebione Ecclesiam Dei diuicere, hoc vndique divulgato dogmate, Christum ante Mariam non fuisse, nec esse natura Deum.

Dabitis mihi veniam, Patres Illustrissimi, si hoc loco bona causa mox rediturus aliquantum digrediar in Vtinam id solatij & consolationis Deus Opt. Max. in tanta malorum, quam cernimus, iliade, in tanta ordinum omnium deformatione, inter tot grassantes & recrudescentes haereseis Sanctissimò D. N. Gregorio XIII. Pont. Max. tribuat, vt videat aliquando Ecclesiam Dei in qua pro Christo vicariam gerit & praestat operam, foeliciter in fide & bonis moribus promoueri. Vtinam videat gentem auferri perfidam credentium de sinibus. Vtinam concedat omnipotens & misericors Dominus, vt Christiani omnes principes mystici corporis praecipua quaedam membra Sanctitati suae tanquam capiti insolubili & sacrosancto federe vniantur, vt collectis coniunctisque viribus immanissimo Turco Christiani nominis hosti iurato occurrant, vt desponsis ac desperatis rebus ocysime consulant: ne ciuitates, regna, imperia quae proculdubio Dei dona habent, diripi sinant & quod reliquum est Christiani orbis conuellatur, dissoluatur, depopuletur. Iam redeo.

Tam autem diuturnum, tranquillum & vulgarem vitae exitum non frustra nostro Ioanni Christus Dominus contulisse videtur. Primum enim consuluit Ecclesiae suae, vt haberet aduersus haereseis propugnatorem, eas maxime quae eius diuinitatem negabant. Deinde vt vanam persuasionem e cordibus multorum eximeret.

Nam cum vulgo Discipuli & Apostoli Christi trucidaretur,



## Oratio Prima. 135

tur, venerant in eam opinionem nonnulli cum non esse verum & legitimum Christi discipulum, qui violenta morte non exstingueretur. Refert Clemens Alexandrinus Gymnosophistas sese in ignem precipitare, ut virtutem ostendant. Narrat August. Circumcelliones sectam quandam Donatistarum si non a Christianis occiderentur, ut dicerentur martyres, violentas sibi manus attulisse. Quin & primi duo principes scilicet Montanistanorum sibi mortem confecerunt, ut dicerentur a Christianis martyrium passi. At Christus in Ioanne non obscure indicavit se etiam eos diligere qui in confessione vera fidei tranquilla morte moriuntur. *Voluntatem* ut occasio: *et Ioannis* excitato quasi inter Christum & Petrum dialogismo, sacrarum litterarum interpretes considerantur si omnia Scripturæ loca ad ynguem non teneant, cum & Christi discipuli ita diu apud Christum versari inbiviscantur & ignorantiam in interpretatione verbi manere, pro non mori satis aperte prodiderint.

Non quod de infirmitate & ignorantia sibi complacere, & congratulari debuerit, sed cum accidit ignorare, non despondeant animus, sed candidè fateantur quedam in Scripturis se non intelligere, quedam prorsus ignorare, moneatur etiam quisque quo sua vocationi seruiat, nec in aliorum minus & vocationem suam non contentus respiciat, more ignavorum se iuperum, qui aliena sic curant, sua ut non peruideant, aliorum vocationem quasi iucundiores & beatiores occupent, suam vero deserant. Quod vitium gentibus haud incognitum Græci *μετὰ τὴν σωτηρίαν*, nos curiositatem possumus appellare. Sic fortasse B. Petrus cum ei prædixisset Christus qua morte ipsum esset glorificaturus, conuersus vidisset Ioannem, dixit Christo; Domine hic autem quid? Cui Christus; Sic eum volo manere, quid ad te? Tu me sequere. quasi dicat, si ego te per martyrium, ipsum vero sine martyrio velim vitam finire tibi & illi daturus regnum celorum, in disquirenda ratione noli esse multum sollicitus. In domo enim Patris mei mansiones multæ sunt. Sequamur ergo singuli vocationes nostras, si quis ad martyrium vocatur, quod sane excellens Dei donum est, gaudens & cum gratiarum actione illud suscipiat. Non enim solum datum est nobis, ut in Christum crederemus, sed etiam ut pro eo patiamur. Si hic vult nos manere donec veniat,

*Iean. vii.*

*Ad Phil. i.*

& per



# 136 In festo S. Ioan. Euang.

Rob. 12.

& per multas tribulationes ad summam vsque ætatem cum beato Ioanne Euangelista patientiam nostram exercere, opprobria omnium exprobrantium nobis pro Christo forti & constanti animo sufferamus, haud similes gentibus & hæreticis qui futurorum malorum cogitatione, dedecoris & infamie metu vel epoto veneno, vel præcipitio, vel gladio nullo diuino afflante numine, sed sola animi impotentia misere sese enecarunt. Deponentes omne pondus & circumstans nos peccatum, curramus ad propositum nobis certamen, aspicientes in auctorem fidei & consummatorem Iesum Christum, qui propositio sibi gaudio sustinuit crucem, confusione contempta, atque in dextera Dei sedet. Recogitemus eum qui talem a peccatoribus aduersus semetipsum contradictionem sustinuit, vt non fatigemur animis nostris deficientes: sed acceptis lampadibus cum oleo vocationem nostram vrgeamus, Ecclesiam Christi interea verbo & exemplo ædificemus, societates, collegia, seminaria instituantur, in quibus bonæ artes colantur, pietas, quæ sapotumero eruditionem auget & facundiam suggerit, doceatur, Doctores non aliter, quam animorum parentes honorentur, pauperes alantur, maxime propter religionem fideique iustitiam profugi, & exules. Nam & Iudæi ipsi legem suam fouebant multitudine discipulorum, adeo vt dicerent mansuram legem quamdiu collegia illa durarent. Itaque Iulianus Apostata persecutionis erga Christianos xii i. princeps, Antropomorphitarum sacrilegam hæresim secutus, spoliatis Ecclesijs & Doctorum detractis præmijs omnia pietatis & religionis exercitia sustulit. Venientem ergo Dominum tamquam serui fideles patienter & fortiter expectemus, vt cum venerit & pulsauerit confestim aperiamus illi, commendaturi animas nostras in benefactis nostris per Dominum nostrum Iesum Christum: quem quia propter suam reuerentiam semper exauditum gentium Apostolus prædicat, concludendo sic, bonitatem eius immensam fidelium omnium nomine cum beato Bernardo irrerpellabimus. Recordare Domine Iesu, quia tuum non est perdere quicquam eorum quæ Pater tuus dedit tibi, quin tibi proprium est misereri semper, & parcere, neminem perdere sed saluare. Nam Pater tuus misit te in mundum, non vt iudices mundum, sed vt saluetur mundus per

## Oratio Primā.

137

te ipsum qui es propitiatio & aduocatus noster non contra nos. Quod enim debuimus tu soluisti, quod peccauimus tu luiti, quod negleximus tu supplesti. Proficiat ergo nunc Domine Iesu Ecclesie tue oppressæ & extreme laboranti in Germania, Polonia, Gallia, Anglia, Scotia, Belgica amarissima mors tua, inestimabile pretium fusi sanguinis tui, commemoratio satisfactionis tue, venerabile mysterium corporis & sanguinis tui, quod nunc tibi, & quotidie offertur in Ecclesia tua pro salute fidelium seruorum tuorum, in qua es tu ipse sacerdos, & sacrificium, ille qui offert pariter & cui offertur, Amen.

## ORATIO II.



**Q**UOD olim (Beatissime Pater) Dei Omnipotentis Maiestati assiduus, & importunis precibus instabat perfida illa, & incredula Iudæorum gens: Innoua signa, immuta mirabilia, victricem manum tuam glorifica, æternum, & inuincibile brachium, in quo facturus es potentiam tuam, extende: nunc de-

*Exell. 36.*

num ad nostram vtilitatem, & gloriam magna cum omnium admiratione impletum esse videmus, nobis enim suis fidelibus hodierna die ex incunabulis ubi iacet inter gloriosos, & teneros dulcedinis sue vagitus, clamare non desinit: Ecce, ecce noua facio omnia. Enimuero ut sacri, & elo-

*Isai. 43.*

quentissimi Augustini verbis utar, in hoc Redemptoris natali noua fiunt profecto omnia. Nouus infans, nouus partus, noua mater, noua stella, hominum præsepe, noui martyres, nouus denique Propheta, & Euangelista. Quid amplius? nouus amor, noua charitas, noua benignitas, noua misericordia. In quem amplitudinis gradum, in quod honoris, & dignitatis fastigium nos immensa Saluatoris nostri Dei humanitas non euexit? Dicit enim profecto non potest, neque animo quidem, aut cogitatione comprehendi, postquam inter homines hominum conditor natus est,

S quam

## Oratio Secunda. 135

supra pectus Domini in cœna recubuit, fluenteque Euangelij inde potauit, & ibidem cum interrogauit: Quis est Domine qui tradet te? Vnus qui singularem, & eximiam huius nominis dignitatem promeruit, vt discipulus, quem diligebat Iesus, appellaretur. Vnus, qui hanc gloriam obtinuit, vt Christi Domini frater, & Virginis Matris filius diceretur. Vnus, postremo, cuius mors, & tumulus nūrum in modum mirabilis exstitit, corpus siquidem eius nullibi in terris apparere.

*Ioan. 13.*

*Ioan. 18.*

Sed par est; vt paulo diligentius expendamus quibus signis, & argumentis singularem illum in Ioannem amorem ostenderit. Quatuor ego signa præcipua esse video, quibus vim amoris, quo amicum prosequimur demonstramus.

Nimirum si multa, & egregia beneficia in illum conferimus; si illo familiariter utimur; si secretorum nostrorum participem facimus, vltimo si res maximi pretij nobis longe charissimas illius fidei, & diligentiz committimus. Ac hæc omnia in Ioanne fuisse quis non videat? Principio tot, ac tantis fuit à Christo Domino titulis, & beneficijs ornatus, vt quicquid alijs per partes collatum est, totum simul in eum congestum, & collatum esse videatur. Et vt Apostoli dignitatem præteream, Vates fuit dum Apocalypsim literis mandat, futurorum mysteria continentem; fuit Pontifex dum tot Asiæ prouincias sui Euangelij prædicatione, ad Christi cultum reduxit, auxit & conseruauit, ad vltimam senectutem illud semper ore repetens: Filii diligite vos inuicem. Quid Euangelium eius, vel Epistola nisi mansuetudinem, charitatem, beniuolentiam: que spirant? fuit eximius Doctor ab antiquis patribus Theologus per excellentiam dictus.

Vnde Beda ausus est dicere, quantum Doctrina sacra præcellit alias doctrinas, tantum Euangelium Ioannis antecellit reliqua euangelia. Dionysius Arcopagita Ioannem Solem Euangelistarum vocat. Et quod maius est Chrysostomus adeo excellentiam Ioannis extollit, vt non solum homines, sed Angelos ipsos ex Euangelio Ioannis multa didicisse affirmet: quemadmodum & Paulus ad Ephesios ait, Vt innotescat nunc principibus, & potestatibus in cælestibus per Ecclesiā multiformis sapientia Dei. Fuit Martyr dum feruenti oleo immersus incolumis euasit, & ideo

## Oratio Secunda. ¶ 141

summamque pulchritudinem depingit. Porro si is, qui in remotissimas orbis terrarum regiones proficiscitur, vxorem, liberos, charissima inquam pignora nonnisi amico longissimi temporis spatio, ac maximorum discriminum experientia explorato commendare conspicitur, (quod potestremum amicitiae indicium erat) summum sane necessitudinis, ac benevolentiae in Ioannem argumentum extitisse omnino fatebimur, si eas opes, eos thesauros inspexerimus, quos illi Dominus asseruandos commendauit.

Enimvero Christus in cruce moriens, ac in remotissimas alterius orbis regiones ad Patrem migraturus, quot, quantaque diuinæ liberalitatis reliquit monimenta? cum militibus crucifigentibus vestes dedit; latroni paradisum; Ecclesiae aquam, & sanguinem, corpus cruci, vitam morti, mortem Deo, spiritum denique Patri commendauit. Adeurat inter hos immensæ liberalitatis excessus, dilectus ille discipulus eximium aliquod munus ex amantissimo magistro, aut cupiens, aut expectans. At vero Dominus benignissimos in Ioannem oculos conijciens, dulcissima ex ore verba, amplissima ex amore munera elargitur: Ecce, inquit, Mater tua. Quid tibi charissime ex testamento relinquam? Quid tibi legabo? En mater, quæ post caelestem Patrem, nihil habeo aut in caelo, aut in terra charius, atque iucundius.

Hanc tu, quam caelestes spiritus vt Dominam, ac Reginam venerantur, in matrem accipe, hanc tibi commendo. Ecce Mater tua, quæ mihi mater est; vt iam non tantum mihi discipulus sis, sed etiam iure frater, siquidem vnâ tecum mihi communis mater est. O summum dilectionis indicium! O singulare dignitatis, & gloriæ priuilegium! Quid hac materni nominis appellatione blandius? quid etiam sublimius, atque diuinius?

Quanti habetur, quod Iudæ Machabæorum fortissimo à Nicanore, & eius militibus obfesso, & afflicto aureum ensẽ diuinitus elaboratum attulerit Hieremias Propheta, extendensque manum dexteram, dixerit, Accipe sanctum gladium munus à Deo, in quo deiicies aduersarios populi mei. Sed quanto pluris habendum est, quod Ioanni à Cherinthiis, & Ebionitis Christi Redemptoris nostri diuinitatem negantibus, afflicto, & exulanti, non Omias antiquæ legis

Matth. 26,  
Luc. 23.  
Ioan. 19.

Ibidem.

1. Mach. 15

# 142 In festo S. Iohani Euang.

*Apoc. 19.*

legis Sacerdos apparuerit, aut Hieremias Propheta, sed summus omnium Sacerdotum, & Prophetarum Dominus Iesus magna equitum caelestium, supatus militia, gladium ex utraque parte acutum ore suo diuino ferens, innuens fortasse gladio illo, quod est Verbum Dei, omnes eius diuinitatis hostes debellaturum. Ioannis enim Euangelium, quod gladius ille ex utraque parte acutus significabat, Hereticos illos funditus deiecit, atque deleuit. Hoc diuino ense, teste Gregorio, Apostoli firmati sunt: hunc heri Stephanus manibus arripens faciebat prodigia, & signa in populo. En lectulus Salomonis, quem ambiunt sexaginta

*AR. 6.*

*Cant. 3.*

*De Anna.*

*Cant. 1.*

fortes omnes ad bella doctissimi, cuius cuiusque ensis super femur suum. Quis est iste lectulus, nisi sacrum hoc Praesepe Saluatoris; ubi hodierna die diuina Salomon requiescit. In quorum infanulorum ponsa considerans: Ecce (inquit) tu pulcher es dilecte mi, & lectulus noster floridus: qui sunt enim Innocentes isti crastina die sacrificandi nisi ozleles flores, & erumpentes rosa, quibus Ecclesia, lectulum istum aspersit, ac decorauit. Sed quare hos teneros infantes Christi lectulum ambientes fortes appellat: quia cum eorum

*Isai. 9.*

*Isai. 8.*

*Iudis. 5.*

Dux, cuius nomen, Isaias adhuc in cenabulis immorantibus Deum forecta appellamus, Innocens, & infanulus sit, quid mirum si cortancos milites teneros, etiam infantes elegerit. De quo idem Isaias, Antequam sciat vocare patrem suum, & matrem suam auferat fortitudinem Damasci, eiusque spolia diripiet. Nova bella, elegit Deus; clypeus, & hasta si apparuerunt in his quadraginta millibus Israel.

*1. 2. 1.*

*Ephes. 4.*

Sed ut ad nostra Beatissime Pater, mea conueratur oratio non lectulus Salomonis, quem ambiunt sexaginta fortes, quis est iste lectulus nisi Catholica Ecclesia sancta. Sed ubi est Salomon? Ecce plusquam Salomon hic Beatissimus Pater noster, numquam enim ille in omni gloria sua cooperatus esset, vix ex his Illustrissimis Cardinalibus, qui ad Vestra Beatitudini ministrandum, & obsequendum sacrati sunt. En sexaginta fortes sanctissimum Ecclesia lectulum ambientes: cuius cuiusque ensis super femur suum. Sed cum tanta Christianae Republicae vadique immincant mala, vos Illustrissimi Principes, qui ad eius defensionem addicti estis: induite vos armaturam Dei, stete succin-





# 144 In festo S. Ioan. Euang.

Ioan. 11.

que eiusdem efficacia , vt diuina quadam metamorphosi hominem transmutando illum diuinæ efficiat consortem nature , adeo vt quo magis aliquis amatur à Deo, eo sanctior & perfectior haberi debeat: qua sanctitate , quanto virtutum omnium fulgore credendum est B. Ioannem excelluisse , cum tanto amore illum Christus fuerit complexus, vt quasi proprio nomine non Ioannes, sed discipulus quem diligebat Iesus, meruerit nuncupari? Si præterea maiorem esse fontem credere debemus, quo plures ab eo riuuli fluere solent, quantus erit perennis ille fons charitatis Christi erga Ioannem , ex quo tot priuilegiorum riuuli dimanarunt , vt si omnes enumerare vellem, nullum finem, mea fortiretur oratio?

Psal. 44.

1. Cor. 12.

At vero percurramus animo totius Ecclesiæ militantis statum, perpendamus varietatem illam, quam in Ecclesia B. Paulus commemorat , contemplemur cum regio Vate Reginam in vestitu deaurato circumamictam varietatibus Diuisiones, inquit, Paulus gratiarum sunt, idem autem Spiritus . & infra: Quosdam quidem, inquit, posuit Deus in Ecclesia primum Apostolos , secundo Prophetas , tertio doctores : deinde virtutes. Numquid omnes Apostoli? Numquid omnes Prophetæ? Numquid omnes doctores? Numquid omnes virtutes? Quasi dicat, minime , neque enim omnia possumus omnes. Sed ò rem mirabilem! O rem omnibus gentibus , omnibus linguis , & omnibus ætatibus prædicandam! Ea quæ in alijs dispersa, ac diuisa sunt, in vno Ioanne coniuncta , & admirabili proportionem diuinorum quodam concentu vnita reperiuntur. Si igitur vnaquæque harum dignitatum illustrem , ac gloriosum efficit habentem : qua dignitate, & gloria florebit ille, qui omnibus his simul titulis decoratus effulget? Sunt in Ecclesia Dei discipuli Christi: at discipulus fuit Ioannes . Sunt & Apostoli : Apostolus fuit Ioannes : reperiuntur Euangelistæ : præter Euangelistas numeratur Ioannes. Laudantur doctores : Doctor etiam fuit Ioannes . Excellunt Prophetæ : Propheta fuit Ioannes . Quin etiam plusquam Propheta . Vates enim antiqui diuino Spiritu afflati Christum à longe salutabant , illumque venturum populis prædicabant : Baptista qui cæteris omnibus antecelluit, eum præsentem agnouit, ac etiam digito demonstrauit. At vero Ioannes

non

non modo agnouit præsentem, non demonstrauit tantum digito, sed manibus etiam attrectauit. Quod inquit fuit ab initio, quod audiuius: quod vidimus, & manus nostræ contrectauerunt de Verbo vitæ.

Sed vt vnde digressa fuit mea reuertatur oratio, sunt in Ecclesia Dei confessores: confessor fuit Ioannes. honorantur virgines: virgo etiam fuit Ioannes. quid plura? Sunt in memoria æterna martyres: at martyres quodammodo superauit Ioannes. Nam vna cum matre sibi à Saluatore data iuxta crucem nouo quodam martyrij genere fuit affectus: moriens quidem non in se ipso, sed in dilecto suo, ac fratre Christo, in quo vita sua abscondita erat. Anima namque plus est vbi amat, quam vbi animat: Ioannis igitur anima erat in Christo, & ideo patiebatur cum Christo: quin etiam lancea, quæ latus Christi aperuit, cor discipuli, qui in pectore Christi latebat, vulnerauit.

O commemorabilis fortitudo, o prædicabilis vitæ constantia! Ceteris omnibus Apostolis Christum in cruce deferentibus, vnus Ioannes ardentissima charitate inflammatus iuxta crucem perseuerabat, & ideo vnus etiam fuit, cui Dominus in cruce pendens matrem Virginem virgini commendauit. Diuinum namque Saluator noster iam iam moriturus condidit testamentum, in quo Patri spiritum, Ecclesiæ corpus, latroni paradisum, ac vestes milicibus legauit: aderat ibi dilectus, quid sibi donaretur expectans, cui Christus beatam Virginem, qua post diuinas personas, nil illi neque in cælo, neque in terra charius erat, non solum in Dominam ac Reginam, verum etiam in matrem dedit. Ecce, inquit, mater tua. vt quæ mea mater est, tua quoque sit, & ex discipulo reddaris frater, quando vna mihi tecum communis est mater. O summum dilectionis argumentum, o singulare dignitatis, & gloriæ priuilegium! Non dubito Principes Illustrissimi, quasi si in supremos illos Seraphici Ordinis spiritus vlla cadere posset inuidia, huic tantæ Ioannis dignitati inuiderent, vt quam illi reginam ac dominam venerantur, Ioannes matrem appellet.

Sed iam ad singularem amicitiam, & ad summam Ioannis cum Christo familiaritatem orationem conuertamus. Quæ enim maior esse potest hominis cum Deo familiaritas quam in eius sinum recumbere, ibique dulci somno perfrui

ac secretorum multorum participem fieri? & mirabilem sancti amoris audaciam! amor, inquit Bernardus, dignitate nescit amantes æquat.

Baptista toto corpore contremuit & se ad soluendū Christi corrigiam calceamenti indignum iudicauit. Ioannes vero in eius sinu recumbit. Angeli maiestatem eius venerantur, Seraphini summa illi reuerentia ministrant, columnę cęli contremiscunt ac pauent ad nutum eius, Ioannes autē supra eius pectus velut in mollissimo strato quiescit.

Ibi inquit regius Psalter Beniamin adolescentulus in mentis excessu. Tequis est iste Beniamin, nisi Ioannes? quem Christus Beniamin, idest filium dextere nuncupauit, quia dextera sua exaltauit illum, & brachio sancto suo protexit. Maria vero pulcherrimę Rachelis instar vocauit eū Bononi, hoc est filium doloris mei; quia illum tempore suscepit angustię. ibi igitur Beniamin adolescentulus in mentis excessu. Sed quid est ibi? ibi sane in pectore Saluatoris, ibi in corde Christi pro cernicali enim habebat. cor diuinū. ibi dormiuit & soporatus est. ibi mira suauitate repletus dicebat: Ego dormio & cor meū vigilat. Et rursus: Somnus meus dulcis mihi. ibi hausit aquas in gaudio de fontibus Saluatoris. ibi vt B. restatur Aug. Fluenta Euangelij de ipso Dominici pectoris fonte potauit: quibus vniuersum orbem rigauit. Eructauit postea quod ibi biberat. Sed quid eructauit? eructauit inquit, cor meum Verbum bonum. At quodnam Verbum? Verbum, inquit, quod erat in principio apud Deum. Summum beatissimę Trinitatis arcanum ac totius Theologię summam vnico Verbo comprehendit. In principio, inquit, erat Verbum. Ecce Verbi æternitatem. Et Verbum erat apud Deum, Ecce distinctionem personarum, & Deus erat Verbum, Ecce vnitatem essentie: dixerat Isaias, Generationem eius quis enarrabit? Quod igitur alijs negatum est, id Ioanni fuit concessum, ecce enarratam æternam Verbi generationem. Vultis & eternalem videre? & Verbum, inquit, caro factum est. quibus verbis rem adeo mirabilem, & nouam mundo manifestauit Ioannes, vt eam nulla nec hominum, nec Angelorum cogitatio, nisi Deo reuelante, aut sperare, aut credere potuisset: nempe summum illum hominum & Angelorum Dominum, ad cuius nutum columnę cęli contremiscunt: qui mittit

mittit fulgura & eunt ac reuerentia dicunt illi, Adsumus : qui vocat ea quæ non sunt, tanquam ea quæ sunt: qui appen- *Rom. 4.*  
 dit tribus digitis molem terræ: quem laudant astra matuti- *Isai. 49.*  
 na, cuius pulchritudinem Sol, & Luna mirantur: mortalem, *Iob 38.*  
 hominum similemque nobis passibilem effectum esse, vt ve-  
 re de hoc secundo Adamo, & non ironice, vt de illo primo  
 dicere possimus: Ecce Adam sicut vnus ex nobis factus est, *Gen. 3.*  
 sciens bonum & malum: bonum quidem cum esset Deus ab  
 æterno nouerat, malum vero nondum experientia didice-  
 rat, sed postquam homo factus est, didicit ex his, quæ pas-  
 sus est.

O sublimis Aquila & vt testatur Ezechiel, grandis ma-  
 gnarum alarum plena plumis, & varietate, quæ perueniens vs  
 que ad Libanum oculis non conuiuentibus, iustitiæ solem  
 contemplata, diuinitatem Christi nobis notam faciens, me-  
 dullam cedri ad nos transportauit, qui in terra versamur  
 Canaan. Merito quidem inter omnes Euangelistas aqui-  
 læ comparatur Ioannes. Nam instar aquilæ relictis terris  
 aërem superat & procul ab oculis hominum abstracta cælū  
 ipsum & illarum quæ solo animo cernuntur incorporeas  
 mentes arduo volatu transcendit. Ascendit plane hæc aqui-  
 la super Cherubin, & volauit, volauit super pennas vento-  
 rum: supernæ etiam ciuitatis muros, & moenia, plateas, ac  
 portas sæpe perlustrans clarissimum eius ornatum, ac pul-  
 chritudinem in sua Apocalypsi oculis conspicienda præbuit.  
 Nam etsi corpore morabatur in terris, eius tamen con-  
 uersatio erat in cælis. O quoties oculis ad cælum sublati  
 pulchritudinem celestis patriæ contemplando exclamabat,  
 O Israel quam magna est domus Dei, & ingens locus posses-  
 sionis eius! Cum vero oculos ad hanc miseræ vallem con-  
 uerterebat, conquerebatur, dicens: Heu mihi quia incolatus  
 meus prolongatus est. Vt aquila ad cælum vsque ascende-  
 bat, & cum descendebat in terram, meditabatur vt colum-  
 ba, quæ inter vndas huius diluuij volitando, vbi pes eius  
 requiesceret inuenire non poterat; ideoque conuolabat ad  
 arcam hoc est ad pectus Domini, ac nidum in foramini-  
 bus petreæ, idest in plagis Christi efficiens, mira suauitate  
 repletus clamabat: Hæc requies mea in sæculum sæculi,  
 hic habitabo, quoniam elegi eam. Hanc certe habitatio-  
 nem in cæna elegerat, & ita toto vitæ suæ tempore in pe-

## 148 In festo S. Ioan. Euang.

ctore Christi habitabat, hincque ascendebat ad patriam, ascensiones in corde suo disponens. Atque his ascensionibus & descensionibus impleuit cursum suum nonagenarius in pace quiescens, fidem seruauit. Et nunc fruitur corona iustitiæ, & amictus stola candida sequitur Agnum quoque ierit. O beata rerum commutatio! fleuit, vt semper rideret, despexit palatia mundi, vt locum in pectore Domini reperiret. Relinquit igitur ciuitates, & habitate in petra habitatores Moab, estote quasi columba nidificans in summo ore foraminis. Et tu o sanctissime Ioannes, qui supra caelestes orbis euectus latus contemplaris auctorem tuum, cuius nunc festum diem agimus, si tibi gratum hoc officium, si iucundum extitit, opitulare his, quos iam ad tuum festum celebrandum congregatos aspexisti, defende florentissimum tantorum Principum conuentum, & omnibus qui tua facta nouimus, eam mentem iniice, vt persequamur imitando, quo huius misere vitæ curriculo confecto ad eandem metam peruenientes coronam consequamur sempiternam. Amen.

## ORATIO III.



**Q**UOD in arcanis sacrarum literarum, Pater Beatissime, Deum Opt. Max. infima mundi, & eos plerumque ex infima quasi sæce mortaliū selegisse, in quibus nihil sibi posset humana temeritas assumere, id hæc sacra hodie plena lætitiæ, plenæ pietatis in B. Ioannis honorem instituta, eidemq. solemnibus ceremonijs ac ritu consecrata apertissime testantur.

Is etenim antequam à Christo Domino vocaretur, cum esset arte piscator, ætate puer, literis idiota, posteaquam in Christi consortium adscitus, & ad sinum familiariter admissus, supra Domini pectus recumbens, purissimum inde ac caelestem spiritum hausit, perfectissimus Apostolus, insignis Euangelista, Propheta eximius, & quid denique non euasit?

Tanti

Tanti igitur Apostoli laudes tam illustres, tam per-  
 uagatæ, tam ipsa sua luce splendidas angustæ ac ieiunæ oratio-  
 nis finibus circumscribere, & pios audientium animos si-  
 mul explere, meisque & illorum satisfacere studijs, qui  
 gratam eius memoriam peculiari religione colunt, maius  
 quiddam arbitror, quàm ut sit à mediocritate mea, vel te-  
 nuitate potius requirendum. Haud possum in tam magna-  
 rerum silua, singula oratione prosequi, nisi velim rerum  
 multitudine retardari ac pene obrui. Quapropter duas  
 præcipuas animi dotes in Euangelista sanctissimo commemo-  
 rabo dumtaxat, quæ cum in se magnam dignitatem, &  
 amplitudinem continent, tum eum, cui singulari Dei mu-  
 nere concessæ sunt, inter omnes spectabilem reddunt: cla-  
 ram nempe illam & dilucidam sacrorum mysteriorum ex-  
 planationem ab exquisita diuinarum rerum scientia profe-  
 ctam, & qua Christum impensè diligens vicissim ab ipso  
 vnice diligebatur, flagrantissimam charitatem. Quam  
 opulentam hereditatem accepit noster Isaac, risus & deli-  
 ciæ Domini, dum ab ipsius latere, fontis quippe iugis & fa-  
 lientis in vitam æternam numquam diuulsus, vere iuxta pu-  
 tæum habitauit nomine viuientis & videntis. Olim Moses  
 familiariter cum Domino colloquutus, & vel ipso Deo te-  
 ste, sicut solet homo ad amicum suum, tantum abest, ut ple-  
 nam illius notionem suo illi dilecto populo tribuerit, ut ca-  
 put obnubens, potius velamen posuerit ante faciem suam,  
 indignum scilicet ratus, ut qui diuinam vidisset faciem,  
 oculis mortalibus videretur.

Gen. 42.

Exo. 33.

Exo. 34.

At Beatissimus Ioannes pretiosi illius thesauri, quem ab  
 ipsa plenitudine diuitiarum sapientiæ, & scientiæ Dei de-  
 promiserat, munere plenus, & inexplicabilem diuinitatis  
 essentiam oraculis suis reuelat, & Verbum quod est imago  
 Patris, splendor gloriæ & figura substantiæ eius, propalat,  
 ostendit, manifestat. Sic prædicator gratiæ promulgatori  
 legis, annunciatori vmbre minister veritatis antecelluit.  
 Qui vero rudi sæculo, & populi terrena sedantis infantie  
 id existimat potius tribuendum, quàm singulari nostri  
 Euangelistæ fauori & dignitati, meminerit quæso Paullum  
 vas illud electionis non prisca iam ætate, sed qua venit  
 plenitudo temporis, raptum quod magis est, in tertium  
 cælum, ab his tam abstrusis, & reconditis abstinuisse, & ex-  
 cusatio-

Coloss. 1.

Heb. 1.

1. Cor. 13.



# 150 In festo S. Ioan. Euang.

culationem illam ingenuam suo obtendisse silentio: Audiui arcana verba, quæ non licet homini loqui. Non liceat homini Paule, nobis scire fuerit si Angelico viro liceat. Angelus est Ioannes, confertum illum Angeli nominant, quod ei purissimis illustratis oculis spectare fuerit concessum, si non paribus verbis saltem non indignis eloqui poterit. Illa paucis Vatis interrogatio: Generationem cuius quis enarrabit? Omnem pene aditum præclusisse videbatur. Non erat, qui se infereret in hoc secretum, & inter ingentem Deum, & illius vnigenitum arcana se inopinabilis natiuitatis immergeret. Vbi Sapiens, vbi Scriba, vbi Conquistor huius sæculi? Mundi Sapientes muti erant, quod sapientiam Dei reprobauissent. Scriba legis non erant consulehdi, quod crucem Christi ignominiam & scandalum reputabant. Fortasse igitur Piscator egens, ignotus, indoctus (& vt verbis dicam Hilarij) manibus limo occupatis, veste vuida, pedibus limo oblitis, totus è naui, rem tantam attinget, intelliget, consequetur? Isne primus audeat ad ipsum Dei verbum non tam audaci quàm felici contentione prorumpere? Ita quidem. Is is plane, veluti ex quibusdam nubibus à Sapientiæ enigmatibus ab exordio innotat Euangelij.

In principio erat Verbum, & Verbum erat apud Deum, & Deus erat Verbum. Non tantum librat verba, sed vibrat fulmina, fulgura excitat, qui Boanerges propterea, id est filius tonitruui nominatur. Tam alte siquidem reperito principio Ebionem & Cherintum ac reliquos perduelles Christo diuinitatem abrogantes quasi vho icu de celo tactos prosternit, & lucem veritatis exosis perstringit aciem oculorum.

Quid illa memorem, quæ de sacrosancto Incarnationis mysterio posteritati commendauit, vt cœnum illud, & labæ Basilidem intelligo, confutaret. Ideo namque in re tanti momenti irrefragabilis auctoritatis volens se testem ostendere, cum tanta verborum emphasi alio loco exorsus est. Quod erat ab initio, quod audiuius, quod vidimus oculis nostris, quod perspeximus, & manus nostræ contrectauerunt de Verbo vita.

Porro autem Eucharistiæ adoranda sacramentum, in cuius fidei obsequium captiuare intellectum oportebat, expressus,

pressius, nisi fallor, quam ceteri Euangelistæ hęcis ad memoriam consignauit sempiternam. Cadebat namque percommode ut discipulus ad familiaritatem electus & virgofrummentum electorum, & vinum germinans Virginis, in historiæ suæ mensa proponeret. Iustitiam esset, poriusquam difficile ostendere, nullum reperiri Christum electis sacramentum, in quod beatus Ioannes altissima mentis exaggeratione non penetrauerit, recessus ipse ipsos ac latebras perscrutatus. Ab eo quod erat ab initio omnis æternitatis incipiens, cuncta percurrit, donec ad id tempus, in mirabili sua Apocalypsi vaticinando perueniat, in quo non erit tempus amplius. Multa præterea de admirabili beati Ioannis doctrina eximiaque sapientia, vt ad singularem Christi erga eum dilectionem contento studio cursuque veniamus. Ac ne longe abeam, præclarus ille titulus, in quo humiliter superbiens, non semel gloriatur, quantus ille fuerit amor satis luculenter ostendit, dum de se testari aude: Hic est discipulus, quem diligebat Iesus. Ingens profecto gloria, dignissimum pariter, & dulcissimum nomen, amplissimus atque illustrissimus titulus, Angelis venerandus, formidandus, demonibus, Ecclesiæ pastoribus optandus, cunctis denique hominibus laudandus atque prædicandus.

Quem diligebat inquit, vt antiqua illi cum Salvatore intercessisse iura necessitudinis insinuaret. At nonne iam olim Christus Ioannem diligebat, quem cum vix ex pueris excessisset, reuera cum patre consarcinantem repocauit & nauit, ne in illo quasi flexu ætatis, in quo plerique ad metas offendant, vel incurreret, vel hæreret, vel salutis cursum tantisper moraretur. Iam tunc præchisti eum Domine in benedictionibus dulcedinis, quem modo latificas in gaudio cum vultu tuo. Quam præuentionem quantus in discipulo fluxarum voluptatum contemptus, quot quantaque in magistro vicissim dilectionis officia consequuta sunt? Ob id puellæ suscitandæ adfuit, in montem ascendit, in hortum ad orandum & vigilandum recipitur, in cœna recumbens super pectus Domini requiescit, ac nec tandem Redemptoris indignissime præsens beatissimam Virginem Virgo, matrem Dei dilectus discipulus, in parentis locum accipit, vt parentis orbitatem sustentet, & afflictæ solitudinē consoletur. Cum vero ea sit amoris vis, & natura, vt amorem

# 152 In festo S. Ioan. Euang.

parere soleat, quanta quæso bone Deus amoris flamma cor Ioannis occupauerat, cuius gratissimum nomen amantis quidem est indicium, cuius insignia facta insignem erga Christum testificantur dilectionem, cuius verba, quæ certissimus animi index esse solent, nihil aliud spirant, quam amorem, nihil aliud quam ardentem charitatem efflant.

**Cant. 3.** O veri Salomonis ferculum de lignis Libani, idest purissime conscientie candore fabrefactum, ascensus purpurei medio charitate constratum. Interrogatur Petrus num plus cæteris discipulis diligit? plus non audet dicere, simpliciter se amare profitetur. Quid vetere Apostolorum, Ecclesieque caput etiam magis asserere? Cur inuenienti Domino tu abnuis? Animaduvertebat nimirum inter collegem inueniri Ioannem, cui se præferre, nimium, ne dicam insolens reputabat. Hanc quidem aquæ multæ non potuerunt extinguere charitatem, In lethali balneo ad amandum vegetior, in exilio ad diligendum promptior, in captiuitate in triumphum Titi ductus ad Crucifixi Euangelium prædicandum gloriosior, probe scilicet intelligens non esse condignas passionibus huius temporis ad futuram gloriam, quæ reuelabitur in nobis. Quidni vero generosa hæc & nobilis aquila citius vitam & sanguinem profunderet, quam optimam illam prædam omnibus bonis cumulata vitæ e manibus eripi suis pateretur: cuius dulcedinem, & suauitatem non animo modo percepisset, verum quodam etiam quasi tacito sensu degustasset? Plura si dicerem, P. B. qui singularem tuam humanitatem sum initio expertus, idem nunc immodica oratione facile tentarem patientiam. Nihil asseram amplius, nihil proinde ad tuas laudes adijciam Euangelista sanctissime, id modo vnum abs te petam, id vnum efflagitabo, Tuis nimirum vt precibus nobis à Christo consequare, vt quam vitæ laudabilis atque perfectæ imaginem, & verbis, & factis, & scribendo, & laborando, & ingenio, & opere atque manibus expressam reliquisti, eam non modo inspiciamus cum summa voluptate, sed etiam cum sempiternæ vitæ fructu imitemur. Amen.



## ORATIO V.



**P**RAECCLARE quidem, Beatissime Pater, cum diuini amoris infinitam vim alta quadam mentis consideratione perpenderet floridum illud sententiarum germen Augustinus, amor, inquit, pictor. Eui nullo si singulos percurramus artifices, vnu tantummodo inueniemus pictorē, qui in exornandis rebus omnes excellat alios, in exprimēdis superet,

in efficiendis nullis artibus angustius coarctatus quidquid venit penicillo absoluat, & assequatur suo. Is, is inquam, diuinus amor est, cuius sine praesidiis imbecilla sunt omnia, sine copiis egena sine arte inertia, sine spiritu mortua, sine ornamentis horrida, sine gratiis ingrata: nihil est, nisi quod condierit, iucundum: nihil illustre, nisi quod ornauerit: nihil perfectum, nisi quod effecerit, nihil simillimū, nisi quod expresserit: sine quo nihil aut esse, aut fieri, aut excogitari, aut inquiri, aut incipi, aut perfici potest, in rebus vel humanis, vel diuinis, vel sacris, vel prophanis, vel priuatis, vel publicis: Ecquis enim vt Hebraeorum populum ē miserima Pharaonis seruitute eriperet, magnalia fecit, in Aegypto: vt ab insectantis furore liberaret, terribilia in mari rubro; vt in pacifico promissae patriae dominio stabiliret, mirabilia in terra Chan? amor pictor: In dilectione sua, & indulgentia sua, inquit Isaias, ipse redemit eos, & portauit eos, & eleuauit eos. Ecquis spectante caelo, admirante natura, obstupefactibus hominibus non ē faucibus ereptum, sed ab intembris mortis extractum visceribus ad vitam, ad lucem, ad suos peros Lazarum reuocauit? amor pictor. domine ecce quem amas insinatur Ecquis Saulum in Paulum, lupum rapacem in mansuerum agnū, vas contumeliae, in vas electionis, infestissimum Christi persecutorem, in acerrimum eiusdem propugnatorem commutauit admirabili metamorphosi? amor pictor: Quod autem in carne viuo, inquit ipse, in fide

## 154 In festo S. Ioan. Euang.

uiuio Filii Dei, qui dilexit me. Ecquis tandem supremam illam, atq. diuinam omnipotentiam exinaniiuit, maiestatem depreffit, immensitatem coarctauit, totumque Deum, quātus est, in perexigui corpusculi angustias, in arctissimum, virginei ventris ergastulum. in malemateriati tugurioli humilitatem, breuitatem, exiguitatem (quid dicam? verborum omnium vim reimaginitudo superat) conclusit, collegit, contraxit, coegit? amor pictor: sic Deus dilexit mundum, vt Filium suum vnigenitum daret.

Vidimus in operando qualem qualem amoris omnipotentiam, in exprimendo nunc artificium intueamur. Diuini numinis imaginem, quam ad viuum expresserat in homine, sēdissimis peccati sordibus per summam inobedientiam obscurauerat homo, ac pene deleuerat, quæ vt ad pristinam, dignitatem restituēretur, non satis apti inueniebantur colores; quid igitur diuinus pictor, ne tanto in squalore, ac situ iaceret? penicillum arripit, manum, & artem, dirigit, atque animi sui cogitationem secutus, quam in serpente æneo, qui cum omni omnino veneno careret, serpentis speciem retinebat, iam aliquando adumbrauerat Deum effinxit, vt per omnia fratribus assimilaretur, in similitudinem carnis peccati expressam, adeo, vt cum iniquis reputatus turpissimam subierit mortem profuso sanguine: quo colorum omnium aptissimo, & floridissimo colore, obscuratam imaginem non illustrauit solum, sed longe pulchriorem, quā fuerat, reddidit, & elegantiorem. Vbi enim, inquit diuinus Paulus, abundauit delictum, superabundauit & gratia: per quam gratis iustificati, non tantum similes Deo sumus, sed etiam dii: Ego dixi, Dijeistis, & filij excelsi omnes.

Denique qua inexornando floreat elegantia, qua gratia, quo lepore perspicere si velimus, absolutissimam illam tabulam, quam volanti aquilæ ostendit in cælo, intueamur, & quibus instruxerit ornamentis expressum in ea mulieris simulachrum, gratijsque asperferit diligenter consideremus. Sed quæ tanta lux? quis tantus splendor oculorum præstringit aciem? quo tam nouo prodigio vis aspectus hebescit, & attenuatur mei? At nimirum mulier amicta sole est: quid autem oculis nocturnæ ad lumen solis? solem intueatur aquila, amictam sole mulierem contempletur: nos vero qualem diuinus

## Oratio Quinta. 155

diuinus hic pictor aquilam effecerit, qualiter expresserit, & exornauerit, cum Ezechiele contemplerur. Grandis aquila, magnarum alarum, longo membrorum ductu, plena plumis, & varietate, venit ad Libanum, & tulit medullam cedri. hæc ille. Grandis profecto aquila, & qua nulla maior, aut si quæ tandem est, illa Ioannes est, qui inter aues aquila, inter elementa ignis, inter animantes homo, super homines angelus habetur; cuius personam, ex quatuor ab eodem propheta visis animalibus, sustinebat illud, quod similitudinem volantis aquilæ referebat; de quo sapientissimus David, Renouabitur, ut aquilæ iuuentus tua: in fonte scilicet Domini pectoris sacratissimo, à quo fluente Euangelii potauit ad satietatem usque: si satiatur vnquam diuinarum rerum, aut expletur sitis. Illa, illa certe Ioannes est, Ioannes inquam, Euangelista; nam etsi Baptista, vel Angeli testimonio magnus fuerit, non tamen solus, parem habet, ne dicam superiorem; quid enim? Erat ille lucerna ardens, & lucens in crepusculo legis matutino? lux fuit hic in luce gratiæ resplendens meridiana; ille vox clamantis in deserto, Parate viam Domini? hic clamor tonantis in Ecclesia, Ego sum, Alpha, & Omega, principium, & finis: illius doctrina Iudæcos non egressa fines homines tantum erudiuit: huius sapientia vniuersum terrarum orbem peruagata cælum petiuit, Angelosque edocuit; illi spiritus tranquillitas, & pax per sanctificationem profuit ad securitatem: huic certamen carnis per victoriam decus peperit, & coronam; ille, Christum baptizando exercuit officium: hic in sinu eius recumbendo accepit beneficium: ille immaculatum Dei demonstrauit agnum? hic ordinis, & amoris sacris initiatus manducauit: ille tandem præcessit ante Dominum in spiritu & virtute Eliæ: hic velut alter Moyses è nauicula euocatus, in qua, tanquam in fiscella, inclusus stagno Genesareth delitescerebat, ac pene nullius ordinis homo iacebat ignotus, & a filia, non Ægyptiorum regis, sed Angelorū, regumque adoptatus in filium, non solum filios Israël, verum etiam gentiles populos à superbissimo, atque intolerando stygij Pharaonis dominatu vendicauit: in admiratione, in ore, in opinione, in sermone hominum fuit. In omnium oculis habitauit, & eam affectus est gloriam, quæ sit ad memoriam æternitatis, testimonium virtutis, & monumentum decori sem-



## 176 In festo S. Ioan. Euang.

piternum. Cum igitur, qui in tanto dignitatis gradu fuerit collocatus, ad quem sanctitatis pervenisse opinabimur? & qui ad optimam partem sit electus, quam nimirum dilectum concipiemus? Narrant sacra litteræ patriarcham Iacob cum in ult. ma vitæ periodo constitutus testamentum conderet, bonaque sua per hæredes filios æquabiliter partiretur, dilectum filium Ioseph ceteris in hereditate prætulisse, allocutum in hæc verba: *in hoc loco qui est iacobus euang.*

En ego morior. fili mi; do tibi partem vnam extra fratres tuos, quam tuli de manu Amorrhæi in gladio; & arcum meo. Quis fuerit ille Iacob, vel historia me tacente loquitur ipsa, nobisque indicat Christum fuisse Dominum, qui iam moribundus, cum discipulos suos, quos tanquam filios tenerime diligebat, scripsisset hæredes cælestium bonorum; dilecto Ioanni virgini, virginem inter omnes vnam, vnam matrem suam, quam de manu dæmonis omnipotentia sua eripuerat, commendavit. Tanto magis in dilectione discipulis prælatus, quanto excellentiorem, ac meliorem partem præ illis hereditavit. Cui enim dixit aliquando discipulo rum, Ecce mater tua? O præclarum amoris donum! & quidem omnia præclara, rara. O summam honoris prærogativam! nec summam modo: sed nimirum audebo vel solam dicere: quæ quidē etsi vel sola deesset maxime, quantum Ioannes Christo fuerit in amoribus: nihilo certe minus amoris conciliatrix ipsa morum, vitæ, ac virtutum ostendit similitudo: quæ quàm inter eos gemina, quàm fuerit expressissima, Christus insinnavit ipse cum è vita iam discessurus dolentissimæ matri dixit, intus in Ioannē: Ecce filius tuus: quasi diceret, suavissima mater discessu meo vehementer angor, & te anxiam vehementius cupio consolari; vivere propter te, propter homines mori concupisco; hinc laetor ab ubere, hinc pascor à vulnere; electio tamen Patris est: Pater me mori iubet, moriendum igitur, & obtemperandum est. Quo vero discessum meum minus moleste, feras, nec omnino deserta videaris; En tibi, quod simillimum expressit amor, exemplar mei discipulus Ioannes, in quo discedens manebo, absens adero, mortuus vivam coram te; hunc intinere, hunc ante oculos habere; non enim alibi melius me, quàm in ipso videbis, desiderium mei lenies, fletum absterges, & consolabere.

Et

Et quidem Ioannem amor acutissimo doloris gladio, Calu-  
u-  
ario in monte, procul dubio immolasset: ni magni consilij  
Angelus exclamasset: Amor, amor ne extendas manum tuam  
super dilectum, nec quicquam illi facias: sic eum volo manere,  
& ad matris consolationem reservare. Ioannes etenim  
eadem ipsa Christi exquisitissima supplicia sustinebat: ijs-  
dem ipsis clauis cum eo per amorem cruci affigebatur: ita,  
ut iam dubitare debeat nemo, quin calicem Domini biberit  
abundantissime. Alij quidem propter Christum calices bi-  
berunt suos: at Ioannes Christi calicem in Christo, & pro-  
pter Christum exhausit suum: alij, quæ in proprio corpore  
tormenta perferabant, lenibant in Christo, & mitigabant:  
Stephanum vidimus heri, cum saxorum crepitantium tur-  
bine quateretur, vidisse coelos apertos, & Iesum stantem à  
dextris virtutis Dei: at Ioannes quos in se cruciatus per-  
fererat acerbissimos, renouabat in Christo, quem acerbissi-  
me cruciatum ante oculos habebat, & videbat suos: atque  
ita pro duplici suscepto dolore duplicatam martyrij coro-  
nam meritus, & consecutus est. Sed de granditate aquilæ  
sint satis hæc; abiret enim nostra in infinitum oratio, si quæ-  
tam diuini effecit amor, dicendo persequi voluissemus.  
Iam vero quàm mirifice exornauerit, quæ sublimi mentis  
elevatione insigniuerit, quid me attinet hoc loco dicere?  
nonne magnarum alarum, quibus mulier amicta sole, ut  
draconis fugeret insectationem, in locum se contulit, & re-  
cepit suam? quid quantum extulerit, efferre? nonne venit ad  
Libanum, & ea via, quam sibi inuentu difficillimam Salomō  
ipse proficatur? quid quàm largæ, quàm profusa manu sin-  
gulares cum ea corporis, atque animi dotes communica-  
uerit, celebrare? nonne longo membrorum ductu, quo fa-  
cies eius desuper ipsorum quatuor? quid quàm maximis vir-  
tutum omnium ornamentis condecorauerit, prædicare?  
nonne plena plumis, & varietate, & ea varietate, quæ dele-  
ctet omnes, omnes rapiat in admirationem, omnium alli-  
ciat animos in amorem suum? Hæc per Deum immortalem,  
nos etiam varietas delectet, qui delectamur in domino;  
has assumamus pennas qui ad montem Domini euolare,  
contendimus, has imitemur virtutes, qui gloriā quæri-  
mus sempiternam: vnā vero, quam non possumus imi-  
tari

## 158 In festo S. Ioan. Euang.

tari, sapientiam admiremur. Cæterum quam sapientiam huius ne mundi? absit: neque enim stultus nisi propter Christum Ioannes fuit, qua stultitia, quam sapientia maior est? illam dico, quæ non relatione incerta, non suspitione obscura, non coniectura probabili, sed ipsismet auribus percepta, usurpata oculis, & manibus pertractata fuit: Quod fuit ab initio, quod audiuius, quod vidimus oculis nostris, & manus nostræ contrectauerunt de verbo vitæ: quæ non Aristotilis studio acquisita, non Pythagoricis pergrinationibus parca, non Zenonis paupertate empta, non è puteo Democriti exhausta, non ad Cleantis lucernam insudata: sed inusitata quadam Spiritus sancti largitate profusa à Patre luminum descendit, à quo omne datum optimum, & omne donum perfectum est. Tanto igitur tam excellenti, ac virtutum nobili comitata cœtu, præsidioque munita: tanta tam incredibili, ac pene diuina sapientia duce; quid tam magnum, aut admirandum nostra suscepit aquila, quod ab illa persona, quam sustinebat, non requireretur? fortassisne quod sic vitam instituerit, ut nec inuidus quid morderet inuenire poterit, nec quod obijceret inimicus, cuius acutissimum est in inimici vitam, & perspicax odium? Rarissimum id quidem, non nego: debet haberi maximum, fateor, si cum alijs conferatur; at cum Ioanne mediocri: omnem vero mediocritatem vix laus mediocris consequitur.

Quid, quod innumerabiles populos longissimis terrarum, atque æquorum interstitijs inter se diffitos, facie, habitu, sermone, moribus, sacris diuersos, & in nullo plane conuenientes, ad vnam reduxerit fidem, ad vnum baptisma, ad vnam sanctam Ecclesiam Catholicam, ad te vnum Deum verum, & quem misisti Iesum Christum. Apostolicum id quidem est, & Euangelista dignum: sed fecerunt alij, fecit, quod ab eo & muneris amplitudo, & officij ratio postulabat, quæ si non faceret, quis Apostolum putaret? facta virtute metiuntur, à qua, quo maior est, maiora desideramus; officij benefuncti laudem si nullam cum Paulo iudicemus; nam, etsi Euangelizauero, inquit ille, non est mihi gloria; necessitas enim mihi incumbit, laudis profecto ad Ioannem peruenit nihil: si dicamus

camus exiguam : exiguitas omnis in maxima laudatione,  
nec nominanda quidem est : omnis splendor gloriæ ab exu-  
perantia virtutis existit.

At hanc eandem aquilam tulisse medullam cedri incir-  
cumscriptum illud diuinitatis lumen, inaccessibilem lucem,  
immenſumque splendorem, quo perſpicaciores etiam cœ-  
leſtium mentium perſtringuntur acies, fixis oculis, im-  
mobili obtutu aſpexiſſe, ſequæ abundantiffima præſtantis  
illius, æternæque naturæ cognitione ſaturaffe : id vero non  
in communi Ioannis laude ponendū exiſtimo, nec cum  
alijs communicandum, in quo ſocium habet omnino nemi-  
nem : nihil enim ex iſta gloria ſibi Patriarchæ, nihil Pro-  
phetæ, nihil Apoſtoli decerpſerunt. Sub trium virorum,  
fictis ſimulachris tres vidit Abraham diuinitatis perſonas,  
& vnum in illis Deum adorauit, cuius poſteriora videre,  
quidem potuit, non faciem Moïſes : at vidit Ioannes, nec  
vidit ſolum, ſed etiam contemplatus, ſingulis deſcripſit le-  
niamentiſ : hunc prophetæ denſiſſimas internubes caliginē  
inter, inter ſumum, per obſcuras noctis tenebras inter  
ſomnia, poſt parietem per cancellos, per ſpeculum in-  
enigmate viderunt : at vidit Ioannes vigilans, eaque in-  
luce quam in ſcriptis creberrime uſurpat ſuis : ſuper huius  
immenſi pelagi falſas aquas, id eſt humanitatem Chriſti,  
ſe ſe ferentes Apoſtoli, vix aliud in eo quā, quod huma-  
nam ſaperet acerbitate, deguſtarunt, audite Thomam :  
Niſi videro, niſi tetigero, non credam; legite Matthæum :  
Liber generationis Ieſu Chriſti filij Dauid, filij Abraham :  
at Ioannes in profundum maris penetrans, dulciſſimum,  
diuinitatis liquorem hauſit, ſe ſe impleuit, atque omnibus  
poculum propinauit. Tu igitur, tu ſapientiſſime Ioannes,  
non cum omnibus, ſed præ omnibus ſanctis comprehend-  
iſti, quæ ſit latitudo, longitudo, ſublinitas, & profun-  
dum : latitudo diuinæ omnipotentia : Omnia per ipſum,  
facta ſunt, longitudo æternitatis, In principio erat Verbum,  
& Verbum erat apud Deum : ſublinitas gloriæ, Et vidimus  
gloriam eius : profundum miſericordiæ, Et Verbum caro  
factum eſt, & habitauit in nobis. Tu, cum alij vna, vel  
altera tantum floruiſſent prophetandi laude, altera etiam,  
& altera excelluiſti, vt Deus ipſe te cæteris hominibus,

tibi

tibi ipsam prophetiam genuisse videatur. Tu reconditam  
 trinæ illius scripturæ sensum, quē sapientum nullus poterat  
 enudare, admirabili sapientia tua patefaciens, non à sacri-

lego Balthazar, sed à Christo Domino regali charita-

tis purpura indutus es, aureo castitatis torque

insignitus, seu potius velut aureus torques

ad illius pectus demissus recubuisti,

tertiusque tandem constitutus es

princeps in regna passionis

suz. an glorificationis

etiam, vosmet ipsi

vobiscum il-

lustrissi-

mi


Principes pendi-

tote.





IN F E S T O  
C I R C U M C I S I O N I S  
D O M I N I .



O R A T I O . P R I M A .



**I** M M E N S A E pietatis singulare  
argumentum, B. P. verbi, quod  
fecit Dominus super terram, ab- *Luc. 2.*  
breuiationi congrua verborum  
breuitate B. Lucas Euangelista  
nobis hodierno die ante oculos  
ponit. Puerum quippe nobis na- *Isai. 9.*  
tum, & filium nobis datum, pau- *Psal. 8.*  
lo minus ab Angelis suscepta hu- *Leuit. 12.*  
manitate demissum; iam nunc ex præscripto legis circum-  
cisum, non solum hominis, sed etiam peccatoris formam  
habentem cælestes admirantur spiritus, tenebrarum pote-  
states exhorrescunt, homines demum permixta ingenti mi-  
serationi læticia veneramur. Agnum sine macula, paru- *Ezech. 12.*  
lum, mansuetum, & humilem coram percutiente hodie  
obmutescere fidei oculis intuemur: quem stantem supra *Isai. 53.*  
montem Sion ceterum quadraginta quattuor electorum mil- *Apoc. 14.*  
lia inauditis canticorum harmonijs in æternum laudant:  
qui vteri virginiei claustrum in exitu suo integrum potuit a  
corruptione seruare, carnem suam à circumcidētis gladio  
eadem præditus potentia non eripuit: qui non esse opus be-  
ne habentibus medico prædicauit, male habentium & ve- *Luca 2.*  
recundum, & asperum medicamen assumpsit. Sed quid mi-  
rum



## 162 Infesto Circumc. Dñi

rum si caput pro membris, quam in se non habuit, necessariam medelam suscepit? siquidem sæpe in nobis pro vnus membri ægritudine alteri solet adhiberi curatio. Aut cur pro nobis circumcidi nolle, qui pro nobis nasci, lacrymari, ac sæuissimam subire crucem non est dedignatus? Etenim cum sub hoc circumcisionis signo (quod benedicendarum in suo semine gentium Abrahamus acceperat) incar nationis Christi concluderetur arcanum: idem ille Agnus, qui accipere librum, & aperire signacula eius dignus inuentus est, id nobis hodie signaculum inter cetera beatissimo suo sanguine reſerauit. Qui dum ad auferendas Iudæorum excusationes in semine Abraham circumciscus apparuit, susceptæ humanitatis veritatem ad euicenda hæreticorum deliria demonstraui. Idemq. ipse circumcisionis in lege, & baptismatis in Euangelio institutor, vtrumque expiationis genus pro primæ illius culpæ, qua infecti omnes nascimur, emundatione sancitum, & octauo natiuitatis die circumciscus, & trigesimo ætatis anno baptizatus excepit. Quo mirabili humilitatis & obedientiæ documento, & finiendæ iam legis decreta suo fuisse tempore saluberrima ostendit; & Iudæorum atque Gentiliū populos velut angularis quidam lapis vtrique parieti cohærens sibi copulauit; eosq. sub vna Christi fidē saluandos fore exemplo, prius quā verbo, indicauit. Neque illud solum, sed vniuersa etiam legis onera, quibus minime indigebat, subire voluit, factus sub lege, vt eos qui sub lege fuerant à legalium deinceps obseruatione liberaret. At quamuis carnis circumcisio superueniente baptismi gratia, & antiquis cærimonijs, quæ nunc sunt præstita figurantibus euanuerit, non secus atque flores præſente fructu marcescunt ac decidunt: nos tamen adhuc debere circumcidi sanctorum Patrum docent præconia. Circumcidi sane non littera, sed spiritu & veritate, circumcisione non manufacta, de qua Hieremias: Circumcidimini Domino, inquit, & auferite præputia cordis vestri. Circumcidimini, inquit, non in vno tantum membro, sed in toto corpore simul. Licet enim in ea parte, qua Iudæis mandabatur circumcisio, concupiscentiæ venenum petulantius regnet; nulla tamen in vniuersa carne nostra à planta pedis, vsque ad verticem capitis inuenietur sanitas. Atque adeo sicut paruulus ille in fide populus congruum

sibi

*Apoç. 5.  
Genes. 17.*

*Leuis. 12.  
Matth. 23.*

*Lucæ 2.  
Luc. 3.*

*Iſai. 28.*

*ad Gal. 4.*

*ad Gal. 5.*

*Ierem. 4.*

*Leuis. 12.*

*Iſai. 16*

fibi exigua circumcissionis mandatum accepit, sic ubi cre-  
uit in virum perfectum, toto iubetur corpore baptizari, quę  
totius est hominis integra circumcisio. Qui ergo noxiarum  
cogitationum superflua scindunt, & scatuerientes libidi-  
num flammis extinguunt, effrantesq. inferiorum virium mo-  
tus reprimunt, ij procul dubio se cultris ex petra compa-  
ctis, petra autem erat Christus, vere hodie cum sanctissi-  
mo puero circumcisos, atque adeo veros Abraham filios, &  
factę illi promissionis hęredes ostendunt. Neque immeri-  
to Dei & hominum mediator, qui diuinitatis suę radios  
inter humanę infirmitatis opera numquam celauit, dum  
peccatoris instar circumciditur, vt verus homo dolores no-  
stros expertus, Iesus vocatur tamquam Filius Dei, gloriam  
suę indicans maiestatis. Saluator enim meritisime dici-  
tur, qui fuit ad totius orbis editus salutem, sed tanti no-  
minis compellationem non prius voluit, quā immacula-  
tum pro nobis effundens sanguinem, enervatis ex hoc infer-  
ni viribus, salutem nostram operari cępisset. O dulcissimum  
simul, ac potentiss. nomen omni adoratione cultuque di-  
gnissimum! vt pote quod duo illa quę in Deo prę ceteris  
maximę contemplamur, & colimus, pietatem scilicet &  
maiestatem breui admodum elementorum compagine &  
proferentibus, & audientibus repręsentat. Reliqua enim  
quotquot in sacris litteris Dei nomina legimus, aut deniq;  
pietatis gratiam, aut saltem potentiam denotant maie-  
statis, iuxta illud prophetę, Duo hęc audiui quia: potestas  
Dei est, & tibi Domine misericordia. Nam si sanctum &  
terribile nomen eius effertur, quid aliud quam æternę maie-  
statis concipimus amplitudinem? At si non esse aliud no-  
men sub cęlo datum hominibus, in quo oporteat nos sal-  
uos fieri, prędicatur, quid aliud quam diuinę pietatis me-  
ditamur abundantiam? Verumtamen vno, eoq. breuiss.  
isto nomine, & maiestatis epitheton, quod in Hieremia, *Ierem. 23.*  
Dominus iustus dicitur, & pietatis agnomen, quod in Isaia, *Isai. 6.*  
Emmanuel, hoc est, nobiscum Deus appellatur, suauissime  
connectuntur. Immo etiam celeberrima illa nomina con-  
tinentur, quibus idem Isaia gratulabundus puerum no-  
strum compellabat, inquit: Et vocabitur nomen eius  
admirabilis, consiliarius, Deus fortis, pater futuri sæcu-  
li, princeps pacis. quorum si quidpiam Christo defuisset,

1. Cor. 10.

ad Gal. 3.

ad Gal. 4

Luc. 2.

Psal. 61.

Psal. 110.

Ab. 4.

Ierem. 23.

Isai. 6.

Isai. 9.

nec Saluator esse nec vocari potuisset. Quis enim tot, tamq  
 mirabilia in omnibus tam interni, quam externi hominis  
 viribus pro salutis nostræ opere perficiendo operatur, nisi  
 admirabilis noster infans? De quo regius vates præcinit;  
 Domine Dominus noster, quàm admirabile est nomen tuum  
 in vniuersa terra! Admirabile quidem, quia in eius auxilio  
 iam quod optabamus, effugimus, quod fugiebamus, ample-  
 ctimur: dolemus denique, quibus latabamur. Sed qua ratio-  
 ne Saluator nobis salutem præstaret, si eisdem in pœnitent-  
 iæ electione ac vitæ ordine semper à consilijs non existe-  
 ret? Aut quomodo præcedentium criminum indulgentiam,  
 sine qua non constat salus, assequeremur, nisi & ipsum esse,  
 Deum, qui solus peccata dimittit, experiremur? Verum ne-  
 que id ad salutem sufficeret, nisi in expugnando impugnan-  
 tes nos concupiscentias, ne rursus ab illis superemus, eun-  
 dem sortem probaremus. Adhuc tamen aliquid Saluatori  
 deesset, si pater non esset futuri sæculi, per quem ad immor-  
 talitatem resurgeremus, qui per huius sæculi parentes ge-  
 neramur ad mortem. Neque esset hoc satis, nisi idem Prin-  
 ceptis pacis nos Patri reconciliaret æterno, ne forte sicut filij  
 perditionis ad non salutis pœnam resurrekturi videremur.  
 O præstantissimum nomen, de quo sponsa in Canticis: Oleum,  
 inquit, effusum nomen tuum! Oleum sane vsquequaque dif-  
 fusum; à cælo nempe in Iudæam; & inde in omnem terram  
 protensum, adeo vt ab hoc vno nomine, quod Christus est,  
 millia millium credentium Christiani dicantur, qui ex orbe  
 vniuerso proclamant: Oleum effusum nomen tuum. Effu-  
 sum plane, quod non solum cælos, terrasq. perfudit, sed ad  
 inferos etiam penetrauit, ita vt in eodem nomine omne ge-  
 nus cælestium, terrestrium, & inferorum, & omnis  
 lingua confiteatur, & dicat: Oleum effusum nomen tuum.  
 Sicut enim oleum lucet, pascit, & vngit, dum ignem fouet,  
 corpus enutrit, ac dolorem mitigat: haud secus Saluatoris  
 nostri nomen lux, cibus, & medicina omnibus existit. Vnde  
 namque toti terrarum orbi tam splendidus illuxit dies, ac  
 tantæ fidei ac veritatis lux fidelium mentibus affulsit, nisi ex  
 prædicato isto nomine? in cuius splendore clarissimo Deus  
 nos in admirabile lumen suum indignos vocauit, quibus il-  
 luminatis, & in lumine ipso videntibus lumen, merito dicit  
 Apostolus: Erat is aliquando tenebræ, nunc autem lux in.

Domino.

Domino. Cibi etiam nutrimento, & suauitate pollet hoc nomen. Quid enim æque mentem illud cogitantis impingat, exercitatos sensus reparat, virtutes roborat, bonos & honestos mores vegetat, & castas affectiones fouet, atque suauissimi huius nominis meditatio? Aridus quidem est omnis animæ cibus, si nō huius nominis oleo infundatur inspidus, nisi saluberrimo isto condatur sale, quod mel in ore, in aure melos, & in corde iubilus comprobatur. Sed neque medellæ proprietate caret id ipsum nomen. Quid enim ita iræ impetum cohibet, superbix tumorem deprimat, carnis ardorē sedat, inuidiæ liuorem sanat, auaritiā temperat, ac torius indecoris pruriginem in fugam conuertit, quā eiusdem nominis inuocatio? iuxta illud: Inuoca me, in die tribulationis eruiam te. Cum etenim ipsum compello, hominem mihi, corde humilem, benignum, sobrium, castum, misericordem, atque omni morum honestate conspicuum mihi propono, eundemq. ipsum Deum omnipotentem; qui suo me & exemplo moueat, & roborer adiutorio. Hoc illud est nomen quod cæcis visum, surdis auditum, claudis gressum, sermonē mutis, ac mortuis vitam dedit, totamque diaboli potestatem de obsessis corporibus effugauit: In quo, dicente Paulo, abluti, sanctificati, & iustificati sumus. Hoc illud est nomen, in quo ineffabile Dei nomen intellectu, prolatusq. facillimū nobis offertur: completo denique Isaïæ vaticinio, dicentis: Propter hoc sciet populus meus nomen meum in illa die. Hoc igitur nomen pectori penitus imprimendum, ore celebrandum, præ manibus habendum, firma semper beneuolentia complectamur, omnes nostros in Iesum sensus, & actus dirigentes, ut quemadmodum in ipso circumcisi sumus, sic datæ ab ipso salutis nomine insigniti post eundem resurgere mereamur ad gloriam.



## ORATIO II.



E Circumcisione Domini nostri Iesu Christi verba de more facturus, Pater Beatissime, maximè vereor, ne sacrosancti mysterij, & ad mortaliū omnium salutem saluberrimi dignitatem orationis tenuitate minuam. Præstringunt enim ingenij aciem tot quæ mihi se se obijciunt lumina: quæ oratoris non mediocrem in dicendo requirunt indu-

striam. Certè in tam ampla, & copiosa sacrarum diuitiarū suppellectile ac planè infinitis diuinæ clementiæ thesauris, quos cælestis hodie pleno copia cornu defundit, difficillimū est optimum quodque promere, & feliciter depromptum explicare decenter: illud demum artificis est summi, & multis egregiè decursis olympijs, maioribus quibusdam palmis nobilitati. Quapropter consultius fortè mihi foret, pictoris non indocti exemplum imitari; vt quæ nullis verborum, penicillis exprimi, nulla orationis vi enarrari rectè possunt; ea pudentis silentij quibusdam inuolucris obnubant; & sanctissimum diei huius sacramentum tacendo venerer potius quàm loquendo. Sed erigit me sanctitatis tuæ clementia quædam admirabilis, coniectique in me oculi futuræ serenitatis indices animum reficiunt, & recreant: ad quorum auspiciatissima lumina, tamquam ad faustum Cynosuræ sidus respiciens, tamdiu amplissimum hoc mare remisleniter propellens nauigabit oratio, dum me aspirantis benignitatis aura tuæ breuissimo temporis curriculo in portum prouehet. Et sanè dies sunt acceptabiles, quibus mellisui facti sunt cæli (vtar enim in his scripturæ sacræ, sanctorumque patrum verbis, quæ & significandi maiorem vim habent, & dulces in Christianas aures irflunt.) It tenim deiectis hodie de antiquo salutis fundo iniustus possessoribus, prauis & exasperantis generis sobole, quæ mèrita est, nec direxit cor suum: transtulit de Aegypto vineam suam Deus: plantauit radi-

2. Cor. 3.

2. ad. 19

radices eius, & impleuit terram: ita vt non iam certis, & angustis gentis alicuius finibus Ecclesiæ sanctæ nomen circumferibatur, sed iisdem quibus cælum & terra regionibus terminetur. Enimuero apparuit gratia Dei Saluatoris nostri omnibus hominibus, & hodie natalibus suis terrarum orbe restituto, amplius non est Iudeus, neque Græcus, non est liber neque seruus, non est masculinus neque femina: sed omnes vnum in Christo sumus: per quem antiquata capitis diminutione mundi, nouo quodam postliminii iure cognitioni Abrahamæ restituti cum cæli stellis multitudine innumerablem certamus. In ipso enim benedictæ sunt omnes terræ tribus: & certè Ecclesiæ ipsius sanctæ æternum erit hoc, quod tua Beatitudo felicissimè moderatur sceptrum. Venit enim, venit plenitudo temporis: misit Deus Filium suum, factum ex muliere, factum sub lege, vt eos, qui sub lege erant, redimeret: vt filiorum adoptionem reciperemus. Quocirca optime quidem & ad nostram salutem in primis opportunè, vt semper Christus Dominus, quia legis finis ad iustitiam omnium credenti; & sub lege natus est: quæ legis erant circumcisi hodie præstare voluit, vt nos, quos Patri Deo per adoptionem genuit, erudiret, quemadmodum non corpore, vt iræ filii, sed mente, & corde circumcideremur vt sui. Nimirum vt abnegantes impietatem, & sæcularia desideria, sobriè, & piè, & iustè viuamus: quod maximè ipso Baptismi sacramento profitemur: cuius nihil aliud quàm expressa, & adumbrata imago, ipsa olim erat circumcisio. Ex quo quidem quid inter antiquæ legis seruitutem, & Euangelij gratiam iuter sit, satis apparet, credo. O diuinum, & incredibilem Christi parentis in nos amorem! quem si quis comprehendere conetur cogitando; nec cogitatio rei admirabilitatem tantam, nec ipsam cogitationem verba vlla consequentur. O infinitum beneficium, quod nulla imminuet veritas, nulla vmquæ delebit, vel obscurabit obliuiol! Sanè multa sunt, immò verò infinita æterni Dei amoris in nos monumenta, quæ omnium gentium, atque ætatum litteris, & linguis perpetuò celebrabuntur. Quid enim tandem, ne omnia persequens infinitus sim, Deum Optimum Maximum mouit, vt hanc vniuersitatis machinam crearet; creatam, hoc pulcherrimo quem cernimus, ordine disponeret: dispositam admirabili prouidentia regeret: ita vt in hoc munitissimo,

& am-

*Tit. 2.*

*Gal. 3.*

*Galat. 4.*

*Tit. 2.*



## 168 In feſto Circumc. Dñi

& ampliſſimo theatro conſtitutus homo, tamquam Imperator regnaret, cælique diſtinctos ſideribus orbes contrariis quidem, ſed mirè inuicem conſpirantibus perpetuis concitatos curſibus, tum temporis, tum dierum, ac tempeſtatum adminiſtros, ſibiq. famulantes cerneret. terram autem ipſam, & maria certis ad habitandi commoditatem coacta, finibus poſſideret. Adde quòd calida frigidis, humidis ſicca permiſta, librata grauià leuibus, eorumq. omnium conuerſiones perpetuæ ad vitam animalium, & terræ fertilitatem opportune omnino ſunt, maximèque hominum ſaluti neceſſariæ. Quid aliud hæc loquuntur, quàm incredibilem Dei in nos amorem teſtantur, & prædicant? Sed hæc licet tanta ſint, vt nulla digna laude adæquari, nullius ingenio attingi ſatis poſſint; tamen ſi cum hoc noſtro præclariffimo hodie à Deo accepto beneficio conferantur, exigua ſanè, & quæ alioqui per ſe ſumma erant, leuià appareant neceſſe eſt. Tu enim clementiſſime Redemptor noſter & Pater hodie mortales omnes cæli donati ciuitate: cuius donationis ſyngraphæ, non ciuiliū cautionum ſponſionibus compoſitæ, ſed ſanctiſſimo ſanguine tuo conſcriptæ, conſignatæque ſunt. Tu quaſi profuſo iam vniuerſo, atque exauſto perenni illo cæleſtis beneficentiæ, & liberalitatis tuæ in nos fonte non per aes, & libram, ſed inæſtimabili diuini ſanguinis tui pretio cõempta hominum ſalute, quemadmodum circumcideremur docuiſti, vt in terris poſiti vitam viuere cæleſtem poſſemus. At verò quænam eſſe debeat Chriſtianiæ huius forma circumciſionis, ipſe docet Apoſtolus: cuius verbis eo libentius vtor plurimùm, quo magis ipſius auctoritate tãquam optimi vitæ magiſtri, & beatæ principis diſciplinæ ſacroſancti huius, auguſtiſſimiq. conſeſſus aures delectari puto. Ea autem eſt, vt probet ſeipſum quiſque, & veteri expurgato fermento, nouam induturus, veterem exuat, & circumcidat perſonam errorum ſarcinis iis alligatâ, quæ Chriſtianum peregrinum onerant: & peruium alioqui, atque planum æternæ felicitatis iter, deuium, atque aſperum reddût. Eſt aliquis quærit voluptatum illecebræ, tanquam Circæo aliquo hauſto poculo ſcincinatum turpent: ducitur quis inanium titulorum fumis, eiſque captandis totus inferuit: ſollicitant quemquam opes, & in illis coaceruandis vritur miſer: hæret denique quiſpiam rerum harum, quas infra lunâ

cer-

Rom. 7.  
1. Cor. 7.  
Gal. 1.  
1. Cor. 5.

cernimus, laqueus irretitus. quæ omnia ipsis etiam gentium Philosophis contemptui semper fuerunt, utpote caduca, & irritamenta malorum, quæ possessorem suum quidem perdere, meliorem autem reddere nullo modo possunt. circumcidat se abrafis & auulsi prauarum cupiditatum fibris, iam facile omnes Syrenas, omnes istas speciosas quidem, sed fallaces, & truces Syrtes, atque Charybdes Christianus, verèque gloriosus enauigabit. Vlysses. Et tandem decurso, atque superato terrellrium hoc errorum hebdomade, quasi confecto Minotauro, dæmone scilicet sæuissimo hoste nostro profligato, ad beatas, & lætas optatæ patriæ sedes appulsus, octauo ipso demum die, qui spei nostræ perfectionem habet, in cælesti templo oblatus, immolatus, circumcisus, beatus beatum numquam perituræ felicitatis nomen feret. Sed iā receptui canere temporis angustię mihi videntur: reuocat enim me de amplissimo campo, qui nunc mihi se patefaciebat, ipse qui me non parum perturbat metus: ne iam Sanctitatis tuę tam prolixam in me audiendo humanitatem, plus æquo videar onerare. Non committam igitur, ut præscriptos mihi dendi fines longius præteruehatur oratio; si veterem nunc cum noua, sanctaq. Christi sponfa Hierusalem pergam conferre viuis fidelium, & expolitis constructa lapidibus, cuius tu Domine Beatissime, in ipso Christo lapis summus angularis. Vos autem Patres Amplissimi columnę ipsius Cardinales, atque lumina eritis sempiterna. Et certè peropportune contigit, ut ita compellar: quid enim illa tandem habuit, vnde sic conferri, comparariue debeat. An enim ipsius ornamenta maxima quęque proferam. Legis tabulas, arcam fœderis, sacerdotium, sacrificium, altare, prophetiam, sceptrum. Aut verò ipsius templum illud quantumuis magnificentissimum commemorabo: cuius substructionum moles cęli regiones proxime pertingentes, laqueata testæ, exquisitis vermiculata emblematis pauimenta, marmoris, omnisque generis pretiosorum lapidum incrustationes, solidę ex auro conflatę columnę, portę margaritis coruscantes, picturę, signa, tabulę, vasa, donaria gemmis inest mabilibus onusta; cuius denique id genus propemodum infinita naturę, & artis certantium miracula temporibus illis, dum extiterant, admirationi fuerunt: nunc autem vetustate, variisque consumpta calibus, omnem posteritatis

## 170 In festo Circumcisionis.

*Aggea 2.*

memoriam eternitate fame complectetur. scilicet, cesserunt luci tenebrae, umbra corpori, signum veritati. Atque hoc est, quod multis ante saeculis praeannuntiatus fuit: Magna erit gloria domus istius nouissimae plusquam primae. omnibus enim antiquitatis nubibus exorientis Christi lumine dissipatis, & collustratis; omnis quaecunque illa tandem erat veterum imaginaria, & personata dignitas populo nouo, quem elegit hodie Dominus, re ipsa data concessaque fuit. Tu enim Pater Beatissime, ut de membris reliquis omnibus nihil, de capite solum ipso dicam; exitum enim prope versatur oratio. Tu, quem Dominus Ecclesiae suae praeposuit dispensatorem mysteriorum Christi, cuius personam in terris sustines. Tu primatu Abel, gubernatu Noe, Patriarchatu Abraham, ordine Melchisedech, dignitate Aaron, auctoritate Moyses, iudicatu Samuel effectus es. Quo magis nunc a Deo immortali petendum est, ut tuas in ipsius salute, & publica quadam Ecclesiae sanctae Circumcisione, hoc est, ut B. docet Hilarius, in confirmandis infirmis, disruptis consolidandis, deprauatis conuertendis defixas cogitationes omnes, atque consilia bene, prospereque fortunet. Quod ut futurum speremus, multa suadere, multa spondere videntur sanctorum exempla Patrum, qui zelum Domini zelantes, propitium temporibus suis Deum ipsum senserunt: quorum praecelara facinora ad sempiternam omnium aetatum memoriam gloriosissime prosceminata, ad bene, beateque sperandum in his temporum iniurijs, quibus premimur, quem non erigent? quem non tandem excitabunt? Nec vero illa persequar enumerando, quae multa antiquitus, plura patrum, atque etiam memoria nostra non pauca contigerunt: ne si omnia recensere velim, nimis; si aliqua, parum dixisse videar. Doles Orientem totum immanissimo religionis sanctae hosti seruire, ipsasque principis Petri solij, cui insitis coaeuas Ecclesiae sedes teterrimis illis pestibus dilaniari, restituet Deus. Doles Graeciam antiquissimam Ecclesiae Prouinciam impotensissimi tyranni crudelitate oppressam iacere: ex qua tot Ecclesiae lumina olim exorta prodierunt, restituet Deus. Doles ut vetera vulnera omittam, recordari Germaniae tam multas, & strenuas gentes a Petri signis, ad perduellium huius sanctae Sedis castra defecisse, ipsamque Galliam cuius

arma

arma fortissima salutaria Ecclesia toties sensit: quæ huius  
 beatæ Sedis tuæ columen, atque propugnaculum semper est  
 habita. Doles eam nunc diuturnis & infelicitibus intestini  
 belli armis se ipsam misere trucidare, atque conficere: ipsa,  
 quod maximè querendum est, perturbata etiam religione,  
 restituet Deus: qui mortificat, & viuificat; humiliat, & sub-  
 leuat. Sint enim quantumuis multæ vulpes, multi lupi ra-  
 paces, multi accipitres, singulares feri, crudeles apri silue-  
 stres: multæ denique concubinae: recesserit cælum ad: in-  
 star libri inuoluti: quod de Ecclesia futurum aliquando præ-  
 dixit Ioannes: iurauit tamen Dominus, & non mentietur.  
 Erit tota speciosa, & pulchra dilecta sponsa sponso dilecto  
 suo. Nec verò amplius obliuiscetur Hierusalem huiusce  
 Deus: vel clementiam suam abalienabit ab ea, quam sibi  
 elegit, cuius decorem concupiuit, quam acquisiuit sangui-  
 ne suo. Quod ut iam nobis omnipotentis Dei perpetuo  
 futuro beneficio tribuatur, pro tanta sua erga nos hodie  
 declarata pietate, illud votum est, quod nunc ore meo Ec-  
 clesia tota nuncupat. Tibi Beatissime Gregori nouo Pon-  
 tifici, nouo hoc anno benè augurando. quodque maxime  
 conuenire videtur; iisdem ipsis diebus, quibus natus in  
 terris Christus, Ecclesie te suæ Christum oleo lætitiæ, &  
 sanctitatis perfudit, præ consortibus tuis: quo tanquam  
 futuræ salutis signo sublato, erecti atque excitati ad aurei  
 sæculi spem mortales omnes sunt, diuino ipso conelamante  
 Propheta: Quia in diebus tuis orietur iustitia, & abundan-  
 tia pacis: & dominaberis à mari vsque ad mare, & à  
 flumine vsque ad fines orbis terrarum. Sed iam  
 tam faustæ & gloriøse spei felicissimus exi-  
 tus ab ipso Deo optimo maximo sa-  
 crofanctæ Missæ sacrificio  
 est impetrandus.

1. Reg. 2.

Apoc. 6.

Psalm. 71.



## ORATIO III.



DEST (PATRES AMPLISSIMI) gloriosus Dominicæ Circūcisionis Dies, quem statis sacris, & grauissima cæremonia sancta mater Ecclesiā Christianis fidelibus piē recolendum, ac religiose transigendum proponit. Dies, qui felicia renascentis anni primordia portendit: annumq. ipsum, qui, horarum, dierum, ac mensium ency-

clopedia quadam, suā in se per vestigia voluitur; totum, Deo dicat, & sacris deuouet. Vt non immeritò hodie cum Psalmographo concinere, & auspicari possimus: Benedices Domine, coronæ anni benignitatis tuæ. Dies, in quo magister noster Christus ingentes thesauros recludens sapientiæ, & scientiæ Dei, quid in hac vita fugiendum, quid agendum sit, ad cælestem gloriam promerendam, & assequendam, compendiaria, & expedita quadam ratione ob oculos ponit. De quo ne graue, amabo, sit, lepidissimum æquē, ac diuinum Apostoli Panegyricum recensere: Apparuit, inquit, gratia Saluatoris nostri omnibus hominibus, erudiens nos, vt abnegantes impietatem, & sæcularia desideria, sobriè, iustè, & piē viuamus in hoc seculo, expectantes beatam spem, & aduentum gloriæ magni Dei. Dies, in quo idem salutis nostræ vindex, & assertor, ex Abrahami stirpe ortus, quoddam verus homo sit, apertissimè innotescit: dum infans adhuc, & non amplius, quàm octo dies natus, nostræ Redemptionis arrham suo sanguine persoluit. Dies, qui durum legis iugum è nostris ceruicibus Christi virtute reuulsum, captiuumq. hominem in libertatem assertum demonstrat. Dies delictorum purgationem significans. Dies gratiæ auspex, Euangelij præco, atque antiquæ legis velut funerator quidam. Dies lætitiæ, & exultationis. Dies demum albo lapillo signandus, inque honore, veneratione, & sanctificatione habendus omnibus ijs, qui verè cupiunt dies videre bonos. Deum immortalem, ecquis ego sum, qui audeam

infau-

*Psalm. 64.*

*Tit. 2.*

*Ambros. 2 in  
Luc. 3.*

infantissimis verbis tam celebris, atque illustis diei encomia cohonestare, aut potius deterere? Sed enim, quamvis planè in confesso sit (etià si supra vires enitar) me neque ingeniosum, neque laboriosum quippiam huc allaturum, quod, pro loci, quem conscendi, amplitudine, proque Apostolici, quem, intueor, confessus maiestate, novum, auditu dignum, aut par mysterio futurum videri queat, ac proinde, non absre summopere pertimescam; multum tamen (Patres Amplissimi) me incomparabilis vestra benignitas erigit; quæ (hodierna luce, quam multò latissimam, multoq; laustissimam Christiano Orbi celitus illuxisse exopto) me, ex hoc loco solvere, perque sacri Evangelii mysticas, & salutares vndas parua susceptæ Concionis cymba tantisper excurrere iussit: duet (aspirante auxa divini numinis, cuius munere infantes, & elingues diserti fiunt, atque evangelizantium pedes tam speciosi existunt) quam celerrimè, & velut citatis remis, adnatam me, redocem demum, ac sospitem portus excipiat. Quod, ut cursum repetam, longè notissima est tragica illa communis omnium parentis historia. Enimvero cum illum Deum ad imaginem suam ex limo terræ formasset, cunctorum, quæ lunæ ambitu continentur, dominum, ac principem renunciasset, terrestris Paradisi inquilinum constituisset, celisq; participem, & hæredem designasset: unica duntaxat sanctione, neque tamen dura, neque ad servandum aspera; eundem obstrinxit, cuius limites transgredire prorsus religio foret. De omni, inquit, ligno Paradisi comede; de ligno autem scientiæ boni, & mali ne comedas. Quid demum infelix Adam Eva conjugis blanditijs, & illecebris delinitus, plus nimio suapte nobilitate insolens, tot, ac tantorum beneficiorum immemor, conditoris sui præceptum aspernatus, ac legem temere perumpens, de tanto felicitatum culmine exturbatus, seipsum, secumq; posteritatem omnem, in funestissimam originalis peccati coluvinem miserè immerse. Quamobrem in tanto naufragio, ne humana natura hæreditario, ac lethali morbo agra perpetuò laboraret, ex qua æterno, atque immutabili Dei optimi consilio, certus electorum numerus esset conscribendis, qui Angelorum perduellionis iudicio damnatorum ruina vacuas sedes occuparent: maxime omnium sufficiens, & tunc opportunum remedium fuit effusio sanguinis Christi.



# 174 In festo Circumc. Dñi

Ut quemadmodum vnus Adæ culpa mortem omnibus intulit, ita vnus Christi passio omnes ad vitam reuocaret. Porro mysterium hoc tam sublime, & excelsum, varijs, diuersisq. figurarum, & zngmatum inuolucris, atque obscuris, vt ita dicam, nubibus prætentum, & obumbratum, ac non verbis tantum, sed etiam operibus subsistens, sanctorum Prophetarum oraculis paulatim clarescere cæpit. Huc spectat Decimarum, Oblationum, atque Holocautorum prisca illa institutio. Quæ nimirum cultus ratio, qui ritus nec Deo displicuisse, immo, & ea munera grata, acceptaque extitisse, Deumque ipsum aliquando ex eiusmodi victimis suauitatis odorem sensisse Scriptura commemorat. Primum quidem propter obedientiam, quam immolantes exhibebant, tam deinde quod illa sacrificia typum Christi præferrent, qui factus, pro nobis obediens, vsque ad mortem, seipsum in ara Crucis verum holocaustum, hostiam sanctam, Deo placentem obtulit. Huic etiam spectat, ne singula persequar, quod (tunc, cum à fide descitum, & ad idololatriam, & turpissimum peccatorum iterum esset) Deus Abrahamo Patriarchæ cognomento omnium credentium patri serio præcepit, atque eius semini, ex quo Christus infidelitatis, & peccatorum omnium euerfor erat nasciturus: vt scilicet humani sanguinis sibi primitias offerret, iuxta illud: Circumcidetur in vobis omne masculinum. Et, Masculus, cuius præputij caro circumcisa non fuerit, peribit anima illa de populo meo. Et eccum (Patres Amplissimi) planum, & apertum vetus atque arcanum Circumcisionis mysterium. Quod hodie in Christo ritè completum, propter Baptismi sacramentum, qui in eius locum successit; iure merito exauthorari, & antiquari debuit. Neque tamen velim quis existimet, hoc à me eo dictum, vt falsò putem Christum Circumcisione egisse. Quandoquidem, vt a neus serpens à Moysè in deserto exaltatus, serpentis quidem similitudinem habebat, virus tamen non habebat: ita Christus à Patre in similitudinem carnis peccati missus, peccatum non habebat, pœnam tamen peccato debitam in seipsum pro nobis suscepit. Vnde per Isaiam multò ante super eo cum homine conqueritur: Seruire, inquit, me fecisti in peccatis tuis. Quod etiam egregio carmine, & non sine gratiarum actione reponit Psalter celestis, dū dicit: Proiecisti post tergum tuum omnia peccata mea.

Quam-

*Genes. 8.*

*1. Reg.*

*Gen. 17.*

*1. Reg.*

*Num. 21.*

*Rom. 8.*

*Isai. 43.*

*Exech. Rex  
apud Is. 38.*

Quamobrem suscipiens hodie Christus Circumcisionis signaculū, quo & nos insimul in carne ipsius insigniti fuimus : id nobis beneficij contulit, vt exoleta iam carnali Circumcisione, spiritali tantummodo Circumcisione indigeamus. De qua Hieremias pulcherrimam illam præceptionem tuis & Christiane, auribus insonuit: Circumcidimini Domino, & auferte præputia cordium vestrorum. viri Iuda, & habitatores Hierusalem. Ac si dixisset: Quicquid in te superfluum est, præputium vocatur, omne vitium est superfluum, ergo omne vitium in te est. resecandum. Atqui huic sententiæ etiam consonat Paulus ad Ephesios: Renouamini, inquit, spiritu mentis vestræ. Quod tunc percommode fit, cum fluxis, & umbraticis hisce terrenis rebus neglectui, vti deceat Christi sectatorem, ludibrioq. habitis, Sathane retibus, & laqueis effractis, ac deuitatis, nefariæq. illa, & mortifera segete radicatus demessa, & euulsa carnalium operum: quæ manifesta sunt, fornicatio, impudicitia, immunditia, & alia quæ Paulus ad Galatas succenturiatim enumerans, asserit nobis cæli adiutum obstruere: nosmet totos ad Dei nutum componentēs, in humanis corporibus fuerimus vitam imitati sanctorum, tantumq. piæ, rectæq. factis consecuti, vt cū ex hoc terrestri diuersorio, & hospicio (qui nobis ad tempus commorandi, non perpetuū habitandi, datus est locus), à Deo præstituta die exceßerimus; ad felicissimum illud, atque æternum cælorum domicilium nobis à constitutione mundi paratum celeri cursu remigremus. Animaduertendum tamen, quod in materiali, seu carnali illa Circumcisione ferreo ne, an lapideo instrumento uterentur, non fuit omnino semper necessitas: ista verò spiritalis Circumcisio omnino fieri nequit absq. lapideo cultro, id est, ex Petra, de qua scriptum est: Petra autem erat Christus: & rursus: Beatus, qui tenebit, & allidet paruulos suos; hoc est reatus suos, ad petram. A Christo igitur impetranda venia, à Christo exoranda gratia nosmet spiritaliter circumcidendi, renouandi, siue ad meliorem frugem redeundi facultas. Nam per Iesum Christum gratia facta est. Ecquid aliud innuit dulcissimum, & suauissimum nomen Iesu, quod ab æterno os Domini nominauit, quodq. hoc lustrali die Angelico ore inuulgatum circumsonat, quā Saluatorem, id est, gratiæ, & salutis auctorem? Et vocatum est nomen eius IESVS. ipse enim saluum faciet populum suum

*Ierem. 4.*

*ad Ephes. 4.*

*ad Gal. 5.*

*1. Cor. 10.  
Psalm. 136.*

*Rom. 7.  
Isai. 63.*

à pec-

# 176 In festo Circumc. Dñi

Zuc. 1.  
Ecclef. 50.  
Zach. 6.  
Ios. per tot.

à peccatis eorum. Et quamuis in sacris litteris legimus, id nominis inditum fuisse filio Syrach, filio Iosedech, filio Naue, quorum primus fidelis doctor, alter summus sacerdos, postremus inuictus, atque insuperabilis dux fuisse perhibetur: nullus tamen istorum Saluator est appellatus, nisi solus Christus, qui omnium illorū virtutes in se vberius multo, ac redundantius complexus: uti doctor Evangelii prædicatione, uti Sacerdos sacramentorum institutione, uti dux mortis, atque antiqui hostis debellatione saluos nos fecit. Agite iam (Amplissimi Patres) ut vela complicem, neue diutius vestra humanitate abutar, operæpretium me facturum censeo, si quæ multa in præsentiarum dubio procul dicenda superessent, pro meo pudore, proque erga vestrum ordinem perpetuo debitoque cultu, Vobis omnigenæ doctrinæ, summæ sapientiæ, summæque pietatis Viris, in Evangelii verè, & propriè segregatis expendenda, & meditanda relinquens: ad præsentis diei memoriam (quantum in me est) condecorandam, atque æternitati consecrandam, concepto solenni voto perorauero: Pater sempiternæ, creator, & moderator omnium rerum. Pientissime Iesu, auctor, & stator Christiani nominis: Tuque dator munerum sanctissime Spiritus, ab utroque procedens. Alma Virgo Dei Mater, & nostri apud Deum aduocata, millies beata. Vos ò inelyti Princeps terræ Petre, cæli ianitor, Paule vas electionis, & quicquid Sanctorum numinum HANC FIDEI ARCEM: Nempè Romanæ, Catholicæ, & Apostolicæ Ecclesiæ maiestatem in amplissimum orbis terrarum fastigium extulit, cæloque finitimam statuit: Vos publica voce obtestor, atque precor. Custodite, seruate, protegitè Augustissimum hunc statum, splendidissimam hanc Coronam, pacem, & bonâ tribuite. Clementi VIII. Pont. Opt. Max. Pastori vigilantissimo, ac Principi innocentissimo, ad Rei Christianæ decus, & incrementum, diuturnam incolumitatem concedite. Efficite imprimis, ut illius ductu, & auctoritate, quæ iisdem finibus, quibus solis cursus discriminatur, vniuersorum mortalium grex in vnum, atque eundem veræ fidei sensum consuens, circumcisa omni nequitia, sempiterna deum vobiscum statione perfruat.

ORA -

## ORATO III.



**D** E S T (Beatissime Pater, Pater-  
que Amplissimi) solemnus, ac sa-  
cer ille dies, in quo Unigenitus Al-  
tissimi Filius, & Circumcisionem,  
& Nomen accepit. Magna hæc  
sunt, summaq. admiratione digni-  
fima: quando tum impassibilis pa-  
tetur, tum innominabilis nomi-  
natur.

De tanto sacramento, ac mysterio verba facturus; pre-  
cor salutis nostræ Authorem, qui dat verbum Euangeli-  
zantibus virtute multa, cuius festum hunc diē læti agimus,  
cuius causa ego sum ad hunc dicendi laborem suscipiendum  
incitatus; vt me ea dicere velit, quæ sunt tantis Auditori-  
bus non indigna.

Circumcisionem, quæ antiquitus ab immortali Deo Iu-  
dæis præscripta fuit, multis, ac grauissimis de causis, tra-  
ditam fuisse constat: præceperat enim illam Dominus, ma-  
gno illi Patriarchæ, propter sædus copulandum inter illum *Gen. 17.*  
& genus humanum, propter bonum obedientiæ, vt homo,  
qui illi displicuerat per inobedientiam, placeret per obe-  
dientiam, vt circumcisio exterior in signum esset interio-  
ris, vt hoc signo eius populus tum instrueretur, tum digno-  
sceretur ab alijs nationibus, propter sacramentum, dum  
siebat cultro lapideo octaua die; nec non in remedium cul-  
pæ originalis, quæ à Prothoplasta velut hæreditaria propa-  
gatione in omnes transfusa est. Sed quid est, quod Chri-  
stus Saluator noster, ab omni prorsus peccati labe alienus,  
hac eadem materiali circumcisione circumcidi hodie  
voluerit? quid? enim causæ fuit bonæ Iesu, cur more pecca-  
torum tam graue antiquæ legis pondus subierit? Circum-  
ciditur Redemptor noster, vt se principium sanctificatio-  
nis, & causam esse ostenderet: quæ per oblationes, circum-  
cisionem, ac baptismum fieri debebat: quapropter ipsum  
circumcisi, baptizatum, oblatum esse decuit.

## 178 In feſto Circumc. Dñi

ciditur, vt ſe veram carnem humanam ſuſcepiſſe demonſtraret, contra falſam Manichei, Apollinaris, Valentinii, ceterorumq. hæreticorum opinionem: ob id abſciſſa carne, dolet, vulnus accipit, ſanguinem fundit. Quin etiam, vt circumciſionem, quam olim Deus inſtituerat, approbaret, ei, q. vt ſinis legis, ſinem imponeret: etenim legalia ante eius Paſſionem fuere viua, poſt Paſſionem mortua, poſt Euangelium promulgatum, ſepulta. Circumciditur, vt ſe de Abrahæ genere, qui circumciſionis mandatum acceperat, eſſe comprobaret, in certum fidei ſignum, quam de ipſo habuerat, vtque tot Prophetarum vaticinia, quod ex eius progenie venturum prædixerant, implerentur: quocirca non ſolum omnem Hebræis excuſationem abſtulit, eiſque omnino ſatisfecit; verum etiam obedientiam, atque humilitatem nobis ſuo exemplo quàm maximè commendauit. Præterea neceſſarium fuit, illum circumcidi, vt quoniam in ſimilitudinem carnis peccati venerat, remedium, quo peccati caro mundari conſueuerat; reſpuere non videretur, vtque legis onus in ſe ſuſtinēs; alios à legis onere liberaret: Miſit enim Deus Filium ſuum factum ſub lege, vt eos, quod ſub lege erant, redimeret. Licet ergo peccatum originale non contraxerit, in infantia tamen ſua circumcidi voluit, vt ab omni nos legali conſuetudine, quæ paruulis conuenit, abſolueret, ac in libertatem reuocaret, quæ decet perfectum virum. Sicut etiam in virilitate mori voluit, cum abſque peccato eſſet, vt ab æterna nos morte eriperet. O immenſam Domini noſtri claritatem: ò clementiam infinitam, ac bonitatem! quandoquidem circumciſus fuit in exemplum, in ſignum, in remedium, in myſterium. In exemplum, legis explendæ: in ſignum, naturæ per peccatum corruptæ: in remedium, non ſui, ſed totius corporis myſtici: in myſterium, ſpiritualis circumciſionis ſignificandæ. Et hæc eſt, quam Apoſtolus non manufactam vocat, & quæ non in litera occidente, ſed in ſpiritu viuificante: non in vno membro, ſed corpore toto continetur. Ceſſerunt tenebræ luci, vmbra ſoli. imago veritati: itaque iam non præputij truncationem, ſed cordis circumciſionem Euangelium nobis, vt Euangelij Filijs imperat; omnemq. affectionum petulantiam, gladio ſpiritus iubet reſecari, abſcindiri, amputari: eo quia quando venit, quod perfectum eſt, euacuatur quod ex parte eſt.

Rom. 8.

Gal. 4.

Col. 2.

1. Cor. 13.

te est. Imago, cum perfecta est coloribus, & suam accepit pulchritudinem, ac decorem, quæ prius delineata fuerat umbra, deletur, & euanesceit: quamobrem merito datur pro cultro lenitas, pro sanguine aqua, pro circumcissione baptisimus. Hæc est noua illa, perpetuoque duratura circumcissio, quam nobis Pater futuri seculi noua faciens omnia, commendat, & ad quam nos vetere abrogata, interdicta, penitusq. abolita, inuitat. Hanc sancta Dei Ecclesia reuocata in memoriam nostram singulis annis Christi circumcissione, nos docet. Hæc igitur spiritali circumcissione nos ipsos circumcidere debemus. Nempe cor nostrum, ne cogitet praua: oculos, ne videant vanitatem: aures, ne audiant vana: linguam, ne loquatur iniquitatem: manus, ne sanguine, muneribusue repleantur: gustum, olfactum, tactum, omnia denique, si Christum circumcissum imitari, ut par est, desideramus. Cum autem legimus Patrem fidei circumcissum fuisse, cum Ismaele filio suo, cum vernaculis, & emptitijs famulis suis, hoc profecto ediscimus: Abraham Pater multarum gentium, est liberum arbitrium nostrum, Pater multarum tum carnalium, tum spiritalium generationum, Israel est ratio nostra, serui vernaculi, sunt motus tentationum ex affectionis parte procedentium, emptitij, motus ex sensualitate prouenientes; quod quidem omnes spiritalis gratiæ dono sunt generaliter circumcidendi: nam liberum arbitrium à falso iudicio, ratio ab ignorantia, affectio à falso amore, sensualitas à falsa operatione est circumcidenda.

Gen. 17.

Illud quoque consideremus necesse est, sicut hodie incipit Annus vsualis, ac naturalis, ita etiam incipit Annus gratiæ, & Redemptionis nostræ, & veluti hodierna hæc dies finis est præteriti anni, initium futuri; sic circumcissio Domini exitus fuit Mosaicę legis, principium Christianæ. Et quando octauo ab hinc die inclinatis cælis, Verbum caro factum est, Filius æterni Regis minoratus est paulo minus ab Angelis, cum noctem Natalis sui lachrimosam, præsep-

Psal. 8.

durum, scænum asperum, nuditatem molestam, suam famem expertus fuerit; hodie verò multo magis minoratus est. Quis vnquam Maiestatem illam amplius deprimi posse cogitasset? factum tamen hoc hodie est, dum non modo formam habet hominis, sed (ò Arcanum Diuinum) formam



## 180 In festo Circumc. Dñi

gestat peccatoris. O vilis humana conditio nostra ! Deus pro nobis ita humiliatus est, & nos elati, superbi, contumaces ? Sed adhuc parum erat Principi Pacis, humilitatem factis ostendisse, nisi insuper Nomine ostenderet: dicitur enim in Euangelio, ut circumcideretur non Rex, aut Dominus, vel Imperator, sed Puer. O Nomen humile, quàm præcellam tecum geris Maiestatem! ò immensam Maiestatem, quàm exiguo Nomine contineris! Audiatur, audiat hæc mundus, honorum, dignitatum, titulorum per cupidus. Denique ut dicendi finem faciam, vocatum est, inquit, nomen eius, Iesus, Saluator. Nomen dulce, nomen iucundum, nomen suave. Ecquid dulcius, quid iucundus, quid suavius sanctissimo hoc nomine Salvatoris excogitari potest, nedum inveniri ? Hoc nomen sanctum ab æterno consecratum, ac benedictum, quid aliud est, quàm mel in ore, melos in aure, iubilus in corde? Non est aliud nomen sub Cælo datum hominibus, in quo oporteat nos saluos fieri. Hoc est illud nomen super omne nomen, cui quidem cælestia, terrestria, infernalìa, cuncta inclinantur. Per hoc nomen venerandum omnem proculdubio dignitatem sumus adepti, utpote Dei pacem, gratiam, amicitiam, hæreditatem. Accepimus Spiritum sanctum, Sacerdotium, Regnum. Habuimus veniam peccatorum, Angelorum contubernium; obtemus tandem gloriam sempiternam. Quid plura? Per hoc nomen salutare possumus faciliè diuinæ fieri consortes Naturæ, ac Filij Dei nominari, & esse. Et quoniam nil condignum tanto tantæ salutis Datori possumus exhibere, saltem omni obseruantia, ac veneratione nos, nostraq. in eius obsequiū suppliciter inclinemus, offeramusque: nec non dulcissimam gloriosissimi nominis memoriam, & appellationem continuam habeamus: illud utique recedentes, velut in lege veteri nomen Dei quatuor literarum nempè (Iehouà) nemo proferre audebat, nisi summus Sacerdos, in Templo, die solemnì, sacris vestibus indutus; sic non minori Religione, ac pietate Diuinum hoc nomen Iesus, nobis colendum est iugiter. Ad te supplex confugio dulcissime Iesu, & te etiam, atque etiam humiliter rogo, ut ad sis solemnì huic, grandique sacrificio, annuas votis, foucas conatibus nostris, ut quemadmodum Annum nouum in tuo sanctissimo nomine faustè, ac feliciter ingressi sumus, ita (te fauente) veterem

Adam

Adam exeuntes ; Nouum , qui tu es , induamur , ac spiritu mentis nostræ renouemur ; & sicut tua hæc familia est hic octaua die tuæ sanctissimæ Natiuitatis congregata ; sic etiam octaua die consumationis vitæ suæ. tuæ cælesti familiæ aggregetur , per meritum tuæ sanctæ Circumcisionis. Amen.

## O R A T I O V.



**I**LÆTUS vnquam, aut faustus dies, immensi beneficij memoria. hominibus illucescere consuevit Beatissime Pater, lætissimus profecto, atque faustissimus hodiernus nobis adest, & illucescit. Quis enim alius tam magno beneficio illustrior, quis tantis inchoatis bonis felicior vlla temporum serie recurrit? Cum summa

Deus ipse mansuetudine, atque benignitate, maxima inauditaq. clementia, veterem nostræ naturæ conditionem situ, & squallore peccati obsitam renouare volens, data spon-  
sionis arrha libertatis, ac salutis nostræ vindicem, & authorem se ipsum præbet, legem implet, iugum frangit, atque vincula ipsa dissoluit, cum ille, qui vniuersa continet, qui nutu omnia moderatur in summo rerum fastigio, ac potestate, tam humili, tam demisso descensu, vt nos ab ea, qua merito premebamur seruitute liberet, arctissimis legum, vinculis coarctatur, & vel duram legis conditionem subire minimè recusat. Quis verò humano eloquio præditus, quæ sublimi dicendi arte, qua voce, tam magna à Deo nobis hodie collata beneficia, tam innumera cumulata bona ne dicam orando complecti possit, sed percensere numerando? qui Filium suum vnigenam, nullis antea temporum curriculum comprehensum, sed Quem constituit hæredem vniuersorum, per quem fecit, & sæcula, Vt hominem vili, atque humillima conditione è terra formatum, & emeritas suo scel-  
leri pœnas luentem redimeret, in tempore, & de muliere

H. 1.

pasci

*Gal. 4.*

naſci, atque ſub lege fieri voluit: Cum veniſſet plenitudo temporis miſit Deus ſuum natum de muliere, factum ſub lege, vt eos, qui ſub lege erant redimeret: Quare, & hodie Poſtquam conſummatis ſunt dies octo, vt circumcideretur puer, vocatum eſt nomen eius Ieſus. Vt circumcideretur Puer, qui circumciſione minimè indigebat. Non enim originale peccatum contraxerat, neque illi obnoxius eſſe poterat qui conceptus de Spiritu ſancto fuerat in caſtiſſimo, atque puriſſimo ſemper Virginis vtero, de quo, & Matri fuerat nunciatum: Et ideo quod ex te naſcetur ſanctum, vocabitur Filius Dei. Qui peccatum non fecit, nec inuentus eſt dolus in ore eius. Sed circumciditur, vt nos à circumciſione liberet legi ſe ipſum ſubdit, vt legis tranſgreſſionē in nobis purget, & legis onus nobis eximat, quod erat onus graue, & moleſtiſſimum. Et vocatum eſt nomen eius Ieſus, quod vocatum eſt ab Angelo antequam in vtero conciperetur: non quidem Angeli, ſed æterni Patris conſilio, Ipſe enim ſaluū faciet populum ſuum à peccatis eorum. Quod hodie noſtræ ſalutis opus effuſis pretioſiſſimi ſanguinis guttis, atque oblatis ſuz Paſſionis primitijs, ſummo Patri velut ad vadimonium veniens feliciffime incipit, & aggreditur, ò lætum, ò fauſtum, ò felicem, ò memorandum diem, quem nulla vnquam neque hominum, neque cœlitum memoria conticeſcet! hodie ſalus mundo indicitur, ſancto illo atque terribili vocato nomine Ieſus, in quo omne genu ſectatur cœleſtium, terreſtrium, & infernorum: hodie humana redemptione inchoatur non victimis, aut holocauſtis, non hircorum aut vitulorum, ſed proprio Chriſti ſanguine, cuius poſtea conſummata in ligno Crucis effuſione, Introiuit ſemel in ſancta, æterna redemptione inuenta. Hodie ceſſant vmbræ, & veritas reuelatur, hodie ſoluitur maledictum legis, & gratiæ benedictio donatur, hodie deſinit filiorū ira, & facta patribus promiſſio impletur, hodie demum angularis ille lapis ponitur, cui innixi duo parietes in vnum ædificium conſurgunt filiorum Iſrael, & filiorum Iuda gentium ſcilicet, & Iudzorum: Implens enim Chriſtus hodie circumciſus iniunctam ex veteri lege circumciſionem, qua Iudæi à gentibus velut inſignito quodam charactere diſcebantur, ſe ipſum noui ædificii fundamentum poſuit per fidē,

&amp; gra-

*Luc. 1.  
Iſai. 53.**Luc. 1.**Heb. 6.*

& gratiam, qua Ecclesia ex Iudæis simul, & Gentibus con-  
 fiat. Non enim Iudæorum Deus tantum, sed & Gentium.  
 quoniam quidem vnus est Deus, qui iustificat circumcisio- *Rom. 3.*  
 nem ex fide, & præputium per fidem. Merito itaque siquidē  
 hodie vetus lex impletur, & noua per gratiam inchoatur :  
 nouus etiā annus incipit, nec modo nouus sed sæcularis an-  
 nus, sed annus Iubilei, annus Indulgentiarum, annus dimis-  
 sionis, annus gratiæ, & benedictionis. Si enim vna tantum  
 sanguinis gutta è sacratissimo Christi Corpore effusa cum  
 summi, atque infiniti sit pretij ob eam quam habet cum Di-  
 uina Natura vnionem in eiusdem hypostasis vnitatem omnia  
 humani generis peccata eluere, atque delere potest, quantā  
 nobis veniam multæ hodie effusæ promerentur? Ita aperit  
 Christus hodie obseratā antea triumphantis Ecclesiæ por-  
 tã, & inexhaustos suæ misericordiæ, atque benignitatis the-  
 sauros effundit. Aperis, & tu Beatissime Pater, summa qua  
 polles in terris Christi Vicarius potestate Sacrosanctæ, ac  
 militantis Ecclesiæ portam, & ditissimos thesauros, atque  
 affluentissimas opes Christi sanguine, & sanctorum omnium  
 pro meritis Ecclesiæ partas, liberaliter nobis elargiris. Ape-  
 rit, inquam, Christus hodie clausam antea miseris mortali-  
 bus cœlestis aulæ ianuam, cum enim humani generis pro-  
 toparentes in Paradiso deliciarum plasmati, ac constituti,  
 vita illa bonorum omnium aggregatione perfecta frui ex-  
 pectarent, ac misera postmodum sui totiusq. humani gene-  
 ris calamitate impositam sibi diuinitus legem transgressi,  
 è bonorum cûlmine in malorū barathrū deturbati fuissent,  
 nec ex illo miseriarum profundo emergere vnquā possent;  
 iusto Dei iudicio pro illata sibi offensa pœnam reposcente,  
 quam nunquam infœlix homo suæ naturæ viribus persol-  
 uere posse speraret, habito pro salute humani generis ma-  
 gno sanctissimæ Trinitatis cōcilio; mittitur Dei Filius Ver-  
 bum Patris, qui iniunctum sibi saluandi hominis munus ag-  
 gressus, cruorem hodie fundit, pretium persolvere incipit,  
 & nomine Saluatoris insignitur: vocatum est enim nomen  
 eius Iesus. Nomen nunquam antequam innotesceret Incar-  
 nationis arcanum, cuiquam manifestum, nunquam antea  
 auditum, nunquam antea patefactum: antea enim, & admi-  
 rabilis consiliarius, & Deus fortis, & princeps pacis, & Pa- *Iſai. 9.*  
 ter futuri sæculi, & Emmanuel dictus est, cum vero apertū *Iſai. 7.*  
 fuit

## 184 In festo Circumc. Dñi

Ca. 1.

fuit Incarnationis mysterium nomen hoc, est Angelico præconio promulgatum, & hodie cum nostræ salutis opus iam est inceptum, cum apparuit benignitas, & humanitas Salvatoris nostri Dei à parentibus Divino iussu admonitis est vocatum. Ita Oleum effusum nomen Iesu, quod antea vase divinitatis clausum continebatur, nunc verò effusum, atque abundanter exundans omnia misericordiæ pinguedine irrigat, omnia suavitatem, atque fragrantiam replet, ò sanctum, ò summum, ò admirabile nomen, quo ab æterno iam Dei Filius præditus fuerat, quod nec ab aliquo illi hodie fuit impositum, sed vocatum: Vocatum à Deo, vocatū ab Angelo, vocatum ab hominibus: vocatū à Deo Patre, in summo illo Trinitatis confesso: vocatum ab Angelo antequā in utero conciperetur: vocatum vero ab hominibus cum humanæ salutis opus innotuit: nomen quod cum antea tipice de quibusdam aliis fuerit usurpatum, verè nunc de illo cuius erat proprium est vocatum, nomē quod virulenta omnia pellit, demones eiecit, & lætalibus atque perniciosis rebus vim omnem nocendi adimit, nomen quod est super omne nomen, quod nedū humano eloquio laudari, aut exornari non potest, sed ne Angelico quidem effatu pro dignitate pronuciari. Quod si maximo Dei immortalis beneficio nobis hodie tanti nominis fulgentissimum, atque saluberrimū iubar effulset, si tantam hodiernus dies nobis attulit lætitiā, in quo tam benignum, tam mansuetum accepimus Redemptorem, ut quamvis innocentissimus voluerit circumcidi, sanguinem fundere, ac præ nimia doloris acerbitate vagitus, & lachrymas emittere, æquum profecto erit, & cōsentaneū, cum tot culpis obnoxios tot criminibus obstrictos nos agnoscamus, si quidem Christi doloribus ipsi euasimus à dolore, saltem illius doloribus compati, ac si manifesta carnis circumcisione non circumcidimur; circumcidi tamen circūcisione cordis in spiritu, perfectior namque nostra hæc circūcisio spiritalis, quæ per baptismum in toto corpore efficitur esse debet, quā fuerat prisca illa carnalis, quæ in vno tantum corporis mēbro exercebatur; non vnum igitur, aut alterum vitiū circumcidere debemus, sed affectus omnes, crimina omnia refecare. Circumcidamus superbiam, Christi humilitate, qui cum innocens esset, noxiarum vicem hodie subire non est dignatus: Circumcidamus auaritiā eiusdem

eiusdem liberalitate, qui recens editus pretiosissimum sanguinem, & cum sanguine cuncta etiam bona libentissime nobis est elargitus. Circumcidamus corporis voluptates, acerbissimo Christi dolore, quem adhuc tener infantulus, usque ad effusionem sanguinis, usque ad lachrymas, & gemitum perpeffus est. Circumcidamus segnitiam, qua in oratione, in ieiunijs, in poenitentia torpescimus, celeri eius festinatione edocti, qui statim post octo dies voluit circumcidi. Nemo se imbecillitatis excusatione defendat, Christum hodie vnus quisque aspiciat, & contempletur, ætate infantulum, natura tenerum, ac delicatum, nobilitate, & generis præstantia Diuinum, quæ omnia ad doloris vim, acerbius perferendam faciunt, hæc tamen aduersus Christi erga nos flagrantissimum amorem nullam vim habere potuerunt, quominus effractis repagulis ad dolores, ad vulnera, ad sanguinem properaret. Saluberrimo igitur illius exemplo repellatur ignauia, constringatur libido, respuatur auaritia, comprimitur superbia, excitetur fides, imploretur, & nomen Iesu, & sic demum, non modo diem hunc festum, digne, ac late celebrare, sed ex illo etiam abunde fructum percipere poterimus, ope & auxilio illius adiuti, qui nos hodie suo sanguine expiauit, vt in ciuitatem illam cælestem nos introduceret, benigneque sui confortes efficeret.







IN F E S T O  
E P I P H A N I A E  
D O M I N I .



O R A T I O P R I M A .



I quondam frequentissimam panc-  
gyrim Olympiæ visendi cupiditate  
conuocabant, si celebres scenici lu-  
di Latium, Italiamq; vniuersam  
sedibus excitari suis ad ferarum,  
hominumq; cedes cogebant, quam  
hodierna die multitudinem, non  
didam hominibus Beatissime Pater,  
sed cœtulum Ciuium confluere  
par esset, vti pulcherrimo, iucun-

disimoq; spectaculo incredibili, cum voluptate auditatem  
pascere oculorum? Augustus ille noster, quem cœli, ter-  
ræq; molitorem, inter disruptarum nubium fragores hor-  
rendos fulminantem trepidi venerabamur, formidabili sce-  
ptro deposito, exutus Imperatoria chlamyde lucis æternæ  
detentis radijs, ad id hodie facilitatis venit, vt in gratiam  
nostri, & partes hominis agat, & quidem peccatoris: vbiq;  
tamen naturæ Diuinitatis interlucente fulgore. Audite  
miseri, audite mortales, nouû, sed vere dico in scena Deus,  
cum & stellis nouis fenestratum cœlum ad spectandum vi-  
deamus, & faces in sublimi plaga radiantes, & affusas terris  
cœlestium turmas, & Orientem conuulsum sedibus, festina-  
tione celerrima ad Regem suum properantem. Vox eni-  
cele-

celeberrimi præconis omnes terrarum partes peruasit, mortales, cælestesq. excitauit: Apparuit benignitas, & humanitas Saluatoris nostri. ac si disertioribus verbis admoneret, si parium illud, quo Dei præpotentis tegebatur in homines. amor, iam esse demissum, affulsisse repente diuinissimas formas benignitatis, & humanitatis Dei, ad quarum spectaculum liberalissimis pollicitationibus inuitamur: siue enim conuertas oculos in eam Diuinæ scæntiæ partem, è qua recentis syderis sol nouus effunditur, nos è densissimis tenebris scelerum, benignitate Diuina in lucem filiorum, Dei traductos esse despicias; siue cernas in Iordane purissimi Corporis lauacrum, ad tergendas animarum labeis torrentes cælestis gratiæ ab humanitate Dei nobis in cursum actos esse comperies; seu denique præpotens virtus inter conuiuales epulas ludens, liquores in alienam naturam transire iubens, consideretur, ærumhas, doloresq. nostros in lætitiæ, voluptatisq. segetem cecidisse deprehendes: adeo, ut non iucunda solum, sed salutaria panduntur spectacula mortalibus, ex quo in terræ thesauro apparuit benignitas, & humanitas Saluatoris nostri.

Ille quidem, cuius potentia nullis est circumscripta terminis, rebus omnibus intimus, qui exclusus ab omni sede, ubiq. versabatur, nunc, si fas est dicere, se purgat in lucem clariorem, & nostram indutus humanitatem, aspectabilis nostris oculis accedit, & quamuis rerum mutans ingenia, ac naturas, & cæli non inanimis modo splendores, sed viuentes etiam ad suum obsequium aduocans, immensarum virium hodie non obscure specimen edat; videri tamen vult exhibuisse mortalibus spectaculum benignitatis, non potestatis.

Veniet, nec serum veniet tempus illud, quando manibus cum hoste collatis, oppositas cruciatuum acies perdet patientia, delebit mortem, inferorum transcendet vallum, castra inimica deripiet, opima spolia in Patrium Regnum potentia reportabit; in præsentia clementiæ, humanitatisque famam apud mortales tantisper colligit, & in eos humanissimum Ducem agit, acturus in suos hostes tremendum inferorum vastatorem. Utamur opportunitate temporis, utamur benignitate, cum hæc vna (nobis licet immeren-

tibus) in rerum nostrarum administratione, & cura dominetur.

Neque enim hodie Paulus intonuit: Apparuit bonitas, potentia, aut quid simile Seruatoris nostri, sed vnam benignitatem, humanitatemque ingerit nostris auribus. An quia inquit Ambrosius, bonitas precibus, benignitas sine precibus? Cum haud nostræ, sed vatum sanctissimorum supplices voces, ac lachrymæ terris largitatem Diuinam conciliauerint; cum Deo aures continenter verbis ijs resonarent, Utinam disrumperes cælos, & descenderes. Qui sedes super Cherubin, manifestare coram Ephraim, & Manasse.

*Isai. 64.*

*Psal. 79.*

*Basilij.*

An quod ex Basilij sententia bonitas meritis, benignitas confertur immeritis? Quid enim sceleris, quid flagitij mortales prætermiserant? Quo piaculo, manus non turpificauerant? Diuinissimi Numinis tam crebro, tam facile, etiam per contemptum, ac iocum violatores? Et tamen Rex noster humanissimus fontes aperit benignitatis, fordes eluit animarum, restituit in pristinum gratiæ locum, donis locupletat, & in partem vocat hæreditatis amplissimæ.

*Ioan. 1.*

Hoc enim est, quod cælestium arcanorum conscius Ioannes enunciat: In propria venit, & sui cum non receperunt. Quot quot autem receperunt eum, dedit eis potestatem, filios Dei fieri. In seruitutem Dei adscitos nos esse, parum fuerat benignitati Diuinæ in gratiam, in amicitiam, in bonorum communionem euexisse, parum artissimo charitatis vinculo, ut filios Patris sibi nos voluit alligatos. Quid enim charius, quid indissolubile magis paterna in generatum sollicitudine natura tulit, in quibus, & sanguinis, & voluntatum, & bonorum communitas est, æterna vtriusque beneuolentia, odia momentanea, in quibus si Pater sequitur, iuuat: si irascitur, prodest, amat, non amatus, fugientem sequitur, contemptus, & reiectus inquit latitantem, gemit ambitu, lætatur reditu, amplexus expedit, ruit in oscula, suauissimis lachrymis condit dolorem mutuum. O verè Pater misericordiarum, ô Deus totius consolationis! Dedit eis potestatem filios Dei fieri. Quid ita? Quia in propria venit; Quia apparuit benignitas, & humanitas Saluatoris nostri.

*1. Cor. 1.*

Atque hinc factum est Illustrissimi Principes, ut huma-

na na-

næ naturæ participes, post quam ad id honoris sunt eue-  
cti, haud amplius in sacris monumentis, ante cælestes Ci-  
ues procubuisse legantur, si quando se in illorum dederunt  
aspectum, quia in Apocalypsi Ioannes, non sine magno ho-  
nore verborum excitatur è solo, cum vnus è beatissimis *Apoc. 19.*  
incolis cæli, se conseruum fateatur eius esse, quem infinitis  
fere partibus naturæ nobilitate præstabat. Hinc il-  
la natio, quæ solis orientis perusta radijs; verum tamen  
solis lumen aspexerat nunquam: illa quæ molibus in al-  
tum extructis cælum petere ausa est: illa, quæ diuinos  
honores vero numini abdicatos, bestijs inmanibus com-  
muni calculo decreuerat, quam non semel per suos exer-  
citus præpotens Rector conciderat, cuius cõmunione addi-  
ctum sibi populum interdixerat, hodie benignitate singula-  
ri, non tam noui syderis, quàm veri luminis aspicit lu-  
cem, & ad interius, & familiarius admissa colloquium, Re-  
gem suum præsens veneratur. Apparuit enim benignitas  
Saluatoris, Qui in propria venit; Et dedit potestatem fi-  
lios Dei fieri.

Sed quibusnam tantum munus est concessum diuinitus?  
Ex eodem fonte; & doni notitiam, & possessionis ratio-  
nem licet haurire: dedit potestatem filios Dei fieri, his  
qui credunt in nomine eius, qui non ex sanguinibus, ne-  
que ex voluntate carnis, neque ex voluntate viri, sed ex  
Deo nati sunt. Iræ leuissima de causa effervescentis in-  
cendia comprimantur, elata, & obstipa ceruix rigorem,  
superbum infringat, voluptatum fracta, & effeminata titil-  
lamenta sopiantur, aut spes tanti honoris, & commodi om-  
nino deponat. Num Caimus fraterno sanguine conta-  
minatus in filiorum Dei numerum digne scribitur? Num  
inter frædissima voluptatum volutabra degentes Gomor-  
rhæi? Num Babylonicæ molis Gigantes autores? An vero  
dignius inter eos talibus inquinati sceleribus sunt nume-  
randi, qui teterrimi hostis mancipia vilissima à vitæ excelsu,  
pro meritis æternas cruciatuum pœnas, idest debitam  
hæreditatem adibunt. Ex Deo nati sunt filij Dei, fidei or-  
namentis illustres, amoris facibus ardentes, & calore ad  
amantissimi Patris obsequium cæteros excitantes vnuer-  
sos. His insignitos laudibus, è postremis terrarum parti-  
bus profectos Reges clarere contemplemur, qui Diuina  
luce

luce freti barbarici fastus immemores, asperitates, viarumque incommoda superant, & male coementatam domum aulae caelestis non ignari venerabundi subeunt, diademata deponunt, procubunt in genua, matura ætate viri, & sapientiæ opinione cœlebres, & Barbari Reges ante Puerum, Virginemque diuitiarum, & honoris egregij contemptores. Hereditas magna est in Filium Dei transferri, sed venalis opum contemptu, magna dignitas potentissimi dominatoris, & esse filium, & appellari, sed animi demissione comparatur; humana denique natura, longe maiores vtilitates habet, benignitatem, humanitatemq. Seruatoris nostri affatim haurire, sed dolorum, laborumq. nonnulla tolerantia tanti muneris confirmanda, possessio est.

Impleatur itaque in nobis tanto lumine illustratis, benignitateque diuina circumfusus, quod in trium Magorum imagine præcescit, tota mente videlicet odia declinantes, superbiamque destruentes, humilitatem amplectemur; toto corde fœdissimas carnalium voluptates abiicientes, castimoniam puritatem diligamus; totis viribus diuitias omnes, terrenaque dignitates contemnentes, largitatem in Deum liberalitatem in pauperes habeamus, ac denique Apostolo docente, nos ab omni opere malo abstinentes, quæ sunt casta, & iusta sectemur. Etenim Stella, quæ hodie Regibus notum fecit

Christum in infantia latitantem, eundem nobis manifestabit in maiestate regnantem, ibique

non tam spectato-

res, quam

filij

nunquam interitura

voluptate perfundemur.



## ORATIO II.



**A**TENT diuina mysteria in huius  
sacratissimi diei lectione Euange-  
lica Beatissime Pater. Qui enim  
paucis ante dies paruulus, ac in-  
fans in præsepio nuditate, ac fri-  
gore miser fortasse iudicabatur,  
hodie dominator Dominus co-  
gnoscitur, vniuersi orbis Impe-  
rium suscipit; illius gloriam cali  
enarrant: A solis ortu vsque ad *Psalm. 18.*

occasum, nomen eius summis celebratur laudibus: Inimi-  
ci eius terram lingunt: Ita, furorq. principis tenebrarum  
flet, & ad illum adorandum reges terræ conueniunt. At-  
que dum linguæ cessant Prophetarum, sacra non desinunt  
Euangelij eloquia mirabiliter mirabilia personare. Nam  
inter diuina Regis Regum Natiuitas extollitur, Christus  
infans adoratur, Virgo mater summa pietate veneratur,  
inter caelestia, noua stella refulget, splendor è calo videtur.  
Inter terrestria, oriens nominatur, vrbs Hierusalem à re-  
gia dignitate inuisitatur. Bethlehem magna efficitur, domus  
Virginis illustratur, Magorum celebratur peregrinatio, hu-  
milisq. eorum colitur adoratio. Inter animi affectus, He-  
rodes cum tota Hierosolyma turbatur, Magi gaudent gau-  
dio magno valde. Inter visiones, fit somni recordatio. In-  
ter oracula responsum à bono Angelo auditur. Inter peri-  
cula, atque Herodis insidias, Magis præstatur securitas. In-  
ter pretiosa, thesauri aperiuntur, Aurum, Thus, & Myrrha  
offertur. Inter maxima, regia potestas comendatur, simulq.  
inter nobiles creaturas Angelus præmonstratur. Qua de-  
re in tanta huius sacri Euangelij copîa inopiam patior. O  
utinâ modo quantâ est huius lectionis Euangelicæ tractan-  
dy maiestas, & amplitudo, tantâ in me esset rerum, & ver-  
borum affluentia! Me certè non explodendum, sed audien-  
dum fore sperarem. Interim vt mihi diuina præsto sit gra-  
tia, supple x<sup>bro</sup>, ne frangar animo, sed tantum virium celi-  
tus



litus mihi addatur, quantum ademerat imago tante maiestatis .

*Ti. 2.*

*Mich. 4.*

*Matth. 2.*

*Pſal. 113.*

Illud itaque primum ſe nobis offert conſiderandum ſanctam Matrem Eccleſiam, Saluatoris noſtri Dei apparitionẽ proponere, vt nobis exploratum ſit, illum non operibus noſtræ iuſtitiz, ſed Dei bonitate ac miſericordia veniſſe : erudientem ſummo omnium gaudio, hunc diem celebrandum, vt impieratem, ac ſecularia deſideria abnegantes, ſobriè, iuſtè, pieque viuentes in hoc ſeculo, beatam ſpem, & glorioſiſſimum aduentum eius expectemus . Ac tam celebres apparitiones, Perſonam, Locum, & Tempus, ſanctum Euangelizantem perpendere edocemur ; dicentem, Chriſtum natum, eſſe in Bethleem Iudæ in diebus Herodis Regis , vnigenitũ ac dilectum Dei Filium, eſſe perſonam, non eſt qui ambigat : Locum Bethleem Iudæ, ſic enim ſcriptum eſt per Prophetã : Tempus Herodis Regis : Septuaginta enim hebdomadarũ Danielis tunc finis erat : O Diuinam Perſonam ! O decentem Locum ! O pleniffima Tempora ! quæ tria primus terrenus Adam, ſummo omnium dolore, ac mærore, ſibi nobiſque amiſit . Perſonam, quia vitam cum morte commutauit . Locum, eſt paradifo enim voluptatis eiectus eſt . Tempus, incidit enim in iræ, ac indignationis diem . At gaude in Domino , Beatiffime Pater, quia Dominus memor fuit noſtri, & benedixit nobis . Nam apparuit benignitas ſecundi Adami de cælo cæleſtis Saluatoris noſtri Dei , qui mortale hoc induit immortalitate, ex terreſtri nos ad cæleſtem locum tranſtulit, & totius mundi diſſipata caligine, noctem vertens in diem , totum nobis reddidit tempus acceptabile . Noſque omnes plaudamus manibus, quia ſi per hominem primo formatum , verſabamur in tenebris , hodie lux orta eſt nobis , hodie venit lumen noſtrum, hodie gloria Domini ſuper nos deſcendit . Loquatur laudem Domini os noſtrũ, benedicat omnis caro homini ſancto eius , quoniam quæ habuerunt illa primordia temporum, in plenitudine temporis copioſius & cumulatiſſime Chriſtus nobis donauit . Eo quod pro mirabili creatione hætenus miraculoſam Chriſti natiuitatem , pro decepta muliere , prudentiſſimam eius virginem Matrem , pro voluptatis Paradifo, Saluatoris præſepium , pro inuido ſerpente , Angelos pacis exultantes & miniſtrantes , pro tribus generibus condito-

rum,

rum fructuum, tria Regum pretiosa munera, pro Magno Deo ad modum irascentis Adamum vocante, Deum benignum, paruulum factum, pro firmamento fidem gentium, pro diuisione aquarum ab aquis, Magorum ab iniquo Herode discessum, pro congregatione aquarum in locum vnum, Israelitas Pastores, & Magos Gentiles, illi propè, isti longè, virique tamen ad angularem lapidem concurrentes. Mirabilia certè in lucis creatione fecit Deus, at dum omnia fecit: nouum sydus non minori potentia creauit, vt non virtute naturali, sed cælesti oriretur, non ad Chaldeorum curiositatem, sed ad Domini præsepe ostendendum: non Arithmetica ratione, sed sapientia Diuina metiendum, non celsu, sed Dei iussu: apparens, non calis impulsu, sed Domini cælorum nutu splendens, non syderum cursu, sed peculiari lege motum, non ab arte, neque à natura, sed à Deo conditum: non Astronomi scientiæ, sed conditionis sapientiæ subiectum, neque eo motu, ac temporis spatio, quibus ceteræ stellæ, sed prout iter peragentibus Magis fuit indicandum, interdum se celans, interdum apparens; die, noctuque prout opus erat mouebatur. Qua propter non immerito inferunt Magi: Vidimus enim stellam eius in Oriente, & venimus adorare eum. narrat insuper Evangelica lectio: Magos Spiritu sancto docente interius, & per signum exterius in cælo visum didicisse natum esse Regem Messiam; natiuitatis autem locum eos minime doctos fuisse, quod forsitan diuinitus factum est, vt per Gentiles, & Barbaros viros, legis scientiam non habentes, & Herodis, & Iudæorum durities comoderetur, vt si vellent resipiscerent, si nollent inexcusabiles penitus remanerent. Illegit siquidem infirma Mundi Deus, vt fortia quæque confundat, deprimat, contundat. Verum mirabile dictum! Annunciant Magi Iudæis Christi Natiuitatem, & de Natiuitatis loco Iudæos inquirunt, sed ad quid credant: quandoquidem credentes inquirunt? Forsitan ab humana ratione propriæ fidei quærunt experimentum? Tota equidem fides prorsus collaberetur, at tamen permanet in pristina fides integritate, & prudens, ac prouida eorum inquisitio valde comendatur: credunt enim ambulantes per fidem, inquirunt cupientes per spem, innocentes inquirunt, vt accipiant responsum, & ita

stellæ, & Iuliorum geminato testimonio confirmati, vberimā erga nos charitatem ostendunt, atque dum Regem continentur futurum, dumque crudelissimum non verentur præsentem, eorum nobis animi fortitudinem, atque liberalitatem egregie patefaciunt, simulque nos docent inanditum, ac nouum iter ab illis, non ad terrestre Regnum, sed ad cæli imperium acquirendum fuisse susceptū: & sic cælorum nondum cognoscentes Imperatorem, illius (d uina luce inspirante) facti sunt confessores. Si quis autem vestrum est, qui miretur, tantam in primitiis gentilium liberalitatem, fortitudinem, religionem, pietatem, fidem, spem, & charitatem: hic admiratione deposita, cogitet, eos non ab Aquilone, aut ab Occidente venire, sed ab Oriente, vnde splendor veritatis, vnde sol iustitiæ, vnde corporum, animarumue salus oriri solet. O vos beatos Reges, qui ab orientali plaga, ad Christum orientem accessistis, à stella ad solem, à Mediterraneo ad Oceanum, quin potius ad mare vastissimum, cuius gratiarum flumina, ita semper redundarunt, vt cunctos bibendi auiditate cupidos, & implere & explere facile possint. Præterea quàm semper fuerit Hebræorum, atque Gentilium, dispar ratio, lecta Euangelij historia ostendit: Hebræos enim nec ignea ingens, ac noua columna potest ab illa inaudita perfidia remouere:

Gentiles vero Magi, vnius stellæ intuitu serena fronte, hilarique animo ad Christum properant: illi singulis horis legem euoluentes, ac in ea gloriantes, per legis præuaricationem, legis conditorem inhonorant, isti verò barbari homines, legis penitus ignari, ad Deum colendum, parati, ac animati sunt: illi non modo non cognouerunt Deum, sed etiam oculis cernentes illum negare sunt ausi. Isti alieni, ac exteri homines intra Hebræorum mœnia, intra illorum domos Christum natum requirunt, quæsitum inueniunt, inuentum adorant: illi ciues & domestici, Christum iuuenem cruci affigunt, isti hospites & aduenæ, de longinquo venientes, Christum infantem adhuc vagientem in cunis venerantur: Hebræi, quos velut oculorum pupillas charos Deus habebat, Christo prædicanti, oracula Prophetarum exponenti, surdorum aures, cæcorum oculos aperienti, mortuosque velut è somno excitanti credere

dere noluerunt, primitiæ vero gentilium non loquenti, sed nouam stellam ostendenti fidem adhibent, gaudioque magno valde gaudent; illi autem fallacijs & dolis pleni, vñ cum Herode, de Filio Dei nato turbantur. O pessimum hominum genus, qui non solum viam veritatis agnoscere spreuerunt, sed etiã ex bonitate eam ingredientium, tristitiam, atque animi perturbationem conceperunt!

Audiens autem Herodes Rex turbatus est, & omnis Hierosolima cum illo. Nos vero rebus nostris, animarum, inquam salutem, iam tandem consulamus, & Dominum Deum nostrum, cui seruiunt omnes gentes, quem adorant omnes Reges terræ, cum Magis toto cordis affectu obseruemus, veneremur, colamus. Quem adorare volentes, apud virginem Matrem inuenire debemus, in domo, quæ est Ecclesia Dei extra quam, nec puer adorandus, nec donorum Spiritus sancti plenitudo inueniri potest. Domum verò ingressi Magi procidentes, & vt pie creditur lachrymas effundentes, aiebant: Ecce offerimus tibi aurum vt Regi, thus vt sacerdoti, myrrham vt mortali. Myrrha sepulturæ deseruiens fidem resurrectionis nostræ insinuat, qua renunciamus mundo tibi conssepelimur. Thus ascendens spem futuræ gloriæ designat, qua promissionibus rapti celestibus, quæ sursum sunt querimus, non quæ super terram. Aurum cunctis pretiosius charitatem Dei & proximi demonstrat, quam possidentes, sciant cuncti nos in Deo, & Deum in nobis manere: Aurum, quia erit pretium nostrum in Cruce: Thus, quia sacrificium: Myrrha denique, quia medicina.

Indigni igitur tanto Patre erimus, indigni tam pia Matre, indigni his tribus Fratribus natu maximis iudicabimur, nisi apertis cordis nostris thesauris, nosmetipsos, & quicquid sumus Christo donemus. Quare huic summo Regi tria hæc munera deferamus, si nederem in primis solè didissimum mentis nostræ habitum, quæ velut aurum metalla, singulas animi nostri operationes antecellit, atque moderatur; conscientiam deinde puram, quæ ita redolet, vt thure etiam sit fragrantior, prouidentiam postremo, quæ non solum vt myrrha corpus à periculis seruat, sed etiam mores animi temperat, effrenatas cupiditates cohibet, vitæ tranquillitatem, & pollicetur & præstat. At vicissim

sim bene erimus Magorum apparatus imitati, si de strato culparum nostrarum surrexerimus, si à mala consuetudine ante ætæ vitæ recesserimus, si pacis, & veritatis viam ingressi, cælestem Hierusalem adire studuerimus, si oculos ad cælum diuinæ gratiæ fulgorem attendentes, eleuauerimus, si domum orationis, nostrique cordis intima penetralia ingressi fuerimus, si exultantes, & iubilantes cum lachrymis lætæ compunctionis permanserimus, si denique Sanctorum suffragia acquisiuerimus, In his si die noctuq. curæ nostræ inuigilauerint orietur Dominus super nos, & gloria eius in nobis videbitur, præsertim si conuersa fuerit ad nos multitudo maris, magnum nempe auxilium B. Virginis, quæ huius fluctuantis Maris portus est & stella, & fortitudo gentiū venerit nobis, præsidium inquam Sanctorum, tunc in cælesti illa gloria facie ad faciem videbitur, omnibenedictione asiluemus, præ magnitudine Regis cor nostrum mirabitur, & præ exultatione dilatabitur.

## O R A T I O III.



**C**UM multi dies festi diuinitus ad recolenda redēptionis nostræ mysteria, Pater Beatissime, solemnes à maioribus sint instituti, & Christiani populi frequentia per orbem vniuersum consequutis retro temporibus à fidei exordijs, ad hanc vsque ætatem concelebrati fuerint, nihil tamen præclarior quàm quod more & instituto, scilicet Dei Ecclesiæ dies festus ille anniuersaria læticia recolitur, quo tres Reges, ab Oriente ad veneranda Nati Saluatoris incunabula, diuina luce præmonstrante, largis muneribus, ac magnificis donis largiori tamen, ac penè inexplicabili fide, ac pietate peruenerunt.

Cum enim duas gentes, duasque nationes Christo Domino despondendas fuisse allegoricòs in Sarra, atque Agar uxori-

uxoribus Abrahæ, & in Anna & Phenennâ Helcanę coniugi-  
bus præsignificatum fuerit, ac vaticinatione Isaïæ, & Olæe  
prænunciatum: Israelitas primum in fide Patriarcharum,  
ac Prophetarum per annos bis mille succedentium, vniuer-  
sum deinde terrarum Orbem, & cunctas sub cælo nationes,  
quarum fides, & pietas Israeliticæ fidei, & ambitum, &  
fastigium superexcederet. Hanc ob causam vtriusque na-  
tionis primitias veluti vtriusq. coniugis primogenitos nu-  
per Nati Dei infantiz decebat deuoueri. Ex Hebræa gen-  
te primum Pastores, qui Angelorum adhortationibus san-  
cta rusticitate eadem nocte ortum venerati sunt. Ex gen-  
tibus autem Magos, qui Regia magnificentia, ac pia reli-  
gione, iam duodecim dies Natum adorauerunt: Quod si  
tanto gaudio, tantaque animorum alacritate dies ille ce-  
lebratus est, quo Pastores incolæ Iudæicę regionis satis an-  
gustæ personam gerentes populi rudis, ac infirmi, & adhuc  
sub pædagogii cura degentis nullis fortasse muneribus, vel  
ijs tantummodo syluestribus, aut rusticis Dominum hono-  
rauerunt, quanta lætitia celebrandus est hodiernus, ubi sa-  
pientes Reges, ac Sacerdotes omnium gentium per vniuer-  
sum mundum effusarum personam subitinentes, à terræ co-  
gnitæ extremis regionibus venientes, pia, regia, ac vere di-  
gna Deo munera obtulerunt.

Celebrauimus tunc diuini beneficii largitatē, qua Israel  
reliquis nationibus in vias suas abire permisis, in peculia-  
rem populum, vt diuinis eloquijs erudiretur segregatus;  
atque electus fuit: cuius gratia dicebatur, Notus in Iudæa  
Deus. Celebramus nunc Dei nostri ampliorem benignita-  
tem Patribus per diuinum Prophetam promissam, Et reue-  
labit Dominus brachium sanctum suum in conspectu om-  
nium gentium, & videbunt omnes gentes salutem quæ est  
à Domino. Cuius beneficentię causa Deus per Malachiam;  
magnum esse dixit in gentibus longe, lateque à solis ortu  
ad terræ terminos nomen suum. Hodie enim Dominus  
postulauit à Deo Patre hæreditatem, & recepit omnes gen-  
tes: petijt possessionem, & recepit terminos terræ. Hodie  
Deus Pater perfecit, quod Isaia prænunciante promise-  
rat Filio: Viri sublimes ad te transibunt, & tunc erant,  
et te adorabunt, teque deprecabuntur. Hodie populus qui  
sedebat in tenebris lucem magnam prospexit, & qui tanto

Psal. 75.



iam tempore sterilis erat, Diuina gratia prægnans factus, tergeminos tergeminis honoribus decoratos peperit. Quis nostrum de tot Regum vocatione, & illis donatæ fidei magnitudine Domino omnium bonorū largitori ingentes gratias non referat: illi enim inuicti laboribus, infracti periculis, patria relicta omnibus rebus posthabitis, totos se in exquirendo recens nato Puero collocarunt, & tam longi itineris spatijs emensis stellæ lumine inuitati, & Diuina gratia illustrante attracti, Bethleem perueniunt adoraturi Regem, non militum choro constipatum, vallatum exercitu aut populū frequentia circumseptum, vel sustentatum Paterna potentia, sed vilibus pannis inuolutum in squallido præsepio iacentem, humili tugurio coopertum, ortu recentem, corpore exiguum, contemptissimæ paupertatis, in quo nullum appareret potestatis specimen, sed magnū ostenderetur humilitatis argumentum. verum apud illorum mētes humilitas Natiuitatis, reuerentiam Diuinitatis nihil immiuit, sed quem videbant in præsepio iacere, dominari credebant in cælo, & quem sciebant in lucem hanc tunc temporis ortum, ante omnia tamē tēpora processisse ex Patre credebant: adoraueruntq. in infirmitate virtutē, & in humana carne Dominum maiestatis. Dies me deficeret enarrantem magnitudinem fidei, quam illi oblatores munerum qualitate, varietate, ac copia feliciter explicauerunt ex intimo enim corde pœnu purē ac neruose eam fidem suppeditasse, creduntur, ad quam extrinsecis officijs ostendendā ē regijs thesauris munera liberalissime, ac profusissime deprompserunt; quibus natum infantem Deum Regem, ac Sacerdotem fatētes, ac proflantes in omnium populorum persona adoraret vniuersitatis Authorem, captiui generis humani Redemptorem, ac Principem Regum mundi. In quibus donis documenta, quæ præsignificantur, magis animo capi, quàm enarrari decet: tot enim sunt, vt prætermessione, atque silentio euitarim. suspicionem ostentationis. Id dicam tantummodo tres hos. e Reges, qui magno quidem, atque excelsō animo per salebras iter suum contulerunt ad Christum, vt quo possent modo prælucērēt nobis, seseq. fidei, ac pietatis nostræ praberent duces, ita de nobis benemeritos esse, vt concipere non valeam quāto, ac quali cultu illorum animæ sint à nobis venerandæ, & quibus monumentis illorum nomina

mina sint cōsecranda. Qua enim religionis pietate, aut quo filiali amore erga tantorum Patrum memoriā defungi poterit, filiorum animus non ingratus? Nihil profectō agere possumus quo illos plene, ac pro mēitis veneremur: inter cardines certe reponendi sunt super quibus versantur fidei Christianæ ostia, censendiq. sunt fecundissimæ radices, unde gentiū fides pullulauerit. Interest igitur nostræ pietatis, & illorum meriti, vt facta sua non modo clara, sed etiā præclara nobis iugiter ab oculis proponamus, ibiq. pedem figamus, vbi tantorum virorum impressa sunt vestigia, & cum illis tam digna munera, e regijs thesauris deprompta offerentibus, & nos aliquid symboli ex nostris humilibus sportulis subducentes conferamus. Illos ad Christum perduxit stella, quæ non in nocte tantū, sed lucente prorsus die, ac Sole fulgente etiam illo ipso clarius collucescebat nos, ad eundem perducat Diuinæ gratiæ lumen, quod inter tenebras sapientiæ humanæ humilibus mentibus fulget. Illi ab extremis terræ Regionibus Hierosolymam, vt natum Regem Iudæorum inquirerent, sunt profecti, nos à patria sua, quisque à mundanis inquam voluptatibus ad Hierusalem ciuitatē Dei vbi templū est Spiritus sancti, puritas conscientiæ, Christum inquiramus. Sicut enim illi Puerum cum Matre, vt recens natum decebat, & adhuc infantilibus fasciis colligatū inuenerunt, quo quasi indicio ab eis cognitum innuit Euangelista: ita nos eundem iam virum factum reperiemus, iuxta Adami Prophetiam cum coniuge Sancta Dei Catholica Ecclesia conuersantem, quo argumento internoscendum à nobis fore Dauid præmonuerat: Astitit Regina à dextris tuis. Et tandem quod illi adorato Domino, muneribusq. ei oblatis sunt consequuti hoc, & nos consequemur, si munuscula Fidei, Spei, & Charitatis nostræ obtulerimus, & hodiernum Dominicæ Epiphaniæ diem, non modo anniuersaria, sed etiam iugi celebratione frequentabimus, ac recolemus, si in omnibus actibus nostris Dominus Iesus appareat.



## ORATIO IIII.



Matth. 2.

can. 60.

**R**ITA sunt, Beatissime Pater, quæ sibi mutuo recta ratione respondent. Inter cuncta absolute Deus. Inter sensilia lux. Inter animi perfectiones virtus: Hæc adeo sunt coniuncta, ut lux & virtus ad Deum viz pulchre dicereantur. Horum vero eminentiam, ac præstantiam, tum Isaïæ, tum Matthæi Evangelica lectio demonstrat, in quibus hæc tria egregie manifestantur. In Evangelio, Deus homo factus adoratur. Lux novæ stellæ fulget. Magi virtutibus ornati, visa nova luce, ad Deum properant. Qui cum Hierosolymam venissent, primo lux se offert, quia ab Oriente veniunt. Deus inquiritur. Vbi est, qui natus est Rex Iudæorum? Virtus apparet, & venimus adorare eum. Ex inde cum ab iniquo Rege dolose loquente discessissent, lux statim videtur: Et ecce stellâ quam viderant in Oriente, antecedebat eos. Deus illis non absconditur. Intrantes domum, inveniunt Puerum. Virtus non abest, quia procidentes adoraverunt eum. Immo Deum, luce, & virtute, colunt, adorant, venerant. Nam auro cunctis preciosiore, supremum Deum præmonstrant. Thure ex lucido igne, fragrantem, clarâ lucem insunt. Myrrha denique electa, laudabilem virtutem designant. Hæc tria pariter totâ Isaïæ lectio manifestat. Virtutem, Surge illuminare Hierusalem. Lucem, Quia venit lumen tuum. Deum, Quia gloriâ domini super te orta est. Deum, Super te autem orietur dominus. Virtutem, Et gloria eius in te videbitur. Lucem, Et ambulâtes in lumine tuo. Lucem, Omnes de Sabba venient, aurum, & thus, deferentes Virtutem, Tunc videbis & afflues, & mirabitur, & dilatabitur cor tuum. Deum, Et laudem domino annunciantes. Quare merito die ista quam Epiphaniâ appellamus, aduentum Magorum, Christi baptismum, & primum illud insigne miraculum, vinum ex aqua factum recolimus. Aduentum enim

Mago-

Magorum in stella noua, lucem præmonstrat. Pater in baptismo, Deum Filium manifestat, & in aqua vinum facta, diuina virtus elucet. In hac igitur Sanctorum luminum, solemnitate, Deum supplex oro: vt sicut de virtute, luce, & deo sum dicturus, ita in salutis fructum lux, in deo, & virtute perspiciatur; virtus in luce, & deo laudetur; & deus, in virtute, ac luce magnificetur. Magnas vires habet potens, ac splendida lux, quæ non modo homines ad sui admirationem allicit, ac per illam ornamenta cæli, terræ, & hominum cupidissimè videntur, verum etiam pulchrum & turpi distinguit, cæterisque rebus vitam habentibus, egregiè deseruit. Quæ vt fida solis comes, flumina, fontes, lacus, terram, & mare, immo vero cælos omnes, aperit nobis ad dei mirabilia altissimè contemplanda, ac summa cum iucunditate, nostros illustrat oculos, vt corpora diaphana nobis liceat, lumine perspicuo suauissimè penetrare. hæc splendorem emittit, qui cum solida corpora non ingrediat, ad nos lucidissime se reflectit. Nisi lux esset, omnia prorsus in terris quasi exanimata, sine pulsu, sine spiritu, sine ornatu iacerent. Verum omnis lux humana, quæ diuinam vnde manauit, non suscipit, admiratur, ac amat, non lux, sed obscuritas quædam est appellanda. Quotus enim quisque hominum est, qui vitam nostram, lucem dicere possit sine Christo, si ipsa mors est, & sepulchrum animæ teterimum? Hodie ad hanc lucem sacra Isaiæ lectio nos excitat clamando: Surge illuminare hierusalem, quia venit lumen tuum. Qua dulci vocatione consentaneum est, mentem nostram ob tantam lucem nobis exortam, omni serenitate lucere: voluntatem, omni tranquillitate gaudere, & cor nostrum omni gaudio exultare. Rideat vestra frons hilaritate, vultus læticia gestiat, vox & oratio mea, omni exultatione Dei cumulata triumphet. Est, est quod gaudeamus cum læticia Patres: est, quod lætemur cum triumpho: est, quod triumphemus cum corona. Lux orta est nobis, stella nobis apparuit, & non gaudemus? Deus se nobis manifestauit, & non lætabimur? Virtus Magorum, in Euangelio, tamquam adamas in auro splendet, & non triumphabimus? Venite: venite omnes, exultemus Domino: ob tantam Magorum virtutem: Venite, iubilemus Deo salutari nostro, ob Deum incarnatum. Præoccupemus fa-

ciem Domini, ob tantam lucem. Hæc est illa lux, quæ in principio fuit vita hominum; omnia viuificans, omnia distinguens, omnia collustrans. Sed proh dolor! video omnia lucem appetere, omnia lucem exoptare, & nos inter creaturas visibiles, nobilissimos in tenebris, veluti mortis versari, ac confundi. Hanc ob causam ad alta, sublimia, & diuina nos Sancta Mater Ecclesia excitare, erigere, & inflammare cupit, dum talia canit; Surge illuminare Hierusalem. Surge, quia luce Christi, nil pulchrius ad aspiciendum. Illuminare: quia nil amabilius Christo ad fruendum. Venit lumen tuum, & gloria Domini super te orta est, quia nil Christo diuinius ad contemplandum, Surge, quia lux Dei donum est, non dico hominibus tantum, at auibus, at piscibus, at feris, & belluis etiam iucundissimum. Surge, quia Dei Tempia orationibus, sacerdotibus, & luminibus lucent. Lucet hæc alma Roma; illa inquam Roma, quæ olim Dictatoribus, Imperatoribus, Monarchis, virisque tum litteris, tum armis, cæteris nationibus anteponendis, mirè decorata fuit, nunc ob tot purpuratas, ac micantes gemmas, & Pastores zelo ac scientia splendidissimos, magis magisque refulget. Lux igitur fouet, ac moderatur omnia, lucis beneficium sentiunt omnia, luce gaudent omnia. Quis Magos ex oriente duxit cum muneribus, ad Christum natum adorandum? Stella, stella: Lux, lux. Quis mundum illuminauit vniuersum? Christus lux mundi incomprehensibilis, & infinita. Quare non est quod miremur, si Magi dum hanc lucem quærunt anhelantes dicunt: Vbi est qui natus est Rex Iudæorum? Nam veritas est illa, quæ primo intellectui nostro optanda occurrit. Lux vero quæ oculis ante omnia appetenda se offert. Christus autem simul, & lux, & veritas est. Exultat, descendit, illuminat, fouet, calefacit, penetrat Christus, quia lux est, & lumen & splendor Patris. Ad se conuertit gentes nostra lux, quia bona, ad se allicit Magos, quia pulchra; ei dantur munera, quia suauis. Præterea si lux rebus vitam iucundissimam; Christus nostra lux dat vitam æternam. Si lux est splendor omnia distinguens; Christus est ille qui segregat agnos ab hædis. Si lux est emanatio quædam subita & lætissima; lumen & splendorem in inferiora diffundens: lux nostra, Chri-

Christus omnia illa in nos confert beneficia, quæ à supremo luminum Patre descendunt: nam ipse est lux mundi clarissima purpura cæli, navigantium directio, oculus nostris, & facies omnium rerum. Vultis intimius lucis spectare naturam? Sine lucis diminutione, ab ipsa lumen emanat. Sic Pater generando Filium non decrescit, nec diminuitur lux, nec prior est lumine, nec lumen sine luce reperitur. Filius quamvis sit à Patre, & Spiritus sanctus à Patre, & Filio tamquam ab vno principio, in hac tamen sanctissima Trinitate nihil prius, aut posterius, nihil maius, aut minus, sed totæ tres personæ coeternæ sibi sunt, & cœquales. Semper lumen fuit à luce. Pater ob virtutem infinitam semper generat Filium, Filius, & Pater, semper producit Spiritum sanctum. Sine passione lucis lumen habemus. Absquæ passione Pater generat Filium in diuinis, & Mater sine dolore peperit hominem in terris. Lumen non maculatur, nec maculat. Christus non maculatur, quia Sanctus Sanctorum est: omni labe caret, quia de peccato nullus poterat eum arguere; Lux dubia ad visum pertinentia declarat, gaudium assert, omnia corpora diaphana penetrat; Christus omnia declarat, stupebant omnes qui eum audiebant, super prudentia, & responsis eius. Gaudium omnibus assert, Nunquid possunt filij sponsi lugere quandiu sponsus est cum illis? Penetrat corda præparata: Ego sto ad ostium, & pulso, si quis mihi aperuerit intrabo, & cœnabo cum illo.

Luc. 2.

Mar. 1.

Luminum tria dantur genera, nimirum Solis, Lunæ, & stellarum. Fulgentes stellæ sunt Magi. Pulbra Luna, est Mater Saluatoris. Sol iustitiæ, ipse est Christus Deus noster. O Deus, ò lux, ò lux, ò Deus. Verum nè vt scrutator Maiestatis opprimar à tanta luce & gloria, vtque tandem riuli nostræ orationis claudantur, ad virtutem me confero. Virtutis ea est natura & conditio, vt per varios gradus ad primum ascendat principium, secum nos eleuet, nec vnquam requiescat, donec cum illo nos coniunxerit: & iure quidem optimo cum vniuersa virtutis parens sit Deus, tum pro facultate parentem querit, in eo conquiescit, à quo vitam, spiritum, præmium, postremamque recipit perfectionem: ideo qui per gradus virtutum,

Apo. 2.



progreſſitur, ad Deum eleuatur. Hinc ſanè factum eſt, vt fide, ſpe, charitate, cæteriſque virtutibus præditi ſint Magi, quia ad Deum toto corde properabant. Fide enim illuminati credunt eloquijs diuinæ Scripturæ. Spe ducti, longum ſuſcipiunt iter, ac vt gentium præclare primitiæ, Chriſtum paruulum, cæteris mundi opibus præferentes, inſignem charitatem oſtendunt. & dum pacificum Regem, futurum conſtitentur, dumque ſcuiſſimum non verentur præſentem, animum egregia fortitudine, iuſtitiaque munitum declarant. Et quando per aliam viam (Diuino aſſante ſpiritu) Herode neglecto, reuerſi ſunt in regionem ſuam, eorum prudentiam nobis patefaciunt, ſimulque, procidentes, & adorantes, ſuam nobis humilitatem, ac religionem indicant. Muneribus denique Saluatorem noſtrum, Regem Sacerdotem, ac mortalem conſtitentur: immo natum Regem quærun, vt myſterium Incarnationis à ſeculis abſconditum venerentur, & quærun eum in Bethleem, quæ domus panis interpretatur, quo ſanctiſſimum Eucharistiæ Sacramentum inſinuatur. Amplius in Bethleem Iudæ proficiſcuntur, vt ore prædicent quod corde crediderunt, nam Iuda conſeſſio interpretatur. In diebus Herodis Regis hunc ſuum iter ſalutare conſciunt, quia plenitudo illa temporis aduenerat, qua Danielis Septuaginta hebdomadæ impletæ ſunt. De propria ſalute videntur ſolliciti Sacerdotibus dicentes: Vbi eſt qui natus eſt Rex Iudæorum? Vt ſapientes magna aggrediuntur, & ſublimia attingunt. Deum enim hominem factum quærun. Inter intellectuales creaturas, reſponſum à bono Angelo accipiunt. Inter cæleſtes noua ſtella antecedeſat eos. Inter elementares, magnum orbis percurrunt ſpatium. Denique ne rationales prætermittantur, Hebræorū ſapientes audiunt, Herodem alloquuntur, Virginem Dei Matrem venerantur. Quid plura? Bonum faciunt principium, quia ab Oriente veniunt. Melius ſanè medium, quia Hieroſolymam ſanctam Ciuitatem ingrediuntur. Optimum, denique ſinem, quia promiſſum quærun, quaſitum inueniunt, inuentum adorant.

De virtute igitur vnà cum Magis dicere nobis liceat: Vidimus ſtellam eius in Oriente, & venimus adorare eum. O nos felices, qui cum iſtis fratribus natu maximis, veri

veri adoratores nuncupamur. Et quauis primam vocem eiulantes emittamus, quia stellam Iacob vidimus, ideo, gaudere vnâ cum istis magno gaudio, possumus. Nos extra Paradisum voluptatis eiekti: nunc in domum orationis, quæ est domus Dei ingredimur. Mulier ab antiquo illo serpente fuit seducta. Hic verò inuenimus puerum cum benedicta eius Matre, caput serpentis conterentem. Primi parentis culpa, clausum erat cælum, quando autem tanta apparuit benignitas, & humanitas Saluatoris nostri Dei, aperti sunt cæli, & hodie Regum thesauri aperiuntur. Imolabant homines filios & filias spiritibus immundis. Hic Magi absque sanguinis effusione obtulerunt Deo munera, aurum, thus, & myrrham. Sine ordine, charitatis à Præstis illis mundus & quod suum est diligebatur. Nunc Deus Dominus noster, toto corde, tota anima totisque viribus, deinde proximus, pretiosissimo auro charitatis amatur. Terram spectantes, Deus non laudabatur. Hic thure orationes nostræ diriguntur ad Deum. Mysterium passionis Christi ignorabatur. Hic myrrha, magna pietate recolitur, secundum illud, Fasciculus myrrhæ dilectus meus mihi. Tandem exules à Patria cum essemus. Hic, vni cum Magis in regionem nostram reuertimur. O vtinam virtutis vires, ac bona, quæ in Euangelica lectione splendent, perfectè narrare, possem. Eius enim munere, defuncti viuunt, collocati in tenebris illuminantur. Pauperes, veris abundant diuitijs, serui fiunt Principes, humiles redduntur sublimes, deformes formosi, depressi eleuantur in cælum, & demum virtute nos Angelicam nanciscimur conditionem. Virtutis beneficio, veluti Orientalibus Magis Deum diligentibus, omnia nobis cooperantur in bonum. Qui hunc venerantur, Deum venerantur & colunt. Et si ardua, nobis videtur virtutis via; illud præ oculis habeamus, nil præclarum apud nos reperiri, nisi arduum, nil sublime, & pretiosum, nisi sudore partum, & quod animæ salutare est, sæpe videtur corpori amarum. Ad hanc autem virtutem, nulla talis reperitur exhortatio, qualis est peccatorum, dolens, & perfecta recordatio. Et in hac vita virtus non est, nisi diligere quod diligendum est, id au-

Cant.

tem diligere prudentia est, nullis inde auerti molestijs fortitudo est, nullis implicari illecebris temperantia est, nulla inflari superbia, iustitia est. Induamur igitur arma iustitiae, nosque ad iter accingamus salutare, & summi Dei Thronum precibus & humili corde adeuntes, diuinam eius clementiam exoremus, vt nos dum lux est, in Deo & virtute, sic & semper maneamus, vt cum istis sapientibus, in hoc itinere Patriam versus, antecedente, ac concomitante fulgentissim a Spiritus sancti gratia. Myrrham fidei, thus spei, aurum charitatis, Deo nostro offerre possimus. Interim, Vos qui estis lux in Domino, in luce, Virtute, & Deo: manete.

## ORATIO V:



Dini. 32.

**L**ÆTENTUR cæli, & exultet terra, gaudeant cælestes virtutes, animæ verò cælesti sponso copulandæ præparentur: res enim, non humilis neque obscura, sed grauisima profectò ea est, quæ sacro hodierno eloquio (Beatissime Pater) reuelatur. Audite, igitur cæli quæ loquor, audiat terra verba oris mei, concre scat vt

pluuia, & fluat, vt ros eloquium meum, quia magna lia Dei loquetur os meum, vt benedicat omnis caro nomen sanctum eius in sæculum, & in sæculum sæculi.

Hodie oritur stella non volens, sed iussa, non cæli nutu, sed diuinitatis impulsu, non lege syderum, sed nouitate signorum, non cæli climate, sed virtute nascentis, non ab arte, sed à Deo, non Astronomi scientia, sed præscientia conditoris, non Arithmetica ratione, sed sanctione diuina, non curiositate Chaldaea, sed procuratione superna, non virtute humana, sed cælesti prophetia. Hæc ducit ad natum Regem præter mundi legem, præter carnis

nis ordinem. O res mirabilis, Virgo generat, sterilis parit, mutus loquitur, Ioannes exultat, vidua confitetur, iustus expectat, stella ducit ad Solem, Reges ad Regem, Regum, homines ad Deum, Magos ad diuinam sapientiam. Huc magistra lex tendit: huc inter Christum, & legem interiecti Prophetæ: huc spiritualis legis absolutor, & finis Christus: huc exinanita diuinitas: huc assumpta caro: huc nona illa Dei, hominisque coniunctio vnum ex utroque, & vtrumque per vnum. Ob hanc causam, Deus intermedia anima carni iunctus est, vetustati nouitas substituta est, idcirco natiuitas, & virgo, præsepium, & Bethleem: Natiuitas propter creationem, Virgo propter mulierem, Bethleem propter Edem, Præsepium propter Paradisum, res paræ, & spectabiles propter magnas, & ab oculis remotas. Idcirco Angeli cælestem, primum, ac deinde terrenum laude celebrantes, & pastores ob agni, & pastoris ortum gloriam canentes, ut scilicet Magi ab oriente cultu idolorum euerso, errorumque tenebris fugatis, Deum verum agnoscerent, Deum se inuenisse mirarentur in carne.

Currunt igitur præuia stella interrogant, inueniunt, gaudent, prociidunt, adorant. Ecce desertum Cades, Domino commotum, ecce accola venit, qui non erat secum, & tandem aduena eius iunctus est sibi. Audite Patres, cum natus esset Iesus in Bethleem Iudæ, ecce Magi ab Oriente venerunt.

Nascitur Christus rerum origo, naturæ auctor, ut nascendo naturam restitueret, & iacentes in terreno germine, cælestem tolleret ad naturam. Hinc est quod eo nato, Angelis nunciantibus de proximo veniunt Israelitici Pastores, ut verbum quod mitissimi Pastoris elegit officium videant, de se etenim dicit: Ego sum. Pastor bonus. pastoris induit personam, ut vagos populos, dispersas, longè, lateque gentes velut oves errantes in vnum pastor misericors congregaret, immo, ut nationes feras, prædam mortis, carnis cibum, potum sanguinis, bestiarum furorem sitientes ad usum lactis, ad cibum graminis, ad ouium totam duceret, ac redderet lenitatem. Veniunt, & de longinquo Gentiles Magi munera ferentes, genua

flecten-

flectentes, ipsumque adorantes, ut ab omnibus Deus, qui omnibus nascebatur veneraretur, ad vnum præsepe, vnum, & idem colentes veniunt, ut sicut vnus est Deus Dominus omnium, sic fore tandem, ut fiat vnum ouile, & vnus pastor: Veniunt duo parietes ad lapidem angularem, ut confiteantur, & adorent caput anguli.

Veniunt Bos, & Asinus, ut præsepe Domini sui agnoscant, iuxta vaticinium Isaïæ Prophætæ: Cognouit Bos possessorem suum, & Asinus præsepe Domini sui: Agnouit enim Bos Iudæus iugo legis excusso, Agnouit & Asinus gentilis stultitiæ feritate deposita. Magi tamen aurum, thus, & myrrham munera deferunt.

Verum cuncta percurramus non enim mysterijs vacant, quæ ad nostram doctrinam scripta sunt; Mens quippe terrena visibilium solummodo assueta imaginibus, solaque carnalia sapiens, prouehenda est, atque ad spiritualia manducenda.

De longinquo igitur, ab Oriente videlicet ad Christum veniunt Magi, Et nos, qui longæramus propè facti sumus in sanguine eius, cum inimici essemus reconciliati sumus Deo per sanguinem eius. Stella antecedebat eos usque dum veniens itaret supra vbi erat Puer. & gratia gratum faciens, quædam matutina stella præfulgida est, quæ electum quemque præcedens du it ad præsepe Christi, vbi sedet ad dexteram Dei Patris. Dum alloquerentur Herodem Magi, terrenumque quærerent documentum, signum cælestis eos deserit, & nos humanum flagitantes consilium, diuinum amittimus ducatum, terrena quærentes gratia priuamur. Illi relicto Herode gauisi sunt gaudio magno valde, & ecce stella antecedebat eos, & gaudium est Angelis Dei super vno peccatore pœnitentiam agente, quæ relicto peccato perseverantiæ stella ducit ad salutem. Interrogant vbi est, qui natus est Rex Iudæorum; & nos quandiu viuimus, doce nos iustificationes tuas, vtinam dirigantur viæ nostræ ad custodiendas iustificationes tuas, a Domino postulemus. Ad illorum aduentum, & interrogationem turbatur Herodes, & omnis Hierosolyma cum illo, & aduersarius noster diabolus tanquam leo rugiens, circuit, stridet, fremit dentibus quærens

*Joan. 10.*

*Isai. 1.*

*ad Ephes. 2.*

*Rom. 5.*

*Matth. 18.*

*Psal. 118.*

*1. Pet. 5.*

rens quem deuoret. Occultè vocat Magos herodes, & blandis alloquitur verbis, & palam nihil audet simulata mens, conscientia dolosa.

hæc ( Patres ) naturam corripit, legem aboleuit, Angelum deiecit; hominem prostrauit, cælum spoliavit, vniuersum confudit, Altissimum irritauit, abyssum compleuit; hæc ( inquam ) lites excitat, odia parit, rapinas facit, homicidia perpetrat, intorquet blasphemias, supplantat innocentem, opprimit pauperem, extollit diuitem, eleuat superbum, contemnit humilem, conturbat quod pacis, quod iustitiæ, quod vnitatis, quod virtutis, quod sanctitatis: vbi dominatur hæc abest charitas, elongatur sapientia, ignota permanet veritas, ibi consilia mala, infatuatum cor, cogitationes nefariæ, immoderati affectus, terrenorum amor, imperandi libido, & tandem implacabile bellum.

nunc dolo imperat ipse, vt renuncient sibi cum inuenerint, vt & ipse veniat, & adoret. Diabolus gerebat vicem, Sathanæ implebat personam, quapropter fingebat adorare, cum sciret, pietatem affectabat, qui sanguinem sitiebat: Verum quia, qui simulato graditur corde, permittente Deo diu latere non valet, Magi hoc agnoscetes per aliam viam reuersi sunt in regionem suam.

Ingrediuntur domum, & cum ingenti gaudio inueniunt Puerum cum Maria matre eius: & nos reuelata facie Dei gloriam contemplantes à claritate in claritatem, 2. Cor. 3. transibimus, & delectabilis admirationis pascua inuenimus. Tres veniunt, & vnum adorant, vt Abraham se filios non esse degeneres ostendant, qui tres vidit, & vnum adorauit, tria munera offerunt, tria in Christo agnoscetes, Verbum, Animam, carnem; Tria etiam defecerunt, vt qui ad Christum venire contendunt, saluique esse volunt, inuiolatam sanctissimæ Trinitatis fidem, seruare oportere insinuent.

Offerunt verò apertis thesauris suis aurum, thus, & myrrham, & nos mystica dona, & his quæ oculis cernuntur sublimiora ad pedes eius procumbentes largiamur, nimirum vt nihil de alieno accipiamus, nec diuitijs quicquam



quam aduersus paupertatem concedamus. Dei creaturam per aliam creaturam ne iniuria afficiamus; sed spiritalis vitæ consuetudinem habentes, rectamque vitæ rationem confectantes, cum Christo vero Deo, & sacerdote viuamus, quæ rursus sunt quærentes, vt tandem hæredes Dei coheredes, ve-

*Coloss. 3.*

rò Christi es-


si-

ci merea-

mur.

**Finis primæ Partis.**







SECUNDA PARS  
FERIA QVARTA  
CINERVVM.



ORATIO PRIMA.



VOD olim cum triumphatoribus suis regnandi cupidam præstitisse Romam, memoriæ proditum est, vt seruum eodem curru cum triumphante constitueret, qui victorē gloriosius exultantem, subinde admoneret, vt finem respiceret, hominem se meminisset, verteret oculos ad virgas, ac tintinnabulum, quæ curru

appensa erant, intelligeret se cædi virgis, se securi percuci posse. Simile quoddam amantissima nostrum parens Ecclesia agere cum hominibus videtur in præsentia: ne elati, enim superbiz fastu mortales, & voluptatum vi aliò abrepti condicionis suæ obliuiscantur, moitorem oportune admouet, cuius vocibus aures hodie personent, Memento homo, quia cinis es, & in cinerem reuerteris. Quibus verbis ad duo Auditorum memoriam reuocari video, alterum, vt meminerit, quid homo sit, alterum, quid futurus sit, id est cinerem se esse, cinerem se futurum, hæc enim duo tempora licet inter se durando diuersa sint, vtraque tamen idem complectitur, & exquat cinis, neque alium vult, vt intelligamus, finem esse vitæ, quam vitæ cursum,

ut sicut ille in mortem desinit, ita hic morte peragatur. Aggrediar igitur priori loco, quod prius est, ostendamq. merito cum cinere comparari vitam, cum pene totum, quod vivimus, mortis appellationem mereatur. Scio me in ea materia versari, quam velut minus populo probabilem, oratorum aliqui, & philosophorum non nemo, non sine ingenij specie, ab Auditoribus impetrarunt. Sed aliam, ut à me iniri rationem constet, veritatisq. momenta quæri non gloriam; contemplerur, si placet, vitæ theatrum, ineamus ætatis nostræ summatim, annos computemus, credo patebit, hominum tempus, ad vitam apparatus potius esse, quam vitam. Et primò quidem, quantum vitæ est id, quod ipsi sibi homines demunt, tantum profecto, ut vitam longam cum acceperint, breuem faciant. Quidquid aliorum causis cognoscendis impenditur, quidquid publica; privataq. munera auferunt sibi, quantum officiosa per Urbem discursatio, quantum vanus timor, vehementior læritia, auida cupiditas, blanda conuersatio suffuratur, tantum homini demitur, minusq. de suo relinquitur: & tamen paucissimi hanc lacturam queruntur, immo profusissimi ætatis sunt, cuius vnus, ut ait ille honesta avaritia est. Quotus inuenitur qui prædia sua occupari ab alijs patiatur, qui pecuniam suam diuidi cum alijs velit? & tamen vita in plurimos quotidie distribuitur, in eiusq. possessionem non modo alij impune inducuntur, sed passim etiam inuicantur. Sed age vixerit aliquis totus sibi, & quod fieri non potest, viuens inter homines, hominibus nihil dederit; an propterea tutus erit ab assiduis, quæ nos circumstant periculis, quæ sicut partim metu sollicitant, partim ruina prosternunt; ita minimum relinquunt vitæ, multum afferunt mortis. An longius hic periculorum turbo circumsonat, an alio minantur procellæ, an non capiti nostro fulmen impendet? Quoties aliquem domi quietum, honesteq. degentem ædium euersione prostratum audiuius? Quoties per iter summo cum honore incedentem inimicus ensis per summam ignominiam eripuit? Quoties aliquis domi, forisq. gloriosè versatus, statim eo immitiore, quia non timebat, funere confossus interiit? Quoties in vicinia nostra conclamatum est, & propter limen domus immatura & æquas fax, cereusq. præcessit? an vllæ sunt tantæ diuitiæ

uitæ quas non mendicitas à tergo sequatur? an vllum est, etiam si florentissimum Regnum, cui casus, ac proculcatio subiecta non sit? an aliquis honor cum matutino sole exoritur, qui occidere cum vespertino non possit? testes appello tot Vrbes, ac Regna, quæ clarissima aliquando, mox diruta, & solo æquata iacent: testem tot clarissimorum ducum fortunam, qui è summo honoris, & potestatis gradu in infeliciem repente statum, sunt miserum in modum deturbati, cuius modi varietatum in hoc æstuoso mari, in quod natura nos duxit, tanta quotidie copia est, vt si miserrimum quemque aspicias, statim præ alijs felicissimum illum, ac fortunatissimum prædicaueris. Libeat hic cum S. Augustino exclamare: O vitam hominum cæcā, atque ærumnosā, quam dolores extenuant, ardores exsiccant, instant epulæ, ieiunia macerant, ioci dissolubunt, sollicitudo coarctat, extollit iuuentus, senectus incuruat, ægritudo frangit, mors interimit; itaque gaudij finem imponit, vt cum esse deserint, nec fuisse putentur. Accedit ad hæc tertio, quod licet viuere quis sibi, & à periculis tutus possit, subterfugere, tamen nequit, quin vitam sibi tempus tacite surripiat. Sapienter, vt cetera, Gregorius, vitam nostram dicebat esse nauiganti similem, qui aut sedeat, aut iaceat, impulsu naui agitur; ita inquit, & nos sumus, quia siue vigilantes, siue dormientes, siue ambulantes, siue volentes, siue nolentes per momenta temporum quotidie ad finem ducimur: etenim quotidie vita nobis paulatim eripitur, dum, quò magis crescit, eo decrescit magis: singuli dies aliquid à nobis, tamquam vestigal exigunt, immo singulæ horæ, ac temporis interualla aliquid de nostra vita prædantur; planè vt ego ipse, dum verba hæc profero, vnā cum illis, & vitæ pars effluat. Dixi de primo, quod proposui, ostendiq. quantum per tempus liciuit vitam hanc, quam viuimus (quod multum ipsi nobis demimus vitæ, multum pericula, multum singula per se tempora, atque momenta) minimum habere vitæ, plurimum mortis: vt verè, ac meritò reduci homini debeat in memoriam: Memento homo, quia puluis es. Restat iam alterum, quod simile superiori est, sed non nihilo communius, & sub oculis magis, atque sub tactum cadit: Licet enim sit aliquod interuallum discrimen, in hoc secundo certè nullum est: interuallis distinguimur, exitu coæquamur: hoc autem mera mors

August.

Gregor.



est: hæc scilicet nostri terminus æui: huc denique rediguntur omnia: ad hoc aliquando litus frangendi omnes sumus: huc vsque venies, & non procedes vltra, & hic confringes tumentes fluctus tuos: Hic vltimus varietatum terminus, cui iubente Deo & natura: omnibus vel inuitis vacandum est, qui non magno à nobis discrimine diuisus, inter momenta, quæ quotidie traducimus, commoratur: & tamen scimus, nihil ab homine remotius à se prospici, quam finem vitæ, nihil esse, in quo incautius sibi plerique blandiantur, in quo festiuius se decipiant, fallantque. Videas non neminem consilia sua, non in diem, aut mensem, sed in annos plures, atque aliud pene sæculum differre: de prædijs, portubus, ciuitatibus condendis tanquam immortales cogitare. Quanto hoc certè nomine sapientius Aegyptij, illi rerum notitia præ cæteris populis excellentes, quorum labor in mortuorum sepulchris extruendis amplissimus, contra vero in domibus, ac regijs pene nullus fuisse narratur; quasi vero labor irritus, atque inanis ille esset, qui in te tam breui temporis spatium lapsura, suumque cursum confectura, impenderetur, qualis nostra est vita, quæ hominum plures paucis admodum exceptis in ipso sui apparatu destruit. Sed quid ego hominum exemplis contra homines vtor? Quid aliud nobis dies, ac noctes? quid syderum cursus, quid Vrbes, ac Regna passim morientia, quid ipsa elementa, quæ quotidie in partibus suis occidunt, nisi omnia mortis subdita esse imperio contestantur, quæ hominū, ad quos magis hoc spectat, quædam miseratione commota, videntur quodammodo exclamare. Eia homo expergiscere tandem, & te mortalem esse, disce, ne te expectatio, quæ pendet, ex Crastino detineat, nonne vides ætatem tuam, qua ratione cæpisti, properare, putas ne amoturam illam aliquid celeritatis suæ? Falleris profecto: illa enim, quemadmodum à prima die iussa est incipere, ita ad vltimum vsque tacita, velocitate labetur. An de malignitate naturæ conquerimur, quod tam cito hæc dati temporis spatia decurrant? at dum natura arguitur, ipsi reprehendimur, qui eam adeo breuem, atque exiguam facimus; vita enim satis superque longa esset, si eam bene, & in id, ad quod data est, impenderemus: nos verò cum illam extra eam quodammodo positi, transigamus, quid mirum, si quam ire non intelligimus, transisse cognoscamus? Quid

igitur

## Oratio Prima

5

igitur putas? quid anxia mente pernoctas? quid moraris? Tu rerum extra te positarum vinculis alligatus iaces, vita festinat, mors in medio statim aderit, qua velis, nolis, antequam ad te redeas, opprimeris. Hæ sunt elementorum voces, hæ mundi querelæ, quibus oppletæ multorum hominum aures pene obsurduerunt; ve sicut ea gens, quæ Nili cata-dupa incolit, ubi flumen ex altissimis montibus præcipitat sensu audiendi carere dicitur; ita nonnulli ob assiduas voces, quæ vndique in aures incurrunt, hebetiores redditi videantur. Sed hodierna die ad cæteras adiunctæ Ecclesiæ voces, atque auribus sæpius iteratæ, perq. aures immisæ altius in animos reddere homini sensum, ac vitam debent. Par est, vacare hominem aliquando sibi, in se descendere, rationum suarum inire summam, intueri, quid fragilis natura nostra persuadeat, qua ratione ipsa vitæ breuitas ipsam longam vetat inchoare; nosse vnumquemque ac sentire mortalitatem suam, ne tanquam hic semper victuri viuamus, & contra naturæ consilium in longum tempus cogitationem protendentes, omnia quasi immortales exoptemus. Serum est tunc incipere hominem viuere, cum definendum est, stultum inde velle inchoare vitam, quo pauci perduxerunt: Infelix obliuione mortis in mortem incidere, cuius memoria infelicitè viuat. Misera quippe eorum condicio est, inquit Gregorius, quibus mors accidit sine morte, finis sine fine; defectus sine defectu, quia & mors viuuit, & finis semper incipit, & deficere defectus nescit.

## ORATIO II.



**M**AGNA sanè, ac periculosa conditionis suæ obliuione teneri necesse est genus humanum, B. P. quando non illi prodest eius assidua admonitionis, nec leue, remedium, sed desiderat etiam vt anniuersaria die, sigillatim, & ad sacras Dei Opt. Max. aras non solum se uero illo carmine, Memento homo quia

quia cinis es, & in cinerem reuerteris, sed ipso etiam horrido cinere, auribus, oculis, ac tactui denique subijciatur. Quares, ut per se misera est, ac luctuosa, ita multo inferior apparet quod mens nostra rebus inanibus mancipata, ipsarum rerum contagione contrahit vanitatem, & huiusmodi, quasi recurrentem morbum stuporis. Usque eo, ut quæ consilii ac sapientie constituta est sedes, ac domicilium, quia vanitate non vacat, tranquillitatem perpetuo indaget, & id agat perpetuo, ut ne vnquam tranquilla sit. Quapropter, licet pestilentis huius obliuionis diligentiorē curationem repetere in ieiunio, fletu, & planctu diuinitus hodie admonemur, tamen cum huius planctus materia sit rerum mortalium vanitas, non erit opinor alienus, neque intempestiuus de hac misera vanitate sermo; quandoquidem genus lamentationis est commemoratio malorum. Et verò quis possit non alē ingemiscere si secum ipse hæc reputet, & tacitus loquatur, Muta omnia, oculo destituta rationis, nunquam descedunt a via, quam sua cuique præscripsit, & demonstrauit natura; ego verò, natus homo, dominator piscium maris, volatiliū cæli, & animantium terræ paulo minor Angelis, imago & gloria creatoris; prudens volensq; cæcos, obliquosq; tramites perrare non teneo, perrare non feror per incerta disitiarum, per prærupta ambitionis, per vligines voluptatum, sexcentosq; alios non confector infelices huius vitæ mæandros, videlicet hoc tandem lucri facturus, ut inani cupiditate huc illuc meo sempiterno malo volitando, semper appaream puer centum annorum, delirus voluntarius, meiq; ipse circumscriptor miserabilis. Quid enim verius dici potest, quam sese misere circumscribere mortalium mentem. Et enim cum illi, in hoc orbis terræ infestissimo itinere peregrinanti, terrestrium rerum viaticum, ex bonorum omnium sempiterno ærario attributum sit, quò recta properet ad felicissimam ciuitatem Hierusalem celestem; eo tamen abutitur collocandis sedibus in via; immemor patriæ, & talis patriæ; immemor officij, & salutis. At verò si quisquam dispiciat quam constantes, aut tranquillæ sint hæc sedes, quas in vitæ commodis, & iucunditatibus, stultè desigimus, faciliè intelliget eas tam firmas esse, quam folium, quod vento rapitur; tam quietas; quam Euxinus, aut Oceanus feruens: duraturas verò tam diu, quam diu homines

diernæ lucis, quamdiu instantis horæ, quamdiu momenti durabit morula. Verissime dicitur B. P. quantum ætatis singulis momentis conficimus, tantundem nostri confici à morte, nosq. ad moriendi finem verius, quam ad mortem viuendo contendere. Usque adeò præceptum agit in lubrico mortalium vita. Verum agatur nobiscum optimè ac præclare, sint longinqui nostri labores, sit vitæ ac rerum stabilis vsura. (modo xuo, nec longissimo finias, sed annis paruis, & malis) quæso, tanti ne vñquam erit istorum possessio, vt expectationi respondeat? Sileo nunquam, aut rarè attingi votorum summa; nunquam omnino non restare quod optes; & quo carendo, & cupiditate ardendo, existas in mediâ felicitate infelix. Sileo malorum grauem, ac perpetuum comitatum; morbos deliciarum intempestiuos contubernales; corporis imbecillitatem ingenij, melioris sororem; odium, inuidiam, obreſtationem, principatus, & principum tam benè quam malè factorum importunissimos insectatores. Nec loquar laxioribus ædibus in auro & purpura vigiliam malè pernoctare, nè laude aliquid semper inuidiam decerpere; gloriam locorum & temporis angustijs concludi; denique, si nihil aliud, omnes id genus illecèbras, quod titillant dulcius, eò iactura, aut metu iacturæ acrius pungeret. Longum enim hæc persequi, & manifestiora etiam me reuocant humanæ vanitatis indicia. Quid, obsecro, blandimentis mortalium tam attentè conquerendis promouemus? profectò epulas comparamus, quæ famem non expleant; potiones, sequimur, quæ non modo non restinguant sitim, sed quarum gustatus suauis appareat antequam liceat degustes, cum verò degustes, ferè nullus sit. Quotus quisque est, cui fluxæ cuiusque rei sensum non adimat diu, multumq. affectata possessio? Ecquem isthæ fallaci flore non efferunt, ieiuna verò messe non deiiciunt? viloscunt illa quidem præsentia, nec nisi tum, cum absunt, arident; hoc est, vt semel dicam, tunc cum re oblectare non possunt, oblectant. Quid moror? Diuinum est oraculum nobile: Comedistis, & non estis satiati; bibistis, & nō estis inebriati; opugnistis vos, & non estis calesacti; & qui mercedes congregauit, misit eas in sacculum pertusum. Et potest par vecordia excogitari, vtinam hic finis, neque facultas esset maiorem adhuc, & perniciosiorē esse generis humani demētiā ostendere. Quid

nō si ijs capimur bonis, quæ non modo frustrantur amatores  
 suos, sed tanquā oleum flāmam, alunt, & augent cupiditatem?  
 Si nunquam non oppugnant, non circumueniunt; si crebrō  
 euertunt, & sollicitudinum sunt seminaria, æternæq. calamita-  
 tatis instrumenta? An non quā diuitiarum esca mens pa-  
 scitur, superbiz vento tetro, ac lethali turgescit? qua dele-  
 ctationibus lactatur, venenum non haurit, corporis, animiq.  
 nervos suauiter resoluens, ac præciciens? quā gloriolam ca-  
 ppat, fumum non congerit, quo virtutis succus, & sanguis  
 exarescit, splendorq. rationis caligat? qua demum cæca  
 honorum cupidine abripitur, quis nescit permutare prodi-  
 gam negociatricem, pretiosam tranquillitatem cum splen-  
 dido corarum innumerabilium cruciatu? Non est igitur  
 quod quisquam miretur B.P. quandoque cernit eos, qui plu-  
 ribus ex his bonis temerē perfruuntur, adeo delicato sensu  
 esse, ut, non secus ac solent qui erudo, & contumaci aliquo  
 corporis tumore laborant, vel minimis quibusque maximē  
 lædantur. Tumet animus perniciosis humoribus, & ea re  
 tangi sine dolore non potest. En qualia sunt quæ nos mor-  
 tales perditē amamus. Quasi non nouerimus longē infra  
 nos esse hæc omnia, aut quasi pabulum incomparabile aspe-  
 ctus Diuini paratum nobis non sit. Quasi fons aquæ viuē-  
 tis vberrimus, vnde poti non sitiamus in æternum, nobis non  
 scaturiat; atria cæli non rutilent; sedes æternæ gloriæ non  
 vacent. O excitationem miserandam. O deplorandam amen-  
 tiam. O Isaiā, quam iustæ tuæ illæ querelæ: Semitæ eorum  
 incuruatæ; telas araneas texerunt; viam pacis nescie-  
 runt; non est iudicium in gressibus eorum. I nunc infelix  
 homo, respice in vanitates, & in insanias falsas; indulge  
 blanditijs sensuum; modo te ignem in sinu abscondere intel-  
 ligas: antepone curæ sempiterni regni caduci sceptri ade-  
 ptionem, dum tamen id agendo tuum intra pectus alas vul-  
 turem ambitionis, à quo miserē exedatur; hac re certē non  
 inanis, quod ita te cruciando tuam vlcisceris inanitatem.  
 Muta cum acervis auri, & cum titulis honorum thesauros,  
 & coronas cælestes; dummodo ad censoriæ illius omni-  
 potentis censoris tubæ vocem horrendam: Stultē hac nocte re-  
 petent à te animam tuam, quæ parasti cuius erunt? Tanti  
 sunt fugacium delectamenta bonorum. Tanti constant emen-  
 tiæ voluptatis lenocinijs auscultare, domus verò Domini  
 bea-

## Oratio Secunda.

9

beatissimum otium post habere. Vos appello, & obtestor beatorum humanarum mentes, quæ mortalitatis deterfa caligine, ex ista luce purissima nos despiciatis, ut nunc re ipsa sentitis quantum distent hæc vitrea veris istis margaritis; & ratas isthuc non ascendere qui accepit in vano animam suam, ut miseret, scio, nostrarum occupationum, nostrarumque miseriarum. Obsecro vestram fidem, cælices, quando nostris viribus redire non licet ad sanitatem, & summus auctor salutis, quemadmodum benignè profitemem dudum audiui-mus, multæ est misericordiarum, & præstabilis super malitiarum; conciliate nobis, quæ nostri apud vos est charitas, opem eius diuinæ dexteræ, quæ non tantum manus, ne amplectentur; non tantum corda, ne expetant; sed auertat etiam oculos, ne videant vanitatem; quin potius ad quod venimus in hanc vitam, id agamus, obliuiscamur inania, nosmetipsos sciamus absque obliuione, & illud cum primis, inanem nos esse cinerem, & in cinerem breui reuersuros; quo denique hodie, quotidieque horum memores, in vestrarum solidæ felicitatis, & gloriæ societatem venire aliquando mereamur. Amen.

## ORATIO III.



I diuina aliqua vis est, quæ frænos imponere voluptati, eamque errantem ac vagam, rectis limitibus includere: aut si quæ virtus incorruptam animi nostri integritatem retinere potest B.P. hæc profectò pœnitentia est; per quã non modo enititur & eluctamur aduersus blandimenta corporis, sed etiã labem vitæ prioris abo-

lemus; ut calcatis terrenis omnibus, Deo Patri reconciliari possimus. Qui cum sit indulgentissimus Dominus, & Diues in misericordia, non aliter peccatores à priori scelerum infamia castigatos excipit, quàm solent parètes liberos suos, cum eos delictorum cernunt pœnitere, & correctos arbitrantur, abdicatos, abiectosq; rursus tamen amplecti. Quod

Rem. 10.  
Ephes. 2.

B b

Hicre-



*Hier. 31.**Mar. 1.  
Luc. 10.**Psal. 123.**1. Cor. 7.**S. Patianus in  
parenosi ad po  
nitentiam.  
Lullian. lib. 4.*

Hieremias, vt hanc Dei erga peccatores benignitatem indicaret, expressit his verbis: In fletu venient, & in precibus reducam eos, & adducam eos per torrentes aquarum in via recta, & non impingent in ea: quia factus sum Israeli pater, & Ephraim primogenitus meus est. Videtur certè Prophetæ sanctissimus in hoc loco, viam rectam fletum, siue pœnitentiam appellasse, per quam regno Dei appropinquamus; peccata verò cum aquarum torrentibus aptissimè contulisse. Qui cum à principio leniter effluant, ac vtrumque puri interlabantur, mox verò, quò longius progrediuntur, eò maiori feruntur impetu; & plus sordium colligunt: Sic peccata specie primùm voluptatis blandiuntur animis, tùm sese molliter nobis insinuant, donec tandem, intolerabili aqua, peccatores præcipites, ac transuersos agant.

Quibus planè illud idem subsidij genus reliquum est, quod nauigantibus solet esse propositum. Qui cum in altum ventorum subuehantur, vix vt emergendi habeant facultatem, primum ad opem diuinam implorandam concurrunt, deinde tabulam nausti, in ea vitæ suæ perfugium situm esse, intelligunt: eadem prorsus ratione, qui ex via virtutum abscesserit, aut libidinibus, tanquam intempestiuus ventis vela permiserit, veniam à Deo deprecari debet, & pœnitentiam tanquam naufragum tabulæ fortiter insistere; vt ex magna tempestate euadat, & in salutis portum, diuinæ misericordiæ aura inuehatur. Enimuero cum ne vllus quidem nostrum possit esse tam cautus ac prudens, qui aliquò non incurrat, ac labatur; idcirco Dominus nostræ imbecillitatis conscius, pro sua pietate, nobis aperuit portum salutis, vt infirmitatibus nostris, quibus fragilitas nostræ naturæ subiecta est, medicina pœnitentiæ subueniret. Quæ cum consilij mentisque mutationem includat, atque etiam dolorem, siue vt ait Paulus Tristitiam quæ secundum Deum est, iure per eam homines à peccatorum insania reuocari debent, ne grauiori ruina oppressi, rursus in dæmonis laqueos inducantur.

Si enim muta animalia, quæ fraude capiuntur, si quo semodo in fugam extricauerint, fiunt postmodum cautiора, vitantque semper omnia, in quibus dolos insidiasque senserunt: quanto æquius erit nos homines à voluptatum illecebris animum auocare, vt iustissima pœnitentiæ castigatione expoliti, recta ad Deum euolare possimus? Nam quis nostrum,

strum, nisi prorsus omnem humanitatem exuerit, si finem euadendi à periculis inueniat, denuò in eadem sese inferet pericula? Aut quis miles emeritus post impetratam laborum suorum quietem, campum, castra, stationes militares, excubias, duritiem operum, vim denique mortis extremam, ocio & quieti anteponet? At nos miserrimi in eadem relabimur mala, è quibus euasimus, & denuò pœnitentia functi, quod in nobis per Dei gratiam extructum erat, iteratione delicti subuertimus.

*Tertull. de pœnitentia.*

Nullus tamen ob eam causam cadat animo, aut de seipso desperet; cùm Dominum clementissimum habeamus, qui nos scelerum conscientia pauidos è medijs fluctibus efficeret, qui nostra delicta condonabit, qui per ministros reconciliationis suæ reducet in gratiam. Erat Deus in Christo, ait Paulus, mundum reconcilians sibi, non reputans peccata illorum. Insignem Domini lenitatem, ac mansuetudinem singularem expendamus. Per quam tantum abest, quod suæ vindicandæ iniuriæ causa, hominum consuetudinem congressumque refugiat; quàm quod etiam legatos supplices mittat, qui pacem, à pacis ruptoribus postulent, amicitiam & reconciliationem, Dei nomine, qui offensus est, impensius exorent. Legatione, inquit Apostolus, pro eo fungimur tanquam Deo exortante per nos. Obsecramus pro Christo, reconciliamini Deo. Exorat Paulus, immo verò ipse met Christus, qui viuebat in Paulo. Adhortatur Pater misericordiarum, & Deus totius consolationis, vt referamus pedem, & redeamus in viam. Spiritus sanctus à nobis postulat gemitibus inenarrabilibus, vt amicitiam cum Deo inire velimus.

*1. Cor. 5.*

*2. Cor. 5.*

*Chrysostom. de Ascensione Domini, 6. Hom. 11. in cap. 5. 2. ad Cor.*

Huic tamen reconciliationis muneri, quod omnibus Apostolis erat iniunctum, Romanam hanc & Apostolicam Sedem, quæ tibi B. P. in præsentia est diuinitus credita, egregiè satisfecisse, satis apertè illa funesta tempora Nouati testantur. In quibus dum pœnitentia ab hæreticis fuisset diuexata, solus Cornelius Beatissimus Pontifex, qui ad clauum huius sanctæ nauiculæ gubernator sedebat, eam asseruit; illamque multis calumnijs irrisam, & impugnata excepit. Ille enim disciplinam diuinæ misericordiæ pœnitentibus iniunxit. Idem, vt veteres memoriz prodidere, Pœnitentiarum in hac sancta Vrbe, & in toto orbe primus instituit, qui

*3. Pacianus ep. 1. ad Sympronianum. Nicephorus lib. 8. cap. 20. Sozomen. lib. 7. cap. 16. Nicephorus lib. 12. cap. 38.*

reis peccata condonarent. Idem per lacrymas impunitatem proposuit. Idem de habitu pœnitentium, & victu præscripsit; sacco & cineri incubare, corpus sordibus affligere, animum mœroribus deicere, lacrymari, ingemiscere, presbyteris aduolui, aris Dei geniculari, sordidatos macie ieiunij, asperitate sacci, & horrore cineris obuolui.

1. Cor. 9.

Matth. 6.

Tertull. de cultu  
in feminari.

Job 36.

2. Cor. 6.

O nos felices, qui veterem illam Ecclesiæ faciem hodierna die viuam, ac spirantem intuemur. O nos miserrimi, si hoc tempus nostræ indulgentiæ indictum negligimus. Illuxit iam acceptabile tempus, in quo calcanda à nobis sunt irritamenta gulæ, vitiatorum illecebræ, turpis luxus, blâdæ corporis voluptates, omnis denique morum lasciuia ieiunij extinguenda. Illuxit tempus, in quo non est in incertum currendum, aut verberandus est aer; sed rebellatricis carnis incontinentia, corporis castigatione elidenda. Quod ut facilius præstare possemus, Christus legislator, ac doctor formulam ieiunandi nobis præscripsit his verbis: Cum ieiunatis, nolite fieri sicut hypocritæ tristes.

Hypocrisis de Diaboli disciplina descendit. Ille enim primus luminis & claritatis hostis, cum spiritum hominis malitia transfigurasset, corpus quoque mutare monstrauit. Ille faciem fictam gestare, mentiri effigiem, humanam laudem aucupari inani ostentatione palloris, lineamenta oris inuertere, aliud denique clausum in pectore, aliud promptum in lingua habere docuit. Erubescat Christianus, ab aduersario Domini artes fallendi petere, cum ab hoste Imperatoris nostri arma mutuari transgressio sit. Christus verò in hoc Euangelio, vbi ieiunij forma præscribitur, maxime hypocrisis detestatus est: quia cum veri iudicium tollant, & virtutem adulterent, vitam mollem ac voluptuariam agunt; immo verò si semel lapsi fuerint, vix suam culpam agnoscent, aut deprecabuntur veniam, cum fictæ pietatis studio intumescant.

Procul igitur sit profana simulatio, procul hypocrisis, solamque mentis alacritatem, simplicitatem cordis, gloriosi huius temporis socias & comites aduocemus. Quibus virtutibus si nostra ieiunia condiantur, haud dubium profectio erit, quin in celestem illam patriam euehi, & inter legiones Angelorum inferri possimus. Vbi esui potuique locus non erit, vbi officia ista membrorum, quæ nunc ieiunij castigatione subiguntur, omnino vacabunt: dicente Paulo: Esca-

ventri,

ventri, & venter escis, Deus autem & hunc, & has destruet. Quamobrem contendendum est ex animo, vt illud quod in æternitate futurum est, hodierna die ieiunij inchoemus; illiusque vitæ formam & lineam, cetera deducamus in animo, vim etiam ori & stomacho inferamus, vt super cælesti illo regno potiri possimus: Quod non est esca & potus, sed iustitia, pax, *Rom. 14* quies, tranquillitas, gaudium in Spiritu sancto. Amen.

## ORATIO IV.



INGVLARIS insaniz, cui vana & inconstans multitudo proximis sese diebus dederat, finem hic hodiernus attulit P. B. idemque initium antea vitæ pristino populi Christiani more penitendi mirabile id quidem dictu est, omnibus tamen sæpe auditum homines hesterno die instar furiosorum per urbem turpiter debachatos hodie repente resipiscere, ac sui dissimiles effectos ad meliora redire viuendi instituta, sed habent hoc propriū ea, quæ libidine non ratione geruntur, vt initio delectent, mox pariant satietatem atque fastidium, vbi verò desierint ruborem & verecundiam post se relinquant, quam quidem vitæ ad virtutem conformandæ occasionem percommodè sibi oblatam sancta mater Ecclesia sollicita de filiorum salute impigrè quot annis arripit, & stimulum illum conscientia malefactorum animum concitantem acuit, atque vrget, cum vniuersale omnibus ieiunium indicit, cum sacro nos cinere conspergit, cum in cinerem admonet aliquando redituros, cum Iohalem Dei præconem inducit auribus nostris magnificè intonantem: Canite tuba in Sion, sanctificate ieiuniū, & conuertimini ad dominum Deum vestrum. Et quidem inter cætera legis antiquæ sacramenta ad corporum, animorumque mundiciam diuinitus instituta, illud in communem totius populi expiationem solemne extitit, quo duobus hircis ab vniuersa multitudine acceptis alter quidem immolabatur,

tur, elusque sanguine per sanctuarium diffuso, quod reliquū erat in peccati detestationem extra castra comburebatur, alter vero statuebatur coram Domino, cuius capiti sacerdos manibus impositis omnia scelera filiorum Israel prauia confessione, inprecaretur, eumque foras emitteret in desertum, quasi noxas populi ab omni memoria delendans in solitudinem asportaturum; tū iuebantur Hebræi inedia semetipsos affigere, quemadmodum & nos qui salutari Ecclesiæ gremio fouemur, his potissimum temporibus recogitamus omnes annos in amaritudine animæ nostræ, instituimus integram peccatorum confessionem, denique abstinentiæ, & Christianæ pietatis officijs incumbimus, efficimurque participes passionis Christi Domini, graui nos peccatorum pondere in eū exonerantes, qui cum per proprium sanguinem, non hircorum aut vitulorum, introisset semel in sancta, integra, & illæsa diuinitate extra Hierusalem passus, hominum offensionibus perpetuum silentium imposuit. rectè vero in scelerū expiatione mactabatur hircus animal olens, atque foetidum; quid enim peccato putidius queat inueniri, quod intolerabili sceditate odoris teterrimi cælum transcendens, Deo ipsi quasi stomacum mouet, eumque laceffit ad iniurias vlci scendas, qui eas mallet voluntaria obliuione contritas, quā peccatoris morte vindicatas? Cibi graues difficile digerunt, perturbant aluum, & ventris pariunt crudiratem; quare natura sui cōseruandi cupida sæpe id foras eijcit, quod sibi inutile sentit & perniciosum. Sed quid peccato magis ponderosum, quod ad imas terræ partes hominem deprimit, & in profundum adducit? quo cum Dauid premeretur, clamabat infixum se in limo profundi, & iniquitates super caput suum sicut onus graue grauatas; & Manasses in vinculis apud Babylonem, culpa magis quàm catenis oppressus, lamentabatur tanto se pondere ferri incuruatum, vt amplius spiritum ducere, & communi cælo frui nequiret: vt merito existimare possim talento illo plumbeo, quod Zachariæ ostensum est, peccati potius gravitatem, quam aliud quidpiam significari. Verum quid in re diutius moror luce ista meridiana clarior? nōne id satis apertè Ionas ille profugus declarauit, qui nauim in qua vehebatur adeo premebat, vt mereretur, nec mercibus, arriamentis, omni demum suppellectili in mare proiectis, ab imminente adhuc procella liberaretur?

retur? interea ille descenderat ad interiora navis, & dormiebat sopore graui. O rem indignā & intolerandā. O stultitiā hominum singularem, ponderibus quę corpori imponuntur cito defatigati succumbimus, & sub onere vel exiguo quietē non capimus, tamen onusti graui mole flagitiorum quasi in mollissima culcitra locati vacui cubamus, & orio desidiaque languescimus. Sed Ionas tandem surgit diuina voce expectatus, & vltro fatetur crimen quippe nouerat sine confessione culpam in hirci caput minime transituram, neque solum, scelera nobis dolenda esse, verum etiam confitenda; id præferim natura dictante, vt incommoda cum amicis communicemus, & vbi nobis ipsi non sufficimus, maiores consulamus, exemplo sunt peritiores medici qui morbum intimum curatu difficilem ad externam cutem deducunt, & sanabilem reddunt, ita & nobis peccata omnia euomenda sunt & ad sacerdotis pedes proferenda, vt mali natura percepta, & diligenti curatione adhibita simus de sanitate securiores. qua in re non possum eos non appellare fatuos & excordes, qui grauedine aliqua tantisper vexati ad potiones de valetudine anxij confugiunt, at graue vulnus à culpa infictum diutissimè occultant, & quasi leue contemnunt; nec intelligunt magis periculosos animi morbos esse, quā corporis, cū huius ægritudinem ratio sana percipiat, mens autem infirma atque saucia proprium morbum nec aduertere possit, nec amouere. Quapropter non esse curandum corpus ante animum vetus fuit Magorum sententia, & quidam ex Philosophis nihil duxit peccatori magis necessarium, quā confiteri peccata, affici pœnitentia, pœnas à iudice postulare. Cæterum quid prodest egroto febrem eiusque causas medico aperire, ni medicinam sumat ad vitandum reciduum ab eo consecutam & patatam? idoneum peccato medicamentum, & quasi antidotum ieiunium est, hoc dominus noster suomet exemplo docuit, hoc Iudęi multo ante nobis propinarunt; ad hoc Prophetæ inuitant, hoc demum natura petit, quæ in continua lucta cum nimio cibo versari, opprimi, & obstupesceri pastu immoderato, sibi nequaquā ducit expedire. Sed cuiuspiam forte res ardua, atque difficilis ieiuniū videatur ob immanem voracissimi ventris huius edacitatem, qui omni quantumuis auaro Quæstore crudelior, nullas nobis ad quietem concedit inducias, sed morbi graues cuiusmodi peccatum.

Plato in Gorgia.



tum est, medicamento indigent acerrimo, quod discurrat per totum corpus, & morbi radices persequatur, atque conuellat. non est, non est medicina querenda nimia suauitate condita, sed vehemens, & aspera; non acceps aut periculosa, sed certa & secuta, non paulo ante ad medendum recepta, sed multis antea experimentis comprobata. Ieiunium tale est, non recenti memoria institutum, sed antiquum, sed naturæ coeuum, sed natum cum ipso homine. nam & primum parentem ligno scientiæ abstinere iussum, & nullam in primæuo statu vini, carniū, ceterarūve epularum factam mentionem reperimus. Quia etiam vini vsum post diluuium legimus inoleuisse, desperata scilicet hominis perfectione; primumque omnium Noë plantasse vitem, ac vini roboris ignarum quasi in pœnam inebriatum, obscenè ac turpiter a filiis visum fuisse. Quid ergo aliud ieiunium erit, quā vitæ illius sanctissimæ imago, quæ sine labe, atque macula in terrestri paradiso debebatur? quid nisi exemplar scilicetissimi status angelorum, qui totus in altissimarum rerum contemplatione positus est, atque defixus? quandoquidem ieiunio ab ista mortali concretione eleuati ad diuina erigimur, sicut Daniel abstinencia ciborum, quam ab ineunte ætate sanctissimè coluerat perspicacior factus ea vidit, quæ omnem sensum, omnemque intelligentiam superabant, vt enim Sol per ea tantum corpora diffunditur, quæ perspicua sunt, ita diuinis fulgor ijs potissimum illabitur qui a terrenorum affectu maximè seiunguntur? Et qua nam arte Daniel voracissimos Leones longa fame enectos rabidosque adhuc diutius ieiunare docuit & coegit? quid eius membra quasi ferrea reddiderat, quibus immanissimæ belluæ dentes vngulæque infigi nequirent? vnde illa tanta vis tribus pueris imperita, vt in ignem coniecti quasi Amiantus lapis non modo flammæ incolumes euaderent, sed ijs mirificè recreati nitidiores omnibus apparerent? Ecquid Eliam adeo reddidit audacem vt mortalis natus cœlo imperaret, & aquas à Iudeæ campis triennio prohiberet? Viuit Dominus in cuius conspectu stō, inquit ille, si erit annis his ros & pluuia, nisi iuxta verba oris mei tantum illi animi ieiunium fecerat, tantum spiritus addiderat? quid porro Sampson vir ille strenuus atque fortissimus? nonne a Ieiunio in quo conceptus est & educatus robur illud immensum natus fuerat, quo Philistinos

Rhænos domuit, atque subegit? ita enim ab Angelo matri præceptum inuenimus, Caue ne bibas vinum & siceram, nec immundum quid comedas, quia concipies, & paries filium, qui incipiet liberare Israel de manu Philistinorum. O diuina vis ieiunij, quid non potes in vita hominis, quid non præstas, quid non perficis? tu domas feras, tu vim affers elementis, tu cælum claudis, tu naturæ imperas, tu homines fortes reddis, & inuictos. Quid plura? ipsos dæmones, & eos qui nequissimi sunt, Christo auctore, cogis, & deturbas. Multa mihi necessario prætermittenda sunt. P. B. quæ in hoc genere dici possent & deberent, versaremur enim in campo vberissimo atque latissimo, in quo late excurrere, & exultare possit oratio; sed apes imitandæ, quæ flores carpunt, cætera relinquunt, ita nobis ea tantum his temporis angustijs persequenda, quæ illustriora sunt, & ad propositi rationem magis accommodata. Verum quid maius ad ieiunij commendationem afferri potest, quàm quodd Christus Dominus in humanæ condicionis fragilitate cum dæmone certaturus, quadragenarium prius ieiunium iniuit? Scutum certè ieiunium est ad hostis hominum conatus repellendos aptissimū, quod cum Imperator noster gestauerit, ad pugnam, à nobis qui sub ipso meremur sine prodicionis crimine abijci non poterit. Hoc nobis clypeo, his armis opus est; ieiunio, inquam, parsimonia, abstinentia, non pinguedine, non non valetudine, non robore corporis. Neque enim est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum contra spiritualia nequitie in cælestibus. O Patres Amplissimi currimus in stadio, vestes igitur abijciendæ, vt velocius curramus. Animo è corpore emergente festinamus in cælum, caro igitur quæ nos aggrauat & retardat inedia castiganda. In hoc mundo peregrini & aduenæ sumus, ergo quasi in aliena terra degentes modico victu contenti simus, & reditum in patriam ad lautè viuendum expectemus. Versamur in castris, militia enim est vita hominis super terram; parce igitur agendum, quandoquidem à milite forti mollitia omnis exulare debet. Pugnam inter corpus, animumque fouemus perpetuam, caro enim concupiscit aduersus spiritum, & spiritus aduersus carnem; stipendium itaque corpori minuendum; quantum enim externus

homo corrumpitur, tantum internus homo renouatur. Nauigamus in mari procelloso, & ventis atque scopulis maxime infesto, quid securius quam onere isto corporis quam grauissimo animum leuare? facilius namque est nauem vacuam seruare, quæ tollitur in altum, superat fluctus, vitat scopulos, quàm grauem, quàm oneratam, quàm mercibus plenam. Vita in corpore ergastulum est animi; caueamus, ne dum incediam extimescimus, maiorem ac certiolem nobis carcerem exedificemus. Denique excidimus à paradiso, quia non ieiunauimus; ieiunemus ergo, vt vnde gula nos expulit, eò parsimonie beneficio reducamur. Abstineant manus à sanguine, aures ab inuidorum detractionibus, oculi à curiosa alienorum inuestigatione, lingua à maledictis, mens ab immundis cogitationibus, totus homo, & qui intus est, & qui extra ieiunent. Demum abnegantes impietatem, & sæcularia desideria sobriè, & piè, & iustè viuamus in hoc sæculo, expectantes beatam spem, & aduentum gloriæ, illud certum habentes eos qui hic ieiunauerint, aliquando ab vbertate domus Dei inebriandos fore, ac torreatæ voluptatum omnium plenè, cumulatèque satiandos.

## ORATIO V.



**P**ASCHALE sacramentum ceteris religionis nostræ mysterijs longe sublimius condigna veneratione suscepturos, Beatissime Pater, totius quidem temporis solennia, sed præsentibus maxime diebus purificandis animis, atque corporibus instituti, præueniunt: vt antea vitæ desidias sancti obseruatione ieiunij diluamus, & contra vniuersa vitiõrum incentiua, continentie nos virtute roboremus. Omnia quippe laqueis, omnia sunt plena periculis: incitant cupiditates, insidiantur illecebræ: blandiuntur lucra, damna deterrent; secunda corrumpunt; aduersa nocent: diuitiæ eleuant, paupertatis angustia deprimunt; sanitas

sanitas est materia negligentiae, ægrotudo causa tristitiae :  
 & affectus, qui sub delectatione languescit, sub anxia solici-  
 tudine laborat. Quis ergo quamdiu in mundo, qui totus in  
 maligno positus est detinetur, in isto mortis corpore consti-  
 tutus, inter inuisibiles hostes, frequentesque conflictus, aut  
 immunis à tentatione, aut liber inuenitur à culpa? Quis pi-  
 cem tangit, & non inquinatur ab ea? Quis non infirmatur in  
 carne? Quis non sordescit in puluere? Et, ut cum Prophe-  
 ta dicam: Quis gloriabitur rectum se habere cor, aut mun-  
 dum se esse à peccato? Quàvis enim Sancti Dei quotidianam  
 de antiquo serpente victoriam diuinæ gratiæ viribus obti-  
 neant; nunquā tamen auferunt dimicandi materiam, sed ne  
 confectio prælio, parata securitate superbian, semper oportet  
 superesse quod vincant. Quapropter angusta & ardua  
 vita, quæ ducit ad vitam, corporeis sensibus abscondita,  
 dicente Apostolo: Quæ videntur temporalia sunt, quæ au-  
 tem non videntur æterna, raris paucorum intrantium vesti-  
 gijs illustratur. Et nemo in eam gressum inferret, nemo pe-  
 dem promoueret, nisi difficiles aditus ipse se Christus viam  
 efficiendo referret: ut auctor itineris fiat ambulantis auxi-  
 lium, & qui introducit ad laborem, idem ipse perducit  
 ad requiem. Quis ergo certa, atque securā promissæ gau-  
 dia beatitudinis expectat, qui, dum caro aduersus spiri-  
 tum, & spiritus aduersus carnem concupiscit, continen-  
 tiæ clauis, ac Dei timore non transfigitur? Quis ad glo-  
 riæ lauream non nisi legitimè certantibus reddendam pro-  
 perat, qui vna cum reliquis Apostolicæ doctrinæ præceptis  
 huius temporis diuinitus instituta ieiunia non complectitur?  
 Etenim si per illecebram cibi irrepsit prima causa peccati, si  
 vniuersale diluuium ventris incontinentia commeruit, si vi-  
 tium edacitatis fulmina in Sodomam coniecit, si nimia eden-  
 di satietas aciem mentis obtundit, vigorem cordis hebetat,  
 virtutes fugat, suppeditat voluptates: non immerito sapien-  
 tissimus humanæ salutis auctor, nostrarum ægitudinum ra-  
 dicem funditus excisurus, necessariam nobis continentiam  
 non solum verbis docuit, sed proprio etiam exemplo conse-  
 crauit. Qui Euangelicam prædicationem, sicut olim Mo-  
 sis tabularum legem, Elias quoque prophetiam quadragin-  
 ta dierum ieiunio dedicauit, ut, quod idem legis ac proph-  
 etiæ supremus institutor per vtriusque ministros nobis com-

Mat. 4.

Psal. 135.

Mat. 10.

Gen. 25.

Luc. 16.

Iona 3.

Isa. 58.

mendarat, hoc in Edangelio firmissima per seipsum consuetudine sanciret. O inaccessibleē diuinæ pietatis altitudinem! O Christianæ gentis erubescendam segnitiam! Qui dat escam omni carni, ut nobis medeatur, famis experitur incommoda; nos, ut saluti restituumur, leui corpus inedia afficere pertimescimus? Esuriēte capite, nos membra reficiuntur, qui gloriæ volumus ipsius esse consortes? At qui falsæ professionis imagine utimur, si cuius nomen ac patrocinium, veneramur, imitari negligimus instituta: cum Dominus idem dicat: Qui non accipit crucem suam, & sequitur me, non est me dignus. Nullo vero salubriore crucis onere, compescitur redempta libertas, quàm, ut non erit abstinere a concessis, ut illicita, à quibus se frænare nesciuit condonentur: & ieiunio breui ieiunia redimantur æterna, ubi nullus cibus, consolatio nulla, nullus est vnquam terminus. Caueamus igitur, ne instar Esau sempiternæ ius primogenituræ terrestri edulio permutemus, atque de vitæ delicijs cum diuite illo epulone accusati, flammis tradamur. Quin potius Niniuitas imitati diuinæ iustitiæ cōmotionem, quam merito iniquitatis incidimus, religioso ieiunio mitigare conemur. Quid enim potest efficacius esse ieiunio? Cuius obseruantia sanitati consulimus, vitia deuincimus, Deo appropinquamus. De abstinentia castæ cogitationes, rationabiles voluntates; salubria consilia prodeunt. Et pro voluntariis afflictiones caro concupiscentijs moritur, virtutibus spiritus innouatur, tentator eliditur, culpa deletur, charitatis lumen accenditur. Terra carnis nostræ, gratia Dei superinfluente ieiuniorum culturis exercetur, ut, enecato omni vitiorum semine, læta virtutum seges conualescat, & non amplius spinas ac tribulos, sed generosi germinis fructum cælestibus horreis inferendum producat: si tamen non in ciborum paritate, aut sterili tantum inedia nostri summa ieiunij constituatur. Quid enim prodest suscipere esuriem, & iniquam non deponere voluntatem? Præciso affliggi cibo, & à concepto non desilire peccato? Aut quo fructu corpori esca subtrahitur, nisi spiritualibus mens delitijs roboretur? Sic igitur nobis edendi est corrigenda libertas, ut etiam alias affectiones eadem lege mederemur: atque adeo ab inuidiæ malignitate, à luxuriæ dissolutione, ab anxietate auiditiæ, à perturbatione iracundiæ: à cupiditate vindictæ  
ieiun-

ieiunemus: oculos à curiosis aspectibus, aures à fabulis, à  
 detractiōe linguam, manus ab immundis operibus, à pra-  
 uis animum desiderijs abstineamus: & iuxta præceptum Apo-  
 stoli: Ab omni nos inquinamento carnis; & spiritus emunde-  
 mus: mansuetudinis & patientiæ, pacis & tranquillitatis or-  
 namento muniti donare culpas, despicere contumelias, &  
 obliuisci assuescamus iniurias. Nam cum ad hoc sancta ista  
 consuetudo dirigatur, vt carnalis perulantia fomites euel-  
 lantur: nullum magis sectandum est continentia genus, quàm  
 vt simus ab iniusta voluntate sobrij, & ab inhonesta actione  
 ieiuni. Nec dissimilem ieiunandi formam nobis hodie præ-  
 scribens Dominus ac Redemptor noster: Cum ieiunatis, in-  
 quit, nolite fieri sicut hypocritæ tristes, qui simulata vultus  
 tristitia, & affectato corpora squalore deformantes, falsæ ab-  
 stinentiæ rigorem ostentant, vt religiosi præ ceteris appa-  
 reant, & inde laudes ab hominibus recipiant: & cum in vesti-  
 mentis ouium sint astu vulpes, crudelitate lupi, conscientia  
 veritate posthabita, mendacij opinionem lætantur. Vt autem  
 illis, qui cum faciem cordis à malitia non lauerint, neque ex  
 lestis oleo lætitiæ caput mētis inunxerint, esuriunt, ac sitiunt,  
 sed non saturabuntur; anxie laborant, sed non regnabunt: de  
 mundi torrēte in via bibunt, sed nō exaltabūt caput in Patria.  
 Mens igitur documentis diuinis erudita, dum repugnantes  
 spiritui carnales affectus voluntarijs nititur, castigationibus  
 edomare, omni circūspectione præcaueat, ne vlla eā macula  
 impietatis offuscet, aut duplicis cordis ruga dedecoret. Sed  
 inflatione iactantiæ præcū pulsa, de industriæ suæ bonis in Do-  
 mino tantum gloriatur, sitque de illorum numero, de qui-  
 bus ait Propheta: Domine in lumine vultus tui ambulabunt,  
 & in nomine tuo exultabunt tota die, & in iustitia tua exalta-  
 buntur, quoniam gloria virtutis eorum tu es. Qualem conti-  
 nentiæ modū his præcipue diebus oportet ab vniuerso fidelium  
 numero studiosissime celebrari, vt templū Dei, cui fundamē-  
 tū est ipse fundator, in omnibus lapidibus speciosū, & in tota  
 sui parte lucidū; & quibus est sub inuicti Regis Imperio cō-  
 tra nequitia spiritualis insidias cōmune bellū, sic confociato  
 robore dimicantibus vna victoria. Quandoquidē tutius, feli-  
 ciusque plures cū hoste configunt, quàm singuli: nec facile  
 patet vulneri, quem opposito scuto fidei non sua tantum, sed  
 aliorum quoque fortitudo defendit. Neque huius constitutum



1. Cor. 9.

Math. 6.

Math. 25.

Math. 25.

Math. 6.

1. Pet. 3.

Math. 19.

certaminis effugiant, quicunque virium infirmitate præditi nulla corporalis ieiunij lege tenentur, si tamen inedia laborem impendijs facultatē redimant. Cuiusmodi misericordiz fructus sibi comparare non minus debent, quotquot ab epularū delectatione se continent, ut qui abundantius seminauerint, copiosius metant. Siquidem agricolæ suo nunquam fruges ista mentitur, quam non æstusurit, non torrens trahit, non grando prosterne, non usus minuit, non mutatio violat. De qua nihil fur arripit, nihil tinea corrumpit, nihil rubigo consumit. Integræ semper manent pietatis expensæ, modo augentur, qualitate mutantur. De parvis maxima gignuntur, dum mystica talenta liberaliter erogata laudabili apud Patrem familias incremento multiplicia redduntur. De perituris efficiuntur æternæ; dum pauperibus elargitæ diuitiæ per eorundem manus in thesauros cælestes deportantur. Quisquis igitur opes amat, quisquis multiplicari, quæ possidet, concupiscit, in hæc lucra accendatur, in hæc rerum suarum augmenta suspiret. Nec de senore dubitet, nec de receptione diffidat, cui Christus debitor est, qui dicit: Quod uni horum fecistis, mihi fecistis. Studeat refectio pauperum, viduarum defension, pupillorum utilitati, lugentium cōsolationi, dissidentium paci. Suscipiat peregrinū, adiuuet oppressum, vestiāt nudum, soueat ægrum. Ut ea, quæ sursum sunt, sapiens, non quæ super terram, ibi curam cordis obstringat, ubi ināmissibiles facultates recondit: nepe in illo per quem maxima & pretiosa nobis promissa donantur, qui etiam casta, & pura ieiunia, benignis in pauperes secundæ muneribus centuplo nunquam peritura gloriæ fructu cum Patre, & sancto Spiritu remunerat.



# DOMINICA PRIMA

## QVADRAGESIMAE.



### ORATIO PRIMA.



PECTACVLVM hoc pulcherrimum, & augustissimum B. P. conspectu non modo isto, quo nullum habet terrarum orbis illustrius, sed vel ipso cæli theatro dignissimo, duarū videlicet, vna in Christi persona naturarum, humanæ, & diuinæ, quod nobis hodie spectandum proponitur, quis satis vnquam pro dignitate referat? Est profecto in-

genij specimen quodam ante pedes posita transilire, & cogitationem à rebus quotidianis reuocare, attamen Spiritus sancti monitum, quo altiora nobis querere prohibemur dum occurrit, mortalem mortalia, non immortalia, diuina multo minus scrutari debere, prope forsan est vt aliquis existimet. At quando homo corpore terrenus, mortalis, caducus, animo cælestis, diuinus, immortalis est, ab his vitatis, notisque naturis se non raro meritissimo abducit, & in Dei Opt. Max. ardua illa quidem, sed tamen iocundissima contemplatione se totum ponit. Nostram & nos operam, ac quantulamcumque industriam breui hac oratione eo conferamus, Christum vt Deum, & hominem in hodierno Euangelio tanquā in speculo lucidissimo nostris oculis subiectum intueamur, vt quæ Dei considerantibus, eius immensa cernatur maiestas, quæ hominis, nostra deploranda calamitas, & Deum inde,

vene-

## 24. Dominica j. Quadrag.

venerari, nos ipsos hinc negligere discamus, quarum vtraque rerum nihil gratius, nihil vtilius posse homini euenire crediderim.

*Ambros.*

Præclare S. Ambrosius Christianum quando fortem, quando imbecillum animo colligens. Hominem alloquutus: Propter te, inquit, infirmitas, in se potentia; propter te inopia, in se opulencia. Quicquid certè firmum in homine insit, id omne à Christo, quasi lucem à Sole Luna mutuatus est, quicquid contra, in Christo infirmum, id totum quasi Sol eclipsim passum, ab homine accepit. Ita dum ipsum cernis hodie quadraginta totos dies, ac noctes nullo prorsus cibo vsu, quæ sua sunt agnosce, dum postea esurientem audis, quæ tua; dum ter à diabolo tentatum, quæ hominis cogita, dum ei Angelos ministrantes, quæ Dei contemplare. Quis enim esuriat, nisi homo? Quis mortali corpore vtens, dierum, & noctium quod diximus spatium ab omni cibo abstineat, nisi Deus? Quis variè tentetur, nisi homo? Cur Angeli ministrant, nisi Deo? Cum ieiunasset quadraginta diebus, & quadraginta noctibus, ecce Deum; postea esuriit, ecce hominem; Dei, Vt lapides isti panes fiant, Mitte te deorsum, Hæc omnia tibi dabo, humanam agnosce naturam, Angeli accesserunt, & ministrabant ei, venerare diuinam.

*2. Pet. 4.*

Altissimo hoc geminæ in Dei Filio naturæ pro homine reparando, mysterium ita semper dæmonem latuit, nunquam vt perspicuè fuerit assecutus; suspensiones licet plerumque eum tenuerint vehementissimæ? Quamobrem à tempore quo Virginis in aluum descendit, ad horam vsque, qua in Crucem conscendit, magnoq. Parenti spiritum reddidit, huc, & illuc animo fluctuans diabolus, nunc humanitatis, nunc diuinitatis clarissima in eo notans argumenta, certus omnino nunquam, dubius perpetuo mansit. Vbi itaque illum nascentem, ab Angelis concelebratum, humili in præsepe constitutum; vbi mox natum, angusto in tugurio positum, donis amplissimis à Magis stella duce nobilitatum. Vbi infantem hostia pro eo exhibita in templo oblatum, dignissimis illis beatissimi senis vocibus decantatum; vbi puerum sapienter adeo disputantem, vt omnes in admirationem induceret, Mariz deinde, & Ioseph subiectum; Vbi hominem à Ioanne baptizatum, columbæ specie, cælestiq. oraculo illustratum spectauit, animaduertit, obseruauit. Hodie tandem furens canis

*Luc. 2.*

*Matth. 2.*

*Luc. 3.*

*Matth. 3.*

canis tot vestigia quam sagacissimè odoratur, qui rabiè diu conceptam longius continere non posset, eius diuinitatem pro viribus deploraturus, à Dei actu maximè proprio exorsus, eum temerè inuadens, ait: Si Filius Dei es, si inquam ille es, qui temporis principio dixit, & facta sunt; mandauit, & creata sunt, dic modo, vt lapides isti panes fiant. Si omnia cum non essent, vt essent, vocis vnus imperio effecisti, quæ iam sunt, minori negotio in aliud commutabis.

Diuturnam adeo Christi abstinentiam dæmon notauerat, notauerat famem subsecutam, Deum inde, hominem hinc diuinabat; at qui Deum potius, quod tot dies non esurierit, quam hominem quod deinceps esurierit intelligere debuisset. Quemadmodum enim fortis athleta quæ infirmi sunt, præstare potest, infirmus quæ fortis athleta præstare non potest, ita hominis propria valet efficere Deus, propria Dei nequit attingere homo. Verutamen animo perturbatus, immo deprauatus, hæc lance non æqua metitus, qui ex Christi responso nihil obtinuerat, eum denuo aggreditur: Si filius Dei es, mitte te deorsum: scriptum est enim, quia Angelis suis madauit de te, & in manibus tolleret te, ne forte offendas ad lapidem pedem tuum. Psal. 90. Quibus sanè verbis nihil vnquam à Dei Filio magis abhorrens dici potuisset: Qui enim sedet super Cherubim, & in altis habitat, se deorsum precipitem dabit? Qui portat omnia verbo virtutis suæ, Angelis à quibus portetur indigeat? Cuius pedes alæ Seraphim velant, lapis, vel aliud quidpiam offendant? Rursus itaque Christi verbis delusus, rubore qui suffundi debuisset, cuius tamen superbia ascendat semper, eum tertio adoritur, omnibusque mundi regnis, & eorum gloria ob oculos posita: Hæc, inquit, omnia tibi dabo, si cadens adoraueris me; vt nimirum id si Christi præstet etiam non Deum inspicat, si se dicat pie, sanctèque colendum, Deum coniiciat, atque ita demum tantum sibi suspicionem excutiat.

At quoniam Augustino doctissimorum non minus sanctissimorum, quam sanctissimorum doctissimo auctore tantum Christus dæmoni innotuit, quantum voluit, tantumque voluit, quantum oportuit, cum nulla euidentiori opus esset declaratione, diuinitatis solem sub responforum nube, ita primo, ita secundo, ita tertio ipsi occultauit, vt non magis Deum, quam hominem, vel hominem quam Deum illum deprehendere potuerit.

Psal. 79.  
Heb. 1.

Aug. 8.

## 26 Dominica j. Quadrag.

Cum autem coniectura, quæ in varias partes duci potest, nonnunquam etiam in contrarias sit nihil incertius, omnia frustra expertus diabolus, fractus animo, fractus viribus, lubricus omnino, ancipitiq; cogitatione distractus, quæ ipsum nunquam non agitet, vexet, conficiat, à Christo recedit. Quo sane recedente, accedunt Angeli Domino suo ministraturi. Accedunt, ut rem grandem, rem supra naturæ legis, inauditam, ac pene incredibilem intueantur; carnem, videlicet, quæ dæmonis conatus, audaciam, machinationes eluserit, compresserit, dissipauerit, quæ totius inferni artes, vires, molitiones deuicerit, quæ postremo deserto illum in loco profligauerit, quem cuncta in cælo Angelorum agmina vix superare potuerant.

Iam vero, qui Dei in Christo Deo excellentiam ex ijs quæ attigimus audistis, hominis nunc ærumnas in Christo homine tentato breuissimè attendite. Miserandam profecto (B.P.) hominis condicionem. Taceo quod nullam habeat ætatis partem, quæ molestijs vacat, sed mille periculis expositus, curis infinitis, & sollicitudinibus ita tenetur, nunquam ut quiescat, & motibus animi rationi plerumque non obtemperantibus persæpe agitur, odit, amat, cupit, timet, dolet, lætatur, sperat, diffidit, amplectitur, refugit. Taceo quam multa apud Patres veteres, scriptoresque sacros sit passim legere, quæ summam eius miseriam indicant, præcipuè autem à viro illo patientissimo lutum, umbram, ventum, florem qui conteratur, folium quod ventus rapiat, ad laborem denique natum dictum non ignoremus.

Calamitates multo grauiores hominem premunt: ut enim scribit Lucas, omnem in Christum à diabolo tentationem, hodie consumatam; ita omne tentationis genus dæmon ipse, caro, mundus in hominem exercent, complentque (iam enim quæ sunt in Christo infirma, hominis quam sibi ipse naturam sociauit respicere diximus) & in ipsum non secus, atque in arcem magno impetu irruunt; tentationibus mediocribus quasi motibus quibusdam pulsant, quas dum longius continuant, quasi obsidione cingunt, maiores verò aggressi, quasi tormentis bellicis quatunt. Vias illas à sede animi ad oculos, ad aures, ad sensus alios perforatas, artis huius fenestras, vel foramina callidè obseruant, quibus ea ad hominem traiciant, quæ ipsum moueant, debilitent, frangant. O belli huius

huius vel cogitationem ipsam acerbam, ac luctuosam, Tot  
 carnis illecebræ allestant, tot mundi oblectamenta circum-  
 ueniunt, tot dæmonis artes, viresque occupant, ut miser ho-  
 mo vix occurrat singulis, vix resistat. Ambitione prostra-  
 ta, concitatur libido, libidine extincta, vexat auaritia, auar-  
 itia domita, superbia inflat, ira exardescit, consumit inui-  
 dia, allucit gula, placet desidia. Quam rectè dixit Iob, mi-  
 liciam vitam esse hominis super terram. Vbicumque sit ho-  
 mo, quo se vertat, quacumque flectat, iugum sibi graue à  
 die natiuitatis suæ impositum videt. Quid enim? Vitam,  
 cum alijs communem, & socialem degat? At omne quod est  
 in mundo, concupiscentiam esse carnis, concupiscentiam  
 oculorum, & superbiam vitæ, scripsit discipulus ille, quem  
 diligebat Iesus. Solitudinem fortasse petat? At in solitu-  
 dine Christus hodie cum dæmone luctatur. Ad sancta loca  
 se forte recipiat? In sanctam Cinitatem ducit Christum dæ-  
 mon tentaturus. Sacras forsitan ædes, & templa adeat? Su-  
 per templi pinnaulum eundem dæmonem eidem Christo  
 insensum legimus. Quod si viridi in ligno hæc molitur dia-  
 bolus, in arido quid facturum putemus.

At quando Christum lignum viride eo nomine B. Grego-  
 rius dixerit, quod diuinitatem humanitatis cortice obdu-  
 xerit: Nos qui naturam hanc fame, & tentationibus, illam  
 vero abstinentia diuturna, Angelorumq. famulatu in eo iam  
 inspexerimus; votis omnibus ab ipso petamus, ne in calami-  
 tossimo hoc bello decertantes, tentationibus vinci permit-  
 tat, dignosq. efficiat, ut sublime hoc Dei, & hominis in ipso  
 mysterium, quod dæmonem semper dubium, & vsque eo so-  
 llicitum habuit, hodie ut illum ter aggressus, id frustra ex-  
 plorare contendit, dies totos, ac noctes cogitemus, vene-  
 mur, colamus, quo infinitam eius maiestatem, & conditio-  
 nem nostram miserabilem agnoscetes, nobis ipsis despectis,  
 ieiuni placere studeamus.





## ORATIO II.



**H**UMANI animi insignem libertatem, quam toto conatu denigrare, explodere, ac in miseram, servitutem, carnisque vertere licentiam, Catholicæ veritatis hostes nituntur, ab ipsorum ereptam faucibus, præclaris hodie laudum encomijs efferre, ac quo studio, quibus præsidijs ab aduersantium incurfibus tutam reddere possimus disserere, strenuus nostri seruatoris cum humani generis hoste congressus, illustrisque subinde secuta victoria, quæ nunc vestris insonuit auribus, non modo suadet, sed vehementer impellit. Scio me rem aggredi perdifficilem, & quæ cum antiquorum, tum recentium semper mirum in modum exercuerit ingenia, noui pariter coram tremendo tuæ Sanctitatis conspectu, ac tam præclaro Patrum confesso, nil nisi elaboratum, & omnibus absolutum numeris adducendum esse. Sed cum vestram humanitatem, gratas, ac attentas aures mihi nulla dicendi arte prædito, toties præstitisse expertus fuerim, iu spem assurgo, quod mihi sanctus suggererit Spiritus, quamuis impolitum, & vestra minus dignum præsentia in medium proferre, & sub vestri fauoris patrocinio, oratiunculæ finem pandere tentabo.

Cum ex his, quæ à Deo Opt. Maxi. procreata conspiciamus, quædam in præstitutum sibi finem sine iudicio suo ferantur impetu, alia sic præfixis constringantur legibus, ut non nisi per eas, in illa quæ persequenda iudicauerint tendere valeant, solus inter mortalia homo ab optimo Conditor, libero iudicio donatus fuit, ac voluntariè utroque veritabili. Frustra enim ratione, bruta præcellere diceretur, nisi per ipsam quid expetendum, quidvè fugiendum dignoscere, ac pro arbitrio sese à malo auertere, & ad bonum flectere posset. Reliquit, inquit Sapiens, Deus hominem in manu consilij sui, adiecit mandata, ignem, & aquam coram

coram ipso apposit, ut ad utrum ipsorum maluisset extenderet manum. Propulsanda propterea à Christianis animis omnium hæresum nouatorum impia assertio, est, qui toto, ut aiunt, aberrantes cælo, hominem trunco, & brutis nihilo præstantiorem fingentes, cum ipsis pariter necessitatibus constringunt legibus, & liberum arbitrium nostrum, post prothoparentis lapsum, rem de solo titulo, & potius seruum quam liberum arbitrium appellandum dogmatizare non erubuerunt, adeo ut qui semel peccati vinculo colligatus fuerit, ut ab eo Diuina manu soluatur, sua libertate quoquomodo iuari non possit, quinimo quicquid etiam virtuti consonum conetur efficere, totum noxium & culpabile coram Deo censeatur. Quid si res ita se habet Patres Opt. hi qui nullo modo suæ voluntatis compotes sunt, legibus coercentur, constringuntur mandatis, perterrentur minis, ni iussa seruauerint, præmia si seruauerint pollicentur? Frustratalibus caneret Psalter: Declina à malo, & fac bonum: Fri- *Plat. 16.*  
gebunt tot minæ, tot exprobrationes, tot benedictiones, tot maledictiones, quæ passim Scriptura, his qui se verterint ad meliora, vel in peiora prolapsi fuerint inculcat. Nam & si fateamur arbitrij libertatem per peccatum, vulnus accepisse, non eamus inîcias, quod nostra culpa nonnumquam enormitas criminum, a suetudo peccandi, in naturam adeo vertatur, sic obnubilet mentis iudicium, sic obruat arbitrij libertatem, ut illud extinctum, hæc adempta videatur; audacter tamen, cum Patribus asserere non veremur ipsam non excisam, non extinctam vnquam sic esse, quâdo pleraque moribus consona præstare non possit, ac ad paternas Dei nostri voces, quibus ut à peccatis resurgamus, nos inuitat auscultandas, sese accomodare non valeat, nisi dum vocamur à Deo nobis illudi asserere audeamus. Quis enim adeo desipiat, ut huiusmodi vinculis restricto quem solvere nolit dicat; moue te hinc, veni sequere me. Et tamen quotidie etiam de quocumque malorum barathro, diuinis extimulamur monitis, ut criminibus terga demus, & ad enim toto conuertamur corde. Si vocanti à peccatis Deo obtemperare non valerent homines, cur Christi voce obiurgatur Hierosolyma, quod ipso volente eius filios sub alas congregare *Matth. 23.*  
ipsa renuerit? Credamus igitur, necessarium est sola Dei gratia hominum deleri peccata, nec nostra sponte, nostris viribus

### 30 Dominica j. Quadrag.

viribus ab his resilire posse, nisi ipse vocet, suppetias ferat, manum porrigat. At vocanti respondere, adiuuanti obsequi manum porrigenti occurrere nostrum est, genuina libertate, Christi excitata & mota fauore. Abeant igitur qui hominis libertatem ad dissimulanda peccata, fouendum torporem obliterare conantur. Sed posteaquam veritatis anchora subnixi, impiorum firtes euasisse credebamus. Ecce probudor, in non minus diros scopulos humanæ libertatis cimbam propellere nituntur. Vt enim nunquam satis laudatæ diuinæ gratiæ fauere videantur, ac ipsius extollere partes, hominum quorumlibet iustorum conatus, ad ea quæ nos in salutem prouehunt peragenda, ad nihil valere, suadere conantur. Sed solam gratiam in nobis sic operari, vt nostra voluntas, nihilo plus agat, quam inanime instrumentum, dum manu assumitur, in quamlibet artificij libuerit speciem. Huius assertionis impietas, quam è diametro tū sacris literis pugnet, cuiuslibet vel mediocriter exercitatio patere facile poterit. Cur laudatur in Euangelio seruus qui Domini sortem suam, à Deo tamen adiuta auxit industria? Cur damnatur ignauus, si nihil ibi nostrum est? Quid sibi vult parabola de operarijs conductis in vineam, quibus denarius promittitur ex pacto tanquam opere præmiū? An operarij sunt, qui nihil operantur? Qua fronte tam securè iustitiæ coronā expectabat Apostolus post strenuam depugnatam pugnam, post gloriosi consumationem certaminis, si nihil omnino inter huiusmodi promeruerat? Non negamus sine diuinæ gratiæ fauore, exiles esse hominum vires, inanesque conatus ad sempiternam promerendam gloriam, sed neque veremur cum Apostolo asserere nos cælestis cooperatores gratiæ, cum tremore, & sollicitudine nostram salutem sit operari, vt per nostra bona opera certam nostram vocationem reddamus. Nec propterea, vel tantillum Christi detrahimus gratiæ, quinimo ipsam magis extollimus, ac magnificamus, dum Opt. Dei nostri immensa bonitate fieri credimus, quod vile figmentum in consortem, & cooperatorem operum, sua virtute cælos penetrantium prouehat; nec cum seruo pacisci dignatus sit Deus noster, vt per ea quæ iure seruitutis gratis præstare debuerat, vitam promereri possit æternam. Quid magnificentius, quid liberalius de rege nostro dici poterat, quæ omnia in ipsius profecto iniuriā obliterarent si hominum

Matth. 25.

Matth. 20.

2. Tim. 4.

Philipp. 2.

1. Pet. 2.

num tolerarentur merita. Et sua igitur dona in nobis, & nostra simul opera coronat altissimus, nec magis alterum cum altero pugnat, quam quod vna, & à vite, & à cælo generari dicatur. Posteaquam igitur fauente Catholicæ veritatis felici aura, vtrumque euasimus naufragium, tutamque attigimus stationem, humanæ libertatis canere laudes, eiusque virtutem efferre inuitamur, quæ ea est præter ipsius ascensum nulla potentia deiici, nullis superari armis, nullis arietibus concuti valeat. Nam & si eo robore, quo nullum maius sub cælo inuenitur, nostri præditi sint inimici, eamque fallendi artem, circumueniendi astum calleant, quem vix quisque occultissimus euadere possit, si tamen libero nostro assensu, nostræ mentis arce potiti non fuerint, inanem eorum conatum, frigidasque ipsorum artes experiri cõguntur. Sileant igitur, qui in gravem Conditoris iniuriam inpeccata, cacodemonis potentia, vi pertrahi conqueruntur. Ne tamen humanæ libertatis partes plus equo efferrentes in detestabilis Pelagij crigamur supercilium, meminisse nos super operam quam imbecilles sint nostræ vires, quam peruigiles, quam exercitatos, & in naturam nostram perniciem iuratos hostes habeamus, à quibus & si cogi non valeat nostra voluntas, fallit tamen, & circumueniri facile potest, nisi sub Diuini fauoris alis iugiter protegamur; si in tam diro prælio carnis illecebris non illaqueari cupimus, non solæ nostræ fidere libertate, non nostris tantum viribus inniti, sed Dei spiritu duce, eiusdemque protecti armis, Fideiq. clypeo muniti, cum tam instructa acie manus conferere nos admonet Apostolus, huius militiæ inuidissimus Dux, & ne humano ingenio hanc dimicandi artem nobis suasisse arbitremur. Ecce hodie nobis ob oculos nostri Imperatoris cum humani generis hoste, doctissima proponitur pugna, Christianæ militiæ semper imitandum exemplar. Qui tamen si Diuina qua præditus erat virtute, solo verbo fundere potuisset inimicū, vt tamen ipsa quam nostri gratia gerebat militia, qua arte, quo studio, quibus armis nostram libertatem tueri deberemus nos admoneret, non prius hanc aggreditur palæstram, quam Iordanis ablutus vndis Paterna voce, toto patente cælo, Dei Filius declararetur, nec & tunc temere bellum auspiciatur, sed sancto actus Spiritu, & carne quadragenarij

2 pñf. 4.

iciunij

## 32 Dominica j. Quadrag.

ieiunij inedia afflicta. Adoritur aduersum tam armatum, duce, temerarius versipellis praelium, ac omnes fallendi in eum acuit artes, iisdemque armis quibus primum hominem strauerat Dei virtutem superare molitur. Et quamquam primo congressu strenuus pugil noster hostem fundere valuiſſet, quo tamen contra singulos eius ausus arma nobis suppeditaret, varios ipsius sustinere voluit conatus. Gulæ illecebris pulsatur primum, dehinc inanis gloriæ fastu, popularem captare auram suadetur. Demum ambitu, & ea quæ ferè vniuersos hominum animos illaqueare solet, regnandi cupidine fortiter extimulatur.

At facile Christi sapientia callidi insidiatoris detegit dolos, & aduersus singulos ferientis ictus, non modo insuperabilem opponit Scripturæ clypeum, sed de ipsius quo agebatur spiritus armario, totidem acutissima retorquet iacula quibus confossus impurus spiritus, terga turpiter dare, ac è medio theatro repentè abscedere compellitur. Hac igitur præclara victoria, inuictissimus Dux iniqui hostis vires adeo strauit, sic Christianas instruxit acies, armauit pectora, vt certam nobis victoriam præparauerit, modo semper spiritu duce, Fidei protecti clypeo, ac verbi Dei acutissimo accincti gladio, hanc exerceamus pugnam. Sed, proh dolor, tam ignauiter hodie, qui Christo in sacro fonte nomina dederunt, hanc detrectant militiam, vt non vereantur passim, spiritus libertatem in quam vocati fuerant, in miseram peccati seruitutem, effrænemque carnis licentiam commutare, nihilipensis militaribus sacramentis, quibus se Christo deuouerant, proiectis Christianæ militiæ armis, tam benigni Imperatoris signa deferere miseri non erubescunt, & ad hostis desciscere partes, ac si in ipsius verba iurassent. O deplorandam calamitatem, quando sua se sponte, liberi homines in tam diram tyranni dederunt seruitutem. Quid conniuetis, quid dissimulatis Patres, quos sui gregis pastores, sui exercitus duces Christus substituit. Ante vestros oculos castra quæ ducitis sic exinaniri suffertis? Eia, tantam stragem reparare studete, & vestræ fidei commissos milites à turpissima seruitute in pristinam libertatem, vestro exemplo, vestro suasu reuocare studete, vt vobis ducibus, vobis patronis, post mortales depositas exuias, imbecillem hanc libertatem,

tem in auream, & felicem libertatem gloriæ filiorum Dei, in quam nos Christus ascivit, quando exulabit dolor omnis, & gemitus commutare mereamur.

## ORATIO III.



ABVIT antiqua, ætas (P. Beatissime) viros perillustres virtutumque omnium luminibus ornatissimos inter hos David, velut inter Sydera Hesperus claruit, & effulsit miris encomijs perenniter laudatus, sed nūquam nimis, quia nec satis vnquā, sicut adeps separatus à carne, ait Dñs, sic David à filiis Israel, nil breuius, sed nec

Ecclesi. 47.

illustrius in viri huius commendationem adduci potuit. Iustitiam pascuæ gregis caulam nutritus ac natus, sed ibi non obscuris parentibus editus, non humili sanguine ortus, quinimò intra ipsas functiones pastores principis specimen exhibebat, & Regiam iam redolebat maiestatem: Vix pueriles transcederat annos, iamque virili robore præstans, cum leonibus ait Sacer textus, lusit quasi cum agnis, & cum vrsis similiter, quasi cum agnis ouium. Nondum iuuenilis decor honestas ornaverat genas, & zelo gloriæ succensus, singulare illud certamen admisit, quod nullus ex veteranis assumpserat, infundit & lapide, quibus testante sacro eloquio, deiecit exultatione gloriæ & exaltavit cornu gentis sue, quæ non felicissimè peregit prouectus, si summa nolebatur rudis, & tirunculus; mirabile dictum, cum semel veluti belli fulmē, hinc & inde hostes conquassaret, interfecit (affirmat historia sacra) octingentos impetu vno. Quis vnquam existimasset virum istum pauper aliquo deiectum, vltimè inimicorum impetu conturbatum? Nullus. Audiamus illum sua verba proferentem: Contristatus sum in exercitatione mea, conturbatus sum à voce inimici, & à tribulatione peccatoris. Timor, & tremor venerunt super me, & contexerunt me tenebræ. Ac si diceret: obstupui, steteruntque comes, sudorq. frigidus occupavit artus,

2. Reg. 23.

Psalm. 34.



# 34 Dominica j. Quadrag.

*Ibidem.*

totusq. pauore torpui. Cur ita viroꝝ decus ac gloria? si tali contractus timore animo deficiis, quo te vertes? Dixi: Quis dabit inih pennas sicut columbaꝝ; & volabo & requiescā? No-ua & inaudita disciplinæ militaris forma, instabat bellum, premebant hostes, auxilia effragitabat, ac non galeam, non lorica, non antiquum gladium suæ primæ gloriæ, & socium & tellem, sed plumas leues, illasque columbaꝝ, quæ inter volatilia cuncta est ineptior certaminis. Age iam, alis suffultus, quò aduolabis? Elongauit fugiens & mansi in solitudine, & quis in solitudine ista aderit auxiliator? Expectabam, cum qui saluum me fecit à pusillanimitate Tpiritas, & tempe-  
state.

Emitte modo, o pater luminum lucis tuæ radium, ecce Ecclesiæ sacre illustrissima portio, hodierni certaminis imago viua, totiusque Christianæ militiæ exactissimū exemplar. David hostili agmine obsessus, vir iustus est, qui quò iustior eo durjori & periculosiori subiaceret bello. Si vsos, idest inuidiæ effrenatos motus cohibuisti, si leonis superbi, inquam, ferocissimos impetus mitigasti, si caput Goliz, superbiâ scilicet vnde iniquitas initium lumpsit, præcidisti, nō ob hoc cessabit à molestia tentator, qui aperto & animosiori Marte oppugnat victores, si cælū tibi rursus ad ripas Iordanis, si Pater-na ablectatus voce inter filios charissimos, athletasque inui-  
cos es acclamatus, lacescisti acriter; & irritasti aduersa-rium, Non dormitabis neque dormies o Israel, qui & contra Deum ipsum præualuisti. Ecce enim non dormitabit, neque dormiet qui impugnat Israël, qui purum non appetit, quā pretiosum nō infectat, qui forte nō aggreditur, loquatur Iob, ut potè qui inimici nostri tecnas & vires sæpe sapius ex-  
pertus absorbebit fluuium, & non mirabitur, fiduciam habet quæ Iordanis (sanctificatus inquam & purus) influat in os eius. Reueretur preciosa? Nequaquam, sub ipso (subdit) e-  
runt radij solis & sternet sibi aurum quasi lutum, pauet po-  
tentes? Minimè. Reputabit, inquit, quasi paleas, ferrum quasi lignum putridum, & deridebit vibrantem hastā, non est po-  
testas in terra quæ comparetur ei.

*Iob 40.*

*Isai. 5.*

Validissimus hostis sed indefessus, acutè & ornatissime Isaias: Nō est deficiens, neque laborans in eo, neque soluetur cingulum renū eius, neque rumpetur corrigia calciamen torū eius, sagittæ eius acutæ, & omnes arcus eius extenti, vngulæ  
equo-

equorū eius ut silex indefessus sed infestissimus, molestus, ac grauis vbiq̃ue tragædias excitat, vbiq̃ue parat insidias, vbiq̃ue occultat laqueos. Narrauerūt ut absconderent laqueos *Psalm. 49.* (hæc illorum perpetua consultatio) dixerunt, quis videbit eos. Diuitiarum amplitudine eleuat ad superbiam, paupertate deprimit ad querelam, sanitatem nutrit ignauiam, mororem, & tardium. Securitate illaqueat sub alacritate vana, nimio timore sub sollicitudine superflua, tandem hostium incurfus finire non istius vitæ est, quæ tota est tentatio, qua nemo ita facile vincitur, quàm qui vinci non veretur. Hinc iustorum queribundæ voces. Ieremias ad progenitores reuersus flens conquerebatur: Væ mihi mater mea, ut quid me genuisti virum rixæ; virum discordiæ in vniuersa, *Ierem. 17.* terra. Virum rixis, & interminabilibus contentionibus destitutum. Cautè, & accuratissimè locutus est Propheta de matre, non de conditore conqueritur. Deus enim fecit hominem rectum, ac ipse se immiscuit quæstionibus multis. Hinc Dauidicus pavor, hinc Pauli flebilis, & mæsta exclamatio: Infelix ego, quis me liberabit de corpore mortis huius. *Rom. 7.* Quid ergo? Desperandum. Absit.

Hodie Dux assertor noster Christus de Euangelico tribunali commilitones alloquitur, pugnaturis præmia pollicetur, inimicorum reuelat dola, vbi, & quādo, & quomodo pugnandū sit, triumphali constitutione consignat, in desertū ducitur à spiritu ut tentetur: quo loco expectandus sit hostis primo docet in deserto inquam. Idipsum cupiebat Dauid: Elongauit fugiens, & mansi in solitudine: nec immeritò à loco certaminis militum instructio inchoatur, illius enim inopportunitas milles perniciosos, & funestos inducit casus. Adamus militari cingulo præcinctus, atque diuina armatura protectus. Leuissimo pomi ictu prostratus iacuit, nec mirum, expectauit enim hostem intra paradisi delicias, interdixit arboris vmbra coopertus pulcherrima creatura, sed tamen fœmina seductus, Iob solus inermis, nudus, immo pessimo vlcere ferè consumptus, testam in manu loco lanceæ ferens in ferrum prouocat, & vincit, & quidem meritò, sterquilinum enim elegit in stadium certaminis. Ad nos iam se transferat oratio. *Psalm. 54.* *Gen. 3.* *Leb. 1.*

Si pugnaturi, solitudinis grandi locum opportunum perquirere debent, quo iure, quo titulo, qua ratione intra pelagi

E e 1 huius

huius tumentes fluctus, fornacis edacilissimas flammās, verbis molestissimos tumultus, serena fronte, corde læto, pacato animo vitam agimus: Si in terra patris secura non fuisti, quid facies in superbia Iordanis? Si cum peditibus currens laborasti, quomodo poteris contendere cum equis? At si diceret: Si vbi vitia lento incedunt gradu, immo humi reptant te passim comprehendunt, & sub peccatis venundatum ignominiose ligant. Quid erit vbi equis insiderent: immo triumphalibus procederent curribus.

*Apo. 8.*

*Hierem. 9.*

*2. 1. 1.*

*Mich. 7.*

Ve, ve, ve, clamabat Angelus habitantibus in terra, quod si causam ignoscas, ausculta quæso Hieremiam: Habitatio enim tua in medio doli, si iuxta fraudum mœnia, si intra doli suburbio tolerabile malum, at in medio doli. Quid infelicitius, quid calamitosius annunciari potuit? Habitatio nostra in medio doli, in corde doli, intra fraudum viscera; vbi deceptio floret, viger, & accuratissime conseruatur? Si habitas in medio doli, igitur quo te veritas occurrent fraudes, cognati insidiantur, amici deludunt, serui defraudant, adulantur iuuenes, senes malitiose simulant. Clama, ò Michea sancte, exalta in fortitudine vocem tuam, exalta noli timere, periit sanctus de terra, rectus in hominibus non est; qui optimus est in eis, quasi paliurus, qui rectus quasi spina de sepe. Quem baculum protectionis saturum existimabas; eo necessitate premente, fidata manu ne rueres, apprehendisti, delusus, & vulneratus vociferabis, spina spina de sepe. Nolite ergo, Propheta colligit, nolite credere amico, nolite confidere in Duce, ab ea quæ est in sinu tuo, id est, a carne tua, a teipso; hostis enim domesticus periculosior; custodi claustra oris tui.

*1. Ioan. 5.*

Quod si mundus flagrat, ò Christiane miles, totusque in maligno positus est. Quid tibi, & mundo, solitudinem perquire, illam ama, illam affectu amplectere. O auro, & sacra solitudo, in te non purpura, & bisfus, neque auro, & margaritis contextæ telæ, sed neque illæ, quæ subtili & fraudulenta arte conficiuntur ad animas capiendas; in te non Ducum & Principum purpuratorum coronæ, sed neque adulatorum improbi, simulatores calidi, in te non lapides politi vetusta vanitatis monumēta: sed illa quibus cælestis Hierusalem constituitur. Aliorum (aiebat Gregorius Græcorum decus) sint trophæa honores & gloriæ, mihi sat erit in solitudine

*Gregorius Græcorum decus.*

dine prærupta rupis : ibi enim æquo intervallo , & à summo fastigio & à summo casu distabo . Solitudo , aiebat Cyprianus : à milite eligenda , in qua animus liberius obuiat impugnanti ; nec enim aspectus irritamenta mouent , neque singula vellicant , dimicant , neque voluptatum lenocinia animum inebriant , & vt semel solitudinis laudes complectar , illum hodie præsentia sua cohonestat , sanctificat , & commendat , ille qui saluos fecit à pusillanimitate spiritus & tempestate , ibi stendo lacrymis nos lauat priusquam sanguine ibi purgando hostium vires eneruet , & debilitet ibi confregit scutum , gladium , & bellum .

Accedite iam : O hostes truces vestros nefarios retundam conatus , & effrenatos impetus infringam : omnia enim possum in eo qui me confortat , si mecum Deus , mecum & omnipotentia , si expedit manus vobiscum conferere , constituet vt arcum & arcum brachia mea : si fuga fuerit opportuna , dabit mihi pennas sicut columbæ . O felices pennas , suspensis , & lacrymis à viro probò conquisitas , hæ sunt terrenorum obliuio , fluxarum rerum contemptus , cælestium sitis , æternorum ardentissimus amor , diuinorum pura & sincera contemplatio de earum pulchritudine extat illud , pennæ columbæ deargentatæ , & posteriora dorsi eius in pallore auris . Illarum fructum commendat Malaclias , Sānitas , inquit , in pennis eius : & iure optimo : his enim pennis subuolans animus , laqueos quibus terra scaturire videtur contemnit . Frustra iacit rete ante oculos pennatorum : Irrident aues retia quando inter sydera volant : irridebit & iustus quando in carne viuens , non secundum carnem ambulabit , cum Paulo clamans : Conuersatio nostra in cælis est . His tandem deauratis pennis adiutus ascendet supra Cherubim , volabit super pennas ventorum , volabit inquam & requiescet in tabernaculis fiducie , in pulchritudine pacis , in requie opulenta , dulciter & suauissimè inter victores cātando : Laqueus contritus est , & nos liberati sumus .



## ORATIO IV.



ON possum non admirari Beatissime Pater, dum singulare certamen inter cæli regem, & huius sæculi principem recolitur, in quo exordium est nostræ salutis cum Dux nostræ militiæ in nobis, & pro nobis tentatur, animaduertens locum palestræ, arenas aduersarios, arma utrumque conuenientia, repetitos congressus, po-

stremo deuicti hostis erubescendum ex pugna regressum, maximo cum victoris triumpho, & sanctorum Angelorum iubilo. En tempus acceptabile, & oportunum adest regenerationis sanctificato sacramento, tunc quando Christus Dominus baptisma accepit Iordanis vnda sanctificata Spiritus sanctus in columbæ specie super eum mansit, & voce Patris de dilecto, & complacito personante Filius Dei, & Dux noster declaratus est. Locus enim desertum est, in quem errabundus homo ab Hierusalem in Hierico descendens, faucibus relictus est. Adde templum, & montem, ut nullus in terris relinquatur locus, in quo accusator fratrum suorum è cælo eiectus pugnare, & expugnare non attentauerit. Concertantes duces mitissimus Agnus, feralisque leo sunt: vnus arma sunt Spiritus ducens, ieiunium, & oratio. Alterius vero tentatio, persuasio & impulsus. Assistent, & adorant Angeli quem deus lucifer ignorabat, atque repetitis aggressibus, & occurribus agnoscere satagebat, vel si ad peccatum patrâdum induceret, aut eius diuinitatem dignosceret, virulentus diram tentationis lanceam, non semel acuit, & vibrauit. Cui sacrarum Scripturarum occurrentibus iaculis, sagittæ paruulorum eius plagæ factæ sunt. Idemque Dei Verbum, in quo viuimus, mouemur, & sumus, per quod facta sunt omnia, & reficiuntur. Verum cum victoris laudem concinunt, & ministrant Angeli, tria potissimum mihi magis admiranda, quam explicanda eueniunt. Tentatoris

Lucia 10.

Psalm. 63.

ratoris virus proponam, tentata solertiam, nostramque palestra instrucionem.

Mirum spectaculum, admirabilis conflictus, nunquam audita vecordia, qui in caelis lucifer manē oriebatur, natura, persona, existentia, potentia, atque sapientia inter calicolas non secundus, qui in delitijs Dei paradisi ambulauit, perfectus in naturalibus, & decoratus gratuitis, cuius decor, & ornatus, omne aurum optinuum, lapisque pretiosus cum habituali gratia in sui initio fuerit praeditus, ceterisque desuper collatis donis, ac in statu accedendi ad Deum fidei lumine perfusus, ei supernaturali premio proposito, ad quod peruenisset si sterisset: is inquam, cuius superbia ascendit semper, impingatus, ac dilatatus recalcitrauit, & ad aquilonem, vnde omne malum pendet conscendere, suumque exaltare solum, sedemque ponere voluit, contendit, dimicauitque, ad Dei inquam similitudinem elatione inflatus, peruenire voluit, & dici Deus, a supernaturali beatitudine diuina gratia adipiscenda suum auertens appetitum, & in suis naturalibus veluti in ultimato sistens fines, naturae viribus fissus ad ea quae sunt propria Dei ascendere decreuit, & voluit. Hinc vox belli audita est, & conitricio magna. Stulte mentes in suo ordine aduersus Sisaram pugnauerunt; his namque usque ad mortem propter verbum Dei, non diligentibus animas suas, idemque Dei Verbum consumatae gratiae contulit brauium; illi vero seipsos diligentes, & aeterni Creatoris obliui obliuioni, opprobrioque sempiterno traditi sunt in caliginosum aërem, humanum ob exercitium atque in profundum inferni veluti fulgura de caelo cadentia praecipitati sunt; & inter electos eorum fors erit nunquam. In terram ergo iterum suorum in caelo accusator deiectus, terram perambulans, superbia elatus, partem sibi annuens victoriam, hominem aggreditur, vt vel sic Deum vinceret in homine: vicit tandem mendacij pater matrem insecutus mendacij. Cur de omni ligno, quod est in paradiso ne comederetis praeceptum vobis sit, primo aggrediens conflictu; cui ne forte moriamur responsum, nequaquam moriemini, sed eritis sicut Dij, maledictus subinferre ausus est. Quid inde? Rex super omnes filios superbiae constitutus, cuius tyrannica potestas super terram minimè comparatur, visibilibus, inuisibilibusque temptationibus pluribus prostratis homini-

bus,



# 40 Dominica j. Quadrag.

bus, nunc Deum hominem aggredi non veretur. Quare hinc superbiæ regem, inde humilitatis monarcham, hinc rugientem leonem, inde mitissimum agnum, hinc perditionis flagitium, inde salutis initium; hinc tentatoris yefaniam, inde tentati constantiam animaduertamus. Mira res, qui omnibus imperat, & cuncta omnipotentia potest, qui sapientia & sine vsque ad finem fortiter singula attingit, qui ea quæ non sunt, tanquam ea quæ sunt vocat, qui vniuersa ad nihilum redigit, cum faciem auertit, qui inaccessibilem inhabitat lucem, & tenebræ in eo sunt nullæ, incomprehensibilis permanens; in cuius conspectu tremunt videntes Angeli, mors & infernus fugam sibi parant, dantque se in pedes. Is inquam, cuius nomen est; Verbum Dei, in cuius fœmore est scriptum: Rex Regum, & Dominus Dominantium, gladio accinctus tanquam vir bellator Dominus potens in prælio & tentatore aggreditur, venatoris ad mortem laqueis se exponit, & satanæ temptationibus subijcitur. Christus Dominus, inquam innocentiæ album consensus equum diuinitatis, humanitatisque arcum, sagittam, & phœceram in suppositi vnicate manutens, gloria, & honore laureatus vincens vt in nobis, & pro nobis vinceret in deserti, templi, & montis arenam exiuit. Quo fit vt nostræ militiæ prosequendus dux præcedat, & cum militia sit vita hominis super terram, ad prælium docet manus nostras; quibus telis, & iaculis sit dimicandum: sacra scilicet Scriptura; cum quibus hostibus, aduersus principes, & potestates; præsertim contra mundi rectores tenebrarum harum: qui verò pugnæ futurus est status: Corona vitæ certantibus, & victoribus repromissa, atque parata. Hæc omnibus Christi Domini militibus instructio, & totis viribus exercenda proponitur; videlicet, Fides contra rugientis leonis occursum. Spes quæ in aduersis minimè confundit, etenim fit cum tentatione proventus; & sic aurum in igne examinatur, atque probatur, & spinosi capitis mysticum membrum cum capite deinde coronatur, atque ex his quæ ad nostram doctrinam scripta sunt, & per patientiam, & consolationem scripturarum spem vitæ habeamus. Ist hæc, & huiusmodi mentis mœ acie, paruique ingenij acumine ad eloquendum vbi erat pertimescendum, colligere potui, Beatissime Pater. Supereft vt virtutum laudes victori concinamus, & cum Angelis Dei Filio administrandum

Arandum accedamus, cibum qui non perit, scilicet Fidem nostram, cibum ei iucundum animarum salutem, poculum suauissimum, contritionis & deuotionis lachrymas; hoc esurienti victori ministrantes in nobis, & pro nobis esurienti, tentato, & triumphanti cum eo esurientes, tentationem patientes, & virtutibus dimicantes insimul, & conregnabimus Angelorum ministerio in celestes perducemur mansiones.

## ORATIO V.



**T**ERRIMA, & periculosissima bella P.B. omni imbuta odio, omni fraudum genere communita, mouet hodie princeps tenebrarum contra Principem lucis, contra Christum sathanas. Triplici armorum genere armatus, glorie, ambitionis, auaritie, triplex in hoc certamen in deserto, in templo, & in monte: In deserto se hominem simulat, in templo transfigurat se in Angelum lucis, in monte demum aperto Marte congreditur, & se principem demonum prodit. Explorando tentat, inquit S. Ambrosius, & tentando explorat tentator, quid sagacissime enim potest odoratur omnia canis ille venaticus animarum, & callidissime indagat eius solutionem dubij, quod iam inde a principio Virginei partus conceperat, Num Christus sit purus homo, an etiam Deus; hoc enim illud erat, si Filius Dei es dic vt lapides isti panes fiant, si filius Dei es mitte te deorsum. Sed in oculis eius, inquit patientissimus Iob, quasi hamo capiet eum, & sudibus perforabit nares eius. Hec est brevis summa hodierni Enangelij, de quo simplicibus, sumptisque de medio verbis, quo genere dicendi contenta est veritas dicam pauca, & ea summam. Tanta est enim rerum magnitudo & copia, vt aut a me ipso multa, aut me ipsum a tempore deferi necesse sit.

Tunc Iesus ductus est in desertum a spiritu vt tentaretur a diabolo, Matt. 4. Tunc, inquit Chrysost. quando celi aperti

sunt, quando Pater clamauit de cælo: Hic est filius meus dilectus, quando baptizatus est Dominus à Ioanne in aqua, tunc ducitur à spiritu in desertum, vt baptizaretur igne tentationis. In desertum, inquit Ambrosius, vt illi Adam in exilio quæreret de exilio liberaret, qui de Paradiso in desertum directus est, & in desertum ductus est à Spiritu sancto, vt Doctores omnes vna mente consentiunt Hilarius, Gregorius, Hieronymus, Athanasius. A Spiritu sancto, inquit Gregorius, absque vlla quæstione ductus cum creditur, vt illuc cum suis spiritus duceret, quo hunc ad tentandum spiritus malignus inuenit. Et cum ieiunasset quadraginta diebus, & quadraginta noctibus postea esuriit, non necessitate, vt inquit Hilarius & Chrysostomus, sed voluntate: oblata famis occasionem, inquit sanctus Cyprianus, tumultuator de latebris prodiens egreditur, & subdola professione, quasi compatiens ei subuenire periclitanti naturæ hortatur. Et accedens tentator dixit ei, si Filius Dei es dic vt lapides isti panes fiant. O pietatem impiam, o impiam simulationem; inde ait Ecclesiæ lumen Augustinus, caput præliari contra secundum hominem vnde iam vicerat primum, antiquus enim hostis, iam scitis (vtinam nec scire licuisset) primum hominem ex gula tentauit & tentando superauit. Si filius Dei es dic vt lapides isti panes fiant. Tetricus iste draco signum quærit Diuinitatis, & signum non dabitur ei. Vibrat Christus contra insidiatorem, tanquam acutissimos quosdam veræ doctrinæ gladios, vt clypeum sic sacram Scripturam hostilibus telis opponit, sic opponendo, & vibrando pugnat, & pugnando expugnat inimicum: Non in solo pane viuit homo, sed in omni verbo, quod procedit de ore Dei; quasi dicat non sola cura corporis habenda, sed animæ, hæc non pascitur parum, sed verbo Dei; hoc est spirituali doctrina, vt recte sentiunt Cyprianus, Hilarius, Ambrosius, & Hieronymus. Terrenis cibis, inquit Cyrillus, terrenum nostrum alitur corpus, anima vero rationalis diuino verbo vigoratur. Non alitur virtus parum, ait sanctus Pontifex Gregorius, nec per carnes bene se habet anima, & pinguescit, alijs epulis vita sublimis educatur, & crescit nutrimentum boni; castitas panis, sapientia pulmentum; iustitia potus, impassibilis status delectatio bene sapere, D. Chrysostomus aliter id explicat, & docte quid: quasi dicat, Christus non solo pane viuit homo, sed Deus ille, apud quem non est impos-

impossibile omne verbum, solo verbo suæ voluntatis, seu quouis cibo Dei verbo, idest diuina virtute præparato, vt Euthymius, & Theophylactus, & sane optimè interpretantur potest eum sustentare, & sustentari in deserto. Testis est Moyses, & Helias non alio pastu cibo quadraginta dierum spatio in deserto, quam verbo Dei. Quoties in deserto idem Helias conuiuas habuit coruos? Nonne in deserto de petra manarunt aquæ? vbi Israel quadraginta annis collegit manna? Vbinam panem Angelorum manducauit homo? Non, in solo pane viuuit homo, sed in omni verbo quod procedit de ore Dei. Nondum finis belli, sed bellum commotum in deserto confirmatum est validissime in templo; alios hic fraudum inuentor commolitur dolos, alias ad mouet machinas. Tunc assumpsit eum diabolus in sanctam ciuitatem, hoc est in Hierusalem, inquit Rabanus, in qua erat templum Dei, & Sancta Sanctorum, & statuit eum super pinnaculum templi, quod erat, teste Remigio, Doctorum sedes, & dixit ei: Si Filius Dei es mitte te deorsum. Hic ambitiosorum finis, & terminus tolluntur in altum, vt lapsu grauiore ruant. Ab hac altitudine dei timebat Dauid. O ambitio exclamat, & meritis D. Bernardus: O ambitio ambientium crux, nescio quomodo cum omnes crucies, omnibus places. Mitte te deorsum. Qui deorsum de cælo cecidit, inquit Hieronymus, alios deorsum cadere desiderat: quid? trepidatis? trepidatis timore, vbi non est timor, persuadere potest, præcipitare non potest.

Mitte te deorsum, scriptum est enim angelis suis mandauit de te, & in manibus tollent te, ne forte offendas ad lapidem pedem tuum. Vtitur enim diabolus testimonijs Scripturarum, inquit S. Ambrosius, non vt doceat, sed vt fallat, sed fallit ipse. Vnde tibi diabole, inquit Origenes scire, quod ista scripta sunt? numquid legisti Prophetas, vel diuina eloquia? legisti? quare, & quod sequitur non legisti, Super aspidem, & basiliscum ambulabis, & conculcabis leonem, & draconem; illud, inquit Chrysost. profert quasi superbus, hic tacet quasi astutus.

Sed falsas, ait S. Hieronymus de scripturis diaboli sagittas veris scripturarum frangit clypeis, Non tentabis Dominum Deum tuum. Restat modo vt de auaritiæ bello, quod erat in partitione vltimus breuissime dicamus. Duplici bello pro-

flagato, ac penè sublato, etenim nunc superbia princeps resistit, & repugnat contra victoriam, insidias inquit antiquas, & dum apertus congregitur inimicus, renouatum tertio comparat bellum auaritiæ: idque insidiosissimum, infestissimum, iniquissimum. Nihil enim iniquius, inquit Sapiens, quam amare pecuniam, hic enim & animam suam venalem habet: quid peius? habet hic venalem ipsum Deum, Deum ipsum iterum assumpsit eum diabolus in montem excelsum valde, & ostendit ei omnia regna mundi, & dixit ei, hæc omnia tibi dabo, si cadens adoraueris me. Facilis via ab auaritia, ad idolatriam. Repleta est terra, inquit Propheta Isaias argento, & auro, & non est finis thesaurorum eius, & statim, & repleta est terra eius idolis, opus manuum suarum adorauerunt, quod fecerunt digiti eorum. Quid clarius? Auaritia, exclamat Vas electionis, quod est idolorum seruitus.

Hæc omnia tibi dabo, si cadens adoraueris me, o superbiam insanissimam, o insaniam superbissimam diabolicam; dixerat olim superbus, in cælum ascendam, super astra Dei exaltabo solum meum, & similis ero altissimo, modo & ipso altissimo vult etiam altior, si cadens adoraueris me. Quam verè hic exclamat Psalmista: Superbia eorum qui oderunt ascendit semper.

Tunc dixit ei Iesus: Vade Satana, scriptum est enim: Dominum Deum tuum adorabis, & illi soli seruias, seruias vt Domino, adorabis vt Deum. Indutus est vestimentis victoris, & opertus est quasi pallio zeli, inquit Isaias, vt nos illius discamus exemplo, inquit S. Chrysostomus, nostras quidem iniurias æquanimiter sustinere, Dei autem iniurias, nec vsque ad auditum sufferre, quoniam in proprijs iniurijs quempiam esse patientem est laudabile, iniurias autem Dei dissimulare nimis est impium.

Tunc reliquit eum diabolus, & ecce Angeli accesserunt, & ministrabant ei. Hic tentationum finis, & orationis. Superato igitur, & in potestatem redacto hoste; Angelorum innumerabilis concursus, ad Christum factus est, hic diabolicas cœpit improbare interrogationes, probare ille diuinas responiones, alijs abstinentiam animi, demissionem, magnanimitatem, vno verbo virtutibus suis omnibus numeris absolutam commendare, alijs amplexari eum, alijs ad genua accedere, alijs sanctissimam illam humanitatem, demonum

# Oratio Quinta:

45

dominium, hominum liberatricem, victoriz confitericem  
exoculari, quascumque omnes poterant exultanti lætitia,  
& triumphanci gaudio nobilissimi triumphi significationes  
dabant, vna, omnes mentem, & bellatorem fortissimum, &  
Imperatorē inuictissimum prædicabant.

O sanctissimum, & fortissimum bellatorem, bellasti pro  
nobis, & debellasti inimicos, gratias agimus immortales  
deuicti immortales, vtinam nos ex hoc bello pa-  
cem habeamus ad Deum, quia vbi fuerit

veritas pacis, inquit sanctissimus

Pater Leo, nihil ibi potest

desse virtutis.

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA

QVILIA ERNDIS ILLA DILIA



DOMI-





# DOMINICA SECUNDA QVADRAGESIMAE.



## ORATIO PRIMA.



*Apost. 3.*

QVILA grandis illa dilectus Domini Ioannes, B. P. stellam de cælo mirificè labantem, diuina contemplatus est, quæ quidem magna, ardens vt facula, cuius nomen absinthium in aquas corruens illas in absinthium præ amaritudine transformauit. Hic idem Apostolus cum socijs Petro & Iacobo in Tabor asuptus. Solem in terra fulgen-

tem, Christum videlicet solem splendidissimum, aquarum in iucunditatem infælicis operatione stellæ penitus effectam, nouo transformationis miraculo remouentem aspexit: Cecidit de cælo lucifer, qui mane oriebatur, corruit in terram, qui super astra Dei solium exaltare cupiebat: is aquas in absinthium cōuertit amarum, dum laborum propensionem, tribulationum tollerantiam, sui ipsius abnegationem, iniuriarum indulgentiam: Immo & virtutem ipsam (cui nihil secundum Chrysost. par est) insulas, & hominibus infrugiferas, atque adeo detrectandas esse mortalium mentibus instillauit, eo sanè dementiæ nonnulli prauo stellæ influxu minus fæliciter deuenerunt, vt iniustitiam probosam quidem esse, sed asferre lucrum, & in quotidiana vita in primis esse conducibilem. Iustitiam vero, atque virtutem, & si laudari soleant nihil emolumenti eas possidentibus parere assue-

*Chrysost.*

raue-

rauerint. Quo quidem errore fidelium, & populi Dei mentes occupante ipsi Mal. 3. affirmare ausi sunt: Vanus est qui seruit Deos; & quod emolumentum, quia custodiuimus præcepta Domini; & quia ambulauimus tristis coram Domino exercituum? Ergo beatos dicimus, arrogantes siquidem, ædificati sunt facientes impietatem. O infania, ò vanitas populi peccantis? Probis etenim ac iustis virtus perinde est, atque Sol legitimis Aquilarum pullis obiectus, qui vbi spurij aduersum intueri Solem nequeunt; ipsi illum sine offensa hilares aspiciunt, dum enim in virtutum lumine illi errantes ad vitiorum obscuritatem cæci descedunt, legitimi ac ingenui infracta oculorum acie in virtutis, ac iustitiæ dignitatem, amplitudinem, decusque intendentes, sese ad illius normam quasi quodam in speculo seipso cernentes excolunt. O vere regis aui ingenui pūlli Petrus, Iacobus, & Ioannes, quibus Rex virtutum, vt sol iustitiæ quando resplenduit in monte, ac fulsit Christus est ortus, gloriam tamen Domini speculantes, ab ipsa licet magnifica (sic enim Petrus loquitur) eorum lumina minime calligarunt. Hanc habitu nondum inuentus vt homo dilectis plerunque viris, iam olim alio & alio sine, sed non sic plene declarauit ad fluvium Chobar Ezechiel in fulgure, igne, splendoribus, Cherub, & animalibus? Amico Moysi iuxta petram Oreb. In sibilo auræ tenuis post validum ventum ignem & commotionem Helix zelatori. Populo denique (vt alios silentio transeam) in specie ignis; in throno sapphis, & alijs gemmis mirifice ornato sedens. His apparuit gloria Domini, non tamen vt futuram nostram sic repræsentaret. Nunc autem venturæ beatitudinis, quam spectemus fores, vt ad res fidei, & charitatis robustiori animo, ampliorique fortitudine cum discipulis aspiremus, iucundè referauit.

Verumenimvero cum Simonis robur à Magistro præcipuè desiderabat, primus ad tanti mysterij exactam visionem est ab illo accersitus, clauis enim regni cælorum, & omnia regna mundi illi tradeas, constituit eum dominum Domus suæ & Principem omnis possessionis suæ. Valde enim interesse Saluatorem neutique latuit, vt caput & Princeps, qui alios animi virtute robore Spiritus fidei doctrina instruere habet munus, ipse fortissimus in fide pariter inueniatur. Plenus sit spiritu Moysi, vt de illo senibus impartiat, duplexque,  
fiat

# 48 Dominicalij. Quadrag.

fiat Heliſeo ſibi; & filijs prophetarum communicandus Spiritus, ſide ſua Petrus confirmare fratres ſuos, Chriſtiane Reipub. pupum regere, clauumque tenere, ſalutarem doctrinam credentes docere vniuerſos; ingenti charitatis igne tepida, ſidelium corda in Chriſtum verbo, exemplis, & ſignis inflāmare, ac tandem vitæ viam; quam à præceptore ſuo didicerat, intrepidus oſtendere debebat, ſi igitur primus inuocante, & præ omnibus confortetur, vt firmior ad hæc inter omnes euadat. Præſtantiorem enim, & victoriæ magis actum quidam ſapientes illum exercitum iudicarunt, cuius caput, dux, & gubernator leo ſit quantumuis milites cerui debiles, quam ſi & caput, aut Princeps ceruus, & miles innumeri leones exiſterent. Reſcius tamen ſi ſi milites ſuper omnem terram triumphales duces conſtituti, cum capite leonē pro fide ad ſanguinem uſque defendenda, & pro uiribus propaganda (uid enim præfert Catānalina; ac robora dignitas) vt filij potentes ſeipſos uirtutibus accingentes, bonis animū induant. Quid fauſtiſſimum, quid fortunatiſſimum, ac nimis proſperum contra nationes has innumeras, quæ conuenerant aduerſum nos, & Sancta doſtra, ſic euenturum non præſtolabimur. Cū hiſ ergo tribus, qui benè gradiuntur rex Saluator incedit feliciter Petrus, qui accepto Spiritu, vt leo fortiſſimus ad nullius expauit otcuſum, Ioāne dilecto, qui vt gallus accinctus lūbos ſuos ſtordidō uirginitatis pudore recte coarctauit; Iacobo proximo nomine; vt apies ſacrificando, fortis enim, caſus, & patiens accipiunt benedictionem à Domino, ante quos Helia, & Moyle maximis aſſantibus Prophetis cum Chriſto familiariter conferentibus ingreſſam in templum corporis maiestatem (quæ tum in Chriſti facie, tum in habitu, & ornatu reſplenduit) ſummo cum decore, ac incredibili eam contemplantium alacritate lætitiæ, & fauſti omnis plena manifeſtauit. Cuius quidem immenſæ beatitudinis una tantum ſtilla temporalis, & euaneſcens guttula prælibata Apoſtolorum Principis ſic affectit, ſic lætificauit; ſicque inebriauit animam, vt in ſalutari Dei mundo, & omnibus quæ in eo ſunt libenter uale dicens: Bonum eſt nos hic eſſe, extra ſe poſitus clamans deficeret. Quo quidem in ſermone non quàm prudenter (Diuſ ait Chryſoſt.) ſed quam fetuens charitate Chriſti quique inflammatus eſſet inueſtigare debemus, modicum guſtat & ſcintilla, ſic accenditur;

vt di-

Chryſoſt.

ut nihil aliud, nisi cum Christo relictis omnibus, esse bonum præter omnem mundi (cui secularia desideria non semper terrena placent) æstimationem arbitretur: Rebecca inauribus, ac parvis monilibus spectatis populum suum, & domum patris sui statim obliuiscitur. E contra Rachel pro insipidis, etsi pulchris mandragoris virum suum, illius intuitu gelu, & æstu, aliisque incommodis oppressum, cum Lia commutauit. Quæ quidem deuotæ, simulque sæculo addictæ sunt symbola animarum, hæc mundo seruicis perituras opes, momentaneos honores insipidas, etsi pulchras voluptates magis quam Deum pro ea talia passum consecratur. Illius autem dum Christi accenditur dilectione, corde ad superna, redientis vox est; Quid inhiest in cælo etiam bonum est nobis Christo coherere, Deus siquidem æternus, æternique Patris Filius est.

Audite omnes, & auribus percipe Sanctissime Pontifex, quid super vni genitum suum Pater æternus loquutus est, quæde quodque nec solum mortali linguæ, cæterum & Angelico intellectui miram in modum ineffabile de super testimonium intonat: Hic est Filius meus dilectus, &c. Quorum quidem verborum ea est maiestas talis, ac tanta gloriæ celsitudo, ut animalia submittere alas, & à voce Patris super Vni genitum suum clamantis moneri superliminaria cæli valeant: Hic est Filius meus, & nullus alius sicut ipse, nam sicut illa quæ Deo conueniunt, eodem pacto adaptari possunt nulli: ita, nec ea quæ de personis respectiue prædicantur: sic enim Deus bonus est, ut nemo bonus, nisi solus Deus: sic potens ut solus potens, & (ut D. Paulus ait) sic immortalis, ut solus habeat immortalitatem: sic insuper genitor Pater est, ut nec Filius, nec Spiritus sanctus villo modo Pater sint; sic Spiritus sanctus, ut nec Pater, nec Filius, sic denique Filius Patris est Christus, ut nemini per naturam nec ipsi Spiritui sancto, quanto minus mortalibus creaturis conueniat, cui Angelorum Pater dicit: Filius meus es tu, ego hodie genui te. Pacifici ergo, & qui inimicos diligunt, renati in baptismo, beati in cælo nominentur, & sint filij Dei, non tamen sicut hic, qui Filius meus per naturam singulariter charus est, cæteri autem per adoptionem.

Dilectus est mihi, sit & vobis, quia est desideratus cunctis gentibus, in eo mihi complacui, & in illo omnia, sine

# 50 Dominica ij. Quadrag.

ipso nihil. Mirā Catonis modestia, cynica Diogenis parci-  
tas, magni liberalitas Alexandri, altiloquia Demosthenis,  
Ciceronisq. eloquentia, infatigabiles Cesarum labores fue-  
re. Sed quia sine Christo, illi omnes passi ventum, & æstum  
sequuti sunt; quinimmo (quod plus est) orationes contem-  
plantium, pœnitentium gemitus, ieiunia vestra, elemosy-  
narum largitiones sine Christo vt placeant Patri, sicut nu-  
bes matutina, & sicut ros mane pertransiens iudicabuntur.  
At in Christo Dei dilecto calix aquæ frigidæ, singultus, &  
suspiria peccatorum, lacrymula deuotæ animæ æterno gra-  
tissima sunt Patri. Quemadmodum enim Esau vestimenta,  
& ornatus in ipso nulla redolebant flagrantia, at ipsorum  
in Iacob odor, sicut odor agri pleni, cui benedixit Domi-  
nus, à sene Isaac commedatur. Ita quippe in nobis opera  
nostra quasi ex nobis insuauia, & sine odore, quæ in verò  
Jacob Christo à Patre summe dilecto, ipsis Angelis, & ho-  
minibus vt bonus odor mirificè flagrant: in hoc certe vni-  
cœ Paternæ complacuit voluntati, cæteri degenerauimus om-  
nes. Hic solus ex natura innocens, impollutus, segregatus  
à peccatoribus, excelsior cælis factus, ipsum audite: quan-  
tumuis præter rationem, licet difficillima, quamuis carni  
terribilia, & ardua quæ vobis dixerit videantur. Potens  
est enim in opere & sermone, poterit sane corrigere malos,  
præmiare bonos, verosque docere in eo: ergo vt in thuribu-  
lo aureo ieiunia, orationes, operaque nostra colloce-  
mus vniuersa, vt eorum fumus coram Domino ascendat, talique  
æterni Patris testimonio, & solatio fulti, & conformati Chri-  
sto Filio Dei credamus, neque omnem nostram spem in il-  
lo, qui fidelis, & verax est collocare dubitemus.



## ORATIO II.



**M**AGNUM pietatis sacramen-  
tum B. P. quod teste Apostolo, *1mo. p.*  
manifestatum est in carne, iustifi-  
catum est in spiritu, apparuit An-  
gelis, prædicatum est Gentibus,  
creditum est mundo, assumptum  
est in gloria. Hodie tres discipu-  
los in montis culmen assumptos,  
æterni luminis quasdam expli-  
cans; scintillas; adeo supernæ amo-  
re felicitatis illexit, & admiratione defixit, vt bonum il-  
lic esse crederet Petrus, ibique tabernacula tria fieri postu-  
laret. Cuius petitionis causa cum à summa quam sentiebat  
animo voluptate, & gloriæ desiderio nasceretur, & à tran-  
figurato Christo manaret, opere prærium me facturum exi-  
stimo si quanta sit huius delectationis internæ dignitas, quid  
in mentibus nostris efficiat, & quid tandem à nobis præ-  
standum sit, vt hoc cælesti dono fruamur, breuiter explicaue-  
ro. Quemadmodum mercatores merces suas distrahere,  
cupientes, aliqua saltem ex parte spectandas obijciunt, & si  
res patitur, prægustari sinunt, vt earum aspectu pariter, &  
gustu, pretium quod exigitur, tradere non pigeat emtores.  
Ita naturæ Conditor, qui regnum suum, æternamque felici-  
tatem venalem habet, eam dilectis suis in hac vita aliqua-  
tenus offert prælibandam, vt eius dulcedine allecti, laboris  
pretium, quod pro ea petitur, reddere non detrecent. Vnde  
Christus hodie absconditum Manna discipulis promit,  
inclusos sapientiæ thesauros quodammodo pandit, vt sua-  
uitas, & pulchritudo, incomprehensibilisque tanti arcani  
maiestas, ad mundi contemptum discipulorum animos in-  
citaret. Huius enim diuinæ gloriæ vt gustauit excellentiam  
Petrus, omnium inferiorum oblitus, quasi ebrius exclamauit:  
Domine, bonum est nos hic esse; hic persistamus, hic immo-  
remur, hic vitam finiamus, tuique vultus splendorem iugi-  
ter contemplemur. Sed nihil mirum profecto; gustauerat



## 52 Dominica ij. Quadrag.

enim quandam inexplicabilis dulcedinis guttulam, & sic omnia alia fastidiebat, & non solum fastidiebat, sed gaudio illo omnes animæ sinus penetrante extra se positus, quid diceret ignorabat, cum tria tabernacula in monte Tabor construi oportere iudicabat: sed excesserat mentem Petri gloriæ fulgor excelsus, suiq. magistri amor & stuas immemor sui, Christus, Moysi & Eliæ tabernacula ædificare cupiebat. Vt enim sanctus Augustinus ait, amore anima sededit, & excedit à corporis sensibus, ut sese non sentiat quæ Deum sentit. Hanc dulcedinem gustauerat in Canticis Sponsa, cum ad sodales adolescentulas dicebat: Introduxit me Rex in cellaria sua, exultabimus, & lætabimur in te, memores vberum tuorum super vinum. Per cellaria autem intelligit fercula illa sua, viliissima, æternique conuiuij delicias, in quos à cælesti Sponsa introductam se esse gloriatur, dum æternæ felicitatis velut primitias quasdam prægustauerat, ut earum prælibatione ad eandem plenius consequendas per labores & certamina alacrius curreret. Quid putas eadem accipiet in cælo quando peruentum fuerit in eum locum, de quo B. Paulus: Neque oculus vidit, nec auris audiuit, neque in cor hominis ascendit, quæ præparauit Deus diligentibus se? Quid tunc dicturus es ouium Pastor, Domine, bonum est nos hic esse. Et vere bonum, est enim beatitudo status omnium bonorum aggregatione perfectus.

Sed qualis, quantusque sit huius spiritualis delectationis in nobis effectus, piz mentes, & rerum diuinarum indagatrices experimento comperiunt. Quod à singulari diuinæ prouidentia beneficio fluere, quis est qui non videat? Nam cum natura hominis voluptatum sit maximè auida, tristitiæ, atque doloris fugax, & inimica facile à virtutibus resiliat, nisi lætitiā in mœrore, in dolore voluptatem, in paupertate diuitias, in obsequio libertatem, in fame & siti redundantia consolationis fluant, & pabula prægustaret. Hinc ergo ne terrenæ voluptatis insitus amor studio virtutis noceat, opifex naturæ nostræ Deus antidotum salutare (speciale scilicet gaudium) aduersus hoc commune venenum prouidit. Ea quippe huius dulcedinis est vis, ut sicut oriente sole tenebræ pelluntur, atque diffugiunt splendidissimum Solis iubar ferre non valentes, ita quando spirituales & castæ, diuinique spiritus delitiæ mentem occupant, omnes carnales, atque terrenæ

terrenæ cogitationes profligantur. Vnde S. Gregorius: Cum anima, inquit, internis diuitijs abundare cœpit, terrenis opibus incubare non consentit, sed amore Conditoris sui capta, & ipsa captiuitate iam libera ad contemplandam eius speciem deficiendo suspirat. Harum deliciarum sapore pij homines allekti, appetunt quæ antea contemnebant, contemnunt quæ appetere solebant, respuunt quæ antea desiderabant, totoque studio captare nituntur, quæ prius vt incognita fastidiebant. Sed ad hæc audita, vt inquit idem Gregorius, imperfectaque cognita inardescit animus, iamque illic cupit assuescere, vbi se sperat sine fine gaudere. Sed ad magna præmia perueniri non potest, nisi per magnos labores. Delectat igitur mentem magnitudo præmiorum, sed non deterreat penitentia certamen.

Ad hanc verò gloriæ dulcedinem quomodo peruenire, possimus Euangelica lectione cognoscimus. In ea quippe, legimus Christum discipulos suos in montem excelsum seorsum adduxisse, ibique (vt Marcus ait) dum oraret, speciem vultus eius fuisse mutatam. Qua ex re intelligimus hæc in oratione nobis à Deo præstari, in qua mens nostra curas omnes, & sæculi cogitationes à se procul abiicit, totaque intra seipsam collecta, ad diuinæ lucis radios sinus suos libere expandit, supplicemque se Domino exhibens, eius misericordiam deprecatur, summo gaudio perfunditur, incredibilique lætitia pascitur, & oblectatur. Hoc enim Dominus pij hominibus apud Isaiam promittit, cum ait: Adducam eos in montem sanctum meum, & lætificabo eos in domo orationis meæ. Quia vero pura, atque deuota oratio, ab strepitu curarum, phantasmatum imaginibus, & negotiorum turbine libera esse debet: ideo, in montem excelsum seorsum extra ciuitatem discipulos adduxit, vt solitudinis recursus exprimerent.

Quamobrem P. Amp. si adduci in montem Tabor, idest luminis ascensionem cum Domino cupimus, Petrum, Iacobum, & Ioannem imitemur, qui nominum suorum significationem sectantes Christo Domino placuerunt. Petrus enim interpretatur agnoscens, Iacobus supplantator, Ioannes autem nomine gratia significatur. Agnoscamus igitur Deum, vt in nobis eius sit charitas, atque dilectio, nosmetipsos noscamus, vt elatio spiritus fugiat, & vana præsumptio. Proximos

# 54 Dominica ij. Quadrag.

Gen. 32

Psal. 14 & 23.

Psal. 59

ximos denique nostros agnoscamus, vt eos inopes adiuue-  
mus. Iacob post luctum accepit benedictionem, & nos quo-  
que benedicemur, si aduersus mundum, carnem, & diabolum  
fortiter eluctemur. At cum Dei gratia simus id quod sumus,  
ad hanc aspiremus oportet, eam possideamus, possessionem con-  
seruemus, conseruatam augere nitamur; sic enim ad illam  
inaccessibilem lucem peruenire valebimus. Quis enim ad  
huiusmodi montis culmen ascendet, coinquinatus, pollut-  
us, immundus? minime gentium, sed innocens manibus,  
& mundo corde, qui non accepit in vano animam suam. Qui  
mundo corde non est, excluditur profecto ab hoc mon-  
te. Mundemus ergo animos nostros, humiliemus cor no-  
strum, & clamemus ad Dominum: Deduc nos Domine in  
ciuitatem munitam, vt vere dicere possimus, Domine bo-  
num est nos hic esse. Vbi nullus mortis metus, vbi requies  
est sempiterna, gaudium immensum, consolatio perennis,  
pax infinita, & immarcescibilis gloria, qua perfrui merea-  
mur. Amen.

## ORATIO III.



**S**UBLIME mysterium, abscondi-  
tum sacramentum, Transfigura-  
tio Domini nostri hodierno die in  
monte sancto tribus Apostolis re-  
uelatur, ac mentibus nostris osten-  
ditur. Vos, quotquot hic ade-  
stis, qui quæ sunt supra, sentire di-  
dicistis à Spiritu, quibus irratio-  
nalis vitæ velamen ablatum fuit,  
agite nunc mihi credentes, & in-  
excelsum hunc montem Transfigurationis cum Christo, &  
Apostolis mente mecum conscendite. Quippe nedum ibi  
cessationem miraculi miraculo fere ipso admirabiliorem, ac  
iucundiores videbitis, sed ex mysterio mysterium, & quæ  
ventura sunt, ex præteritis agnosceitis: Quomodo videlicet  
ipse Dominus noster (vt inquit B. Ephræm) veniet in die no-  
uissimo in gloria sua orbis terrarum Iudex. De qua quidem  
re cum

B. Ephrem.  
Math. 27.

re cum sim loquuturus, ab ea myſteriorum ſimilitudine initium mihi dicendi faciam, vnde etiam exordium capit hiſtoria.

- Primo omnium corporis noſtri transfiguratio, quæ futura eſt in die reſurrectionis, & Transfiguratio Chriſti tempore ſibi reſpondent. Chriſtum enim poſt dies ſex in hoc monte transfiguratum eſſe, ſcribit Matthæus. Quod quidem tempus rite cum illo congruit, in quò futura eſt reſurrectio mortuorum: quoniam ſicut in ſex dierum perfectò numero factus eſt viſibilis hic mundus, ita ſextam poſt ætatem diſſoluetur, & fiet reſurrectio, & corporis noſtri transfiguratio in viros perfectos, in menſuram ætatis plenitudinis Chriſti. Quos omnes, ac populi futuram electionem de trium origine Sem, Cham, & Iaphet, intellexit B. Hilarius in tribus Apoſtolis assumptis à Chriſto, Petro, Iacobo, & Ioanne. Vt autem innueret Chriſtus, quòd multi ſunt ad gloriam illam vocati, pauci vero electi, pauciſſimos aſſumpſit, tres, inquam, tantum, non plures, aut pauciores, quoniam oportet, vt fidem ſanctæ Trinitatis incorrupta nunc ſeruent viuendiratione, qui perpetua eiufdem viſionis donandi ſunt. Ad quam tamen beatitudinem comparandam minimè aut hoc, aut humanæ vires, aut opera noſtra ſufficiunt: non enim ad illam condignæ ſunt paſſiones huius ſæculi, ſed opus eſt, vt Chriſtus adſumat nos prædeſtinatione, ducat vocatione, gratiæque collatione; idcirco dicitur, & quod illos aſſumpſit, & quod duxit in montem excelſum. Siquidem nemo poteſt illum in montem aſcendere, niſi Chriſtus dignetur eius fieri dux: ideo alibi legitur ipſe præire oues ſuas, & oues illum ſequi.

- Recte autem in montem excelſum, qui vnà cum nubibus extollitur: tum vt locus habeat quandam cum nubibus imitationem, quibus rapiemur in occurſum Domini in acra: tum vt oſtendat, quòd gloria diuinæ claritatis non in huius ſæculi profundo quaerenda eſt, ſed ſurſum in contemplatione caeleſtium. Ac ſeorſum ducitur, quia ſancti viri toto animo, fideique intentione ſeiuncti ſunt à malis, penitusque ſeparabuntur in futuro.

Id vero in hunc modum fiet: Sicut Chriſtus in hoc monte transfiguratur ante eos, ita etiam tempore iudicandi transfiguratus toti mundo videbitur: præterquam tunc mirabilior

# 56 Dominica ij. Quadrag.

lior erit ea transfiguratio. Improbis enim ac perditis hominibus admirandam pulchritudinis suæ speciem occultabit, & solam iracundam, & terribilem ostendet: iustis autem apparebit Sole splendidior, idcirco dicitur: Et resplenduit facies eius sicut Sol. O miraculum I radij iaculabantur ex humana forma Solis ipsius illustriores. Nihil Sole fulgentius ac lucidius: & perinde nihil aptius ad manifestandum Resurrectionis exemplum, quàm uti Sol rutilans facies Domini, quæ reuelet abscondita tenebrarum, & manifestet consilia cordium, & quam nihil lateat culparum hominum, ex ipso fulgore fulguris instar oculos perstringente, ipse clarè significatur orbis terræ futurus Iudex, exiens ut fulgur ab oriente, & parens usque ad occidentes.

Hac ipsa luce indutus tanquàm trophæum gestans è cælo, secundo veniet in nubibus. Tunc mutata belli figura vestis victoris induetur. In bello quidem gestauit vestimenta, de quibus ille Propheta: Quare rubrum est indumentum tuum? illud enim in bello cruentauerat. In tempore autem secundi aduentus mutat vestem, non in humili amplius, atque obscura procedens, sed præclara & candida: propterea de vestibus hæc dicitur: Vestimenta autem eius facta sunt alba sicut nix. Hic igitur primo visus est Christus indutus instar sponsi. Beati oculi, qui speciosum viderunt præ filiis hominum, electum ex millibus, indutum lumine sicut vestimento. Beata lumina, quæ terribilem Iudicem, mitissima in specie spectauerunt. Quam enim cernent in illo die tremantes Angeli, eam hodie læti viderunt homines. Et cum tanta fruerentur suauitate, ecce apparuit eis Moyses, & Elias: certè ut viuorum & mortuorum Iudicem Dominum testarentur. Moyses enim populi dux, & legislator morte excessit è vita, Elias autem euolauit ignis auriga, cursuque vectus per aera, leges naturæ transiijt, & viam inuenit morte superiorem. Quare quis hic non videat, quod viuos ac mortuos accerset in iudicium Dominus? Quin etiam hi duo iussi sunt venire, quia his testibus prædicatus est Messias, & cum his Israelẽ iudicabit. Ideo quodam in loco dixit Christus Iudæis: Est qui accusat vos, Moyses, in quo speratis. ad eundem quoque modum Ordinem meum S. Franciscus accusabit, suum S. Petrus, Antesignanus quisque suum.

Sed si mente recolamus, quid tum colloqueretur ( loquebantur

1. Cor. 4.

Math. 24.

Isai. 63.

Psal. 44.

4. Reg. 2.

Ioan. 9.

S. Franciscus.

bantur enim de excessu, quem completurus erat Christus in Hierusalem) recordabimur quod etiam tum temporis in die iudicii, tam electi, quam reprobi de excessu loquentur. Illi de excessu diuinæ misericordiæ: Quando pauius te, quando dedimus bibere. Illi de excessu poenarum, nam erunt sine fine. Cuius quidē excessus, diuinæ videlicet misericordiæ speciem aliquam videre si cupimus, animo consideremus, quid voluerit hoc in loco Petrus intermiscere de suo. Porro videntem Domini gloriam, & duorum virorum præsentia delectatum, tædet cunctorum temporalium, nec inde vult amplius abire, sed clamat: Bonum est nos hic esse, faciamus hic tria tabernacula, tibi vnum, Moyse vnum, & Eliæ vnum. Vbi licet suam arguat ignorance, Dominum vnā cum seruis enumerans: in hoc tamen non errat, quod dum ebrius ab vbertate domus Dei, non nisi voluptatem & gaudium eruat, veritatem ratiæ beatitudinis & misericordiæ contestatur. Quinimò si scintilla luminis gloriosi (proportione tanti Solis) adeo magnum incendium in pectore Petri excitauit, vt cohibere non posset ingentem animi voluptatem, quanta tunc erit in die iudicii suauitas, & dulcedo videre Regem in decore suo, & choris psallentium Angelorum intetleri?

Psal. 11.

Ipsal. 33.

Sed si hinc electis tanta bonorum vbertas, ac felicitas; quanta tunc erit è contra malis calamitas, & formido videre Dominum in sede maiestatis suæ, trutina appendentem opera hominum, ac iustitias iudicantem?

Si in hoc monte vox Patris audita; qui non venerat iudicaturus, sic eos perterruit; vt repente caderent in facies suas; quid tunc fore putandum aduersarijs eius, cum super ipsos in calis tonabit, Ite maledicti? Nonne tunc humana fragilitas toto animo & corpore contremiscet ac ruet?

Huius ergo spectaculi imaginem, cum Christus hodierno die dederit Apostolis, eius nos terrorem studiosius animo considerantes, mores nostros ante id tempus mutemus, & meliorem ad mentem; ac sententiam reuocati, bonis operibus fiduciam paremus, ne vnā cum hoste nostro Diabolo condemnemur, sed simul cum Christo, Moyse, & Eliā; non in tribus tabernaculis manufactis, sed in vno, eoque cælesti, ac æterno viuamus.



## ORATIO IV.



ETERNAE beatitudinis fructus, quæ humani eloquij facultatem longe præcellit, multumque supereminet, in transfigurati corporis Christi admirabili visione, futuræ gloriæ speciem præferentis, hodie nobis proponitur, Beatissime Pater, ubi in carne ipsius Saluatoris, velut in humanæ naturæ laterna, radij fulgentis diuinitatis latentes, ad tempus foris micare permisi sunt, ut qui in Circumcisione principium quoddam pretij redemptionis nostræ ostendit, sanguinem fundens, modo in hac transfiguratione principium præmij, & gloriæ nobis manifestare dignaretur: & sicut ad desiderium terræ promissæ filiorum Israel animos, ita nostros alacriter accenderet affectus, ut dum hic discipuli, ac fideles cæteri visibiliter Deum cognoscerent, per hunc in inuisibilem amorem perpetuò raperentur. Venite igitur, & ascendamus ad montem Dei, montem Tabor, qui tanto illo monte Sina est excelsior, quanto felicior, abest hinc fumus, absunt tonitrua, voces, & tubæ mortalium corda tremore concutientes. Hic Solare lumen, hic niveus candor, hic candida nubes, hic incundissima Patris vox, postremo hic Deus ipse in gloria, & maiestate de Filio suo testimonium perhibens, vniuerso orbi ducem, ac præceptorem proponit: Hic est Filius meus dilectus, in quo mihi bene complacui, ipsum audite. At quis negauerit rem sanè arduam, atque difficilem, quæ ad magni Sacramenti intelligentiam nos vocat, me non esse agressum? Quis adeò facundus, atque disertus vniquam id ne mēte quidem concipere, ne dum eloquio enarrare potuerit? Sed in rebus arduis satis sit voluisse. Verum quia omnis Christi actio nostra est instructio, in hac quidem transfiguratione illud principaliter agebatur, ut de cordibus Apostolorum scandalum Crucis funditus euerteretur, ne conturbaret eorum fidem humilitas passionis,

Matth. 17.

nis, & quibus reuelata esset excellentia maiestatis, non ita in Christo humanam crederent glorificatam esse naturam, vt nec supplicio posset affici, nec morte dissolui, sed vt idem Christus, & vnigenitus Dei, & hominis filius crederetur: vtramque enim substantiam in vnam conuenisse personam, firmiter confitemur, sed nisi Fide teneatur, sermo non explicat, cum sicut in Dei Filio vera humanitas, ita vera in tali homine reperitur diuinitas; & quia vtrumque pariter erat confitendum, ideo inter diuersas aliorum opiniones, quid ipsi de eo crederent, quidvè sentirent, ad confirmandum huius Fidei saluberrimam cognitionem discipulos suos, Quem dicunt homines esse Filium hominis, Dominus interrogauerat. Vbi Petrus Apostolus corporea superans, quia non ad solam respexit carnis substantiam, & sanguinis, confessus est gloriam Deitatis, Tu es Christus Filius Dei viui. Et quod prætereundum non est, tantum in hac Fidei sublimitate complacuit, vt beatitudinis felicitate donatus, sacram, super quã fundata, Ecclesia portis inferi, & mortis legibus prævaleret, inuolabilis petreæ acciperet firmitatem: ita quod in soluendis, & ligandis quorumcunque causis, illud ratum esset in cælis, quod Petri sedisset arbitrio. Atque ad hunc finem, apparuerunt Moyse, & Elias loquentes de excessu, quem ipse Dominus completurus erat in Hierusalem, & vox Patris auditur, vt ij scirent voluntatem Patris esse, quod Christus pateretur, idque fuisse prænunciatum. Ideo nullus ambigendi remanet locus ob selecti Legislatoris, & eximij Prophetæ præsentiam Christum esse, quem lex, & Prophetæ promiserunt: quamobrem coram electis testibus, Quia in ore duorum, vel trium stat omne verbum, gloriam suam aperuit Dominus, cum nil hoc salubrius, nil firmitus verbo, in cuius prædicatione veteris, & noui Testamenti concinit tuba, & cum Euangelica doctrina, antiquarum protestationum instrumenta concurrunt, & quem sub velamine mysteriorum præcedentia promiserunt signa, manifestum, atque perspicuum præsentis gloriæ splendor ostendit. Ac simul in hac transfiguratione gustum quandam exhibuit ipse Saluator suæ glorificationis, ostendens quanta gloria sic uestiturus eos, qui hic nomen ipsius, & dictis confitentur, & factis, crucemque ferunt, ac eius uestigia sequuntur, vt sic sanctæ Ecclesiæ spes prouidè fundaretur, totumque Christi corpus agnosce-

Math. 16.

Math. 18.

2. Cor. 13.

## 60 Dominica ij. Quadrag.

ret quali esset commutatione donandum, ut eius sibi honoris consortium membra promitterent, qui in capite præfulsisset. Scimus quoniam cum apparuerit similes ei erimus, ut dilectus habet Apostolus, unde etiam Salvatorem expectamus Dominum nostrum Iesum Christum, qui reformabit corpus humilitatis nostræ, configuratum corpori claritatis suæ. Transfigurari autem cum sit ultra figuram ire, ut in Christo duplicem fateremur naturam; duplicemque figuram, primam ex Patre ab æterno, ex Matre secundam in tempore: hinc est quod hodie dum se in Monte transfiguravit, maternam quidem figuram non dimisit, sed mirabili gloria illam exornavit, quia ignis diuinus, qui in sinu eius inclusus erat, modo in transfiguratione per Christi faciem, per membra omnia, & vestimenta diuinos radios emisit, quos ob suæ detegendæ mortalitatis causam hucusque represserat, & qui gloriosus apparuit, mortalitatem non dimisit, ut pati, & mori posset, quando congruum & opportunum cognouisset, at nunc terrena transcendens, humanamque suo diuino lumine perfundens naturam, gloriosus apparere dignatus est.

Cum quo B. P. & nos transfiguramur etiam in hoc sæculo, & dum ad speciem futuræ glorificationis Christus inuitat, oportet in cælestibus contemplandis diutius immorari, atque libentius, & qui ad montana per temporalium abdicationem conscendimus, ad terrena declinare minimè audeamus, cum nemo mittens manum ad aratrum, & aspiciens retro, aptus sit Regno Dei. Dum propter supernorum amorem inferiora prætermittimus, quia quod amplius quisque vitæ cælestis dulcedinem degustat, eo amplius fastidit omnia, quæ placebant in infimis. Dum Eliæ Prophetæ aspicientis Dei gloriam, & maiestatem coram se prætereuntem in medium accedit instructio, qui pallio suo oculos obtexit, volens significare, quod cum quis Dei fruitur bonis, ab omnibus terrenis oculis auertit. Dum cautum esse legitur, Bestia, quæ tetigerit montem morte moriatur, cum brutalem vitam agentes, oculosvè nostros ad terram declinare statuentes, temerè altiora petere contendimus, ut de turba quasi subsannando dicitur, Non sequitur ad excelsa, non ascendit ad sublimia, prius enim vnusquisque debilis in inferioribus sanus est, cum in excelsis infirmi esse non possint, ut paulatim virtutibus procedentibus ad montem ascendere possit, & sic discamus

1. Ioan. 1.

Philip. 3.

Luca 9.

1. Reg. 19.

Exod. 19.

# Oratio Quarta. 61

scamus gloriam non in profundo huius sæculi, sed in regno  
 supernæ beatitudinis esse quarendam, & dum ferculum fecit  
 sibi Salomon de lignis Libani, columnas eius fecit argenteas, reclinatorium aureum, sed ascensum eius fecit purpureum, satis superque patet, quod nostra interesse monemur,  
 per sanguinem, & mortem, si opus fuerit, cælestis verticem  
 adire montis oportere, Quia per multas tribulationes oportet  
 introire in Regnum Dei. Dum expoliantes nos veterem hominem,  
 nouum induimus, qui secundum Deum creatus est. Dum carnem nostram crucifigentes cum vitijs, & concupiscentijs sobriè, & iustè, & piè viuamus in hoc sæculo,  
 expectantes beatam spem, & aduentum gloriæ magni Dei. Dum deformati, ac deordinati per naturam corruptam, perque noxios actus, & habitus, iam intus & foris bonis operationibus reformamur, & reordinamur; dum Christi veltigijs inhaerentes, ipsius crucifixi imagini conformes fieri optamus, atque satagimus. Dum tandem reuelata facie gloriam Domini speculantes, in eandem imaginem transformamur à claritate in claritatem tanquam ad Domini spiritum.

Eia viriliter agite, & sicut in ijs tribus Apostolis vniuersa didicit Ecclesia quicquid eorum, & aspectus vidit, & auditus accepit, sic omnium secundum prædicationem sancti Evangelij confirmetur fides, ipsumque audiamus, qui viam aperit ad cælum, & per Crucis supplicium nobis gradus ascensionis parat ad Regnum, & inter tentationes huius vitæ prius nobis tolerantiam intelligamus esse postulandam, quam gloriam, quia tempora patiendi non potest sælicitas præuenire regnandi, sed per laborem ad requiem, & per mortem transitur ad vitam, hinc post arduum excelsi montis consensum, cælestis extat visio, atque fruitio.

O sælix ascensus, cuius gradus sunt virtutes, ibunt de virtute in virtutem, videbitur Deus Deorum in Siō; quando post sex dies, euolutis sex humanæ vitæ curriculis, sextaque iam euoluta mundi ætate, quando sex diebus operaberis, septimo autem die cessabis arare, & metere, vti præcepit Deus, hoc est toto decurso tempore in bonis operationibus, carne, mundo deuictis, dæmoneq. subacto; quia militia est vita hominis super terram, tunc post consumationem illam, de qua Apostolus: Bonum certamen certavi, cursum consummaui, fidem seruaui, in reliquo reposita est mihi corona iusti.

iustitiæ, tunc inquam sempiterna erit requies. sœdixælestis  
montis beatitudo perpetua, iucunda, atque secura fruitio.

## ORATIO V.



**L**ORIFICATVRVS Eccle-  
siam suam nouissimis pene diebus  
Dei virtus, & sapientia Christus  
Beatissime Pater, hodie in m on-  
te sancto transfigurationis my-  
sterio efficacissima bonitatis sue  
argumenta nobis apertissime de-  
monstrauit. Ex quo maxime  
utilem, ac quam lucidam nu-  
bem in hoc sacratissimo myste-  
rio Apostoli obuibrati ducem habuerunt, eadem orationi  
meæ sese ducem præberet, & quantum cæli clementia Dei  
Patris testimonio, viua & intelligibili voce eisdem confir-  
mauit, tantundem Dei bonitas mihi de Christi mirifica trās-  
figuratione verba facturo præberet copiam ad dicendum, &  
vna cum amplitudine rerū cresceret vis ingenij, vt eloquer-  
tior effectus Imperatorem, & Regem Saluatorem nostrum,  
cum Moyse, & Helia magnalia loquentem, exacto, & graui  
orationis genere celebrarem.

At si mens erigenda, si vox altius extollenda vnquam fuit,  
hodie in primis vniuersæ, & mentis, & vocis effundendæ  
vires.

Hodie quidem Christi Domini nostri claritas, & gloria,  
lætis acclamationibus prosequenda. Hodie rerum multo  
ante feliciter e gestarum memoria, grata commemoratione  
recolenda, quando rudes, infirmos, ac trepidos discipulos,  
qui ob Dominicæ passionis atrocitatem expauerant, vt re-  
surrectionis veritatem sine vlla mentis hesitatione quidem,  
exciperent, & aliquo interim promissæ beatitudinis pignore  
prægustaro lætarentur. Assumpsit Iesus Petrum, & Iacobum,  
& Ioannem, & eduxit illos in montem excelsum, & transfi-  
guratus est ante eos.

Enimvero quando in utero Virginis Verbum caro factum  
est,

est, & in forma Dei existens, non rapinam arbitratus est esse *Philip. 2.*  
 se æqualem Deo, sed semetipsum exinaniuit formam serpi  
 accipiens, in similitudinem hominum factus, & habitu inuen  
 tus ut homo.

Atque in ipso Verbo incarnato omnis plenitudo diuinita  
 tis corporaliter inhabitauit, & omnes thesauri sapientiæ, & *Coloss. 2.*  
 scientiæ Dei absconditi fuerunt, tunc Solem nube texit Al  
 tissimus, & mortalitatis nostræ lagenæ diuinitatis suæ faciem  
 abscondit. Hodie pulcherrimus noster Ioseph facie decorus *Gen. 37.*  
 missus à patre de Valle Hebron in Sichem venit, fratres suos  
 quærens, indutus stola byssina currum gloriæ suæ ascendit, spe  
 ciosus forma præ filiis hominum, candidus, rubicundus, ex  
 millibus electus graditur, tanquam sponsus procedens de  
 thalamo suo, & quasi Vnigenitus à Patre, plenus gratiæ, &  
 veritatis, amictus lumine sicut vestimento. Hodie cilicina  
 saga cooperientia tectū tabernaculi conuoluta quasi taber  
 nacula paltorum fidelissimo Regni cælestis ianitori Petro, &  
 primo ex Apostolis Martyri Iacobo, & præ omnibus dilectis  
 simo Ioanni diuinitatis potentiâ ineffabili splendore corru  
 scantem mirabiliter ostendunt. Hodie transfigurato Domi  
 no refulsit Sol in clypeos aureos, & resplenduerunt montes *1. Machab. 6.*  
 Tabor & Hermon gaudium & lætitiâ personantes, quoniâ  
 gloria Libani data est eis, decor Carmeli, & Saron; ipsi vide  
 runt gloriam Domini, & decorem Dei nostri. Hodie in  
 montis vertice cernētibus Discipulis, magnus paterfamilias  
 Christus protulit de thesauris suis noua & vetera, gloriæ cla  
 ritate ab ipsa diuinitate, & animæ gloriæ usque ad corpo  
 ris indumenta profluentem: quare resplenduit facies eius si  
 cut Sol, vestimenta autem eius facta sunt alba sicut nix, in  
 qua existente maiestate, ecce apparuerunt Moyses, &  
 Elias. *Matth. 17.*

Cum Christo verò loquentes, non de glorioso eius ad Pa  
 trem ascensu, quando patrato redemptionis opere, disse  
 minato per omnem Iudæam, ad quam missus fuerat, Euan  
 gelio, corroboratis Discipulorum animis, & omnibus ex sen  
 tentia confectis, diuturniorem sui præsentiam hominibus  
 haud necessariam ratus, sacrum corpus, quod in vtero Vir  
 ginis à Spiritu sancto fuerat fabrefactum, comitantibus Pa  
 triarchis, & Prophetis, Angelis exhibendum censuit.

Non de magnifico, aut triumphali cum Maiestate descen  
 su,



## 64 Dominica ij. Quadrag.

su, & potestate magna, quam die iudicii vnique redditurus est iuxta opera sua loquebatur: sed de excessu eius quem completurus erat in Hierusalem cum mortē cum vita commutaturus erat. Hoc est de crudeli morte, & funesta passione, quam pro omnibus hominibus ab ingratis, incredulisq. Iudæis reportaturus erat, & non de mundi huius inquinamenti, ambitionibus, atque vanis delictis in tanto gloriæ pignore loquebantur, vti assueuerunt hisce in tenebris obcæcati homines: at de his. hæcenus, sed de excessu qui mors est Christi.

Ioan. 15.

Et merito quidem mors Christi excessus dicitur, etenim vix pro iusto quis moritur, & arduum quidem, nam maiorem charitatem nemo habet, quàm vt animam suam ponat quis pro amicis suis. At vero commendat Deus charitatem suam in nobis, quoniam cum adhuc peccatores essemus, secundum tempus Christus pro nobis mortuus est.

O Paternæ dilectionis excessus, qui proprio Filio non pericit, sed pro nobis omnibus tradidit illum. O inestimabilis dilectio charitatis, vt seruum Dominus redimeret, eiusque scelera sanguinis vnda lauaret, expiaretque Pater æternus Filium sibi consubstantialem, coæternum, & coequalē, dignatus est morti tradere; & quisnam excogitari posset maior excessus, vbi æternus nascitur in tempore, impassibilis patitur, & cruci defixus inter iniquos moritur Filius Dei.

Ioan. 17.

Quamobrem in tanto Transfigurationis sacramento de excessu huiusmodi loquebatur Christus, quoniam pro peccatoribus mori gloriosum sibi esse reputauit, sicut Ecclesia canit: Gratias agimus tibi propter magnam gloriam tuam. Nulla enim pro gloria rependitur gratia, sed pro collato redemptionis beneficio, morte eius intercedente propter misericordiam suam, hanc quam ipse gloriam appellat; in cuius signum ad Crucem cum latronibus & prædōnibus trahendus, crudelemque necem subiturus, subleuatis oculis in cælum dixit: Pater venit hora, clarifica Filium tuum; ac si diceret: Hæc mihi pro gloria duco, proque hominum delictis ista patiar.

Sed vteriora videamus Patres Amplissimi. Iste enim amoris excessus, in Christi carne dira passione completur, & in eius sacratissima humanitate immani morte refunditur. Hæc Christi laceram carnem, & attritam humanitatem indumen-

tum

eum valde bonum appellat Scriptura (vt Genesis refert) Et vestibus valde bonis induit eum mater sua, quia eximia, ac summa diuinitatis vestis, Deitatis habitus, omnipotentia stola, impassibilitatis chlamys, immortalitatis pallium, vt ita dicam, mortalitatis indumentum, in quo completus erat amoris excessum valde bonum esse dicit: & merito quidem, quia sicut nihil mihi nasci profuit Christum, nisi redimi profuisset, vt recenset Ecclesia, sic non pro me satis fecisset diuinitate, nisi assumpsisset humanitatem.

Sic igitur nos reuocat ad vitam, accessit, & tetigit loculum, Lucas commemorat, accessit per cognationem, quia incarnatus venit ad hominem, & nusquam Angelos accepit, sed semen Abraham accepit, & quia non glorificator tantum, sed Redemptor aduenerat, tetigit loculum nostra tollens peccata: Ecce Agnus Dei, ecce qui tollit peccata mundi, & pelliculis hædorum, scilicet delictorum nostrorum socijs innocentia suæ nuda protexit. O bonum, & valde bonum indumentum, quo nos redemit! O superexcedens excessus, qui mortis Christum, & redemptionis hominem fecit hæredem!

De hoc igitur excessu loquebatur cum Moysæ, & Eliæ Christus, quando Petrus guttula gloria tum allectus, rerum agendarum protinus oblitus, cum his perpetuo in monte permanere bonum sibi esse ducebat, dicens: Domine bonum est nos hic esse. Quod si tenuis dulcedinis guttula Petrum tantopere affecit, vt tanto gaudio profunderetur, quantum lætificabit nos in Ciuitate Dei fluminis impetus? Si gloria claritas per solum transitum perspecta adeo Petrum excitauit, vt feruentissimo affectu raptus ibi semper manere exoptaret, quanto nos ineffabilium gaudiorum dulcedine, & suauitatis abundantia in perenni patria perfrueremur, vbi similes Deo erimus, & superna Ciuitate donati, videbimus Deum sicuti est: vbi lætabimur coram eo, & gaudium nostrum nemo tollet à nobis.

Hac igitur occasione, Patres Amplissimi, in excelsum montem transfigurandus ascendit Dominus, vt intelligamus, quod si cælestis gloria participes esse cupimus, non solum de Saluatoris nostri atroci morte loquentes, sed à tumultibus sæculi semoti, exulesque esse debemus. Hocque super montem excelsum gestum est, vt quæ sursum sunt sapientes, non

## 66 Dominica ij. Quadrag.

quæ super terram in eandem imaginem, tanquam ad Domini gloriam de claritate in claritatem transformemur .

Sic vestigia Christi sectantes pergemus ad videndum non pignus, sed certissimos Christi Domini nostri transfigurationis fructus, ita ut si ipse in monte transfiguratus hodie comparuit, & nos in gloriam ipso coadiuvante transformati erimus .

Ad gloriam itaque in hac transfiguratione ostensam, incolendamque nati, ò Patres Amplissimi, auditoresque optimi, quid humo defixi hæremus? ad æternitatem cum Christo habendam facti, quid fluxis & caducis immoramur?

Cælestis Hierusalem ciues futuri, quid super flumina Babylonis ædificamus? Ne magnum quæso censeatis quod sine concluditur. Ne firmum existimetis quod vicissitudini subditur, quia fallax est omnis rerum sublunarium prosperitas. Suspiciate igitur in hoc sacratissimo Transfigurationis mysterio Christi gloriam, eiusque immensitatem, &

ornatum, atque ad stabiles, firmasque opes animum

aduertite. Hisce per terrenam speciem volitantibus umbris ne incumbatis, sed ad

illam amplitudinem contendite,

ibi mente manete, ubi animo

permanfuri estis, & cor-

pore, ubi plenam

cum Christo

habituri

estis

æternam felicitatem.

Amen.



# DOMINICA TERTIA QVADRAGESIMAE.



## ORATIO PRIMA.

*Erat IESVS eijciens demonium, & illud erat mutum. Luca 11.*



I quando delinquentis animæ, & peccatis obnoxia verum simulacrum, expressamque effigiem intueri concupimus, Beatissime Pater, in hunc profecto miserum, & infelicem hominem, quem modo in Euangelio à Christo Domino tanta vniuersæ Iudaicæ plebis admiratione curatum audiuius, mentis oculos conijcere, & in eo rāquam in speculo conspiciere necesse est. Huc siquidem pertinet Sacrosanctæ Romanæ Ecclesiæ propositum, quæ tale nobis hodie spectaculum exhibet. Huc etiam pertinebit huius nostræ Orationis cursus, & finis. Nunc tu bone Iesu, qui muti huius linguam mirabiliter soluisti, solue quæso etiā linguam meam, & Spiritus tui lenissima aura benignus succurre, ut quæ in hodierna Euangelica lectione latent diuina mysteria, & in his temporis angustiis, quod mihi assignatum est ad dicendum in hoc amplissimo orbis terræ theatro, in hoc augustissimo Patrum confesso, coram Sanctissimo Vicario tuo, aliqua ex parte contemplari, & verbis explicare possim.

# 68 Dominica iij. Quadrag.

*Tob. 5.*

*Luc. 18.*

*Aug. lib. 4. de  
cin. Dei c. 5.*

Tobias vir ille sanctissimus, quod cæcus euasisset, se miserum putabat: qui propterea eiusmodi verbis ab Angelo salutatus: Gaudium sit tibi semper; præ tristitia, & dolore protinus respondit: Quale gaudium erit mihi, qui in tenebris sedeo, & lumen cæli non video? Graue quidem, acerbum, ac miserum est oculorum lumine priuari, cum nihil in hac vita luce præstantius, & iucundius sit. Hinc cæcus ille Christo sibi dicenti: Quid vis ut faciam tibi? licet pauper, & in mendicitate positus, non tamen petijt dari sibi aurum, aut argentum, vel lapides pretiosos: sed rerum omnium, pretiosissimam huius lucis vsum existimans, mox respondit: Domine fac ut videam. Sed longe grauius censendum est, cum quis non solum oculorum lumine, sed etiam loquela, & auditu careat, ut nec ipse loqui, nec alios loquentes audire possit. At omnium grauissimum, & miserrimum, esse videtur cum ad hæc omnia propriæ libertatis iactura, & turpis amissio accedit, ut alterius imperio velit, nolit, tanquam seruus subijci, & seruire cogatur. Sed tamen id quomodo tolerabile videretur, si non extraneo cuiuspiam, nec ab omni humanitate alieno subijceretur? At verò quid si non homini, sed dæmoni subijciatur, & illius immaniissimi hostis imperio prematur, & iugi obsidione crucietur? Tanta certè calamitas, & miseria censenda est, ut maior, aut grauior nulla, nec reperiri, nec excogitari possit. Hæc erat huius miserrimi hominis conditio priusquam à Christo Domino curaretur. Nam Euangelistis referentibus, erat cæcus, surdus, mutus, & à dæmone obsessus. Nec vacat mysterio, quòd Sacrosancta Romana Ecclesia hoc potissimum tempore, quod est tempus acceptabile, & dies salutis, hominem nobis tot miserijs, & angustijs circumseptum ob oculos proponat. Nam tanquam pijsima mater nos admonitos voluit in hoc eodem statu, & longe deteriore iacere animam nostram, quoties labitur, aut relabitur in peccatum. Quandoquidem per peccatum mox duram, & miseram seruitutem, incurrimus, dæmonis quippe, vel dæmonum potius. Nam ut dicit S. Pater Augustinus: Peccator seruus est tot dominorum quot vitiorum: sed addam illud etiam quod in hodierno Euangelio expressè docemur, quòd quoties ad peccati vomitum reuertimur, & in pristina peccata relabimur, toties septem alijs spiritibus immundis subijcitur, qui ad interi-

interitu in animæ nostræ promptiores, & vehementiores existunt. Tunc vadit (inquit Saluator noster) & assumit secum septem alios spiritus nequiores se, & ingressi habitant ibi; & sic sunt nouissima hominis illius peiora prioribus. Verè peiora prioribus. Nam prius vni tantum subijciebatur, deinde verò septem patitur tyrannos. Quid, inquam, septem? immo multo plures: frequenter enim in sacris paginis numerum certum pro incerto poni, consuetudine receptum est. O duram igitur & miseram, ac verè miseram peccatricis animæ conditionem! Nam si misera, & miserabilis ciuitas illa putanda est, quæ à feris incolitur, quanto magis miseram & miserabilem censebimus ciuitatem, vt ita dicam, animæ nostræ, quæ ad imaginem, & similitudinem Dei facta, ve sit templum, & tabernaculum Dei, non à Deo, sed à dæmone, immo à legione dæmonum interdum inhabitatur? Quid mirum igitur si aliquando, quid dico aliquando? immo sæpissimè nostris hisce miseris temporibus videre liceat quoddam genus hominum, qui in tam scelestâ, & nefaria facinora interdum prorumpere non erubescunt, vt non homines, sed feræ, vel potius dæmones videantur? Non mirum, inquam, cum à dæmonibus eorum animæ inhabitentur, non quòd dæmones animæ essentiam ingrediantur, cum id per eos fieri nullo pacto possit, sed quia circa animam operantur. Quid autem operentur, facile videre poterimus, si hunc miserum hominem, qui nobis hodie proponitur, contemplemur. Nam hæc eadem operatur dæmon in anima subdita peccatis, quæ operatus est hodie in huius miseri hominis corpore, quod possidebat. Primo namque, vt illius moris est, animam obcæcat, & ei tot tenebras offundit, vt nec quæ amittit bonæ, nec quæ incurrit mala, videat; clausam nimirum sibi esse cæli ianuam, & apertas inferorum portas. Quinimmo adeo pessimæ, & miserrimæ conditionis est cæcitas ista, quam in anima operatur dæmon, vt qui ea laborant, neutiquam seipsos cognoscant. Hinc propterea fit, quòd multi aliorum peccata facillè vident, seipsos autem quamuis avaros, quamuis superbos, & alijs vitijs immerfos non videant, nec cognoscant. Quod quidem extremi interitus, & æternæ damnationis satis apertum indicium est. Nam idcirco Christus Dominus quibusdam peccatoribus dicebat: Si cæci essetis, *Ioan. 9.* non haberetis peccatum: nunc vero dicitis: Quia videmus, pecca-



peccatum vestrum manet. Atque in hoc apertè diaboli fortitudo, & mira eius potestas declaratur, de qua Dominus in Evangelio dicit: Cum fortis armatus custodit atrium suum, in pace sunt omnia quæ possidet. Quid enim mirabilius, aut potius miserabilius, quàm cernere tyrannum adeo impium, impietatem, & immanitatem suâ exercere, & captiuos suos, non reclamantes, non reluctantes, non eius tyrannidem incusantes, sed sponte obsequentes in captiuitate securos detinere. Nam qui olim Pharaonis seruitio captiui premebantur, ij planè captiuitas suæ conditionem iugiter deplorabât, & ad libertatem semper aspirabant. At in hac spirituali animarum captiuitate nihil tale videtur, sed in summa pace, ac securitate quasi in amœnissimo quodam loco homines agere, nec captiuitatem suam horrere, sed ea potius tantopere oblectari, vt in vtramque aurem dormire, & in summa tranquillitate vitam suam degere videantur. Nec solum immanissimus ille tyrannus hanc in suos captiuos seruitiam, vel potius tyrannidem exercet, internos oculos scilicet claudendo, sed aures etiam ijsdem obturat, ne ad illa ipsa, quæ firma fide credunt, animum aduertant. Vnde de his dicebat Deus per Ezechielem: Qui oculos habent ad videndum, & non vident: & aures ad audiendum, & non audiunt. Non est igitur mirum si nonnullos plerumque videmus alicui vitio ita pertinaciter addictos esse, vt nullis rationibus, nullis precibus, nullo nec humano, nec diuino timore, nec miraculis quidem à tali vitio deterreri, aut reuocari possint. Neque propterea hic quiescit callidissimus hostis, sed nostræ damnationi semper intentus, nihil intentatum relinquit, nullum non mouet lapidem, nulla in re non insidias nobis, & laqueos tendit. Nam in otio & in negotio: in pace & in bello: in paupertate & in diuitijs: in abstinentia & saturitate: in vita publica & in priuata: ac postremo in sermone pariter, & in silentio nobis insidias molitur. Nam & homines loquaces aliquando efficit, inania, turpia, & perniciofa verba, effutientes: aliquando vero, vt miserum hunc hominem, silentes, & mutos reddit. Quod ijs quoque plerumque accidit, qui cum ex officio alios arguere, obsecrare, & increpare debeant in omni patientia, scilicet & doctrina, vt dicit Apostolus, nihilominus tacent, & veluti elingues efficiuntur, nec audiunt Deum ijsdem comminantem, cum per Ezechielem dicit:

Ezech. 12.

2. Tim. 4.

dicat: Si speculator viderit gladium venientem, & non in- *Ezech. 33.*  
sonuerit buccina: & populus non se custodierit, veneritque  
gladius, & tulerit de eis animam: ille quidem in iniquitate  
sua captus est, sanguinem autem eius de manu speculatoris  
requiram. Et alibi de iisdem conqueritur, cum per Iſaiam  
dicat: Speculatores eius cæci, canes muti non valentes la- *Iſai. 56.*  
trare. Caueant igitur qui super muros Ierusalem positi  
sunt custodes, & aliorum curam susceperunt, ne opera, &  
astutia satanæ dormiant, aut taceant. Nam quid speculato-  
ribus cum somno? quid canibus cum silentio? Si specula-  
tores sunt, vigilare, non dormire: si canes, latrare, non tace-  
re debent. Soluant igitur, & dissoluant vincula oris sui. *Iſai. 52.*  
Solve, inquit Deus per Iſaiam, vincula colli tui. Non dicit ma-  
nuum, aut pedum tuorum, sed colli tui, nobis innuens in hoc  
præcipuè inuigilare debere custodes custodientes muros Ie-  
rusalem, ut linguam habeant expeditam, ut vinculis disso-  
lutis, omnique remoto impedimento, liberè, & expeditè la-  
trare possint. Sed quis vnquam poterit eiusmodi vincula  
dissolvere, & tot, tantaque amovere impedimenta? Nam  
ad vincendum fortem fortior necessario requiritur. Sed quis  
fortior dæmone, nisi ipsemet Christus Dei Filius? In hoc enim  
apparuit Filius Dei, inquit Ioannes in sua Canonica, ut dis- *1. Ioan. 3.*  
soluat opera diaboli.

Ad Christum igitur Dominum nostrum confugiendum  
est, & summis precibus contendendum, ut quemadmodum  
miserrimi huius hominis hodierna die misertus est, ab illo  
dæmonem eijciendo, oculos illuminando, aures aperiendo,  
& linguam soluendo; ita misereatur nostri, & benedicat no- *Psal. 66.*  
bis, & illuminet vultum suum super nos, & misereatur nostri,  
ut aures nostræ, & os nostrum, quod patebat antea menda-  
cijs, periurijs, conuitijs, imprecationibus, adulationibus, &  
turpilokijs, nunc soli Deo pateat, ipsum laudando, & bene-  
dicendo in sæcula sæculorum. Amen.



## ORATIO II.



I vel illud vnum maturè considerarent homines; & accuratè pensarent quid modo cum sanctum Euangelium legeretur audiuius P. B. viderent, ac prospicerent tantam esse diuinam benignitatem, vt sicut nulla vnquā Dei largitione est exhausta, sic nullis hominum criminibus sit imminuta, sed aucta; & ita, vt illius incrementum

admirari potius possimus, quàm comprehendere. Quid enim filij Israel, patres suos ob impium dæmonum cultum, quàm sceleratissimè punitos inuicti, merebantur cum thura eorundè simulacris incendissent? sic tamen Deus vindicauit iniuriam, vt benignitatem non subduxerit, cum permiserit eos à dæmonibus, quibus se dederant diuexari, & quàm durissimè post optatissimum etiam Christi aduentum cruciari; vt suo ipsorum malo edocti, & quos voluissent vt Deos, experiretur: & quos sic obstinatè venerati essent, cognoscerent; sicque ad ipsum benignissimum Deum redirent; nec aliam post hac Saluatorem extra vnum Christum, qui venerat vt expleret omnem expectationem diuturni desiderij patrum, & maiorum, aut venerarentur, aut expectarent. Huic rei argumento est oppressus à dæmone, quem ipse iniquus hostis ad vim promptus, & ad omne malum expeditus, simul ac potestas ei primum, facta est, mutum, vt Lucas ait, surdum quoque ac cæcum, vt alij Evangelistæ testantur, effecerat; sicque affixerat, vt parentes eius (quod miserrimum est) non haberent, nec spei qui dem extremum solatium, sed in spe essent, si in spe erant, desperatissima. Hunc enim hominem, si licet eum hominem appellare, qui nihil, aut parum distat à lapide, mox vt Redemptor aspexit, qua benignitate nostram carnem assumperat; tulit opem, ac verbo, vel nutu coegit hostem abire; subitoque vidit qui cæcus erat, audiuit surdus, & loquutus est mutus. Eo autem loquente, & ser-

Luc. 11.  
Matth. 9.  
Mar. 3.

monē


mone quem solo Dei munere, & concessu acceperat, benignitate liberalissimi Dei prædicante, concurrunt omnes, aspi-  
ciunt, admirantur, obstupefcunt, gaudent amici, lætantur pa-  
rentes, & qui liberatus est, totus vñdique exhilaratur. Nec  
abs re, cum ea omnia simul acceperit, quibus nihil delectabi-  
lius, nihil gratius, nihil iucundius, nihil charius afferri po-  
terat. Quid enim delectabilius quàm hoc cælum aspicere,  
& quæ sub aspectum cadunt intueri? Quid gratius quàm,  
quæ animo concipimus, illis exprimere, quibus cum viuimus  
necessario? Quid iucundius, quàm mirificam humani sermo-  
nis eloquentiam, & suauitatem excipere his auribus, & hau-  
rire? Quid charius, quàm vitam viuere, & eam voluptatem  
experiri, quæ iucunde, ac suauiter blanditur sensibus? Hic  
cæcus erat, surdus erat, mutus erat, sine sensu erat, sine men-  
te erat, frustum carnis erat, mortuus erat, nihil erat (detra-  
ctis enim de homine sensibus ac mente, reliquum nihil est) &  
ad Christi nutum, hæc omnia etiam cum non speraret acce-  
pit. Iure ergo lætabatur, & exultabat, Deoque immortalī  
quantum poterat gratiarum agebat. Turbæ autem hoc no-  
uo, & insigni negotio excitatæ admirantur, & cum scirent  
tanti mali, nec vllam consolationem reperiri posse sine Re-  
ge Messia, quærunt apud Matthæum, & dicunt: Numquid  
hic est filius David, præter quem scilicet reliquum habemus *Matth. 12.*  
neminem in quo spem nostram ponamus? Numquid imple-  
tum est illud Isaïæ oraculum: Tunc aperientur oculi cæco-  
rum, & aures surdorum patebunt; tunc saliet sicut ceruus *Isai. 35.*  
claudus, & aperta erit lingua mutorum. Scribæ verò, & Pha-  
risæi, qui hanc veritatem testari, ac defendere, & opus hoc  
tām mirabile, vna voce, & consensu laudare, & approbare  
debent, dicunt virtute dæmonis id esse factum: nec tamen  
credebant sic rem habere, vt Christus virtute dæmonis dæ-  
monem exterminasset, ac eiecisset. Plurima enim viderant,  
& audierant firma, & grauia diuinæ virtutis eius testimo-  
nia; sed cum maximo eum in honore, & pretio esse apud  
populum viderent, inuidia lacerati, confecti, exesi descie-  
runt à veritate multorum oculis testata, & manifesta, studiū-  
que quod ad commemorandam gratiam expendendum erat,  
id detrahendo benefactori consumpserunt; vt ipsum cui ob-  
stricti esse debebant memoria tanti beneficii sempiterna, in  
inuidiam vocarent, & voluntatem plebis alienarent ab eo.

## 74 Dominica iij. Quadrag.

O dirum scelus! O inuidiam inexplebilem! O audaciam singularem! Quis vnquam vidit, quis intellexit, quis vel fieri posse credidit, vt qui cæteris sanctiores videntur, honestū respuant, veritatem negent, Deum non metuant? Perfregit in eis omne virtutis decus inexplebilis honorum cupiditas. Vicit honesti amorem, commodi studium; vicit veritatis obsequium tristis inuidia; vicit castissimum Dei timorem turpis audacia; & hæc illos eò deduxit, vt etiam parati essent sacramento contendere, & affirmare sic esse. O deprauatos, fædos, turpificatos animos: o consceleratas, nefarias, impias voluntates! Non potuerunt tamen (adestote quæso animis, & attendite) non potuerunt tamen hac frigida, & ieiuna calumnia tantum efficere, vt populus de sententia discederet, nec potuerunt tanta impietate Christum abducere, vt suam in hoc etiam benignitatem non ostenderet. Nimirum sic benignè respondet, nec dedignatur ratione diluere, quod sibi falso crimen obijciebant. Quomodo in Beelzebub eijscio dæmonia? Conferre cum illis studijs studia mea, & videte si vel minimam cum illo habeam necessitudinem, vel commercium. Ille verbis quæ profert decipit, ego erudio: ille vitia seminat, ego calco: ille virtutes obterit, ego suscito: ille obæcat homines, ego illumino: ille obturat aures, ego refero: ille linguam detinet, ego soluo: ille dispergit oves, ego colligo: ille vulnera infert, ego sano: ille venit vt malet & perdat, ego vt vitam habeant, & abundantius habeant. Aspicite ergo, intueamini, conferre acta, & videte si quid mihi cum illo commune est; sicque cognoscite crimen, arguite, iudicate. Qui enim non est mecum, contra me est; & qui non colligit mecum, dispergit. O summam Filij Dei humanitatem, o immensam Redemptoris nostri benignitatem! Cognita itaque huius virtutis excellentia, & perspecta, quomodo seruari possit diutius nobiscum, & auferere (dicam enim paucis) videamus. Minatur nouissima Iudæorum longe deteriora quàm prima futura esse, si rediens immundus spiritus domum vacantem, scopisque mundatam, & ornata, hoc est eos inerti ocio deditos, nudisque cæremonijs addictos inueniret. Optabat enim vt his minis perceptis, illi resipiscerent; nos verò cognosceremus non ociosa fide, sed operosa charitate diu nobiscum seruari Dei benignitatem, atque in diem ex die capere incrementum. Fides enim

quæ

quæ principium est nostræ salutis, per dilectionē, ut ait Apo-  
 stolus, operatur, cuius calor erumpit in opus, cum nesciat *Galat. 5.*  
 otiosus esse, sicut dicitur: Numquid potest homo abscon- *Prou. 6.*  
 dere ignem in fimo suo, & vestimenta illius non ardeant? Ociū  
 ergo, cuius non minus quā negotij ratio nobis reddenda  
 est, veluti pestes & animorum perniciem expellamus, exter-  
 minemus, eiiciamus. Nullus est enim tam aptus, tamq. per-  
 fectus animus, qui non hebescat, & languescat in otio; vir-  
 tutemque omnem longa exercitatione acquisitam non amit-  
 rat. In ignauum quippe dicitur, Habenti dabitur, & non *Marc. 4.*  
 habenti, etiam quod habet auferetur ab eo. Vigilemus ita-  
 que & excubemus, quia nefarius prædo, qui humani generis  
 felicitatē, claris oculis intueri non potest, nostram hæredi-  
 tatē diripere, vel nē eā assequamur impedire procurat, semi-  
 nat intra bonū semen dormientibus agricolis infelix loliū; & *Matth. 13.*  
 nautis somno sopitis tempestates exsuscitat, ut insurgentibus  
 vndis, & fluctibus ascendentibus, quod numquā fieri poterit,  
 quassata iamdiu Petri nauicula demergatur. Circumspicite  
 quæso, quot, heu, procellæ impendant, nisi vos prouideritis.  
 Excubate P.A. quantum potestis, & vigilate pro hac vobis  
 credita, & commendata Repub. Vobis enim idcirco est cre-  
 dita, ut qui si nullam haberemus Rerūpublicarum, optimi ar-  
 chitecti ad eam ædificandam essetis, ædificatam custodia-  
 tis & conseruetis. Nusquam animis discedatis, nec ab ea  
 deiiciatis oculos; sed steteris, & maneatis in vigilia, cum plu-  
 rimæ sint insidiæ, maximaque pericula sese offerant, quilibet  
 nemo satis bene occurret, nisi vos gnari, & prudentes rerum  
 impendentium vestro consilio prouideritis. Vobis enim vigi-  
 lantibus & multum in posterum prouidentibus, multum quo-  
 que erit nobis, vobis, Reipub. vestræ consultum; & in mul-  
 tos annos Deo adiuuante prouisum; quem oramus, & obse-  
 cramus, ut hoc difficili tēpore, benignitatem non subtrahat,  
 vel diminuat, sed eam potius augeat. Vobisque Rectoribus,  
 & moderatoribus ferat opem, quo facilius id ipsum perfici-  
 ciatis, quod nos optamus, & speramus.





## ORATIO III.

*Erat IESVS eijciens demonium, & illud erat mutum. Luc. 11.*



**EXIMIA**, egregia, & mirabilia existunt ( Ampl. Pat. ) quæ hoc in angusto, exili, fragilique carnis ergastulo, pro eodem restaurando, ac sublimando, summi Dei, omnipotens Filius egit, tulit, docuit, præstitit. Quorum præcipuum, ac præstantissimum, habendum est, quod in compescenda, labefactanda, ac dissoluenda truculentia, immanissimique dæmonis audacia, rabie, atque tyrannide patrauit, qua Adami sobolē prodiderat, & perdiderat. Non solum animam diuinæ indignationi reddendo obnoxia, sed humana quoque corpora miserè torquendo, variè exagitando; illud elidendo, ac dilaniando, illud in monumentis, & desertis mutum agendo, illud in aquam, & ignem proijciendo, hoc denique mutum, surdum, cæcum efficiendo. Licet autem digiti sui fortitudinem, in tanto profligando hoste, ita magnificè patefecerit, vt illum satis admirari nequeamus, longè tamen maioris virtutis est munus, eundem ex animarum explodere domicilijs, vbi præuio peccato tutè conqueſcebat. Adhuc verò eminentius existit opus, illum eundem è totius orbis terrarum atrio, vbi idololatria duce tamquam Deus colebatur, expulisse, vsurpataque tyrannide expoliasse. Cæterum in primis illustrissimum factum dicamus oportet, hunc diuinitatis suæ perfidum aduersarium, æthereis, beatissimisque regionibus extorrem fecisse, & perpetuis supplicijs obstrinxisse. Itaque de dæmone à Christo quadrifariam eiecto, hoc est, è cælo, è mundo, ab anima, & à corpore, breuissimè vbi disseruero, perorabo. Nitebatur infestissimus tyrannus, me tanto corripere, vt mutum redderet: sed diuina vestra auctoritas, quæ hic latissimè præualet,

ualet, & dominatur, illum exterrefacit, & fugat, & ita me-  
reficit, & iuuat, vt præstò sim, quæ animo conceperim, bre-  
uissimè recensere. Conquiescebat olim solitarius, ante crea-  
turarum nouitatem, æuque antiquitatem, exuberanti vndi-  
que amicus gloria, excelsa circumseptus maiestate, suamet-  
ipsa beatitudine felicissimè perfruens, simplex, vnicus in-  
essentia, & trinus æqualiter distinctus in Personis, summus  
ille Deus: verùm dominationis, fortitudinis, iustitiæ, ele-  
mentis, innumerabiliumque encomiorum (attributa satis  
accomodè dicunt Theologi) omnino expers, non quod non  
esset Dominus, fortis, iustus, & clemens, sed quoniam nullus  
adhuc extabat, qui talem agnosceret, coleret, & prædica-  
ret. Aeternæ autem prouidentis antiquissimum consilium  
erupit aliquando; hoc admirandum, immensumque orbis  
amphitheatrum, tot bonorum speciebus magnificè refertum  
condendo. Quarum omnium illarum, quas intelligentias, & sub-  
stantias abstractas dixere Philosophi, nos autem Angelos  
dicimus, præstantissimæ, tum natura, tum officio habentur.  
Verumtamen non prorsus felicissimæ, quippe quoniam ali-  
quid concupierunt: alienum verò à perfectâ beatitudine  
est quicquam appetere; cum beatitudo sit omnium bonorum  
plena, & firma possessio. Sed apostatarum spirituum cupi-  
do Deitatis, vel Dei æqualitatis non fuit, quamuis similitu-  
dinis diuinæ naturæ. Non enim ignorabat Angelus impossi-  
bile fore Deum fieri, quemadmodum nolle Angelum esse;  
quin etiam nequibat Lucifer Dei æqualitatem ambire, qui  
plenus sapientia, & decore in delicijs Dei constitutus ab Eze *Ezech. 28.*  
chiele describitur. Nitebatur (ni ego fallor) principatum  
sibi assumere (Deo inuito) in illa Beatorum Ecclesia trium-  
phanti; quod quidem excellentissimum munus non Angelo,  
sed homini committere diuinum consilium decreuerat, nus-  
quam enim Angelos apprehendere diuinum Verbum, sed se- *Hebr. 1.*  
men Abraham prædestinauerat. Huius verò apostasiæ, & cu-  
pidinis seriem egregius ille vates Isaias appositissimè expli-  
cauerat, sic alloquendo Luciferum: Dicebas in corde tuo, In *Isai. 14.*  
cælum conscendam, super astra Dei exaltabo solium meum,  
sedabo in monte testamenti in lateribus Aquilonis, ascendam  
super altitudinem nubium, similis ero Altissimo. Verùm  
(Patres Amplissimi) nihil est ita simile Altissimo Deo, sicut  
natura illa creata, nempe humana, in vnitate diuini suppo-  
sita.

## 78 Dominica iij. Quadrag.

*Hebr. 5.*

*Psal. 2.*

*Heb. 1.*

*S. Bernar.*

*Ezech. 28.*

*Lucia 10.*

*Isai. 14.*

*Ephef. 6.*

*Apo. 12.*

siti assumpta, quàm homo Christus; qui non semetipsum clarificauit, vt Pontifex fieret, sed appellatus est à Deo Pontifex secundum ordinem Melchisedech, & sedet ad dexteram maiestatis in excelsis, tãto melior Angelis effectus, quanto differentius prae illis nomen hæreditauit. Hanc assumptionem, & primariam hæreditatem peruersè Lucifer concupiuit, inuidens homini prælato sibi futuro. Quid autem breuissimo temporis interuallo egerit, & qualiter à Christo eiectus fuerit, paucis aperiam. Creauerat in ipso mundi exordio Empyreas, splendidissimasque sedes opulenti gloria, & beatitudine decoras, sapientissimus opifex Deus, sanctisque Angelis mox repleuerat illas, inter quas eminentissimum extat solium, quod neutiquam Lucifero omnium Angelorum eminentissimo fuit oblatum, sed humanitati Filij Dei præsignatum, homini inquam Christo; qui constitutus fuerat Rex à Deo super Sion montem Sanctum eius, vt adorarent eum omnes Angeli Dei. Vidit (inquit sanctus Bernardus) & inuidit Lucifer temerè contendens exaltare solium suum super thronum summi Pontificis Christi, qui erat eiiciens dæmonium, quinimo è cælo penitus propulsauit, & rudentibus inferni detractum in tartarum tradidit cruciandum, sicut testatur eius Vicarius Petrus. Quam expulsionem Vates Ezechiel, ita vice Christi retulerat: Peccasti, & eieci te de mōte sancto Dei, & perdidisti te, o Cherub; & ipsemet Christus: Videbam sathanam sicut fulgur de cælo cadentem. Et illud erat mutum, quia insurrexerat in Verbum. Et illud erat mutum, nolens offensam in Deum, & erratum fateri. Et illud erat mutum, quia ausu temerario tentauit ad regias nuptias ascendere, non habens vestem nuptialem, & correptum obmutuit. Et illud erat mutum, nullam suæ malitiæ adinueniendo excusariunculam. Eiectus igitur, cecidit de cælo lucifer, qui mane oriebatur, & corruit in tenebras, vsurpando sibi principatum tenebrarum harum, traxit secum tertiam partem stellarum cæli, idest maximam Angelorum multitudinem: & si cum principe Lucifero alij complures eiecti sunt, numquid hi omnes principatum Empyreum concupiuerunt? schisma magnum profectò inter eos insurrexisset. Si autem Sathanas in seipsum diuisus est, quomodo stabit regnum ipsius? Principem verò, & Hierarcham fieri, vnus Lucifer appetijt; cæteri verò assēctæ, vel eiusdem vanitatem comprobare,

bauere, vel reprobauere (inuidia acti) quod homines eue-  
hendi forent ad astra, nonnulli super Angelorum, alij super  
Archangelorum & Thronorum choros, quin etiam aliqui ad  
supremam vsque Hierarchiam, quod execrandum facinus  
illis videbatur, vt inferioris conditionis creatura, sibi in-  
cælis præficeretur. Bellum eient, rebellionem excitant, se-  
cessionem faciunt, terribile committitur prælium, quod si-  
cut improbè, & improuidè obortum, ita citissimè fuit dis-  
finitum. Erat enim Iesus eiciens dæmonium, quinimò pe-  
nitus è cælo propulsatis, & eiectis seditionis, pax, & peren-  
nis tranquillitas est constituta; & quamuis cælum, lucem,  
gratiam, & gloriam amiserit, simulque omnem spem recu-  
perandi, numquam tamen dimisit audaciam æmulandi di-  
uinitatem. Nititur in primis homines auocare ab obedi-  
tione, cultu, & cognitione veri Dei, tantamque caliginem il-  
lorum mentibus affundere, vt aut ignem, aut spiritum, aut  
cicatum aerem, aut gyrum stellarum, aut nimiam aquam,  
aut solem, aut lunam, rectores orbis terrarum Deos puta-  
rent, & mutauerunt gloriam incorruptibilis Dei in simili-  
tudinem imaginis corruptibilis hominis, & volucrum, & *Rom. 1.*  
serpentium, & quadrupedum; quia ad tantam insaniam ad-  
duxerat homines, vt non solum immolarent agnos, hircos, *Deut. 32.*  
& vitulos dæmonij, & non Deo, dijs, quos ignorabant: *Psal. 105.*  
verùm etiam immolauerunt filios suos, & filias suas dæmo-  
nijs, & impleta erat terra idolis; atque ita fortis armatus  
custodiebat hoc atrium suum, & in pace erat possessio eius;  
sed vbi Christus fortior illo superueniens deuicit, & deuin-  
xit eum, tunc arma, in quibus confidebat, abstulit; Bel de-  
struxit, draconem interfecit, idola comminuit, & salutife-  
rum Crucis vexillum (dæmoniorum terrorem) erexit, con- *Dan. 14.*  
uertendo per Apostolos Gentes à simulacris seruire Deo vi-  
uenti. Et illud erat mutum; silentibus simulacrorum re-  
sponsis, & idolorum cultu deserto, & sopito. Vagantur e-  
nim, sed tanquam muti ob metum suppliciorum incanta-  
tores, magi, & alij occulti idololatrantes; inter quos S. Pau-  
lus enumerat auaros, penes quos adiecerim assentatores, &  
adulatores quamplurimos, obsequentiores, & summissiores *Ephes. 5.*  
dæmonijs, quàm Deo viuo, & vero. Cæterum non modo  
idololatriam, verum etiam propriam excellentiam, & homi-  
nis perniciem inhiando, nouam in Ecclesiam Catholicam  
fraudem

# 80 Dominica iij. Quadrag.

*Luc. 10.*

*Math. 17.*

*Chryf. bo. 52.*

fraudem diabolus excogitauit, ipsa (ni fallor) idololatria deteriore, & perniciosiore, quæ est hæresis. Cum immundus spiritus exierit ab homine; si hunc ab Ecclesia Catholica deuiantem adinuenerit, tunc vadit, & assumit seipsum alios spiritus secum nequiores se, & ingressi habitant ibi, & sunt nouissima illius peiora prioribus; innuens in septuplum homine infideli hæreticum dogmatizantem esse nequiores. Erat Dominus eiciens dæmonium, quod in veritate non stetit, nec veritatem loquitur: & vobis (Amplissimi Patres) dedit potestatem calcandi supra serpentes, & scorpiones, & supra omnem virtutem inimici: & illud erat mutum, & surdum reddidit, quia nec verbum audire, nec Deum poterat confiteri; & tamquam à gloria exclusum surdum fecit; etenim audientibus verbum Dei gloria manifestatur, sicut Apostolis in vertice montis conspicua fuit, cum vox Patris de cælo intonuit: Ipsum audite. Et ideo diabolus surdum etiam hominem fecit, ne posset Dei verbum illius auribus insonare, sed imperio Christi fugatus, patefiscunt clausa, vincula soluantur, sermo redditur, auditus redit; & solus diabolus desit, se diuturna possessione detrusum; atque ita eiecto dæmone, homo apertione aurium percipit, vt possit Fidei auditum capere, & tandem ad Paradisi gloriam feliciter peruenire, dicente Christo: Beati qui audiunt verbum Dei, & custodiunt illud.  
Amen.



## ORATIO IV.

*Tunc vadit, & assumit secum septem alios spiritus nequiores se, & ingressi habitant ibi. Luc. 11.*



**NEQVISSIMOS** hosce spiritus ab immundo spiritu secum assumptos (B.P.) septem esse præcipua, eaque mortifera crimina, homines præsertim fideles assidue perturbantia, apud omnes sacros in confesso est auctores. Horum primus est superbia, peruersus celsitudinis appetitus, quo Lucifer, Angelorum omnium natura alioqui

splendidissimus, olim inflatus, prorupit in hæc: In cælum *Isai. 14.*

conscendam, super astra Dei exaltabo solium. Ei ab similibus

non exitit Rex ille, qui in domo sua quietus, & florens ar-

roganter aiebat: Nonne hæc est Babylon ciuitas magna, *Dan. 4.*

quam ego ædificaui in domum Regni, in robore fortitudinis *Ezech. 28.*

meæ, & in gloria decoris mei? Quis est (asserebat alius) ex

omnibus Dijs terrarum istarum, qui eruerit terram suam de

manu mea? Deus ego sum, & in cathedra Dei sedi. Aspi-

cite quæso (Amplissimi Patres) quàm altum hi de semetipsis

sapiant, de Diuinitate vero quàm humile sentiant, eidem, vt

sibi diuinos rapiant honores, effrenatè detrahentes, omnem

sibi sufficientiam arrogantes, se nullius opera, etiam diuina,

egere iniquè credentes, imo se esse Deos, Deumque alium,

præter ipsos reperiri, impudentissimè dissentunt. O dete-

standum super omne facinus tumoris crimen! ob quod & An-

gelos à sedibus cælestibus demissos, & parentes primos è pa-

radiso eiectos, sanctissimas quoque diremptas societates,

multa inter mortales excitata bella, innumeras domos, &

vrbes quàm plurimas euerfas fuisse, & esse veluti pestiferum

quoddam humanarum rerum calamitatum semen, satis est

exploratum. Cætera vitia illas dumtaxat, quibus aduer-

santur, virtutes impetunt, sola superbia contra præclaras

L1 animi



## 82 Dominica iij. Quadrag.

animi dotes sese erigit, & quasi communis, isque perniciosus morbos vniuersas, ac singulas vitiat, corrumpit, & destruit. Nullum sanè malum superbiæ par, quippe quæ ex homine dæmonem, conuitiatorem, maledicum, perierum, liuidum, mortis cupidum, perpetuò mærentem, perpetuò indignantem, ad iram præcipientem, ad odia pertinacem, linguæ, & gulæ indulgentem efficit. Hinc sterilitas animæ, deuotionis inopia, ad omne opus bonum segnities, ad vigilias somnolentia, nullus spiritus feruor, nulla mentis serenitas, pax nulla, neque gaudium in Spiritu sancto. Dessendum porro est eiusmodi superborum genium, luculentissimè à Ioanne scriptore sacro in Laodicensem Episcopum ita descriptum: Dicis, quòd diues sum, & locupletatus, & nullius ego, & nescis, quia tu es miser, & miserabilis, & pauper, & cæcus, & nudus. Quznam (obsecro) miseria maior, iactura pestilentior, paupertas vehementior, cæcitas tenebrosior, nuditas infelicioꝝ, quàm homo, puluis, & cinis? Quid ergo superbis? neque enim creata est hominibus superbia, Rex hodie est, & cras morietur, & hæreditabit serpentes, & bestias, & vermes, monebat Sapiens. Nam si natalia fragilis homo accuratè expendat, eadem immunda, si vitæ progressum, illum continuis detrimentis repletum, si futurum vitæ periodum, horribilem ita conspiciet, vt inde propriæ salutis pharmaca, quibus sibi medeatur, facile in semetipso desumet, atque ita seipsum deiiciet, superciliaque sponte deponet, ne inuitus quandoque illa demittere (denarrante Propheta) miserrimè compellatur. Superbia verò cordis tui extulit te, habitantem in scissuris petratum, exaltantem solium tuum, qui dicis in corde tuo: Quis detrahet me in terram? At quid ibi subdatur attendat superbus: Si exaltatus fueris vt aquila, & si inter sidera posueris nidum tuum, inde detraham te, dicit Dominus. Est quidem inanis huius spiritus petrarum scissuras, inaccessible, arida, & inaquosa habitare loca, dum fallaci terrestrium suauitate allectus, atque deceptus, omnia sua tutissima ducit, minora spernit, æqualibus indignatur, sublimioribus inhiat, necnon seipsum adeo semper magnificat, vt sidereas iam se obtinere sedes, tumidus existimet. Casum rebellium Angelorum oblitus, quorum tamen repudiatio, nostra esse debeat emendatio, illotumque malum nobis cooperari in bonum. Quòd si tam a-

critet.

*Apo. 3.*

*Ecclesi. 10.*

*Isai. 49.*

critur actum est cum Angelo, si tam durè cum potente illo animaduersum est, quod eleuatum est cor eius, quid de me exigendum (aduertit Bernardus) misero, & infima terra? *Bernard.* ille in cælo intumuit, ego in sterquilinio: aut non discernet inter glebas, qui disceuit inter stellas? Verumenimuerò ad tam infestum propulsandum, eliminandumque scelus, nihil est viuacius, quàm seipsum cognoscere. Etenim hominis veram sapientiam affectantis, illud est potissimum, quid ipse sit in prius, quid intra se, quid extra, quid supra, quid infra, quid contra, quid ante, quid postea, iugiter contemplari. Meditatio hæc extollentiam tollit oculorum, sui parit vilitatem, proximi charitatem, mundi contemptum, Dei amorem, & gratiam reconciliat. Verissima hac sui cognitione sibi quisque vilescit, dum animam peccatis onustam, mole caduci corporis grauatam, carnis fece infectam, erroribus diuersis implicitam, varijs timoribus trepidam, curis terrenis detentam, mille expositam periculis, difficultatibus vndique anxiam, suspicionibus obnoxiam, necessitatibus subiectam, procliuem ad vitia, hebetem, & inualidam ad virtutes se perceperit? Cumque se ita vndique abiectam, fordidam, & corruptam perspexerit, supplex, & humilis ad Christum Dominum, tanquam inuisissimum ducem clamabit: Sana animam meam, quia peccaui tibi, qui saluos facies filios pauperum, & humiliabis calumniatorem; quamlibet *Psal. 40. 71.* fortem, & armatum, vt ita videat inuidus ille, & Rex super *Ps. 112.* omnes filios superbiz, suscitari de puluere inopes, & de stercore erigi pauperes, qui sedeant cum principibus, & solium gloriæ teneant, doleatque adimpleri præcipuè illud: Pauper & inops laudabunt nomen tuum. O saluberrimam omnium *Psal. 72.* antidotum humilitatis medicinam, mæstos, oppressosque consolantem, tumentia corda comprimentem, tabescentia reficientem, superflua refecantem, deprauata quæcunque corrigentem, solidissimum spiritualis ædificij fundamentum, cuius præterea latitudo in charitate disponitur, altitudo in bonorum operum parietibus erigitur, in patientia perficitur longitudo, tectum denique diuina est protectio. Omni igitur animi procul pulso tumore, humiliemur sub potenti manu Dei, vt nos exaltet in tempore visitationis.

## ORATIO V.



**I**NTER magna beneficia, quibus hominem donauit Deus, illud esse multo maximum videtur, Pater Beatissime, ut animi conceptus exprimere, imperitos docere, afflictos consolari, Creatorem suum vnus ex omnium viuientium cetera diuinis celebrare laudibus possit. Nam si de ceteris sensibus loquamur, non modo ij sunt hominibus

cum brutis communes, sed etiam a multis animantium homines in eis vincuntur. Aspectu enim aquila, auditu anser, odoratu canis, viribus leo longe nobis antecellunt. Solam fandi facultas mentem nos habere, ac dominium in bestias gerere docet. Quam singularem hereditatem, humano generi diuinitus traditam, demon non prius vidit, quam inuidit; possessionemque tanti boni, quantum quidem potuit, primis parentibus, ac toti eorum posteritati surripere est conatus. Inde homo in vero loquendo passus est iacturam, atque honore, quo bestiis praecebat spoliatus, comparatus est iumentis insipientibus, & similis factus est illis. Quid enim interest non dico inter mutum & iumentum, sed inter hodierni Euangelij mutum & saxum, aut truncum? nam iumenta ideo dicuntur, quod nos iuuent: a muto, qui surdus idem sit, & cecus, & quem praeterea demonium obsideat, quid existere utilitatis potest? cuius damni profecto Satan opifex fuit. Nam mox ut scelere suo de caelo princeps est deiectus, dolore amens, ira ebrius homines quoscunque insectari, vexare, vndique dolis circumscribere suis institit, atque istu vno, ut multa simul vulnera homini inferret, sermonem statim illi adimere, & ad saxa & ligna traducere est conatus; nimirum ut quem Deus, imperandi dignitate nobilitatum, cunctis animantibus praeposuerat, eundem ipse, auribus, oculis, lingua captum, ligneis quoque, & lapideis idolis subijceret. O miserandam hominis conditionem, o mortiferam generis

generis humani plagam! Sed Christo nostro ingentes, & immortales gratias, qui tyrannum immanissimum, ionge illo fortior, superueniens vicit, alligauit, vniuersa arma eius abstulit, spolia distribuit, atque hominem, captiuum ab eo factum, in libertatem vindicauit. Nam cum eiecisset dæmonium, locutus est mutus, fugato enim & profigato per Christum diabolo, desiere idola loqui, cœpere muti proloqui: saxi aures excisæ, surdis patefactæ: simulachris oculi effossi, cæcis aspectus restitutus. Quod vero calumniantur Iudæi, Christum in Beelzebub principe dæmoniorum eijcere, dæmonia, vel ex eo falsitatis arguitur, quod neminem vquam reperiatis, quem dæmon ex cæco videntem, ex surdo audientem, ex muto loquentem fecerit. Hostis enim cruenti est maleficijs pasci, non beneficijs delectari. Solus Christus cæcis aspectum, surdis auditum, mutis eloquium, ægrotis sanitatem, mortuis vitam, perditis salutem restituit. Iam vero cur putemus, Christum voluisse ab homine muto dæmonium eijcere, nisi ut ipse in eum per dona sua ingrederetur? & quem à mendacij patre elinguatam inuenerit, ipse veritatis auctor eloquentem, ac disertum efficeret? Quid igitur mirantur hodie turbæ, cum mutum loqui audiunt? mirantur ne fortasse, hominem ætate prouectum fari? at naturale est istud adulto; an vero, qui satanica obsidione sit exceptus, mirabile arbitrantur, cum liber verba proferat? quid miraculi fuerit, si quem vinculis exsolueris, is progredi incipiat? mirandum verò maximè fuerit, si qui surdus antea, semper extiterit, ac propterea sermonem discere nequiverit, qualis fuisse mutus iste dicitur, soluta illico lingua sermocinetur, rectamque Christi fidem, & suam in eum seruitutem profiteatur. Merito igitur admirantur turbæ, quæ licet eiectum à muto diabolum intelligerent, ingressam tamen in eundem fuisse Christi virtutem, qua statim edoctus fuit, adhuc ignorabant. Nobis vero, quibus arcana Dei diuino munere sunt reuelata, quid mirum videri possit, si eum, in quem Verbum Dei intrauerit, & rectè sensisse, & recta fuisse locutum intelligamus?

Neque vero beneficium, quod muto Christus hodie prestitit, nobis vel denegauit, vel parce disperijt: vniuersis etenim potestatem cognoscendi veri, & eloquendi abundè in Baptismo clargitus est, quotidieque, propulso longe satana,

ad

## 86 Dominica iij. Quadrag.

ad nos ipse per Sacramenta accedit, mentem nostram sedem sibi & domicilium locat, sordes omnes nostras abstergit, animam virtutibus exornat, fidem in nos, spem, & charitatem, funiculum illum triplicem, qui difficile rumpitur, infundit, labia nobis aperit, & linguas in eloquium soluit, ut laudes Dei prædicemus, nomen efferamus, beneficia commemoremus, nobiscum loqui, cum proximo loqui, cum Deo, & de Deo dies, noctesque loqui nunquam desistamus. Quid autem nobis ipsis potissimum nos oporteat loqui in promptu est.

Recogitare cum animo nostro etiam atque etiam debemus, quas in Deum, quas in fratrem, quas in nos ipsos culpas admiserimus, quæcunque à nobis mala commissæ, quæcunque omiſſa bona fuerint, dolore immenso dolere, erratorum veniam, lachrymis ex imo corde euocatis, implorare, atque igne charitatis inflammati vetus cor exurere, nouumque Deo virtutibus imbuendum cælestibus exhibere. Fratribus vero, nobis Christi sanguine proximis, non eadem ab omnibus dicenda sunt quæ cunctis loqui liceat, sunt quæ ad Pastores Ecclesiæ præcipuè attineant: vniuersis conuenit miseros consolari, abiectos erigere, aberrantes in vijs iteritus, ad salutis semitam reuocare, dormientes in peccatis ad pœnitentiam excitare, auersos à cælo, ut ad sese redeant, & ad Deum conuertantur, hortari, monere, sollicitare. Pastorum autem & Principum Ecclesiæ propriæ sunt partes, illud insuper in fratres, & sibi subiectos curare, ut imperitos doceant, & frigentes in amore Dei cohortationibus, obsecrationibus, increpationibus accendant: & hoc quidè ut voluntatè exposcant, illud verò ut intellectu erudiant. Quarum duarum viriù cura Fidei Sacerdotum aptissimè cõmissa est, ut quorum celsissima est in Ecclesia sedes, ad eos altissimis rebus, hoc est hominum, animabus consulere, ac prospicere pertineat. Clamare enim ex throno, neque vnquam cessare debent, & voce quasi tubæ, elata, populo Christiano scelera eorum annunciare, vlcera aperire, vulnera alligare, medicamenta subministrare. Vbi vero errata singuli nostra tacita cogitatione percurrerimus, & nouæ vitæ commutatione cum dolore vero correxerimus, ac pro suo quisque officio laboranti fratri consilio, opeque succurrerimus; reliquum, quod nobis superfuerit, temporis, sicut hodiernum loquentem mutum fecisse

## Oratio Quinta.

87

cisse credendum est, in gratijs Deo agendis, beneficijs eius recolendis, adoranda maiestate, mysterijs admirandis, auxilio rebus ætatis nostræ afflictijs inuocando, lumine hæreticis & infidelibus expetendo, charitate Catholicis omnibus obsecranda, totum consumemus.

Id quod & nobis maximè salutare, & proximo  
valde conducibile, & Deo nostro gra-  
tissimum fuerit, qui viuit, &  
regnat in sæcula  
sæculorum.  
Amen.



DOMI-



# DOMINICA QVARTA QVADRAGESIMAE.



## ORATIO PRIM A.



Cap. 8.

V AE diuina Sapientia in cæ-  
lestis ciuitatis arce, bonorū  
omnium copia affluentissimū  
conuiuium præparauit, atque  
ancillas suas, Apostolos sci-  
licet, in omnes mundi pla-  
teas, vias, & sepes ad homi-  
nes conuocandos misit, eadē  
B. P. attingens à fine vsque  
ad finem fortiter, & disponēs  
omnia suauiter, id ipsum  
Evangelicis lectionibus per

anni circulum recurrentibus assiduē præstare non desinit; &  
vt de hodierna nos interim loquamur, qua ratione aptius po-  
terat nobis via præmonstrari, qua perducimur ad cælestem  
Hierusalem, vbi æterna Sapientia suauissimo sui intuitus ci-  
bo, beatorum mentes ita reficit, vt nihil vlli deficiat, vna,  
eademque sufficiat omnibus, imò superet semper quod nul-  
lus attingat, quā turbarum exemplum nobis ob oculos  
proponendo? Hæ namque Christum secutz, mare Galilææ  
transuectæ, in desertum ingressæ, montem subeuntes, eò tan-  
dem, Christo duce, deuenerunt, vbi exiguo quidem, vt vide-  
batur pane, at non modo non deficiente, sed etiam copiosē  
superante, illarum famem ad satietatem expleuit. Istas sanē  
nobis hodie proponit imitandas, vt & nos è procelloso ini-  
quicatumstrarum pelago enatantes, posthabitis planis, ac  
floridis terrenarū deliciarū cāpis, pœnitentię desertū ingres-  
si, ac

fi, ac in sublimem æternorum bonorum contemplationem  
 rapti ad cælestis conuiuij mensam aspiremus. In his tribus  
 veram Sapientiam positam esse B. Bernardus asserit: in odio *B. Bernard.*  
 præteritorum peccatorum, in contemptu commodorum,  
 præsentium; & in futurorum præmiorum desiderio. Nam  
 cum à sapore sapientia sit dicta, is demum sapiens est appel-  
 landus, cui quæque sapiunt videntur, ac proinde qui perfecta  
 bona totis affectanda desiderijs, quæcumque nos inde auer-  
 tunt, & distrahunt, viribus omnibus fugienda: huius verò  
 mundi bona, seu bonorum potius imagines, ac spectra eate-  
 nus amanda, quatenus ad solidi, ac veri boni affectionem  
 conducant, ceterùm vti caduca, & transitoria contemnenda,  
 intimo quodam animi sapore diiudicet, atque discernat.  
 Abierunt itaque turbæ à Christo in monte pascendæ, trans  
 mare Galilææ in desertum; & populus quondam Israël ru-  
 brum mare transiens per desertum pariter in terram fluentem *Exod. 13. 6.*  
 lac, & mel deducitur. Neque enim qui varijs peccato- *14.*  
 rum fluctibus hinc inde iactantur, montem Dei sanctum ascen-  
 dere possunt, nisi primum enatantes in litore pedem figant,  
 nec per florida, & amœna deliciarum patet aditus ad terram  
 viuentium, sed arcta est via, quæ ducit ad cælum. Nauiga-  
 bamus ab initio ab omni ventorum, & procellarum iniuria  
 securi in munitissima originalis iustitiæ naui, sed insurgente  
 ab Aquilone repentino satanicæ tentationis turbine, qui cla-  
 uum in puppi sedens tenebat primus humani generis parës,  
 ad inobedientiæ scopulum proram aduoluit, ad quem illisa  
 penitus naui, & sibi, & nobis naufragium fecit miserrimum.  
 Desuper data est periclitantibus sua singulis scapha baptis-  
 malis gratiæ, sed & hanc miseri in saxa, & scopulos ultro  
 impigimus, & nulla iam iterum naufragis superesse potest  
 salutis spes, nisi salutaris pœnitentiæ tabulam complexi è  
 fluctibus emergentes ad litus viribus omnibus cõtendamus.  
 Hæc P. A. nostri status ratio, hæc species; vt quid ergo tan-  
 topere præsentibus commodis inhiamus? quò tandem mun-  
 danis affectibus animum premimus? Quid prodesse, vel quid  
 non obesse potius poterit depressis in limo profundis, & vix  
 emergere volentibus rerum terrenarum grauis, & inutilis  
 sarcina? Si quis cassato iam nauigio spem ponit in tabula,  
 & huius ope salutem querit, non modo non inutilia pondera  
 assumit, sed ne aurum quidem, gemmasve, aut alias quos-

cumque pretiosissimas merces, quæ tamen ei possent è fluctibus elapso magno esse præsidio, & naufragij læturam aliqua ex parte solari: immo tunc secum felicissimè a seum putat cum nudus euaserit, vitamque ex tanto periculo incolumem subduxerit, atque tandem ea sunt, quæ tanto studio completimur, quibus enataturi premimur, & demergimur. Quid tandem habent commodi? quid in se continent boni? an bona quis appellauerit ea, quæ cum anxietate sperantur, cum labore acquiruntur, & acquisita vel non explent desiderium, vel satietatem gignunt, & nauseam? an vera potest esse quies, & felicitas vlla in earum rerum possessione, & usu, quibus quo tempore utimur, eodem ipso priuamur? imò quarum acquisitio iactura est, usus amissio. O utinam hodie nas turbas imitari, quæ ne dum aliorum, sed etiam cibi ipsius oblitæ, Christum per desertum sequuntur in montem, & nos aliquando spretis mundi vanitatibus per desertum poenitentiz in montem contemplationis ascenderemus, ac tum mentis intuitum, tum cordis affectum infigeremus in cælum, in vera illa solida, ac æterna bona. Non enim relinquentibus Aegypti cepas, & allia deesset in hoc deserto suauissima mænna; sed quos hæcenus inani vento non pauit, sed inflauit mundus, collocaret in loco pascuæ Christus, & cibaret suauissimo pane suo, quo vel leuiter degustato, ita nausearet anima nostra super cibis istis leuissimis, ut ijs omnibus spretis, toto pectore anhelaremus ad cælum, & est sanè æque mirum ac miserum, quod homines ita illiciant mundi voluptates, & commoda, ut qui corporis oculos à natura acceperunt ad cælum spectantes, mentis aciem assiduè in terrena desigant. An dubitamus defuturas Christum sequentibus in deserto delicias? an verò piget inania solidis, falsa veris, caduca, æternis, terrena cælestibus commutare? Si minimè allicere possunt sua dignitate, atque præstantia spiritualia bona, ut ex peccatorum fluctibus tandem emergamus, vrgeant saltè, & impellant quæ nos vndique ambiunt in procelloso mari, & iâ ceruicibus nostris imminet calamitates, atque pericula. En quâtas ab Occidente, & Aquilone cient tempestates impiz hæreticorum seditiones, qui regna totius Christianæ Reip. præstantissima perturbant, ut ferè iam deturbent, ita præmunt, ut ferè opprimant, ex Oriente verò & Austro, quis est qui non videat quàm sæui contra nos insurgant turbines

bines bellicorum apparatus, quos fluxus excitet Ottomanicus furor, qui extremum iam corpus Christianæ ditionis depastus, ipsa iam latera, & pectus aggreditur. Hi terrores, A. P. hæ angustiz sunt proculdubio Dei Opt. voces, quibus ad nos clamat, vt aliquando resipiscamus à vanitatibus, & iniquitatibus nostris, & si minus leni spiritu vocationum suarum, quibus assidue ad cor nostrum loquitur, passi sumus nos in portum deduci, eò compellamur tantarum tribulationum vehementi turbine, & tempestate. Nè ergo, obsecro, contra stimulum calcitemus, ne diuinæ gratiæ *Ab. 9.* resistamus, sed eius impulsu secuti abeamus trans mare Galilææ, ingrediamur desertum penitentiz, in montem contemplationis, & amoris spiritualium bonorum subeamus; sic enim ex omnibus periculis eductos, cibabit pane suo suauissimo, & torrente voluptatis suæ potabit nos Dominus in sæcula sæculorum.

## ORATIO II.



**P**ROPONIT nobis hodiernæ die Evangelica lectio, Pater Beatissime, Christum Dominum, qui cum subiisset in montem, oculos subleuasset, mox demississet in subiectas valles, & sequentem se turbam conspexisset, eius miseratus esuriem, quorum animos cælestiû eloquiorum cibo refecerat, eorum dem corpora per Apostolorum ministerium pane, piscibusque per miraculum auctis, recreauit. Quis vel ex hoc vno Christum non agnoscat eundem, & Creatorem, & Redemptorem, & naturæ auctorem, & gratiæ. Verum altiora hic latere mysteria aduertit Chrysostomus, intendisseque Dominum nedum turbarum illarum mentes verbo, ventres cibo pascere, sed & omnium fidelium animos sui operis exemplo ad misericordiam, & beneficentiam informare. Quid, rogo, innuit supremum montem conscendere, oculos in cælum attollere, mox demittere in subiectam

## 92 Dominica iiij. Quadrag.

esurientem turbam, eiusque misereri? Hoc sanè, nō iudicio, debere nos cælum intueri, Solem, Lunam, sidera; altiusque cōsiderationis nostræ aciem defigere in cælestes illas mentes, Deumque ipsum Optimum Maximum, & inde petere charitatis, & beneficentiæ exemplum; vt quicumque sunt indignitatis, opum, & potentiæ culmine collocati, quicquid eis desursum à Patre luminum boni obtrigit, vnde omne datum optimum, & omne donum perfectum, id sciant ea conditione, & in eum finem sibi concessum esse, vt illud in proximos pauperes, & egenos liberaliter deriuent. Sic piorum Ecclesiam describens Regius Psalter, Dei dona appellat vnguentum, quod capiti infusum descendit in barbam, barbam Aaron vsque in oram vestimenti eius, & rorem Hermon qui descendit in montem Sion, inde in subiecta delabitur, vt pinguescant speciosa deserti, & exultatione colles accingantur, imæque ipsæ valles abundant frumento. Et quidem de Deo Optimo Maximo, vt hinc exordiamur, gentes, & nationes supernæ illustrationis lumine destitutæ aliæ aliter senserunt, prout à veritatis tramite aberrarunt longius, aut accesserunt propius; vnus tamen omnium fuit cōcors cōsensu, & cōsentiens vna omnium conceptio, vt Deum & animo conciperent, & voce profiterentur rem illam esse, quæcumque esset, à qua in cæteras res, hominesque præcipuè bona omnia, & commoda quibus vtimur, lux qua fruimur, spiritusque quem ducimus deriuantur: cui ideo tanquam bonorum omnium largitori nulla gens fuit, aut natio adeò fera, & barbara, quæ in tributi locum, & grati animi testimonium, cultū aliquem non rependerit. Potuerunt fortasse aliæ Dei virtutes, & opera latere homines densissimis ignorantia, & prauitatis tenebris obfisos: at certè largiri, iuuare, misereri ita Deo frequens est, ita proprium, ita super omnia opera eius extollitur, & conspicuum emicat, vt id ne volentibus quidem licuerit ignorare, sed vel in inuitorum animos clarissima luce peruaserit. Cælos autem, eorumque conuolutiones; sidera, & siderum vices, ac lumina clarius est, quàm vt longiore egeat oratione explicari, in subditorum horum corporum commodum ordinari omnia, eoque vim suam, & actionem totam conferre, vt sibi subiecta elementa, mixta, animalia foueant, atque conseruent. Quod si ad æthereas mentes cælestis aula ciues animum, & sermonem conuertamus, quis

ignorat,

*Iacob. 1.*

*Psal. 133.*

*Psal. 64.*

ignorat, iuxta Dionysij doctrinam, superiores in inferioribus purgandis, illuminandis, & perficiendis operam suam collocare? Infimæ autem Hierarchiæ Angeli, quod sui generis inferiores non habeant, foris quærunt, in quos beneficentiam exercent, & in hominum custodiam, & commodum studium suum conferunt, fiuntque, teste Apostolo, administratorij Spiritus in ministerium missi, propter eos qui hæreditatem capiunt salutis. Hic verò mirabitur forte aliquis, & indignū ducet Angelorum nobilitate, atque præstantia Angelos hominibus ministrare, quod æquius multo, & decentius videatur inferiores in superiorum obsequium, & commodum occupari. Sed mirari desinat, & certissimum habeat, quod Veritatis ore prolatus est, Beatius esse dare, quàm accipere. *Act. 20.* Audiatque Chrysostomum dicentem, tum demum hominem supremum nobilitatis gradum consequi, illiusque dignitatis, ac nominis, quo Deus maximè gloriatur participem, immo verò (ut alter quidam dixit) hominem homini Deum effici, cum indigentibus ministrat, eorumque inopiam subleuat. Vt merito Apostoli summam sui muneris dignitatem ministerij nomine appellauerint, & hoc exemplum imitati eorum in hac Apostolica Sede successores titulo æque humili, ac glorioso, Sernorum Dei se seruos nuncupent. Porro pauperum curam gerere, eisque necessaria ministrare iniunctum est fidelibus omnibus, quotquot Christo capiti cupiunt charitatis vinculo viua membra connecti. Est enim animæ nostræ vita Dei gratia; vitalis vero calor, sine quo non stat vita, dilectio; dilectionis operatio & signum operis exhibitio. Nā sicut ea caloris est conditio, ut si minus operetur intreat, & inde vnumquodque viuere dignoscimus, si operetur, atque moueatur. Ita charitas (ait Augustinus) nequit esse otiosa, & si otiosa est, charitas non est. Et in hoc scimus, inquit Ioannes Apostolus, quoniam translati sumus de morte ad vitam, quia diligimus fratres; è contra verò, si quis viderit fratrem suum necessitatem habere, & clauserit viscera sua, ab eo, quomodo charitas Dei manet in eo? Est igitur iniuncta fidelibus omnibus pauperum cura, ac certè præ alijs, & ex proprii officij munere demandata est illis, qui in Ecclesia sancta Dei Apostolorum, & Discipulorum vices, & locum obtinent.

Aduertistis, scio, Patres Amplissimi, quod Ioannes præ-

seius:



## 94 Dominica iiij. Quadrag.

scius suo more refert, Christum scilicet distribuisse panem discumbentibus, idem latius fuisse & expressius ab Euangelistis alijs explicatum, ipsum videlicet fregisse panem, & in manibus suis, ipsaque fractione, (vt ego quidem arbitror) auctum dedisse discipulis, vt ipsi turbis distribuerent. Ex quo quis non aduertat eisdem commissum vtriusque panis ministerium, eisdem demandatam, & Verbi prædicationem, & pauperum curam, & animarum, & corporum alimoniam. Id exemplo suo docuit Christus Dominus, dum quibus Euan gelium annuntiaret, & daret monita salutis æternæ, illorum etiam ægra corpora curaret, satiaretfuriem, & alia eiusmodi præstaret indigentibus officia. Seruatum id ipsum ab

*Act. 6.*

*Laur. Mart.*

*Paulin. Nol.*

*Hebr. 1.*

Apostolis habemus apud Lucam in eorum actis, donec crescente numero Discipulorum, ne ipsi præ assiduo nimis men sarum ministerio derelinquere cogerentur verbum Dei, ascuerunt sibi vtriusque laboris socios Diaconos; apud quos hoc munus diu in Ecclesia perdurasse colligimus ex gestis D. Laurentij Martyris, quem, quod thesauros Ecclesiæ in pauperum victum, atque vestitum impendisset, impius æquæ, atque auarus tyrannus diris supplicijs affecit. Quid referam Paulinum Nolanzæ vrbis Episcopum, Episcopalis charitatis speculum, & exemplar, qui in Ecclesiæ suæ pauperes adeo fuit misericors, & liberalis; vt cum omnia erogasset, nec haberet quid roganti viduæ in pretium redemptionis filij tribueret, præter semetipsum, semetipsum tribuit in eleemosynam. O hostiam Deo præ cæteris gratissimam! Seipsum, inquam, vltro in captiuitatem dedit, vt alterum redimeret, illum imitatus, qui in omnium nostrum redemptionem, cum Filius Dei esset, splendor gloriæ, figura substantiæ eius, formam serui non est dedignatus accipere. Ecce iam diuina benedictione auctus, & multiplicatus est panis; Ecclesiam enim suam Dominus impiorum tyrannide eripuit, felici incremento propagauit, ditauit opibus, auxit honoribus. Crescente verò Discipulorum numero, & amplificata Apostolicæ Sedis maiestate, vos Patres Amplissimi, in Apostolici muneris, laboris, & sollicitudinis partem asciti estis, in quorum humeros, qui regendæ vrbis, & orbis molem sustinet, eximij oneris partem reclinet; vt quod olim Diaconi Apostolis, hoc vos Apostolorum Principis successoribus ministerium, & operam præstetis, sicut in grauissimis Fidei, alijsque negotijs,  
ita

ita in hoc charitatis opere eximio, ad quod prima Apostolorum ministrorum legitur facta institutio. Agite ergo Ecclesie sancte Principes, id implete sedulo ad quod vocati estis, imitamini celestis aulae principes, qui toti in hominum sibi commissorum commodum incumbunt, sequimini Paulinum, emulamini Laurentium augustissimi huius Romani Cleri splendorem & decus, pauperum curam, & patrociniū suscipite. Sed quid dico suscipite, immo verò iam diu susceptum, & ita sedulo, ac studiosè, vt sibi hac de re meritò tota gratulari possit Ecclesia, eodem studio, & charitate, prosequimini, sustinere. Hoc enim demum est summum Christianae nobilitatis fastigium, Deo omnium bonorum largitori similem fieri, hoc demum est munus, & officium Principe omni, & eo magis Ecclesiastico dignissimum, ad quod se à Domino assumptum Dauid rex sanctissimus cecinit: Pascere Iacob seruum suum, & Israel hereditatem suam.

## ORATIO III.

*De laetitia Ecclesiae ob peccatorum conuersionem.*



VAE summa vnici dilecti filij a quo casu in maximo vitae discrimine constituti, ab eoque euadentis incolumis matrem afficit laetitia; eadem B. P. in hodiernae diei celebritate, ob significatam peccatoris conuersionem est satis conspicua, & manifesta. Homo siquidem Christi fide matris Ecclesiae effectus filius, quo ipsam ob peccata, quae sunt animae mors, vehementi urget dolore; eandem ob illorum detestationem immenso prope exultat gaudio. Cuius praecleara causa quanti sit extimanda, mihi nunc breuiter aperiendum. Sicut enim olim à Domino ipso, dum hanc ageret vitam, in parabolis pastoris centesimam Luc. 15. amissam ouem inuenientis, mulieris drachmam deperditam reperientis, & prodigi filij ad cor, ad paternam domum reuer-

# 96 Dominica iiij. Quādrag.

uertentis, exprimitur gaudium esse coram Angelis Dei super vno peccatore pœnitentiam agente: ita & nunc hoc sacrosancto Iubilz i tempore cum plurima cōfluat in hanc sanctam Vrbeni peccatorum multitudo, qui suā deficiant peccata, ingentem piæ Matri Ecclesiæ afferunt lætitiā. In lege plures licet à Deo in illa populi Israelitici Ecclesia dati fuerint duces, ac saluatores vocati, eisdem tamen recipiendi, & absoluedi peccatores concessa non fuit facultas. Atqui hoc omnis plenitudinis gratiæ, & benignitatis tempore, quo Saluator noster, & liberator, & Propheta magnus non venit, vt iudicet mundum, sed vt saluetur mundus per ipsum, hic peccatores recipit; ad hunc, quod olim Dauid accidit: accurrunt omnes in angustijs, & difficultate abstinendi à peccato laborantes, omnes veterum peccatorum debitis onerati, omnes de quacunque necessitate tristes, & solliciti, vt remedium capiant salutis, sicque in Domino lætentur omnes, & exultent. Et quidem quo acerbior etiam miseræ animæ Dei amicitia, & gratia per peccatum destituta erat dolor, quæ innumeris exposita tentationum fluctibus naufragio fieret proxima; ab hostibus suis dæmone, mundo, carne daretur in prædam diripienda, ab Angeloque ipso custode, & omnibus cælestis curiæ amicis deserta iam diaboli euaderet mancipium: eo maiori ipsomet profunditur gaudio, dum, omni peccati labe emundata, Deo redit in gratiam; Angelis, ac omnibus beatis spiritibus fit amica; diabolo, reliquique sibi inimicis ita resistit, vt fugiant ab ipsa, adeo vt in bonæ conscientie portu tuta conquiescat. Quin & ob peccati turpitudinem summo affecta mœnore, se illam esse cognoscens, quam extollat superbia, supplantet ambitio, frangat adulatio, attollat fauor, coarctet avaritia, obiurget rapacitas, inficiat luxuria, inflammet concupiscentia, perturbet ira, dissipet discordia, pungat calumnia, laceret detractio, dehonestet gula, confundat ebrietas, consumat inuidia, fallat hypocrisis, opprimat torpor, dissoluat leuitas: dum hæc, & alia huiusmodi odit, & pelsundat vitia, summam certè capit lætitiā. Demum verò experta tum peccatis est dedita, quā malum, & amarum sit dereliquisse Dominum Deum; ita vt sonitus terroris semper sit in auribus illius, eiusque cor quasi mare ferueat, quod quiescere non potest, & redundant fluctus eius in conculcationem, & lutum;

dubio

Ioan. 3.

1. Reg. 22.

Ex D. Aug. in  
med. cap. 4.

Hierem. 1.

Iob 13.

Isai. 57.

dubio procul summopere horrescit. At verò vnigeniti Filij Dei sanguine à sceleribus expurgata, victoriamque de tam immani, & truculento hoste per eum consecuta, & cælestis gratiæ benedictione aucta, & ditata iugiter gaudet in Domino, & exultatione repletur. Hoc ipsum facile cognouit peccatrix illa mulier, quæ post tot perpetrata crimina ad se reuerfa, ad Christumque accedens, licet ob profluentes lacrymas, sanctissima oscula, pedum ablutionem, pudorem vultus, contritionem cordis, ardorem spiritus, & incredibilem amorem fuerit eiusdem ore commendata, & à murmuratione & calumnia Pharisei defensa, audire tamen expectans quod Christus Dominus turpi peccatrici, & infami mulieri esset dicturus, si nomen forsan peccatorum primum sibi præponi audiuiſſet, animo utique cadere, & terrore confundi cœpiſſet. Cum autem pijsſimum Dominum sibi dicentem intellexit; non quidem peccata tua remittuntur tibi, sed, *Lut. 7.* Dimittuntur tibi peccata tua posteriori loco; plenissima hac peccatorum remissione tanquam spirituali conuiuio reſecta, gaudio, & exultatione abundauit. Id profecto designat aurea illa rosa hodie benedicta, quæ balsamo, odoroso vnguento, & auro commixta, vt sui natura præ cæteris floribus colore delectat, odore recreat, & sapore reficit; ita cuilibet peccatori de Babylonica captiuitate reuertenti, gratiam per Christum datam demonstrans, quàm sibi sit iure lætandum manifestat. Hi enim sunt montes illi immensi habentes rosam, & lilium, in quibus dicit Dominus, quod gaudio implebit filios. Ad hoc pariter gaudium nos pia mater inuitat Ecclesia, dum eos lætari vult, qui in tristitia fuerunt; non eos quidem, qui in peccatorum suorum ceno hærent adhuc, sed hos tantum, qui vt conuertantur ad Deum, debita, vſi sunt diligentia. Quod etiam Propheta concinebat, dicēs: Iusti epulentur, & exultent in conspectu Dei, & lætentur in læticia. *Pſal. 47.* Quinimo, vt maiorem nobis præbeat huius lætitiæ causam, admirabile Christi Redemptoris nostri refert conuiuium, quo plurimam reſecit, quæ eum sequebatur, hominum multitudinem, tunc scilicet cum huius nostræ caducæ naturæ mare Christus adiit nascendo, calcauit moriendo, transiit resurgendo, & fidelium turbæ eum sunt secutæ credendo, & imitando. Ipse autem Dominus subiit in montem, cum cælum per eum designatum ascendit. Ex quo quin-

98 Dominica iiij. Quadrag.

que panes, & duos pisces vniuersæ illi multitudini distribuit, ipsamque satiauit, dum peccatorem quemlibet ad se reuer-  
tentem, ex illo misero educit statu. Pane satians peccatorum  
verè pœnitenti accommodato, contritionis nempe in corde,  
pudoris in confessione, ieiunii in carne, orationis in mente,  
& pietatis in opere. Pisce verò altero timoris, scilicet in-  
ferni pœnarum, alteroque Paradisi, & æterni gaudij spei.  
Quæ hæc populo prius in sæno discumbenti distribuit, quia  
non superbis, sed humilibus dat gratiam. Tunc demum  
satiatus populus summis laudibus Christum est profecutus,  
quia nedum in superna illa Hierusalem gaudium hæc maximū  
super vno peccatore pœnitentiam agente; sed & in hac no-  
stra ob complures aduersarum nationum populos, ad hanc  
omnium piam matrem confugientes, se peccatorum sordi-  
bus, vt sanctissimi Iubilæi consequantur gratiam emundan-  
tes, hodie lætamur omnes, & conuentum facimus, qui dili-  
gimus ipsam. Gaudemus etenim in conuersione, & pœni-  
tentia peccatorum salutem hominum sitientes, quia pœni-  
tentium lacrymarum, Bernardo teste, sunt vinum eorum; hoc  
certè vinum lætificat cor hominis; hoc constat & Angelos  
bibere cum lætitia. At vino hoc meliora sunt vbera diuinæ  
misericordiæ, & pietatis lacte plenissima, quæ cum peccato-  
res ad sugendum, & diuina eius dona, & beneficia accipien-  
da confugiunt, summa ipsos lætitia, & voluptate perfundunt.  
Hæc sint illa spiritualia gaudia, quæ Isaac nato, Agar ancil-  
lam cum filio Ismael eijciant, carnis scilicet, & sensus volu-  
ptates prorsus expellant. Quem enim docebit scientiam, &  
quem intelligere faciet auditum? nisi ablactatos à lacte, auul-  
sos ab vberibus inanis huius instabilis lætitia. Hæc nobis,  
vt in Deo collocata sint perpetua, veluti aquæ viarum putei  
ab Isaac excauati, à filio nempe Dei nobis dati, qui in vitam  
salientes æternam nullo clauduntur termino; non autem sit  
aqua huius momentanei gaudij, quæ Ismaeli cum matre  
data cito deficit, statimque euanesceat. Hæc tandem sit illa  
interna animæ lætitia, qua Isaac ad imolandum ducto inco-  
lumi manente, aries tantum inter spinas apparens moria-  
tur; pœnitentiam quippe agendo peccatorum extinguantur  
tantum cogitationes immundæ, ac huius sæculi percunctia  
gandia; quæ verò in anima & conscientia bona manet spiri-  
tualis lætitia, perpetuò viuat in Christo. Omnis igitur ani-  
ma,

Serm. 30. in  
Cant.

Gen. 27.

Isai. 28.

Gen. 26.

Gen. 27.

Gen. 22.

ma, inquit Ambrosius, accedat ad Christum, quia omnia *Lib. de Virg.*  
 Christus est omnibus. Si vulnera curare desideras, medicus  
 est: si febris æstuas, fons est: si mortem times, vita est: si  
 grauaris iniquitate, iustitia est: si auxilio indiges, virtus est:  
 si mortem times, vita est: si cælum desideras, via est: si te-  
 nebras fugis, lux est: si cibum quæris, alimentum est: si pec-  
 catorum mœrore opprimeris, gaudium est. Hac lætitia  
 itaque & gaudio, Ampl. Pat. cor nostrum, & caro nostra  
 exultent in Deum viuum. Quæ Dei dulcia, & suauia; quæ *Psal. 81.*  
 verò mundi, insipida nobis videantur, & amara. Sed heu  
 miseram, & infœlicem nostram omnium conditionem, qui  
 licet mundo nuncium aliquando remiserimus, mundana  
 tamen adhuc oblectamenta quærimus. Ad pugnam nam-  
 que omnes cum sæuissimis hostibus vocati sumus, & nos si-  
 ne armis in cæleste regnum ingredi cupimus. Ad vigilias,  
 & nos somno altiore obdormiscimus. Ad mansuetudinem,  
 & humilitatem, & nos superbimus. Ad charitatem, & nos  
 fratrem nostrum odio prosequimur. Ad hæreditatem Re-  
 gni eius, & nos terrena sapimus. Resipiscamus ergo, & ad  
 cor reuertentes, Deum peccatis nostris propitium redda-  
 mus. Proijciamus à nobis malam viuendi consuetudinem,  
 & virtute tanquam vestimenti induamur. Imploremus Do-  
 minum, quia exacerbauimus eum. Humiliemur cum  
 ipso, vt nos exaltet. Lugeamus, vt consoletur  
 nos. Ploremus denique, vt lætitia nos affi-  
 ciat; quo gaudentes, & exultantes cla-  
 memus cum hodierna turba: Quia  
 hic est verè Propheta, qui  
 iam venit pro nobis  
 in mundum.





## ORATIO IV.



VPER flumina infernæ huius Babylonis, quæ in captiuitatem generat, & seruit cum filiis suis, fontes, torrentesque effundimus lachrymarum B. P. dum ad supernam illam, & liberam Hierusalem, quæ est mater nostra, mente, & cogitatione conscendimus. Felicissima namque illa Dei ciuitas, Sanctorum patria, Angelorum,

domicilium, omni laude maior, omni fama melior omnem excedit scientiam, omnem post se relinquit gloriam, vt verum sit, quod oculus non vidit, nec auris audiuit, nec in cor hominis ascenderunt, quæ præparauit Deus diligentibus se. Quo fit, vt demirari desinam, si viri sancti in hac vita degentes, vix dum delibata illius vitæ dulcedine; carceres, enses, cruces, tormenta, & varia horrendæ mortis genera, quæ ad illam capescendam sibi viam sternerent, non abhorrerunt. Intelligebant enim, quod non sunt condignæ passionibus huius temporis ad futuram gloriam, quæ reuelanda erat in eis, quodque disposuerat sibi Deus Regnum, in quo post huius vitæ labores, & ærumnas felici ocio fruerentur, sederentque in plenitudine pacis, non amplius super scænum, sed super ipsius mensam, non pascendi ex quinque panibus, & duobus piscibus, sed alimonia diuina, atque adeo diuinitate ipsa saturandi. O ciuitas cælestis, mansio secunda, patria totum continens, quod delectat, populus sine murmure, incolæ quieti, homines nullam indigentiam habentes, Quam gloriosa dicta sunt de te ciuitas Dei. Gloriosa sanè, & quæ humanæ mentis captum longè effugiant, ea sunt, quæ de superna Hierusalem narrantur. Eius enim si altitudinem intuemur, non modo cælum vertice attingit, & sublimes illos spiritus sinu complectitur, sed intimos etiam inferorum recessus præsentia, & robore penetrat. Si latitudinem perlustramus, mœnibus defendi, non circumscribi, finibus omnia

clau-

1. Cor. 2.  
Isai. 64.

Rom. 8.

Psal. 86.

elaudere, non finire, continere cuncta, à nullo contineri potest, si denique magnitudinem omnem attendimus, quicquid ei contuleris, exangustum, exiguumque videbitur. Hæc è patrio Regno defiliens omnes orbis regiones, nationesque inaudita, & incomparabili virtute permouit, Imperijsque, & victorijs, ac triumphis clara semper, & inclyta ferocissimas gentes, potentissimos populos, fortissimos Reges, & inuictissimos Cæsares suo imperio subegit. Hanc Ioannes ille cælestium arcanorum conscius sanctam, & nouam, descendentem è cælo, à Deo paratam, sicut sponsam viro suo ador natam se vidisse testatur, quam & Paulus gloriosam, & omnis maculæ, & rugæ expertem descripsit. Ea, siquidem supremi Patris nata sinu, cæloque conscripta, cum auiti generis splendore, & cælesti doctrina, ac potestate in terras delapsa est, quæ adeo sancta est, vt prophanari non timeat, noua, vt vetustatis incommoda non sentiat, à Deo parata, vt vilescere nequeat, Christo desponsata, vt errare modo aliquo non possit. Huius gloriam Paulus insinuans, quòd non ad tractabilem montem, ignem, turbinemque, sed ad ciuitatem Dei viuientis regenerari accefferimus, fidentissimè gloriatur. Quæ veterem illam Hierosolymam innocuo Christi, & Prophetarum cruore conspersam quantum excedat, facile explicari non potest. Illa enim angustissimis clausis, finibus vni tantum genti dominabatur; hæc verò per latissimas omnium terrarum regiones diffusa, populis ferè omnibus, & nationibus imperat. Illa sæpenumero sub alienis gentibus, & Regibus intolerabile seruitutis iugum sustinuit: Hæc vbique terrarum, & gentium perpetuæ spiritus libertate gaudet. Illa in captiuitatem redacta, & innumeris calamitatibus contrita succubuit; hæc si quando percussa fluctuauit, omnibus semper, & ipsis inferorum portis præualuit. Illa cum sua religione, & lege interire debuit, hæc nulum habitura finem ad immortalitatem accedit. Hæc, hæc sanè est illa cælestis Hierosolyma ex ignitis, vinisque lapidibus extructa, summo angulari lapidi, veluti vnico fundamento innixa, Angelorum prædijs tanquam muris circumsepta, Apostolorum quoque, & vestris PP. AA. custodijs, vigilijs, & excubijs credita. Hanc eximius ille cælestium mysteriorum interpres Paulus Apostolus gloriosissimam Ciuitatem, omnium amplissimam, & incomparabili ciuium pro-

Apo. 21.

Hebr. 12.

pagationē copiosam esse testatur, quum eam omnium nostrū parentem appellare non dubitet. Peperit enim ab origine mundi parens ipsa fecundissimas nouas Principi, & sponso suo Christo, ac ferē innumeras creaturas, totque sinu suo fouet, quot Orbis ipse maximus vix capere sufficiat. Fēlices vos, o tantę matris filij, fēliciores Ciues, quorum numerus modum excedit, quorum splendor omne decus exuperat, qui sic in amplissima Ciuitate degitis, vt nulla sedium angustia pręssi, latissimas regiones perlustrare possitis, atque ita in spatiosissima vestrę vnus patrię latitudine versamini, & in vna semper videamini esse Ciuitate. Quis explicare queat, qua charitate, quibusvē officijs Ciuitatem, quo studio, quovē amore patriam, qua denique pietatem parentem hanc prosequi conueniat, cui Fidem, & Religionem, qua diuinitus imbuti sumus, acceptam referre debemus? Quis insuper leges sanctissimas, æquissima iudicia, sapientissimos magistratus, Regiam libertatem, eximium splendorem, prę clara munera, & diuinas propē dignitates pro meritis enarrabit? Sed redeo ad Paulum, qui Isaie testimonio desertam olim, & sterilem gentium Ecclesiam copularam viro, vetere illa synagoga filijs, ciuibusque fēliciores esse affirmat, quos Christus Princeps æternus cateruatim ad se properantes, in ipsam Ciuitatem, cui nihil pręsidij, nihilque rerum ad veram, verēque beatam vitam pertinentium deesset, magna sedulitate collegit. Cuius rei symbolum in Euangelio Ioannis nobis reliquit ipse Dei Filius, quum traiecto Galilę mari, siue Tyberiadis lacu sequentem se, & inedia afflictam multitudinem, vt prouidum, & munificum Principem decet, ex quinque panibus, & duobus piscibus mirabili, & inaudita liberalitate refecit; idque officium pręstitit, quod a vobis, quos in sua Ciuitate Pastores, & Episcopos instituit, omni iure expetit, nempe, vt non modo Euangelicam doctrinam, cuius ministerium vobis delegauit, verumetiam Ecclesiasticas opes, quę (vt vtar verbis sanctissimi illius Papę, & Martyris) vota sunt fidelium, & patrimonia pauperum, quarūve dispensatores vos esse voluit, in vestros ciues larga manu distribuatis. Nam propterea vos cum Apostolis interrogat: Vnde ememus panes, vt manducent hi? & iterum alibi iubet: Date vos illis manducare. Vos, vos, inquam, quos Pastores dedi, & Patres populi mei, pascite cum, qui in vo-

bis est gregem non solum verbo, exemplo, & Sacramentis, verum etiam corporali alimento. Neque vobis timendum est, ne decrescant opes, neve census imminuatur, quando Christi benedictione panes augentur, & pisces multiplicantur. Contra verò magna in alterum diem seruatum putrefcit, & vermibus scæter. Cæterum non minus vestri muneris esse intelligite Patres, vt colligatis fragmenta, ne pereant; fragmenta scilicet illa, quæ falsæ doctrinæ vento agitata de mensa Domini, atque adeò de Fide Catholica corruerunt. Hoc studium à vobis, vel in primis exigit Christus, nimirum, vt ouiculas illas, pro quarum salute ipse sanguinem suum profudit, astu satanæ dispersas colligatis, atque è luporum faucibus ereptas, ad eius ouile qua maiore potestis diligentia, & celeritate reuocetis.

Exod. 16.

Sed, vt eò tandem reuertatur oratio, vnde profecta est, ad te B. P. conuerter, qui cum in medio lapidum ignitorum sedens, maximum Ciuitatis Hierosolymæ pondus sustinens, eumque in seruandis, & promouendis Ecclesiæ rebus te exhibeas, vt nihil, quod ad optimum Principem spectat, in te desiderari possit, fac, quod omnes certa fiducia abs te expectant, vt qui summa sapientia, & felicitàte creditam tibi à Christo Hierosolymam in tranquillo statu hæcenus seruasti, eam subortis quibuscumque malorum procellis subleues, diuinæ lucis fulgore perfundas, cælesti rore fecundes, collectis lapidibus instaures, salubri denique alimonia, & spiritalis lætitiæ rosa soneas, ac semper exhilaras, ita vt post huius vitæ ærumnas, & incommoda, ex hac ipsa Hierosolyma, quæ militat aduersus hostes suos, ad eam, quæ in summa pace versatur, te Duce, & Nauarcho traijcientes, à supernis ciuibus obuijs manibus excipiamur celestis canticum illud audituri: Lætare Hierusalem, & conuentum facite omnes, qui diligitis eam, Gaudete, qui in tristitia subistis, vt exulteris ab vberibus consolationis vestræ.



## ORATIO V.



OELIX, & sacrum, diuinum, ac planè beatum B. P. nobis hodie proponitur conuiuium, quo diuites non inanes, pauperes non inopes, esurientes repleti bonis, famelicique omnes saturi dimittuntur. Auida mens mea P. A. quæ huic vni inhiat mensæ, & panem in ea propositum Christi manibus benedictum, & multiplicatum, atque per Apostolos distributum, æstuanti incitata appetitu esurit, à vobis enixè postulat, liceat vt illi in Euangelica mensa nihil aliud, quàm panem vitæ, cibum nimirum suum, & cibum omne delectamentum in se habentem contueri, & cum eius spiritus hilaritate, quam secum panis ipse, vel visus afferre solet, contemplari, Christus antequam panibus illis infinitam ferè turbarum vim satiaret, Galilææ mare traiecisse narratur; transitum illum, quem quasi cuiusdam Galilææ rotam, & circulum perfectum, quo tempore ex hoc mundo, veluti procelloso mari transmigraturus esset ad Patrem, vnde exiuerat, ante Passionis diem inchoauit, præfigurans. Sequebatur transeuntem multitudo magna, & transiturum ad Patrem per Crucis nauiculam totus orbis insectabatur. Subijte tunc in montem Iesus cum discipulis suis, cum proximum esset Pascha Iudæorum, qui cum iisdem in monte Sion constitutum cœnaculum Paschatis Iudæorum pridie conscendit, vt illi sine imposito, nouum Pascha concelebraret. Vbi subleuatis oculis, immensi populi inopia, fameque commotus, cœpit quasi coactio consilio disquirere, Vnde ememus panes vt manducant hi? Quisnam enim cibus, quis panis, quæ olera, quæ poma; idest, quæ diuitiæ animas nostras saturare vñquam poterant. Nullum fuit inuentum pabulum, nullum vitæ lignum, quod vitalem animæ humorem, peccati calore depereuntem quotidie, reparare, quodve hominis animam in vita spirituali conseruare posset, non eo tantum nomine, quod

Ioh. 6.

quod spirituali animæ appetitū corporea esca nutrimentum par esse nequit, sed eo planè, quod solius Dei anima auida est, atque capax. Diuina fuit ergo Philippi responsio, atque eò tendebat, vt discerent homines terrenos ducentorum denariorum panes, idest duplices rerum creatarum perfectiones animæ non sufficere, non solum corpora hæc terrena, aut cælestia, sed neque Angelos ipsos, aut eorum conspectum alioquin admirandum, & sælicissimum. Quamobrem in tanta rerum inopia, diuinum, nobisque tam iucundum, quam commodum Christus inijt consilium, vt de cuiusdam pueri manibus quinque panes, & duos pisces in manus suas acceptos benediceret, & per Apostolos discumbenti turbæ disper taret. Puer vnus Hebræorum populus quinque Pentateuchi librorum panes, & duos historiæ, & typorum, vel figurarum, & sacrificiorum pisces gestabat. Sed quid hi erant inter tantos? Imò quid ad animæ depellendam famem valebant? Neque enim historiæ, aut figuræ, neque sacrificia illa, aut vmbre animas saturare poterant, sicuti neque vmbra panis, aut carnis non dico hominem, sed nec catulum esurientem explere poterit vñquam. De Iudaici ergo populi manibus panes, & pisces manibus Christus ipse suis excepit, atque re ipsa præstans, & efficiens quod panes illi & pisces sub inuolucris, ac in tegumentis figurarum adumbrabant: ex me, inquit, ipso panes promam, ego ero ipse panis, & cibus, & panem humanum in meam carnem, in meum sanguinem, in meipsum planè sacris verbis transubstantiatum, vobis sub specie panis ad horrorem vitandum, ad amorem conciliandum, vt omnia panis officia vestris animabus præstet, exponam, qui sumptus non peribit, qui fractus in fragmentis non diuidetur, qui in partes distributus non partietur, qui à diuersis idem, integerque accipietur; qui turbæ discumbenti ministratus non minuetur, sed multiplicabitur, non decre scet, sed augebitur, non consumetur, sed ad duodecim co phinorum superantium mensuram excedet. Verum hos panes Christus fregisse dicitur, nobis inde declarans non oportere nos in ea, quæ apparet, specie visibili immorari, sed abscondita quærere, abdita sentire, intima penetrare, ibi manere, ibi quiescere, ibi degustare quid sub tali specie latet, & vmbra, quod ibi pabulum inest, quæ summi, ac totius boni redundantia sub his signis continetur, quæ beatitudo de-



ncarnati Verbi, & nobis in cibum dati veritate intus habetur. Fregit, inquam, & Discipulis tradidit, vt & ipsi manducarent, & turbis apponerent: etenim sic sacrificium istud instituit, cuius officium committi voluit solis presbyteris, quibus sic congruit, vt sumant & dent cæteris. O panis, non panis, sed caro, non panis, sed sanguis, non panis sed anima, non panis, sed Deus, non panis, sed τὸ πᾶν, totumque, & omne bonum. O panis, panis Angelorum, factus cibus viatorum, verè panis filiorum non mittendus canibus. O panis, vitæ panis, viuens panis, viuificans panis, imò Deificans panis: nam panis noster, quia dignitate, & virtute inferior est virtute, & potentia caloris nostri naturalis in nostram commutatur facilè substantiam, atque naturam. Panis iste, quia Christus est, quia Deus est, ideoque multo quàm dici possit potentior naturæ nostræ vi: non ego, ait, mutabor in te, sicut cibus carnis tuæ, sed tu mutaberis in me.

Quare si nos in se Deus ipse transmutet, quid aliud erimus quàm Christi, quàm Dij, & diuinæ consortes facti naturæ. Panis hic ille est, de quo canitur: Sumit vnus, sumunt mille. Cur? quia ex eo puer vnus, & quinque mille satiati fuerunt, nec sumptus consumitur, nam si tunc temporis duodecim, cophini superauerunt, à quocumque etiam hodie dignè sumatur, duodecim fructus supersunt, qui in duodecim illis ligni Vitæ fructibus figurati experiendo magis, quàm exprimendo dignoscuntur. O verum miraculum, ò mirandum Sacramentum, ò sacrum conuiuium, vbi sub diuersis speciebus, signis tantum & non rebus latent res eximie, caro cibus, sanguis potus, manet tamen Christus solus sub vtraque specie. O maximè felices discumbentes, quorum saluti, & gloriæ res tanta, tot, ac tantis, tamque cælestibus, atque præclaris ex ore Redemptoris clara laudibus est præparata. O panem verè beatum, per quem speciosa deserti pœnitentium corda vsque adeò pinguescunt, & beantur, vt vnum fiant, vnumque sint cum eo quod accipiunt. Quis non hic refici? quis non hic exhilarari? quis non hic inebriari desiderat? cur non properabimus? cur non certatim accurremus ad nuptias filij Regis? vbi non tauri, vbi non altilia, sed noua, atque diuina parata sunt omnia. Probet igitur seipsum vnusquisque PP. A. & sic de pane illo edat, & de calice bibat: nihil enim non regium, nihil non liberum, nihil

Matth. 22.

2. Cor. 11.

non

## Oratio Quinta. 107

non sanctum in id potest ingredi conuiuium, vbi regia sunt  
omnia. Regius locus, regium conuiuium; regij flores, re-

ges conuiuz, Rex Regum auctor conuiuij, regius gu-

stus, & effectus, ipsius Regis gratia, gratia quidem

bona, gratia qua melior nulla, gratia ob so-

lam Dei erga nos pietatem, & gratiam-

gratis nobis data, gratia quę apud

Deum sic eum gratia dignum

efficit, qui ex ea dignę

accipit, vt non so-

lum fiat di-

gnus, qui

in

Deo maneat, verum in quo

ipse maneat Deus vsque

ad consummatio-

nem sæculi.





# DOMINICA IN PASSIONE.



## ORATIO PRIMA.



Joan. 8.

LENDVM, & lachrymandum, maximaque pietate cōtemplandum spectaculum, hodierno die, in sacro cloquio mihi ad dicendum humillimè accedenti, occurrit, tulerunt lapides vt iacerent in eum, Iesus autem abscondit se, & exiuit de templo. Ex quo B. P. pia Mater Ecclesia, hoc passionis tempore mæsto apparatu, flebilique

cantu, nos ad dolorem, & luctum, & ad Domini nostri patientis compassionem inuitat. Si enim compatimur, & conglorificabimur, & certa, ac secura est expectatio promissæ beatitudinis, vbi est participatio Dominicæ passionis. Sicuti olim cum Dauid ille Rex fortissimus, filij sui Absalonis persecutionem fugeret, ab Hierosolymis recedens, nudis pedibus montem Oliuarum ascendens, amarè flens, à Getheis plangentibus, & collachrymantibus comitabatur, necnon ab eorum Duce Ethai, dicente Regi: Viuit Dominus, & viuit dominus meus Rex, quoniam in quocumque loco fueris, siue in vita, siue in morte, ibi erit seruus tuus. Sic etiam sacrosancta Mater Ecclesia, hoc eodem tempore, Dominum suum Regem, persecutionem filiorum suorum fugientem, considerans, vt comitemur in morte, quem comitati sumus in vita nos exhortatur, vt compatientes ipsi, cordis tristitiam

1. Reg. 15.

tiam indicantes, plorantes, & collachrymantes tamquam strenui milites Ducem hunc nostrum sequamur.

Ideo præmittit insignia, fulget etenim Crucis mysterium, Vexilla Regis prodeunt, in quibus non vt olim Senatus Populusque Romanus inscribitur, sed Iesus Nazarenus Rex Iudæorum. Ipse autem est noster Dux, qui potens est in prælio, per quem Reges regnant, cui laus debetur, & imperium. Quod si in Duce innocentiam queritis, eum audite dicentem: Quis ex vobis arguet me de peccato? Si militiæ stipendia desideratis, is est, qui dicit: Si quis sermonem meum seruauerit, mortem non videbit in æternum. Si militiæ gaudia queritis, illum audite dicentem: Abraham exultauit, vt videret diem meum, vidit, & gauisus est. Si felicitatis perpetuitatem optatis, Dux æternus est, ideo dicit: Antequam Abraham fieret ego sum. His ergo diebus Ducem hunc nostrum quasi Gethæ David flentes, ipsique compassionem, comitemur die, ac nocte in acerbissimæ suæ passionis meditatione versantes. Hæc est enim assidua pie Matris Ecclesiæ sollicitudo, cum hoc tempore acetum, fel, arundinem, sputa, clauos, lanceam, ipsam denique Crucem in memoriam reducit: Vt fiant comæ capitis eius quasi purpura Regis iniuncta canalibus, hoc est vt cogitationes omnium fidelium in tantæ passionis meditatione sint purpureæ.

Et ideo nunc de illa illud aureum Sponsæ dici posse videtur: Fasciculus mirrhæ dilectus meus mihi, inter vbera mea commorabitur. Fasciculus mirrhæ est amarissima Christi passio, inter vbera cogitationum, & affectuum nostrorum perpetuo conseruanda. Ex quo vocabat Sponsus Sponsam suam ad hortum suum, vt potè quia miscuit mirrhæ cum aromatibus suis. Quasi diceret: mirrhæ offero contemplationis Passionis meæ, sed mixta cum aromatibus, id est cum fructibus ac bonis illius. Cui Sponsa: Surrexi, vt aperirem dilecto meo, manus meæ distillauerunt mirrhæ, & digiti mei pleni sunt mirrhæ probatissima: ac si diceret, non solum in corde recogitabo amaritudinem passionis, & qualem aduersus semetipsum sustinuerit Sponsus contradictionem, non tamen morabitur hæc mirrhæ inter vbera mea, sed etiam in manibus, ac digitis, id est illa opera faciam, quæ compassionis mirrhæ sint distillantia.

In tanta enim Passione tria præcipue nobis proponit con-

## 110 Dominica in Passione.

templanda, in opere patientiam, in causa charitatem, in modo humilitatem. Patientia quidem fuit singularis, quia cum supra dorsum Sponsi fabricauerunt peccatores, cum sic extenderetur in ligno, ut dinumerarentur omnia ossa eius, eiusque confodissent manus, & pedes, tamquam ouis coram tondeute obmutuit, nec aperuit os suum. Causa quidem fuit Charitas, propter nimiam enim charitatem qua dilexit nos Deus, ut seruos redimeret, nec Pater Filio, nec Filius sibi pepercit. Ideo maiorem dicebat charitatem nemo habet, quam ut animam suam ponat quis pro amicis suis; ipse autem posuit eam pro nobis inimicis. Cum enim adhuc inimici essemus per mortem suam illi reconciliati sumus, & Patri. Ipse etenim in illa eleuatione manuum suarum exaudiendus pro sua reuerentia, clamat, Pater ignosce illis; mirum equidem, ille clamat Pater ignosce illis, illi vociferant Tolle, tolle crucifige eum; molliti sunt equidem sermones eius super oleum, ipsi verò sunt iacula. Si tandem modum eiusdem sanctissimæ passionis ante oculos proponamus vndique admirabilis apparebit, inexcogitabili humilitate, & mansuetudine inenarrabili, ut non immeritò idem de se ipso dixerit, Discite à me, quia mitis sum, & humilis corde. O profunda humilitas! vidimus enim eum, & non erat ei aspectus, non amplius speciosus forma præ filijs hominum, sed tamquam leprosum nouissimum virorum, planè virum dolorum à Deo percussum, & humiliatum; ita, ut nulla ei esset species, neque decor. O gloria Angelorum, quis te sublimior, atque excellentior, & tamen quis te humilior? qui pro nobis sputis illitus, opprobrijs vexatus, morte turpissima condemnatus, cum iniquis reputatus, & tandem Cruci affixus es.

Sed en, Illustrissimi Principes, quod desiderabat ille Iob patientissimus, cornimus adimpletum, quando dicebat: Vtinam appenderentur peccata mea, & calamitas quam patior in statera. Crux Christi facta est quasi statera, in qua hinc passio Christi, illinc generis humani peccata appensa fuere. Ipse enim innocentissimus, impollutus, segregatus à peccatoribus, excelsior cælis factus, tam indigna pro nobis patidignatus est. Cum adhuc autem in Cruce staret vacillare videbatur statera, nec quo cadere deberet, cognoscebatur; sed quando inclinato capite tradidit spiritum, tunc multo grauior

*Isai. 53.*

*Ioan. 15.*

*Rom. 5.*

*Isai. 54.*

*Matth. 11.*

*Isai. 53.*

*Iob. 6.*

*Hebr. 6.*

nior passio apparuit, ex quo canit Ecclesia: Statera facta, corporis, prædamque tulit tartari. Sed in ista Passionis Dominicæ contemplatione, contemplamini obsecro, immensam Dei benignitatem, redeuntem Christum ad Patrem, vulneraque portantem interrogat Pater: Filij mi; quid sunt plagæ istæ in medio manuum tuarum? Respondit ipse: His *Zach. 13.* plagatus sum in domo eorum, qui me diligebant. Te ne igitur Christe diligebant homines? qui te blasphemabant, demoniacum vocabant, lapides tulerunt contra te, concilium fecerunt aduersum te, & vsque ad mortem te sunt persecuti? Insuper interrogantibus Angelis, quare rubrum est vestimentum tuum, & velut calcantium in torculari? Respondit: *Isai. 63.* Torcular calcaui solus, & de gentibus non est vir mecum, calcaui eos in furore meo, & conculcaui eos in ira mea, & aspersus est sanguis eorum super vestimenta mea, & omnia indumenta mea inquinavi: ac si diceret, tanta indignatione aduersus hominum peccata exarsi, vt ad ipsa delenda, corpus hoc quod de ipsorum natura suscepi, totum perforatum, vulneratum, ac laceratum traderem. Sed, o nos felices, & beatos per vulnera illa nobis torrentes aureos effudit, ex quo in psalmodia decantabat David: Conscidisti sacculum meum, & circumdediti me lætitia. Sacculus Christi erat corpus eius, quod sumperat tamquam sacculum, & marsupium, vt eo humanæ redemptionis prætium reponeret, quod est sanguis eius. In passione autem sacculus iste fuit conscissus, & perforatus, & tunc oblatum, & effusum prætium fuit, tunc circumdediti me lætitia, idest Ecclesiæ meum mysticum corpus pro sui redemptione exultantem fecisti. Huius igitur Dominicæ passionis memoriam Ecclesia recolere quotannis voluit, vt sicut olim cum Urbem Hai aggredere- *Iosue 8.* tur Iosue, clypeum leuauit, vt eo viso, milites qui latebant absconditi, fortius inimicos aggredierentur, ita etiam hoc tempore Vexilla Regis prodeunt, fulget Crucis mysterium, vt cum vexilla Christi præire videamus fortiter inimicos, mundum, carnem, & diabolum, aggredientes parta gaudeamus victoria. Quis enim his diebus erit tam inhumanus, vt patienti Christo non compatiatur? Quis tam superbus, vt non humilietur? Quis tam iracundus, vt non indulgeat? Quis tam delitiosus, vt non abstineat? Quis tam flagitiosus, vt non contineat? Quis tam maliciosus, vt non pœniteat? namque.



que adest passio Domini, de qua mihi innumera essent etiam dicenda; sed vobis contemplanda relinquo, quia verbo diuino abscondito, verba me quoque deficiunt.

## ORATIO II.



**U**MMENSA Saluatoris nostri, eademque indefessa charitas adeo B. P. sese pectoribus nostris ingerit, vt oculos felici imagine integerrimæ, ac innocentissimæ vitæ iugiter repleat, & aures suauis strepitu sanctissimæ, atque ineffabilis veritatis percellat, dum nos vehementer diligit deuia corda nostra ad se conuertere, eademque in obsequium, & gloriam omnipotentis Dei, qua cum iuncta est salus, & vita hominum, ad quam conditi, & fabricati sumus, trahere satagit; vt quemadmodum ex Deo auctore sumus per originem, ita in ipso conseruatore viuamus per obedientiam, vt tandem cum eodem remuneratore per charitatem consummatam æuo sempiterno coniungamur.

Huius ardenti charitati proxima est eius vitæ puritas, & innocentia, de qua hodierna die in Ecclesia magna, & in populo graui breuiter sum verba facturus, quæ quanta ab instanti suæ conceptionis semper extiterit non modo Prophetarum vaticinio, oreque Angelico patet; verum etiam ex ipsiusmet Christi testimonio in hodierna sacri Euangelij lectio ne probatum esse comperimus, qui cum passionis suæ tempus, & vt transiret de hoc mundo ad Patrem, horam iamiam adesse cerneret, iudicio impiorum, æquæ, ac alter Samuel sese subiicere non abhorruit, dicens: Quis ex vobis arguet, & quæ sequuntur, fieri nequaquam poterat, vt Christus, qui à Patre plenus gratia, & veritate genitus, de Spiritu sancto conceptus, & ex Maria Virgine natus; ad totum mundum redimendum venerat; quique vt hostia pura, sancta, & immaculata æterno Patri pro delictis, ac peccatis populi in ara Crucis erat offerendus, aliqua reatus macula teneretur. Qui  
namque

namque polluta víctima placari poterat Deus, cum nec Patres naturæ, nec legis scriptæ Prophetæ (licet iusti) id efficere valuerint.

Numquam fortasse Patriarcha Iacob ex Mesopotamia rediens, infensum fratrem sibi mitem, atque pacatum reddidisset ex duabus primis turmis, nisi in tertia Ioseph filium suum aspectu pulcherrimum, Rachelemque sponsam forma decoram locasset, ita etiam nisi in tertio legis gratiæ statu iste speciosus præ filiis hominum, ac Sanctus Sanctorum venisset, nequaquam Deus nobiscum reconciliatus fuisset. Gen. 33.

Sicuti enim Agnum in azymis à Iudæis comedendum sine macula, tunc Deo adolendum purum, cæteraque sacrificia munda esse oportebat, quæ quidem puritatem huius Agni immaculati, ac sacrificij sacrificiorum Christi pro nobis in Ara Crucis immolandi, cuius hodie vexilla prodeunt, mysteriumque fulget, præseferabant, ita etiam ipsemet Filius Dei tamquam Agnus à fidelibus comedendus, ab omni prorsus criminum labe purus esse debebat. Talis enim (Divo Paulo teste) dicebat, Ut nobis esset Pontifex sanctus, innocens, impollutus, segregatus à peccatoribus, & excelsior cælis factus, ut immundos sanctificaret, innocentiam lapsis restitueret, maculas tergeret, & Deos faceret homines, factus homo. Hebr. 7.

O sanctissima Christi puritas, quam tantopere Sapiens admirans ait: Quæ est illa; quæ ascendit de deserto sicut virgula fumi ex aromatibus mirrhæ, & thuris? Videmus quandoque magnam fluem lignorum, siue palcarum submisso igne vehementer fumigantem, ex ipsoque fumo virgulam ignis apparentem, paulatimque crescentem, quæ tandem totum fumum in nihilum redigit, atque dispergit; sic nimirum ex deserta filia generis humani fumus originalis peccati ascendit, de cuius medio ille ignis processit, qui mundum uniuersum accendit, fumumque ipse Christus ignis accensus dispersit, dum fluentia Iordanis sacrauit, atque hominum maculas mirrha omnium dolorum absterfit. Idipsum Propheeta vaticinatus est, dicens ex persona Christi: Tu cognouisti omnia nouissima, & antiqua, tu formasti me, & posuisti super me manum tuam. Cognouisti (Pater æterne) antiquum Adæ peccatum, perditionem generis humani, verum etiam passionem, & mortem meam illius remedium non ignorasti, Cant. 4. Psal. 138.

# 114 Dominica in Passione.

& ad hoc perficiendum formasti me, & vt huiusmodi sacrificium tibi acceptabile fieret, posuisti super me manum gratiz tuæ.

*Cant. 2.*

Quid mirum si Salomon ipsum lilium appellet? Sicut lilium inter spinas, sic amica mea inter filias. Omnes namque ex illa infecta Adæ propagine spinis onusti prodire, omnes in Adam peccauerunt, ipse verò Christus sicut lilium candidissimum, de medio spinarum euasit illæsus, ideoque ad dexteram Patris solus sedere meruit, iuxta Pauli ad Hebræos testimonium: Ad quem autem Angelorum dixit aliquando Deus, sede à dextris meis? Illi soli ad dexteram Patris sedere competebat, qui per omnia gratia vnionis illi æqualis erat. Quis ergo Christum purissimum, ac innocentissimum extitisse inficiari ausus fuerit. Quod etiam Iob indicare,

*Hebr. 1.*

*Iob 1.*

videtur, dicens: Chaldæi fecerunt tres turmas, omnesque, pueros percusserunt gladio, & effugi ego solus. Omnes sanè fuerunt gladio originalis peccati percussi, nonnulli mortali, plerique veniali. Christus verò effugit solus, qui peccatum non fecit, nec dolus inuentus est in ore eius, immo nec poterat. Tam enim arcto, ac indissolubili vinculo hypostaticæ vnionis humanitas cum diuinitate, & diuinitas cum humanitate deuincta erant, vt proculdubio nobis asserere liceat, homo est Deus, & Deus est homo. Quo namque peccato erat accusandus, qui totum mundum veniret ad iudicandum? Non superbia, Quia semetipsum exinaniuit formam serui accipiens. Non avaritia, cum pro nobis egenus factus sit, suumque sanguinem effuderit, vt nos redimeret ab omni iniquitate. Non hæresi, doctrina eius cælestis erat, mea doctrina non est mea. Non schismate, semper enim obedientiam Ecclesiæ prædicauit, si Ecclesiam non audierit. Non rebellionem, dari censum Cæsari mandauit: Reddite quæ sunt Cæsaris Cæsari. Non homicidio, quia posuit animam suam pro multis. Non sacrilegio, cum enim esset Patri æqualis, homini subditum se præbuit, qui cum in forma Dei esset. Non inobedientia, factus obediens vsque ad mortem Crucis. Non denique quacunque culpa, quia vidimus eum quasi vnigenitum à Patre, plenum gratiz, & veritatis: immo eò deuenit eius innocentia, vt licet aliquando Iudæi dixissent: Hoc scimus, quia hic homo peccator est, in quo tamen deliquisset, exprimere nescirent. Verùm cum nihil haberent

*Philip. 2.*

*2. Cor. 8.*

*Ioan. 7.*

*Matth. 22.*

*Ioan. 1.*

*Ioan. 9.*

impij,

impij, quod eius sanctitati iure obijcerent, ad blasphemias, ad contumelias, & ad omnia perfidiæ testimonia conuolauerunt. O impiam hominum rabiem, accurrunt ad lapides in illum iaciendos, qui ad cor lapideum ab ipsis auferendum venerat: ipse quoque vt Agnus innocens, ac mitis, qui cum malediceretur non maledicebat, de templo exiit, atque ab oculis eorum ad tempus se subtraxit, propediem crucifigendus, sponte reuersurus. Vtinam alieno discamus exemplo, ne cum perfida synagoga, veritatis, ac salutis verba proponentem à nobis criminibus nostris propellamus, sed vt semper nobiscum manere non dedignetur eius innocentiam, ac puritatem imitemur, sæuitiam Scribarum fugiamus, vt quæ admodum ex Deo nos esse confitemur, ita in eodem reformemur, viuamus, atque tandem in die obitus nostri nullum accusatorem habeamus, sed ipso remuneratore fruamur in cælis, vbi gloriosus à Sanctis adoratur per sæcula.

## ORATIO III.



DOMINVS noster, & omnipotēs, & mūdi totius princeps Deus, qui pro immensa bonitatis suæ largitate tanti operis molem confabricatus est, qui cælum, & terram condidit, qui rerum omnium visibilibus, & inuisibilibus varietatem effecit, atque distinxit, semper quam plurimum dilexit humanum genus B. P. & singulari quadam, atque incredibili beneuolentia, & charitate complexus est, qui pro eius salute comparanda Unigenitum dedit, ac proprio Filio non pepercit, sed pro nobis omnibus tradidit illum, qui factus obediens vsque ad mortem, mortem Crucis subiuit, & acerbissimæ passionis extremum supplicium perpassus est: vt quem ab instanti creationis initio, gloria; & honore coronauit, præcipuis ornamentis affecit, & amplissimis muneribus cumulauit, lapsum redimendo æterna morte liberauit, & à durissimam diaboli captiuitate ereptum, ad

Rom. 8.

# 116 Dominica in Passione.

caelestis regni gloriam, & beatitudinem reuocaret. Quamobrem statutis diuinæ prædestinationis arbitrio temporibus missus est de cælo vnigenitus Dei, & coæternus Patri Filius, qui postquam iustitiam, & rectam viuendi viam docuit, demum in ligno pendens, quæ per lignum quoque amissa erant, caelestis hæreditatis iura repararet, dicente Apostolo: At ubi venit plenitudo temporis, misit Deus Filium suum natum ex muliere, factum sub lege, vt eos qui sub lege erant redimeret. Verumtamen non satis proderat natum fuisse Saluatorem, nisi redemisset humanum genus, & à teterrimo inferorum carcere ad caelestis patriæ lucem populum excitasset, qui sedebat in tenebris, & ob peccati labem in mortis vmbra iacebat. Oportuit itaque Christum pati, & ea completeretur, quæ Deus ipse non absque mirabili prouidentia, & ineffabili mysterio fieri voluit. Verum antequam mortem iam subiret, se purum, sanctum, innocentem, & absque vlla peccati macula fuisse, mundo patere voluit. Tanta enim pollet iniquitate peccatum, vt Christus Saluator noster, qui paupertatem, infirmitates, & persecutiones vsque ad mortem æquo animo pertulit, ad cõ peccatum abhorrerit, vt perfidam, inuidamque synagogam ad rixam excitaret, dicens: Quis ex vobis arguet me de peccato?

Fieri nequaquam potest, vt aliqua teneretur peccati macula, cum ratione vnionis hypostaticæ, in qua ad eõ natura humana cum diuina coniuncta erat, vt proculdubio nobis asserere liceat, Deus factus est homo, & homo factus est Deus, & quia ab instanti suæ conceptionis fuit comprehensor, & beatitudine fruebatur ex visione Dei non per speculum, & ænigmate, sed facie ad faciem, tum etiam quia repleuit eum Pater tanta gratia, qua maior excogitari non potest: meritò igitur immunis euasit. Immo cum hominis miseras, calamitatesque assumpserit, nusquam ignorantia, concupiscentia, ac fomiti se subijcere voluit, testante Apostolo: Talis enim decebat vt esset Pontifex, sanctus, innocens, impolutus, segregatus à peccatoribus, & excelsior cælis factus.

Hinc fatendum est maximum esse malum peccatum, & vehementer nobis afficere, nostrisque commodis obflare, cum nos summo bono, qui Deus est, priuet, dicente Propheta: Peccata vestra diuiserunt inter me, & vos. Nam sicut nautis agitata ventis, rectore ac clauo amisso periclitatur in vndis,

ita

Galat. 4.

1. Cor. 13.

Hebr. 7.

Isai. 59.

ita nimirum anima amissa (auctore peccato) gratia, aeternis mergitur flammis, & sic à Sanctis, Angelisque deferitur, sancto referente Basilio, sicut fumus abigit apes, & foedus odor *S. Basil.* expellit columbas, ita animæ nostræ custodem Angelum, graue olens peccatum:

Præmium, mercedemque laborum aufert, vt Propheta testatur: Si iustus auerterit se à iustitia sua, & fecerit iniquitatem, omnes iustitiæ quas fecit non recordabuntur. Quod etiam Apostolus affirmat, dicens: Si distribuero omnes facultates meas in cibos pauperum, & si tradidero corpus meum, ita vt ardeam, charitatem autem (quam duce peccato amittitur) non habeam, nihil mihi prodest. *Ezech. 18.* *1. Cor. 13.*

Hinc etiam nouerimus turpitudinem, & ignominiam eius, cum semper, vt ex D. Ioanne habetur, tenebras inquirat, qui male agit, odit lucem, & non venit ad lucem, vt non arguantur opera eius. Peccat primus hominum parens, & ad vocem Dei in Paradiso ad auram post meridiem ambulantis se abscondit. Rex David postquam Vix vxorem turpiter cognouit, peccatum suum quibuscumque modis potuit abdere curauit, quia sicut ait S. Dionysius, bonum hominis est secundum rationem viuere, malum autem præter rationem esse. *Ioan. 3.* *Gen. 3.* *S. Dionys.*

O pestem mortiferam, Nec enim homo delectatione, & voluptate delinquit, tristitia tamen, & mœrore deprimitur, vt S. Augustinus proficitur, dicens: Voluisti Domine, vt omnis animus inordinatus sibi ipsi pœna sit, ita vt verè dicere, possimus, scitor & vide quàm malum, & amarum est, te dereliquisse Dominum Deum tuum. Filij Israel in Aegypto cæpas comedentes lacrymas effundebāt, & dum esca eorum erant in ore ipsorum ira Dei ascendit super eos. Quidnam lacrymæ illæ præseferbant, nisi vermem mentem peccatoris assiduè vescentem? Immo brevis illa, ac exigua voluptas magis auget dolorem, iuxta Sapientis dictum, extrema gaudij luctus occupat. Accedit etiam, quod infelix ille peccator in seruitutem redigitur, quia qui facit peccatum seruus est peccati. *S. August.* *Prov. 14.*

Quid mirum Illustrissimi Principes, si omnes peccatorem persequuntur, vt sacra nobis Genesis narrat historia. Cum Caim fratricidium perpetrasset, & à Deo fuisset maledictus, dixit ad eum: Ero profugus super terram, & omnis qui inuenerit Caim, occidet eum. Adam & vxor eius tantum *Gen. 4.*



## 118 Dominica in Passione.

tum tunc viuebant, & tamen dicit, omnis &c. vt cognoscamus omnia peccatorem odisse. Aquas in diluui; terram, in Dathan, & Abiron; ignem in Sodomis, vrsos in pueris, & Angelos, cum vnus ex eis, nocte vna centum octuaginta virorum interfecit, & ad nihilum redegerit, quod idem etiam præstat peccatum, ad nihilum redactus sum, illumque brutis similem reddit, homo cum in honore esset non intellexit; comparatus est iumentis insipientibus, & similis factus est illis.

*Psal. 48.*

Quapropter sancti Dei homines malitiam eius agnoscen-  
tes, tamquam virum mortiferum fugerant, eiusque nomen  
vehementer oderunt. Cum Moyses in Aegyptum à Deo  
missus fuit, dixit ad Pharaonem: Domine Deus qui est, mis-  
sit me, vt dimittas populum suum, & sacrificet illi in deserto;  
qui non audiuit eum, immo deterior effectus, dixit, oppri-  
matur operibus, & expleant illa; tacet Moyses, clamat po-  
pulus, cur ita agis contra seruos tuos? Adhuc cessat ille:  
iterum conqueritur populus: serui tui flagellati sunt, & es  
peccatum in populum tuum. At vbi audiuit peccatum,  
Moyses statim cælum, terram, fretumque perturbat, prodit  
cum virga, conuertit aquas eorum in sanguinem, occidit pri-  
mogenita Aegypti ab homine vsque ad pecus, venit locusta,  
& brucus cuius non erat numerus, & tandem excussit Phara-  
onem, & virtutem eius in mari rubro, hæc autem, ne in pecca-  
tum laberetur Israel.

*Exod.*

Nouerint ergo omnes turpitudinem, & detrimentum,  
quod secum fert peccatum, & tamquam à facie colubri sibi  
fugiendum proponant, iuxta propheticum dictum: Quoniã  
iniquitatem meam ego cognosco, & peccatum meum contra  
me est semper. Dum peccatum, eiusque malitiam non agno-  
scebam, illud diligebam, eoque oblectabar, & quia nunc ini-  
quitatem meam ego cognosco, illam execror, & æquẽ ac ini-  
micum detestor, atque abhorreo, vt contra illos Isaias cla-  
met, dicens: Veh vobis qui trahitis iniquitatem in funiculis  
vanitatis, & tamquam vinculum plaustrum peccatum, & sic in  
pertinaciam ruant; sed sanctitati, innocentie, & puritati  
ita studeamus, vitamque nostram adeo moderemur, vt pas-  
sionis Dominicæ participes fiamus, & in die reddendæ ra-  
tionis coram Deo securẽ inimicis nostris dicere possimus:  
Quis ex vobis arguet me de peccato? cumque nullum

*Psal. 50.*

*Isai. 9.*

accu-

accusatorem habeamus, gloriam ingredi mereamur æternam.

## ORATIO IV.



**Q**UOD ego modo magno cum tremore, & non sine maxima admiratione dicturus sum (Beatissime Pater) quodque vos omnes ingenti cum horrore nunc audituri estis, stupent Angeli, pauescunt Virtutes omnes, supernum cælum non capit, Sol non videt, terra non sustinet, ac tota non assequitur creatura. Christus Saluator noster, ipse Dei Filius, sæculis prior, ille incorporeus, illud ex principio principium, illud ex lumine lumen, ille fons vitæ, & immutabilitatis, illa Archetypi expressio, illud immotum sigillum, illa per omnia similis imago, ille tandem Patris terminus, à Iudæis hodie qui prophanauerunt templum, sacerdotium inquinauerant, rectum perturbauerunt ordinem, amiserant Regnum, corruperant quidquid erat Religionis, & quod vitæ, quod legis, quod morum, quod Fidei, quod disciplinæ perdiderant, ac dissipauerant, temerario, ac impio ausu lapidibus petitur. O rem cunctis mortalibus admirandam, amarisque flendam lacrymis, lapides lapidem, angularem positum in caput anguli, lapidibus corruiere nituntur. Hoc est, quod vobis pauebam dicere; hoc est, quod proferre trepidabam, tulerunt lapides Iudæi, ut iacerent in Iesum. Docebat Redemptor noster, quod erat legis, quod iustitiæ, quod salutis, quod erat non odij, sed amoris, quod veritatis, non mendaciæ. Audite: Si veritatem dico vobis, quare non creditis mihi? Et ecce qualem ab impijs pro pietate impietatis mercedem est assequutus, Tulerunt enim lapides ut iacerent in eum. Utinam maius temporis spatium mihi concederetur, vellem ab ipso rerum cunctarum principio omnia impietatis facta nunc in medium afferre, & ostenderem vobis, quod impietatis consilium de supernis illis.

# 118      Dominica in Passione.

tum tunc viuebant, & tamen dicit, omnis &c. vt cognoscamus omnia peccatorem odisse. Aquas in diluui; terram in Dathan, & Abiron; ignem in Sodomis, vrsos in pueris, & Angelos, cum vnus ex eis, nocte vna centum octuaginta virorum interfecit, & ad nihilum redegerit, quod idem etiam præstat peccatum, ad nihilum reductus sum, illumque brutis similem reddit, homo cum in honore esset non intellexit; comparatus est iumentis insipientibus, & similis factus est illis.

*Psal. 48.*

Quapropter sancti Dei homines malitiam eius agnoscetes, tamquam virum mortiferum fugerunt, eiusque nomen vehementer oderunt. Cum Moyses in Aegyptum à Deo missus fuit, dixit ad Pharaonem: Domine Deus qui est, misit me, vt dimittas populum suum, & sacrificet illi in deserto; qui non audiuit eum, immo deterior effectus, dixit, opprimatur operibus, & expleant illa; tacet Moyses, clamat populus, cur ita agis contra seruos tuos? Adhuc cessat ille, iterum conqueritur populus: serui tui flagellati sunt, & es peccatum in populum tuum. At vbi audiuit peccatum, Moyses statim celum, terram, fretumque perturbat, prodit cum virga, conuertit aquas eorum in sanguinem, occidit primogenita Aegypti ab homine vsque ad pecus, venit locusta, & brucus cuius non erat numerus, & tandem excussit Pharaonem, & virtutem eius in mari rubro, hæc autem, ne in peccatum laberetur Israel.

*Exod.*

Nouerint ergo omnes turpitudinem, & detrimentum, quod secum fert peccatum, & tamquam à facie colubri sibi fugiendum proponant, iuxta propheticum dictum: Quoniã iniquitatem meam ego cognosco, & peccatum meum contra me est semper. Dum peccatum, eiusque malitiam non agnoscebam, illud diligebam, eoque oblectabar, & quia nunc iniquitatem meam ego cognosco, illam execror, & æquẽ ac inimicum detestor, atque abhorreo, ve contra illos Isaïas clamet, dicens: Veh vobis qui trahitis iniquitatem in funiculis vanitatis, & tamquam vinculum plaustrum peccatum, & sic in pertinaciam ruant; sed sanctitati, innocentie, & puritati ita studeamus, vitamque nostram adeo moderemur, vt passionis Dominicæ participes fiamus, & in die reddendæ rationis coram Deo securẽ inimicis nostris dicere possimus: Quis ex vobis arguet me de peccato? cumque nullum

*Psal. 50.*

*Isai. 5.*

accu-

accusatorem habeamus, gloriam ingredi mereamur æternam.

## ORATIO IV.



**Q**UOD ego modo magno cum tremore, & non sine maxima admiratione dicturus sum (Beatissime Pater) quodque vos omnes ingenti cum horrore nunc audituri estis, stupent Angeli, pauescunt Virtutes omnes, supernum cælum non capit, Sol non videt, terra non sustinet, ac tota non assequitur creatura. Christus Saluator noster, ipse Dei Filius, sæculis prior. ille incorporeus, illud ex principio principium, illud ex lumine lumen, ille fons vitæ, & immutabilitatis, illa Archetypi expressio, illud immotum sigillum, illa per omnia similis imago, ille tandem Patris terminus, à Iudæis hodie qui prophanauerunt templum, sacerdotium inquinauerant, rectum perturbauerunt ordinem, amiserant Regnum, corruperant quicquid erat Religionis, & quod vitæ, quod legis, quod morum, quod Fidei, quod disciplinæ perdiderant, ac dissipauerant, temerario, ac impio ausu lapidibus petitur. O rem cunctis mortalibus admirandam, amarisque flendam lacrymis, lapides lapidem, angularem positum in caput anguli, lapidibus corruiere nituntur. Hoc est, quod vobis pauebam dicere; hoc est, quod proferre trepidabam, tulerunt lapides Iudæi, ut iacerent in Iesum. Docebat Redemptor noster, quod erat legis, quod iustitiæ, quod salutis, quod erat non odij, sed amoris, quod veritatis, non mendaciæ. Audite: Si veritatem dico vobis, quare non creditis mihi? Et ecce qualem ab impijs pro pietate impietatis mercedem est assequutus, Tulerunt enim lapides ut iacerent in eum. Utinam maius temporis spatium mihi concederetur, vellem ab ipso rerum cunctarum principio omnia impietatis facta nunc in medium afferre, & ostenderem vobis, quod impietatis consilium de supernis illis.

lis, micantibusque loris, ad inferna, & opaca Angelum duxit, & nuncium secreti cælestis in dæmonem commutauit, hominem de regimine vitæ ad mortalis habitaculum transmisit exilium. ac de paradisi delitijs, erummosos sæculi huius pepulit ad labores. Impietas primum germano sanguine terram contaminauit, germanosque compulit venundare germanum; ipsum Moysen fugauit, & Aaron in fratris excitauit iniuriam. Ipsa est prauorum animorum venenum, criminum virus, peccatorum mater; hanc qui non viderit, bona videbit, hanc qui nescierit, mala nesciet; & hanc qui fugerit, in æternum viuēt. Tandem, ne multis utar exemplis, paucisque perstringam omnia, quod pauit mens, quod visus termit, quod audieus non capit, sola Iudæorum impietas non horruit, cum tulerint lapides ut iacerent in eum. Verum cur hoc? nisi quia docens in templo clamabat: Quis ex vobis arguet me de peccato, si veritatem dico vobis, quare non creditis mihi? O quales oculos claudit liuor, quantumque iudicium cordis nequitia indicata cōfundit, o quam durè amputat obstinatio rationem, & sensus humanus peruersus audire non potest, quod semel statuit odisse. Hinc est quod homines mendaces cognoscere nequeunt veritatē, iudexque animus inuenire non potest internuncia falsitatū, quod vult, non quod est, audit semper qui decreuit errare. Iudæi itaque non discatiunt audita, sibi dicta Christi interpretari non quærunt, sed serunt iniurias, maledicta diffundunt, auctoritatēque dicentis contumelijs, & lapidibus minuere conantur. Quapropter post contumelias, audita veritate, maximo furore perciti, tulerunt lapides, ut iacerent in eum. Multis prius modis, sermone videlicet, lege, Prophetis, beneficijs, comminationibus, plagis, aquis, incendijs, bellis, victorijs, cladibus, signis è cælo, ex aere, ex terra, hominum, vrbiū, ac gentium insperatis mutationibus ad sui cognitionem Deus mundum allexit: verum multiplicata hominum malitia, maius auxilium requirebat, misit ergo Filium suum, factum ex muliere, factum sub lege, quō tamen verbis, exemplis, doctrina, & miraculis in propria venientem sui non receperunt. Demum ut inexcusabiles forent, si eum non agnoscerent, ipsique non crederent, vltimū ferē de seipso, de quo eorum salute, hodie periculum faciens inquit: Quis ex vobis arguet me de peccato, si veritatem dico

dico vobis, quare non creditis mihi? Publicè veritatem docebat, quia nō amat hæc angulos, non ei diuerforia placent, in medio stat, communi vita, communi disciplina, communibusque studijs delectatur. Beatus vir ille, qui non abiit in consilio impiorum, & qui diligit veritatem, quoniam vnum cum Deo efficitur, Deus enim veritas est, mendaciumque non est in illo: furoris tamen Iudæorum immanitas id ægreferebat, veluti igitur tauri pingues, vituli multi, frementes bestię, canes rabidi, tulerunt lapides vt iacerent in eum. Iesus autem abscondit se, & exiit de templo; sicque eorum impietate non ortus lucis, sed occasus contigit illis, non eorum oculis solutus dies prodijt, sed impijs mentibus nox terrę excitatis incubuit. Exiens quippè Christus templum, & altaria diruit, leges, & Prophetas ademit, Regnum, & Sacerdotium sultulit, ac tandem in lucum æternum, omnia eorum festa conuertit. Ne igitur à nobis discedat Christus Sol iustitię, vitam ex virtute instituamus, diligamus veritatem, quę verbum Dei est, fugiamusque mendacium, à quo cuncta mala procedunt. Dicite (quę sō) vnde malum? culpa vnde? vnde criminum furor? vnde corporum bella? vnde afflictiones animę, vitę tempestas, & mortis crudele naufragium ortum habuere? nisi ex mendacio. Hoc mali auctor, nequitie origo, rerum hostis, secundi hominis inimicus, tendit istud laqueos, parat lapsus, fodit foueas, stimulat corpora, animas pungit, malas cogitationes suggerit, immitit iras, dat virtutes odio, vitia dat amori, affectus dissipat, conscindit vnitatem; sapit malum satis; bonum nihil, violat diuina, humanaque omnia permisceet, atque confundit.

**M**O quā velociter quidem (Patres Amplissimi) iste fugiendus est morbus, quia quos tangit sanari non patitur; suorum enim carnifex semper existit, & in quorum inuenitur pectore, siticulosus fons est, ardens vnda, quę suis magis, ac magis inflammat fluentis, vt bibentis non extinguit sitim, sed auct incensum. Quid plura? Christus, qui venit saluum facere quod perierat, qui non venit vocare iustos, sed peccatores; qui dedit animam suam pro vniuersis suis, qui veritatem semper docuit, perdit omnes qui loquuntur mendaciū. Hoc attendens David ille Regis propheta exclamabat: Do mine, quis habitabit in tabernaculo tuo, aut quis requieuit in monte sancto tuo? Et ecce quale responsum accepit: Qui



## 122 Dominica in Passione.

ingreditur sine macula, & operatur iusticiam, qui loquitur veritatem in corde suo, qui non egit dolum in lingua sua. Itaque si in tabernaculo illo caelesti, monteque sancto in seculum. seculi quiescere cupimus, impietatem detestemur, fugiamus mendacium, ipsamque veritatem totis viribus amplectamur.

### ORATIO V



**C**ONVICIIS, & armis. P. Be-  
hodie conuenerant in vnum, po-  
puti, & principes aduersus Do-  
minum, & aduersus Christum  
eius: conuicijs inuehuntur in-  
eum: Nonne benedicimus nos  
quia Samaritanus es tu, & dæmo-  
nium habes & tu maiores patre  
nostro Abraham, quia mortuus  
est, & prophete mortui sunt & in  
Nunc cognoscimus quia dæmonium habes. Armis insur-  
gant, lapides tollentes vt iacerent in eum. Virum qui pec-  
catum non fecit, nec inuentus est dolus in ore eius, cuius fi-  
delis est sermo, & omni acceptione dignus, quem si quis  
seruauerit mortem non videbit in æternum: verba hostibus  
pacifica locutus est, & ab impiarum detractione linguarum  
liberans se ait: Ego dæmonem non habeo, neque gloriam  
meam quero, quod dæmonis est, sed honorifico Patrem  
meum mihi consubstantialem, & Abraham, quem patrem  
vestrum dicitis, cuius opera non facitis, exultauit vt vide-  
ret diem meum, vidit & gauisus est, & antequam fieret ego  
sum. Et vt saxorum imbre se eripiat, & det locum iræ, ab-  
scendit se ab eis, & exiuit de templo. Harum calumniarum  
falsitatem, & tormentorum arma Sapiens personam induens  
impiorum, caelesti spiritu vaticinans in libro prodit Sapien-  
tiz: Contumelia, inquit, & tormentis interrogemus eum, vt  
sciamus reuerentiam eius, & probemus patientiam illius.  
Reuerentia contumeliam vincit, & tormenta patientia su-  
perantur. Cuius rei veritas hodierna die probatur a Chri-  
sto,

*Isai. 53.*

*Sap. 1.*

sto, in quod diligenter aures, animosque intendere nos æquū est, ut eius instruamur exemplo. Hominem rectum, & supernaturali originalis iustitiæ dono decoratum fecit Deus, *Ecdi. 15.* & reliquit eum in manu consilij sui, qui diuinam harmoniā dissoluens gratuitis muneribus spoliatur, & in naturæ facultatibus vulneratur, ratione, voluntate, irascibili, concupiscibili; quarum primam prudentia, iustitia alteram, fortitudo tertiam, temperantia postremam illustrabat, ex illo infinitis ipse se immiscuit quæstionibus, ignorantia, malitia, infirmitate, ac concupiscentia in præcepta actus, quibus quasi infinitis vulneribus sanitas in eo non remansit vlla. Quare de cælo prospiciens Deus in terram venit, & saucio vt Samaritanus appropinquans curationem adhibuit, & oleo consolationis prædicationis: Si veritatem dico, quare non creditis mihi? & vino comminatoris increpationis: Propterea vos non auditis, quia ex Deo non estis, eos non destituit. At quoniam facta est veritas in obliuionem, hinc impij cogitantes apud se non recte dixerunt: Circumueniamus iustum, quo circuitu? circuitu malitiæ, & nequitie, de quo *Psal. 2.* *Psal. 139.* Caput circuitus eorum. Superbia caput circuitus eorum, ipsa enim est omnis peccati radix, & origo, quam Beatus Ioannes in suis reuelationibus, in imagine bestie cum capitibus septem, de mari huius mundi ascendentem vidit: hæc dominabatur Hebræis; per hanc enim scuebant in Christum dicentes: Inutilis est nobis, contrarius est operibus nostris; improprie nobis peccata legis, infamat in nos peccata disciplinæ nostræ, promittit se scientiam Dei habere, Filium Dei se nominat, & factus est nobis in traductionem cogitationum nostrarum. Hoc in circuitu impij ambulant, sibi lacem tenebras, vitam mortem cogitantes, qui peccatorum nocte exæcati Christum Dominum non cognoscentes contrarium operibus suis asserbant, quippe qui enitens caliginem nequitie, ab eorum mentibus dissoluere, cogitationes malas eorum damnabat, dicens: Vt quid cogitatis mala in cordibus vestris? Eosque legem Moysi non custodientes publice reprehendebat: Nonne Moyses dedit vobis legem, & nemo ex vobis facit legem? Tali, ac tantæ veritati credere nolentes, ineunt consilium, & aiunt: Videamus si sermones eius veri sint, & tentemus quæ ventura sunt illi; & sciemus quæ erunt nouissima illius, & si verus Dei Filius est suscipiet illum,

## 124 Dominica in Passione.

illum, & liberabit illum de manibus contrariorum. Verum quidem astruunt, & quod sermones eius sunt veri, & quod Filius Dei est, & quod de manibus contrariorum liberabit illum. Quoniam verò non in rectis, sed in circuitu ambulantes, veritatem non intelligunt, ideo labor labiorum ipsorum operiet eos, quod magis obliquum, aut transuersum, quam non credere dicenti veritatem, cum maxime illi credendum fuerit, qui veritatem dicit.

Sed ne miremini Amplissimi Patres, sunt enim hi de patre diabolo, generationis autem diabolicæ proprium hoc est, ut sit mendax, & commutat veritatem in falsitatem, dicendo bonum malum, & malum bonum, ponendo dulce in amarum, & amarum in dulce; qui enim in longum vadunt, alius de incipiunt, & alicubi finiunt; qui verò in gyrum eunt, nullamquam finiunt, & cadunt: labor in vitis, requies in virtute est. Labor igitur impiorum operiet eos, piorumque requies omnium bonorum sine claudetur. Heu impij, qui patrum suorum prophetas occidentium implent mensuram, solvere quærentes corporis Christi templum, quem occiderunt suspendentes in ligno, qui si per ignorantiam (Apostolorum Principe teste) occiderunt eum, hoc fecerunt, quia intelligere noluerunt, ut bene agerent: Quamobrem excecavit eos malitia eorum, quæ valde velox est ad effundendum sanguinem: sanguinem utique immaculati agni Christi Domini, qui ab eisdem toto vitæ tempore varijs fuit persecutionibus, laboribusque affectus. Propterea per Prophetam de se ipso dixit: Pauper sum ego, & in laboribus à iuventute mea, exaltatus autem humiliatus sum, & conturbatus; quibus sancti verbis totum suæ vitæ curriculum explicuit, quomodo in paupertate natus, in laboribus conuersatus, in ara Crucis exaltatus, in morte per astantium impropria humiliatus, & in anima præ tristitia conturbatus. Talis autem conturbatio, nis, & anxietatis suæ causam Patri ostendit, dicens: Quoniam propter te sustinui opprobrium, operuit confusio faciem meam. O profundam patientis Christi humilitatem, ut Patet eius clarificaretur, & in terris sanctificaretur, opusque ei datum consumaretur; opprobrium, & confusio exprobrantium sibi ceciderunt super eum. Quare dixit Hebræis: Ego honorifico Patrem meum, & vos inhonorastis me opprobrio scilicet & confusione, quali opprobrio, qualique confu-

gione

*Psal. 139.*

*Sap. 3.*

*Psal. 87.*

*Psal. 68.*

fiſione? Opprobrio, quia magum, & dæmoniacum, quia blaſphemum, & voracem, quia vini potatorem, & ſeduciorem, & quia hominem non à Deo eum vocauerunt; confuſione, quæ operuit faciem eius, quia comprehenderunt, & ligauerunt eum, quia velauerunt, & percufferunt faciem eius, quia expuerunt in eum, & coronam de ſpinis poſuerunt ſuper caput eius, & quia præfixis humeris Crucis lignum baiulantem, duos cum eo crucifigentes latrones in Caluariæ locum perduxerunt. Obſtueſcite cæli ſuper hoc, quid iniquius, quid crudelius, quid ſceleſtius, quàm pugnare aduerſus innocentem, & ſequi in iuſtum? Lex quidem eſt, innocentem, & iuſtum non interficiēs, iniqui tamen aiunt, opprimamus pauperem iuſtum. Iuſtus quippe Chriſtus eſt, iuſtificati grâtiæ multi in ſanguine ipſius, iuſtus eſt, & iniuſtus iudex Pilatus morti eum adiudicans dixit: Innocens ego ſum *Matth. 27.* à ſanguine iuſti huius. Iuſtus eſt teſte mercatore illo peſſimo, & proditore Iuda avariſſimo in pœnitentia ductus dixit: Peccaui tradens ſanguinem iuſtum. Pauper ergo iuſtus Chriſtus, ideoque humilis & patiens, etenim humiliavit ſemetipſum obediens factus ad turpiſſimam uſque mortem, Crucis, ad quam ſicut ouis ad occiſionem ductus non aperuit os ſuum. Cuncta hæc euenire Filio promiſit Pater, ut poſteris eius patientiæ daretur exemplum. Patientia opus perfectum habet, hæc dolorem & triſtitiã mitigat, hæc iram temperat, hæc odium reſtinguit, hæc detrimentum tollit, hæc patientem in iniurijs proprijs hominem facit, hæc iniurias Dei, quas impium eſt diſſimulare non patitur, ad huius virtutem patientiæ Dominus noſter ſuos hortatur, dicens: Si me perſecuti ſunt, & vos perſequentur. Si mundus vos odit, ſcitate quia me priore vobis odio habuit, & non eſt ſeruus maior domino ſuo, & qua nam ratione efficaciore, quo argumento validiore, ut ad tormentorum tolerantiã animemur, uti potuit? Servi fideles dominum ſuum ſequuntur, per eo perſecutiones patiuntur, odioque habentur; & nos qui Chriſtum induimus, in nomine eius tantum gloriabimur? Recogitemus eum, qui talem ſubſtituit aduerſus ſemetipſum contradiciõem, ut non fatigemur animis noſtris deficientes: nam paſſione eius ad memoriam reuocata nil adeo durum fuerit, quod non æquo animo ſumus toleraturi. Recogitemus quod dixit: Pro eo ut *Pſal. 105.*

me diligenter detrahebant mihi, ego autem orabam. Cui orauit? pro quibus, & quo modo? Patri offenso per eum, crucifigentibus, & clamore valido, & lacrymis. Grande profecto miraculum. Quis mortaliuin, inquam, audiuit quæpiam in extrema mortis trepidatione clamare? At Dominus noster in illo suæ vitæ supremo halitu, voce magna, & clamore valido preces, & supplicationes effudit, cômoustrans passionem per vim illatam animam à corpore non eiecere, sed à semetipso habere potestatem ponendi eam, & iterum sumendi eam. Quis verò non meretur vocem illam: Pater ignosce illis, quia nesciunt quid faciunt. O charitatem immensam, nemo talem habet charitatem, ut animam suam ponat pro amicis; ipse autem non pro amicis, sed pro inimicis & crucifixoribus orauit, & dilectam animam suam posuit. Verum cum non liceat Amplifs. P. sub spinoso capite membrum esse delicatum, deponamus secundum pristinam conuersationem veterem hominem, & induamus nouum hominem, qui secundum Deum creatus est in iustitia, & fâctitate veritatis: hisque præsertim diebus Christo passo in carne, eadem nos cogitatione armemur, & Sponsam sanctam Dei Ecclesiam, à qua egressus est omnis decor imitemur, cum ea dicendo: Fasciculus myrrhæ dilectus meus mihi inter vbera mea commorabitur, & manus meæ distillant myrrham, & digiti mei pleni erunt myrrha probatissima. Sanè Christi passio ob nimiam amaritudinem myrrhæ fasciculo comparatur, quippe quæ fasciculus, & non fascis est, non quod leuis sit passionis Christi asperitas, mortisque amaritudo, sed leuis dilectio & amanti; amoris enim vis amaritudinem omnem, omnemque molestiam superat. Hic inter vbera nostra, hoc est in cordis nostri memoria per sæcula commoretur. Nobis itaque fasciculum ipsum colligamus: primum illarum infantiliū necessitatum, deinde laborum quos pertulit in prædicando, fatigationum in disserendo, vigiliarum in orando, tentationum in ieiunando, lacrymarum in compatiendo, insidiarum in colloquendo. Postremo conuiciorum, sputorum, colaphorum, exprobrationum, clauorum, horumque similium, quæ pro salute nostra nouimus copiosissime pertulisse, & manus nostræ distillent myrrham amaritudinem iniuriarum, proximo condonando, largitionem eleemosynarum pauperibus erogando,

CAN. I.

p. 2. 10

# Oratio Quinta.

127

do, aduersa malorum omnium perferendo. Et vt Christum  
Dominum, qui ob scelera nostra, & lapidea corda ab-  
scondit se à nobis exiens de templo inueniamus,  
vtque ipse ad templum sanctum suum, quod  
sumus nōs reuocatus, saltem reuerta-  
tur. Digni nostri pleni sint myr-  
ra probatissima, hoc est bo-  
norum operum discre-  
tio, cum salubri  
mentis ama-  
ritudi-

ne,  
& modesta, ac lacrymōsa  
peccatorum memoria  
coniungatur.

Dixi.



DOMI-



# FERIA SEXTA IN PARASCEVE.



## ORATIO PRIMA.



I quis antea reperiebatur, qui vitam suam minoris aestimaret, hodie in eo qui precium persoluit, intelligat quantum accepit. Stetit sanguine eius cogitatio, stetit proditio ac vinculis prima aggressio, stetit alapis, verberibus, contumelijs continuatio; stetit denique vulneribus, cruciatu, morte consecutio. Illo Domini ti-

more spes empti seruorum est, illis vinculis in libertate filiorum se expediuere mancipia, ijs plagis conualuit semiuuius orbis terrarum, ijs denique gradibus peruenere filij mortis ad vitam, quibus vitæ parens properauit ad mortem. Rem ego paucis proponam, vos de rei magnitudine iudicate. Coegerat Discipulos Magister amantissimus, eos vltimum visurus, & qui vitam ideo acceperat vt donaret, maturo iam tempore se suis super mensam in cibum, potumque, inaudito charitatis ostento tradiderat; cum propius se operi accingens in proximam Gethsemani villam discipulis comitatus à cœna processit. Ibi dum à Patre initium rei suscepturus se dat in preces, insolito repente metu correptus, salutis primum sudore membris, nox etiam sanguinem prodigiose lachrymantibus, intellexit continuo quam cum homine permutationem fecisset, dum sua nobis elargitus, no-

Ara ipse susceperat. Ergo hic primus operis gradus fuit, cum ex Domini metu spem ipsi hausimus vicinæ libertatis. Qui sequitur gradus, ipsam nobis ex eiusdem captiuitate libertatem tulit. Dum hæc ita aguntur, ecce in hortum subita vi irrumpitur, explicatur late acies, villa extemplo occupatur: ad impiam osculi tesseram hostiliter vndique omnes concurrunt, in vnum barbære collimant, ferarum more impetum faciunt, sistunt, vinciunt, trahunt: ille de suo securus, de nostro sollicitus, hilari fronte proditorem excipere, porrigere vincientibus manus, inferere collum in laqueos, vincula cum toto corpore induere. Videbat nimirum eos à nostris manibus funes expediri, quibus suæ necessebantur: sentiebat quot ipse nodis constringeretur, tot nexus è collo filiarum relaxari: intelligebat vna eademque opera liberum se capi, captium genus humanum liberari: scilicet hoc nobis Iudæorum furor famulatus est: hisce ministris vsi sumus libertatis nostræ, dum sæuere in Dominum funestæ militum turbæ, dum viri sanguinum in innocentem cōtersere aculeos suos, dum apes illæ in diuinæ humanitatis fauam certatim exarsere, nobis dum nesciunt, libertatis suauitatem elaborarunt. Et tu infelix transuga, prædonum feralis, proditor æmentissime, osculo quod è Domini tui genis, atque ore libasti, tibi quidem perfidè venena quæ te medium ruperunt, suxisti, nobis autem illam, quæ de forti egressa est, dulcedinem comparasti. Sed hæc parva Domini seruitute libertas, gradus illi ad plagas, nobis ad sanitatem fuit. Ductus ad Annæ conspectum, inde ad Pontificis tribunal allegatus, ex hoc ante Romanum Præsidem in Prætorio constitutus, ita ubique qua silentij constantia, qua responsi modestia innocentiarum causam egerat, ut nisi planè, aut Sacerdotum oculis excæcasset inuidia, aut Præsidis animum interclusisset metus, videri illis innocens, ab hoc etiam pronunciari potuisset. Sed insanis Iudæorum clamoribus meticulosus plus nimio Præses, dum subtrahere reum studet, insigni animaduersionis genere vitam redempturus, virgis cædi innocentem iubet, ut saltem parcere vitæ posset, cuius sanguinem hostibus pro arbitratu donaret. Nimirum immensam fuisse Iudæorum crudelitatem oportuit, quæ tam crudeliter parceret Romanum coegit. Ergo satellites traditum sibi reum, arripiunt continuo in atrium, vestes extrahunt, manibus ad

saxum ligant, tam vero virgas expediunt, carnificinam adornant, lacertos atque ictum vibrant. Ah sistite, si quis pietatis sensus, si quid humani homines habetis, ne manus vestras tam innocenti sanguine violare. Hic si nescitis Rex vester est, hic ultionum Deus, hic exercituum Dominus; hic si iubeat, non modo vos vilia capita, sed armatum cum Regibus suis orbem, aduocatæ è cælo Angelorum legiones fulminabunt. Væ genti peccatrici, populo cor non habenti, filijs sceleratis, truces illi ac barbari, quasi ciuicam coronam relaturus, qui primus ac valentius feriret; certatim vulnus infligere, teneros artus, repetitis alte vibicibus, aperire, humeros, caput, pectus, vbique fodere, lacerare, proscindere. O facinus, o spectaculum! Cædebatur illud Virginale corpus, soluebatur templum illud non manufactum, diriplebatur illa regia diuinitatis. Desluebat ad terram multis quasi è fontibus sanguis, deficiebant cum sanguine etiam vires: & tamen ipse, quasi meritis fustuarium fugitiuus, non se virgis subducere, non carnifices ad misericordiam oculis flectere, non fidem cuiusquam implorare. Immo verò quam potissimum corporis partem expeterent, eam subijcere vulneri; dare libenter sanguinem, dare & vitam. Neque ita vt per horam aut diem ea laniena duraret; sed menses si opus sit, atque annos plures, discerperentur humeri, caderetur infusa dorsum; modo quicquid supra dorsum fabricauerunt peccatores, ea impressione concideret; modo curarentur cicatrices nostræ vulneribus suis; modo apertis illis vibicibus tumores nostri rumperentur; modo parata eo sanguinis lauacro medicina, sanitatem hauriremus ipsi in gaudio de fontibus Saluatoris. Verum adhuc Domino supererat quod donaret, nobis quod acciperemus hostia illi opprobria auferenda erant, sed contumelijs suis. Hoc verò à barbaris satellitibus eo tormenti genere effectum est, cuius exemplum nec ipsi in antiquitate imitati sint, nec habuerint in posteritate imitatores. Etenim feræ lanixæ verberando iam defessi, quasi quietem aliquam accepturi, seminecem Dominum carnificinæ subductum, in eodem Prætorio per otium circumstant. Audierant affectati regni reum esse, placuit ornare regijs illum insignibus, Regem salutare. Ergo per summam dissimulationem, tanquam actores in fabula, conquisita ad hanc rem histrionica purpura, regem induunt:

pra

pro sceptro arundinem in manu statuunt; pro corona sertum  
 è spinis horrentibus capiti circumponunt. Mox adornato  
 licitorum satellitio, regem suum ambiunt, supplices in genua  
 procumbunt, timidi venerantur. Tum verò quasi in scenâ  
 catastrophe, mutata personarum facie, ingenti omnium plau-  
 su, ridente toto foro, personante conuicijs atrio, ambitiosum  
 scurram conclamant, exsibilant, explodunt. Sic dignum il-  
 lud sideribus caput, manus illâ diuinitatis sceptro pares, ille  
 Rex gloriæ, ante quem curuantur qui portant orbem, factus  
 infimæ plebis, ac militaris licentiæ ludibrium, dum rex in  
 fabula luditur, suis nos contumelijs gloriose coronat. Et  
 iam Domino, amissa libertate, sanguine, viribus, ipsâ panæ  
 hominis specie, vna quam daret vita supererat; quam idè  
 solam superesse Præses voluit, quo eam facilius ab Iudeorum  
 immanitate impetraret, si eo redactum ostenderet reum, vt  
 ægrè spirans cadauer, vix hominis numero haberi, atque in-  
 ternosci posset, nisi ei titulum hominis addidisset. Sed hæc  
 tam atrociter humana Præsidis diligentia à truci illo odio  
 Sacerdotum, ab ea tigrium rabie, ne tantillum quidem pie-  
 tatis expressit. Tollen dum plane de medio contendunt, id  
 ipsum quod reliquum est vitæ, poscunt ad necem. Quid mul-  
 ta? obnoxius iam timori Præses, pronus in obsequium, ho-  
 mo fanaticus, extorto clamoribus iudicio, festinata contra  
 recentem Tiberij legem de reorum cæde in decimum diem  
 proroganda, sententia; è tribunali pronunciat (hæsitasse, hic  
 ego crediderim improbitatem, & iniquissimæ vocis pane pu-  
 duisse.) pronunçiat videri sibi in Christum, iuxta Pontificum  
 postulata, Crucis supplicio animaduertendum. Nihil vm-  
 quam iniquius dictum, nihil auidius auditum, nihil celerius  
 factum. Rapitur continuo ad necem, imponitur humeris pa-  
 ribulum, sistitur ad Caluariam, nudus Cruci suffigitur. O  
 amor, o pietas! dum hic triste parricidium vrgetur, illic in  
 fœni regno illuditur, vbique infami letho insultatur, homo  
 pacis nostræ tamquam in die lætitiæ suæ, dispensare militi-  
 bus vestes, impetrare interfectoris veniam, donare latroni  
 cælum: donec deficienti anima, pronis in mortem oculis, la-  
 bente in pectus capite, quasi inspiraturus in hominem spi-  
 raculum vitæ, effuso ad spectaculum cælo, motis sede sua ele-  
 mentis, natura laborante, dum tot inter mundi dolores pari-  
 mur; Spiritus oris nostri Christus Dominus expirauit.

## ORATIO II.



VIVS rei memoriam hodierno die in augustissimo orbis terræ confessu oratoris, quasi præconis voce iubeas renouari B. P. tamen si omnes sciunt, magnopere tamen verendum est, ut omnes intelligamus. Is, in quo nostra omnia posita erant, tum præsidia, tum ornamenta, sublatu est morte non solum acerba, sed etiam indignissima. Magna sanè doloris, sed maior pietatis, ac religionis materia. Hanc ego commemorationem dum pro veteri instituto paucissimis exequor, vnde melius ducam luctuosissima narrationis initium, quàm ex horro Gethsemani. In quo loco ad Clementissimum Patrem collugiens innocentissimus Filius, non modo non est auditus, sed etiam in hostium manibus derelictus. Video sanè video inexplicable amoris argumentum nos audimur, quum ille reijcitur, & obstructas ad Filij salutem anres, aperit mancipij respectus. Agnosco Isaacum paternis vinculis obligatum: sed nullam quæ pro soluto filio imolanda sit hostiam video: quippe hic ipse est victima, non ut illa quondam inter vepres inuenta ab Abrahamo, sed in horto peccatorum nostrorum multo acrioribus aculeis, quàm veprium, spinarumque compuncta. Hinc videlicet largissima cruenti sudoris copia, quo primum imbre terræ nostræ sterilitas laxaretur. At socij interea consopiti non expergiscuntur, nisi armorum strepitu, catenarum fragore, satellitum clamoribus. Non tamen totius improbitatis caput Iudas conquiescit, quin conceptam iam fraudem osculo maturet, ac venalem habens Deum omnium, qui post sacra vendiderunt, teterrimus auctor existat. Quid hic commemorem in regium Christi collum catenas iniectas, quid ad tergum reuinctas mundi opifices manus? & tamen hoc est collum, vnde paulo ante vox erupit index Diuinitatis, quo veluti fulmine attonita retro-

cessit

cessit impietas. Ex sunt manus, quibus in hoc ipso articulo ad nefarii militis vulnus adhibitis ingratus ille sanatus est. Sed ut hæc sit hora & potestas tenebrarum, ne quicquam tamen improbiſſime Caiſa expectas, ceu ſubita tempeſtate, deprehenſus ad indignum aliquid Deo confugiat. Quod ſilentio, quod reſponſorum gravitate vinceris ab eo, quem vincitū tenes: & prius ſacerdotio, quod ante moribus, quā diſtrahendis ac diſcerpendis veſtibus violasti, abdicare te cogeris; quā ille, cui imperare te putas, quidquam velit de ſua maiestate detractum. Quid vero conſutato Pontifice, num merces aliqua ſtatuitur illuſtri victoriæ? vel ob hoc ipſum quod hero ſimulatio non proceſſit, ab iniqua familia innocentiffimus reus omni eſt contumeliarum genere diuexatus. Quo ille exemplo, quem finem ſermē habeant tenuiorum hominū cum potentioribus lites oſtendit. Quam hic ego ad inauditam iniuriam horrore perſtringor? nefariæ cohorti ludibrio cædiſſos ſanctitatis & virtutis. Quid agitis cæli ciues? facies illa diuina, veſtræ ſcena voluptatis, infami velo obnubitur, & ſuſtinetis? pugnis contunditur, & aſpiciſtis? alapis cæditur, & nemo ſe commouet? ſputis inficitur, & pati poteſtis? ora, manus, pedes, corpus denique totum, in eius iniuriam ſolunt perſiti homunciones, per quem viuunt: & nullus eſt ex veſtro numero Abiſai, qui canes iſtos morituros depoſcat ad necem? Sed nimirum nec ſtupidi vos, nec ingrati timetis ne ſi per vos ſtet, quo minus David hiæ ſaturetur opprobrijs, dum parcat inimicis, oderit amicos. Ille enim ſi ſputis in facie ſuſceptis inquinatur, internam animorū noſtrorum faciem lauat. Si velo contegitur, quod mentis noſtræ oculos cohibet, impietatis velum abrumpit. Si alapis cæditur, pugniſque contunditur, omnes, quas peccato contraximus, ignominias delet, teſtis Apoſtolorum Princeps Petrus, qui dum alijs condiscipulis fuga dilapſis, ſuis confiſes viribus, nihilo ſegnius ire pergit, nouo turbine proſtratus, ab eo in ſumma calamitate erigitur, quem maximè circumſteterat iniuriæ proceſſa. Sed hæc hætenus in tenebris, & noctis ſilentio. Quid luce palam, & in oculis omnium? Verum enimvero quæ eſt hæc tandem peruerſitas non iam tenebræ, ac noctis conſcientia deſiderantur ad fraudem, lux, radij, ſol, omnium oculi ad ſcelus optantur, & quaſi parum feliciter importuni latrones in nocte graſſati ſint, dies expetitur. Q

dicm



diem infaustum, ò lucem omnibus tenebris obscuriorem, nō tu parricidio, strage, aut insigni aliqua calamitate inaudito post hominum memoriā scelere, Dei inquam cæde notabilis existis. Itur ad Romani Præsidis aulam, vt quia tantī facinoris grauitatem Iudæorum natio sustinere non poterat, cum orbis terræ Principe populo communicatam lenius fieret. Sed vt timidior Romanus Præses vt humanis rationibus omnia æstimans, vt plane non liber à scelere, quia tamen abluens manus vestram non potuit Iudæi abluere crudelitatem si non à se, certe à suo populo noxam depulit vniuersam, totam inuidiz flammam in vobis reliquit, qua miseri, perditī, abiecti, nullo domicilio, ne hospitio quidem satis tuti, necesse est, vt ad finem vsque deflagretis. Si enim vestræ fuerunt illæ succlamationes, Tolle, tolle crucifige eum, Si hunc dimittis non es amicus Cæsaris, Sanguis eius super nos, & super filios nostros, Nos legem habemus, & secundum legem, debet mori, Vestra est etiam iustissima pœna celeberrimæ vrbis excidium, filiorum capriuitas, Reipub. dissipatio. Sed quid hoc est quod video? quale spectaculum, quā acerbū, quā immane! hominis, & Dei caput, horrendo è spinis contexto ferto, nouo feralique inuento, non iam compunctum, sed omnino confixum: sacram & virginalem cutim, cælo ipso puriorem, omni ex parte diro verberare consueciatā. Heu caput diuinum, quod adulationi nunquam inflexum est. Corpus quod omnium seruiuit commodis, sanctissimi animi domicilium, salutaris Sapientiæ sacrarium, diuinorum cogitationum comitium. Aspicias è turba mater, nec agnoscis in vna Filij plagā, ea quæ in te quondam diuinus Spiritus admirabili ratione membra distinxit. Quam diuersa ab illis, quæ lacte irrigabas, pannis obligabas, oculis demulcebas. Exaggerat hoc vestrum scelus Iudæi, inter Filij pœnam, & matris lacrymas vos, quasi nullius matris filios, sed filice natos, non modo miseratione non tangi, sed immanius efferari.

Ergo à timidiore Iudicē in innocentissimum reum per nefarium populum vi, minis, clamoribus, omni tumultus genere, capitalis sententiæ iam extorta, educunt vt crucifigerent. Et bainlans sibi Crucem exiuit in eum, qui dicitur Caluariz locum. Res sanè admiratione plena: sed (vt Augustini viri sanctissimi verbis vtar) si spectet impietas, grande lu.

de ludibrium; si pietas, grande mysterium; si spectet impietas, grande ignominie documentum; si pietas grande Fidei monumentum; si spectet impietas, Regem ridet pro virga Regni, lignum sui portare supplicij; si pietas, videt Regem baiulantem lignum ad semetipsum figendum, quod fixurus fuerat etiam in frontibus Regum: in eo spernendis oculis impiorum, in quo erant gloriatura corda Sanctorum. Itane celestis Pater, hæc est ob insignem victoriam reduci Filio triumphi species apparata? pro curru aureo pedes ingreditur, ipse sui portans instrumenta supplicij; pro victoriz gloria, vultu oculisque deicctis: ceruice etiam ob ponderis immanitatem ad terram vsque depressa; pro aureo, regioque amiculo, obsoleta purpura, vel ad ludibrium, vel ad pœnam indutus: pro ouantibus amicis, muliercularum lacrymis & luctu comitatus: pro plausu acclamationibusque popularibus, conuicijs ac maledictis oneratus. Verum quam hic ego triumphi speciem requiro, ubi se à Patre in summa ærumna fateri non dubitat derelictum? An non derelictus, cui iam in Crucem sublato quum inter medios cruciatus animam ageret, animarum adhuc nostrarum salutem sitienti, spongia aceto plena obruditur ab inimicis, accomodatam sanè poculum ad tale mortis pœnarumque conuiuium. Ille vero, quam his & alijs, quas tum sustinebat iniurijs laceffitus, pœnam reponit, iam toto corpore vulneribus lacer, ac dehiscens, iam sanguine manans ac perfluens, flexis ad sui commiserationem elementis, syderibus hebetatis, terra commota, lapidibus discissis, sole atrato, die ne interesse cogeretur, diffugiente, sollicitus adhuc de importunis homicidis, quos ad pœnam tanta rerum confusio requirebat; Patrem pro illis, vt etiam hic suam putaret imminutum iri maiestatem nisi remitteretur, exorauit. Quanto melior futurus si vtique credere voluissent, quàm fuit obstinatis adhuc ad non credendum animis, corporum defensor, & vindex? Sed persistant adhuc illi in immanitate, agitent capita sua, blasphemias jactent, extincti iam pectus illud, quo leges elementorum, & vices syderum disponebantur, cuspe adacta transuerberent, aliaque multa in mortuum edant crudelitatis documenta. Luget si non Iudæorum natio, certè Iudæorum religio Christi necem, & Templi velum, quod edere noluit cæca gens luctus exemplum, à sum-

mo se ad terram vsque rescindens, tanto magnificentius edidit, quanto praelarius est hoc funere inclytæ gentis auitam religionem efferri, quanto est acerbum illos in coëcitate, sœuitiaque persistere. Nobis verò, qui sterili & effata Synagoga repudiata eius utique matris filij sumus, quam ille sibi hoc die tot cruciatibus, tanto sanguine in Crucis thalamo sanctissimo iure copulauit: videndum est etiam atque etiam ne non modo impietatis arguamur, dum optimi Parentis funus, non eo quo par est sensu doloris ac pietatis prosequimur; sed ne nostræ salutis negligentes simus, dum adhuc eligimus in veterum conscientia hære culparum; quæ vel solæ Parentem optimum impulerunt, ut acerbissimam mortem sustineret. Quamobrem quæ nostræ sunt partes hodierno die vides, Beatissime Pater, conquestionis, commiserationis, expiationis, quamuis enim tota

Domini nostri vitæ ratio in summis laboribus, ærum-

nisque traductæ, hæc à nobis requirat: ea tamen

nescio quo pacto magis exigit mors, quæ ut

nihil est indignius ad conquestionem,

nihil acerbius ad commiseratio-

nem, ita etiam nihil est vbe-

rius ad cumulatissimam

peccatorum om-

nium expia-

tionem.



## ORATIO III.



I quando vnquam, hodierno certe potissimum die est à Deo Optimo Maximo precandum, optandumque, vt non ad breuem, & inanem Christiani nominis ostentationem, sed ad solidam, perfectâque pietatem Crucis, ac mortis suæ imaginem in nobis velit expressam. Hoc est tuum Beatissime Pater, hoc Amplissimi huius Senatûs iustissimum votum; cui, vt aliqua ex parte mea etiam famuletur vox, eò vos reuoco, vnde in amplissimi certaminis campum est progressus gigas ille fortissimus, qui hoc maxime die exultauit, vt curreret viam suam. Hic dum exerto diuinæ iustitiæ flagello regius, ac diuinus iuuenis, vt mancipium liberet, corpus obiecit; adeò est eius sibi impendentis vmbra conterritus, vt pænè exanimis concidens, laxatis toto corpore, in gultissimis illis, quibus sudor erumpere solet, venarû osculis largissimi cruoris riuos effunderet. Quod ego dum mecum ipse reputo, rei que nouitatem admiror, diuino planè cõsilio factum existimo, vt omnes intelligeremus illum tantum dolorum, & cruciatuum, quantum postea pertulit, non stupidioris, & hebetioris sensus beneficio, sed constantissima voluntate pertulisse. Abiecta igitur illa timidi; & pauentis persona vltro se offert inimicis. Quid hic ego commemorem tuam scelestissimè Iuda non modo fraudem, & impudentiam, sed eò etiam progressam amentiam, vt potueris in osculi dulcedine abscondere sicam prodicionis? Agnosco auaritiæ fœtum, crudelitatem. Sed iam obligata est victima, itur ad Pontifices, & Sacerdotes, an potius fœuissimos lupos? Quorum hoc erant acerbiores dentium impressiones, & profundiora vulnera, quod specie pietatis fœuebant. Quasi parum esset vitam eripere, nisi etiam probæ vitæ famam auferrent. Sed ecce iam per totam urbem iparso nuncio, fama vagatur captum esse Iesum Nazarenum prophetam

# FERIA SEXTA IN PARASCEVE.

## ORATIO PRIMA.



I quis antea reperiebatur, qui vitam suam minoris aestimaret, hodie in eo qui precium percoluit, intelligat quantum accepit. Stetit sanguine eius cogitatio, stetit proditio ac vinculis prima aggressio, stetit alapis, verberibus, contumelijs continuatio; stetit denique vulneribus, cruciatio, morte consecutio. Illo Domini timore spes empta seruorum est, illis vinculis in libertate filiorum se expediuere mancipia, ijs plagis conualuit semiuuius orbis terrarum, ijs denique gradibus peruenere filij mortis ad vitam, quibus vitæ parens properauit ad mortem. Rem ego paucis proponam, vos de rei magnitudine iudicete. Coegerat Discipulos Magister amantissimus, eos vltimum visurus, & qui vitam ideo acceperat vt donaret, maturo iam tempore se suis super mensam in cibum, potumque, inaudito charitatis ostento tradiderat; cum propius se operi accingens in proximam Gethsemani villam discipulis comitatus à cena processit. Ibi dum à Patre initium rei suscepturus se dat in preces, insolito repente metu correptus, salutis primum sudore membris, nox etiam sanguinem prodigiose lachrymantibus, intellexit continuo quam cum homine permutationem fecisset, dum sua nobis clargitus, no-

Ara ipse susceperat. Ergo hic primus operis gradus fuit, cum ex Domini metu spem ipsi hausimus vicinæ libertatis. Qui sequitur gradus, ipsam nobis ex eiusdem captiuitate libertatem tulit. Dum hæc ita aguntur, ecce in hortum subita vi irrumpitur, explicatur late acies, villa extemplo occupatur: ad impiam osculi tesseram hostiliter vndique omnes concurrunt, in vnum barbære collimant, ferarum more impetum faciunt, sistunt, vinciunt, trahunt: ille de suo securus, de nostro sollicitus, hilari fronte proditorem excipere, porrigere vincientibus manus, inferere collum in laqueos, vincula cum toto corpore induere. Videbat nimirum eos à nostris manibus funes expediti, quibus suæ nesciebantur: sentiebat quot ipse nodis constringeretur, tot nexus è collo filix Sion relaxari: intelligebat vna eademque opera liberum se, capi, captium genus humanum liberari: scilicet hoc nobis Iudæorum furor famulatus est: hisce ministris vsi sumus libertatis nostræ, dum sæuere in Dominum funestæ militum turbæ, dum viri sanguinem in innocentem cōtersere aculeos suos, dum apes illæ in diuinæ humanitatis fauim certatim exarsere, nobis dum nesciunt, libertatis suauitatem elaborarunt. Et tu infelix transfuga, prædonum feralis, proditor, amentissime, osculo quod è Domini tui genis, atque ore libasti, tibi quidem perfidè venena quæ te medium rupere, suxisti, nobis autem illam, quæ de forti egressa est, dulcedinem comparasti. Sed hæc parta Domini seruitute libertas, gradus illi ad plagas, nobis ad sanitatem fuit. Ductus ad Annæ conspectum, inde ad Pontificis tribunal allegatus, ex hoc ante Romanum Præsidem in Prætorio constitutus, ita vbiq; qua silentij constantia, qua responsi modestia innocentix causam egerat, vt nisi planè, aut Sacerdotum oculos excæcasset inuidia, aut Præsidis animum interclusisset metus, videri illis innocens, ab hoc etiam pronunciari potuisset. Sed insanis Iudæorum clamoribus meticolosus plus nimio Præses, dum subtrahere reum studet, insigni animaduersionis genere vitam redempturus, virgis cædi innocentem iubet, vt saltem parcere vitæ posset, cuius sanguinem hostibus pro arbitrato donaret. Nimirum immensam fuisse Iudæorum crudelitatem oportuit, quæ tam crudeliter parcere Romanum coegit. Ergo satellites traditum sibi reum, arripiunt continuo in atrium, vestes extrahunt, manibus ad



## 130 Fer. vj. in Parasceue.

saxum ligant, tum verò virgas expediunt, carnificinam adornant, lacertos atque ictum vibrant. Ah sistite, si quis pietatis sensus, si quid humani homines habetis, ne manus vestras tam innocenti sanguine violate. Hic si nescitis Rex vester est, hic ultionum Deus, hic exercituum Dominus; hic si iubeat, non modo vos vilia capita, sed armatum cum Regibus suis orbem, aduocatæ è cælo Angelorum legiones fulminabunt. Væ genti peccatrici, populo cor non habenti, filijs sceleratis, truces illi ac barbari, quasi ciuicam coronam relaturus, qui primus ac valentius feriret; certatim vulnus infligere, teneros artus, repetitis alte vibicibus, aperire, humeros, caput, pectus, vbique fodere, lacerare, proscindere. O facinus, o spectaculum! Cædebatur illud Virginale corpus, soluebatur templum illud non manufactum, diripiebatur illa regia diuinitatis. Desuebat ad terram multis quasi è fontibus sanguis, deficiebant cum sanguine etiam vires: & tamen ipse, quasi meritis sustuarium fugicius, non se virgis subducere, non carnifices ad misericordiam oculis flectere, non fidem cuiusquam implorare. Immo verò quam potissimum corporis partem expeterent, eam subijcere vulneri; dare libenter sanguinem, dare & vitam. Neque ita vt per horam aut diem ea laniena duraret; sed menses si opus sit, atque annos plures, discerperentur humeri, cæderetur in frustra dorsum; modo quicquid supra dorsum fabricauerunt peccatores, ea impressione concideret; modo curarentur cicatrices nostræ vulneribus suis; modo apertis illis vibicibus tumores nostri rumperentur; modo parata eo sanguinis lauacro medicina, sanitatem hauriremus ipsi in gaudio de fontibus Saluatoris. Verum adhuc Domino supererat quod donaret, nobis quod acciperemus hostia illi opprobria auferenda erant, sed contumelijs suis. Hoc verò à barbaris satellitibus eo tormenti genere effectum est, cuius exemplum nec ipsi in antiquitate imitati sint, nec habuerint in posteritate imitatores. Etenim ferales lanistæ verberando iam defessi, quasi quietem aliquam accepturi, seminecem Dominum carnificinæ subductum, in eodem Prætorio per otium circumstant. Audierant affectati regni reum esse, placuit ornare regijs illum insignibus, Regem salutare. Ergo per summam dissimulationem, tanquam actores in fabula, conquisita ad hanc rem histriónica purpura, regem induunt:

pro.

pro sceptro arundinem in manu statuunt; pro corona sertum  
 è spinis horrentibus capiti circumponunt. Mox adornato  
 lictorum satellitio, regem suum ambiunt, supplices in genua  
 procumbunt, timidi venerantur. Tum verò quasi in scenæ  
 catastrophæ, mutata personarum facie, ingenti omniū plau-  
 su, ridente toto foro, personante conuicijs atrio, ambiciosum  
 scurram conclamant, exhibant, explodunt. Sic dignum il-  
 lud fideribus caput, manus illæ diuinitatis sceptro pares, ille  
 Rex gloriæ, ante quem curuantur qui portant orbem, factus  
 infimæ plebis, ac militaris licentiæ ludibrium, dum rex in  
 fabula luditur, suis nos contumelijs gloriose coronat. Et  
 iam Domino, amissa libertate, sanguine, viribus, ipsa pæne  
 hominis specie, vna quam daret vita supererat; quam ideo  
 solam superesse Præses voluit, quo eam facilius ab Iudeorum  
 immanitate impetraret, si eo redactum ostenderet reum, vt  
 ægrè spirans cadauer, vix hominis numero haberi, atque in-  
 ternosci posset, nisi ei titulum hominis addidisset. Sed hæc  
 tam atrociter humana Præsidis diligentia à truci illo odio  
 Sacerdotum, ab ea tigrium rabie, æ tantillum quidem pie-  
 tatis expressit. Tollendum plane de medio contendunt, id  
 ipsum quod reliquum est vitæ, poscunt ad necem. Quid mul-  
 ta? obnoxius iam timori Præses, pronus in obsequium, ho-  
 mo fanaticus, extorto clamoribus iudicio, festinata contra  
 recentem Tiberij legem de reorum cæde in decimum diem  
 proroganda, sententiæ; è tribunali pronunciat (hæsitasse hic  
 ego crediderim improbitatem, & iniquissimæ vocis pæne pu-  
 diisse.) pronunciat videri sibi in Christum, iuxta Pontificum  
 postulata, Crucis supplicio animaduertendum. Nihil vm-  
 quam iniquius dictum, nihil auidius auditum, nihil celerius  
 factum. Rapitur continuo ad necem, imponitur humeris pa-  
 tibulum, sistitur ad Caluariam, nudus Cruci suffigitur. O  
 amor, o pietas! dum hic triste parricidium vrgetur, illic in-  
 ferni regno illuditur, vbique infami letho insultatur, homo  
 pacis nostræ tamquam in die lætitiæ suæ, dispensare militi-  
 bus vestes, impetrare intersectoribus veniam, donare latroni  
 cælum: donec deficienti animæ, promissam in mortem oculis, la-  
 bente in pectus capite, quasi inspiraturus in hominem spi-  
 raculum vitæ, effuso ad spectaculum cælo, motis sede sua ele-  
 mentis, natura laborante, dum tot inter mundi dolores pari-  
 mur; Spiritus oris nostri Christus Dominus expiravit.

## ORATIO II.



VIVS rei memoriam hodierno die in augustissimo orbis terræ confessu oratoris, quasi præconis voce iubeas renouari B. P. tamen si omnes sciunt; magnopere tamen verendum est, ut omnes intelligamus. Is, in quo nostra omnia posita erant; tum præsidia, tum ornamenta, sublati sunt mor- te non solum acerba, sed etiam indignissima. Magna sane doloris; sed maior pietatis, ac religionis materia. Hanc ego commemorationem dum pro veteri instituto paucissimis exequor, vnde melius ducam la- tuosissimæ narrationis initium, quam ex horto Gethsemani. In quo loco ad Clementissimum Patrem confugiens innocentissimus Filius, non modo non est auditus, sed etiam in hostium manibus derelictus. Video sanè video inexplicable amoris argumentum nos audimur, quum ille reiicitur, & obstruatas ad Filij salutem aures, aperit mancipij respectus. Agnosco Isaacum paternis vinculis obligatum: sed nullam quæ pro soluto filio imolanda sit hostiam video: quippe hic ipse est victima, non ut illa quondam inter vepres inuenta ab Abrahamo, sed in horto peccatorum nostrorum multo acrioribus aculeis, quam veprium, spinarumque compuncta. Hinc videlicet largissima cruenti sudoris copia, quo primum imbre terræ nostræ sterilitas laxaretur. At socij interea consopiti non expergiscuntur, nisi armorum strepitu, catenarum fragore, satellitum clamoribus. Non tamen totius improbitatis caput Iudas conquiescit, quin conceptam iam fraudem osculo maturet, ac venalem habens Deum omnium, qui post sacra vendiderunt; teterrimus auctor existat. Quid hic commemorem in regium Christi collum catenas iniectas, quid ad tergum reuinctas mundi opifices manus? & tamen hoc est collum, vnde paulo ante vox erupit index Diuinitatis, quo veluti fulmine attonita retro-

cessit

cessit impietas. Ex sunt manus, quibus in hoc ipso articulo ad nefarij militis vulnus adhibitis ingratus ille sanatus est. Sed ut hæc sit hora & potestas tenebrarum, ne quicquam tamen improbiſſime Caipha expectas, ceu subita tempeſtate, deprehenſus ad indignum aliquid Deo confugiat. Quæ ſilentio, quæ reſponſorum grauitate vinceris ab eo, quem vincit tenes: & prius ſacerdotio, quod ante moribus, quàm diſtrahendis ac diſcerpendis veſtibus violaſti, abdicare te cogeris; quàm ille, cui imperare te putas, quidquam velit de ſua maiestate detractum. Quid vero confutato Pontifice, num merces aliqua ſtatuitur illuſtri victoriæ? vel ob hoc ipſum quod hero ſimulatio non proceſſit, ab iniqua familia innocentiffimus reus omni eſt contumeliarum genere diuexatus. Quo ille exemplo, quem ſinem ſermè habeant tenuiorum hominũ cum potentioribus lites oſtendit. Quam hic ego ad inauditam iniuriam horrore perſtringor? nefariæ cohorti ludibrio cædit ſſos ſanctitatis & virtutis. Quid agitis cæli ciues? facies illa diuina, veſtræ ſcena voluptatis, infami velo obnubitur, & ſuſtinetis? pugnis contunditur, & aſpicitis? alapis cæditur, & nemo ſe commouet? ſputis inficitur, & pati potestis? ora, manus, pedes, corpus denique totum, in eius iniuriam ſoluunt perſiti homunciones, per quem viuunt: & nullus eſt ex veſtro numero Abſai, qui canes iſtos morituros depoſcat ad necem? Sed nimirum nec ſtupidi vos, nec ingrati timetis ne ſi per vos ſtet, quo minus David hiæ ſaturetur opprobrijs, dum parcat inimicis, oderit amicos. Ille enim ſi ſputis in facie ſuſceptis inquinatur, internam animorũ noſtrorum faciem lauat. Si velo contegitur, quod mentis noſtræ oculis cohibet, impietatis velum abrumpit. Si alapis cæditur, pugniſque contunditur, omnes, quas peccato contraximus, ignominias delet, teſtis Apoſtolorum Princeps Petrus, qui dum alijs condiscipulis fuga dilapſis, ſuis confiðes viribus, nihilo ſegnius ire pergit, nouo turbine proſtratus, ab eo in ſumma calamitate erigitur, quem maximè circumſpecterat iniuriæ procella. Sed hæc hæcenus in tenebris, & noctis ſilentio. Quid luce palam, & in oculis omnium? Verum, enimvero quæ eſt hæc tandem peruerſitas non iam tenebræ; ac noctis conſcientia deſiderantur ad fraudem, lux, radij, ſol, omnium oculi ad ſcelus optantur, & quaſi parum feliciter importuni latrones in nocte graſſati ſint, dies expectitur. Q

diem infaustum, ò lucem omnibus tenebris obscuriorem, nō tu parricidio, strage, aut insigni aliqua calamitate inaudito post hominum memoriā scelere, Dei inquam eade notabilis existis. Itur ad Romani Præsidis aulam, vt quia tanti facinoris grauitatem Iudæorum natio sustinere non poterat, cum orbis terræ Principe populo communicatam leuius fieret. Sed vt timidior Romanus Præses vt humanis rationibus omnia æstimans, vt plane non liber à scelere, quia tamen ablucens manus vestram non potuit Iudæi abluere crudelitatem si non à se, certe à suo populo noxam depulit vniuersam, totam inuidiæ flammam in vobis reliquit, qua miseri, perdicti, abiecti, nullo domicilio, ne hospitio quidem satis tuti, necesse est, vt ad finem vsque deflagretis. Si enim vestræ fuerunt illæ succlamationes, Tolle, tolle crucifige eum, Si hunc dimittis non es amicus Cæsaris, Sanguis eius super nos, & super filios nostros, Nos legem habemus, & secundum legem, debet mori, Vestra est etiam iustissima pœna celeberrimæ vrbis excidium, filiorum captiuitas, Reipub. dissipatio. Sed quid hoc est quod video? quale spectaculum, quā acerbū, quā immane! hominis, & Dei caput, horrendo è spinis contexto serito, nouo feralique inuento, non iam compunctum, sed omnino confixum: sacram & virginalem cutim, cælo ipso puriorem, omni ex parte diro verbere conlaciātam. Heu caput diuinum, quod adulationi nunquam inflexum est. Corpus quod omnium seruiuit commodis, sanctissimi animi domicilium, salutatis Sapientiæ sacrarium, diuinorum cogitationum comitium. Aspicias è turba mater, nec agnoscis in vna Filij plaga, ea quæ in te quondam diuinus Spiritus admirabili ratione membra distinxit. Quam diuersa ab illis, quæ lacte irrigabas, pannis obligabas, osculis demulcebas. Exaggerat hoc vestrum scelus Iudæi, inter Filij pœnam, & matris lacrymas vos, quasi nullius matris filios, sed filice natos, non modo miseratione non tangi, sed immanius efferrari.

Ergo à timidiore Iudice in innocentissimum reum per nefarium populum vi, minis, clamoribus, omni tumultus genere, capitalis sententiæ iam extorta, educunt vt crucifigerent. Et baiulans sibi Crucem exiit in eum, qui dicitur Caluariæ locum. Res sanè admiratione plena: sed (vt Augustini viri sanctissimi verbis vtar) si spectet impietas, grande lu.

de ludibrium; si pietas, grande mysterium: si spectet impietas, grande ignominie documentum; si pietas grande Fidei monumentum; si spectet impietas, Regem ridet pro virga Regni, lignum sui portare supplicij; si pietas, videt Regem baiulantem lignum ad semetipsum figendum, quod fixurus fuerat etiam in frontibus Regum: in eo spernendis oculis impiorum, in quo erant gloriatura corda Sanctorum. Itane cælestis Pater, hæc est ob insignem victoriam reduci Filio triumphi species apparata? pro curru aureo pedes ingreditur, ipse sui portans instrumenta supplicij; pro victorie gloria, vultu oculisque deicendis: ceruice etiam ob ponderis immanitatem ad terram usque depressa; pro aureo, regioque amiculo, obsoleta purpura, vel ad ludibrium, vel ad pœnam indutus: pro ouantibus amicis, muliercularum lacrymis & luctu comitatus: pro plausu acclamationibusque popularibus, conuicijs ac maledictis oneratus. Verum quam hic ego triumphi speciem requiro, vbi se à Patre in summa ærumna fateri non dubitat derelictum? An non derelictus, cui iam in Crucem sublato quum inter medios cruciatus animam ageret, animarum adhuc nostrarum salutem sitienti, spongia aceto plena obtruditur ab inimicis, accommodatum sanè poculum ad tale mortis pœnarumque conuiuium. Ille vero, quam his & alijs, quas tum sustinebat iniurijs lacessitus, pœnam reponit, iam toto corpore vulneribus lacer, ac dehiscens, iam sanguine manans ac perfluens, flexis ad sui commiserationem elementis, syderibus hebetatis, terra commota, lapidibus discissis, sole atrato, die ne interesse cogeretur, diffugiente, sollicitus adhuc de importunis homicidis, quos ad pœnam tanta rerum confusio requirebat; Patrem pro illis, ut etiam hic suam putaret imminutum iri maiestatem nisi remitteretur, exorauit. Quanto melior futurus si utique credere voluissent, quàm fuit obstinatis adhuc ad non credendum animis, corporum defensor, & vindex? Sed persistant adhuc illi in immanitate, agitent capita sua, blasphemias jacent, extincti iam pectus illud, quo leges elementorum, & vices syderum disponebantur, cuspe adacta transfuerberent, aliaque multa in mortuum edant crudelitatis documenta. Luget si non Iudæorum natio, certè Iudæorum religio Christi necem, & Templi velum, quod edere noluit cæca gens luctus exemplum, à sum-



mo se ad terram vsque rescindens, tanto magnificentius edidit, quanto præclarius est hoc funere inclytæ gentis auitam religionem efferri, quanto est acerbum illos in cœcitate, sœuitiaque persistere. Nobis verò, qui sterili & effræta Synagoga repudiata eius vtique matris filij sumus, quam ille sibi hoc die tot cruciatibus, tanto sanguine in Crucis thalamo sanctissimo iure copulauit: videndum est etiam atque etiam ne non modo impietatis arguamur, dum optimi Parentis funus, non eo quo par est sensu doloris ac pietatis prosequimur; sed ne nostræ salutis negligentes simus, dum adhuc eligimus in veterum conscientia hære culparum; quæ vel solæ Parentem optimum impulerunt, vt acerbissimam mortem sustineret. Quamobrem quæ nostræ sunt partes hodierno die vides, Beatissime Pater, conque-  
 stionis, commiserationis, expiationis, quamuis enim tota  
 Domini nostri vitæ ratio in summis laboribus, ærum-  
 nisque traductæ, hæc à nobis requirat: ea tamen  
 nescio quo pacto magis exigit mors, quæ vt  
 nihil est indignius ad conquestrationem,  
 nihil acerbius ad commiseratio-  
 nem, ita etiam nihil est vbe-  
 rius ad cumulatissimam  
 peccatorum om-  
 nium expia-  
 tionem.



## ORATIO III.



**S**I quando vnaquam, hodierno certe potissimum die est à Deo Optimo Maximo precandum, optandumque, vt non ad breuem, & inanem Christiani nominis ostentationem, sed ad solidam, perfectâque pietatem Crucis, ac mortis suæ imaginem in nobis velit expressam. Hoc est tuum Beatissime Pater, hoc Amplissimi huius Senatus iustissimum votum; cui, vt aliqua ex parte mea etiam famuletur vox, eò vos reuoco, vnde in amplissimi certaminis campum est progressus gigas ille fortissimus, qui hoc maxime die exultauit, vt curreret viam suam. Hic dum exerto diuinæ iustitiæ flagello regius, ac diuinus iuuenis, vt mancipium liberet, corpus obiectat; adeò est eius sibi impendentis vmbra conterritus, vt panè exanimis concidens, laxatis toto corpore angustissimis illis, quibus sudor erumpere solet, venarum oculis largissimi cruoris riuos effunderet. Quod ego dum mecum ipse reputo, rei que nouitatem admiror, diuino planè còsilio factum existimo, vt omnes intelligeremus illum tantum dolorum, & cruciatuum, quantum postea pertulit, non stupidioris, & hebetioris sensus beneficio, sed constantissimæ voluntate pertulisse. Abiecta igitur illa timidi, & pauentis persona vltro se offert inimicis. Quid hic ego commemorem tuam scelestissimè Iuda non modo fraudem, & impudentiam, sed eò etiam progressam amentiam, vt potueris in osculi dulcedine abscondere sicam proditiõis? Agnosco auaritiæ sortem, crudelitatem. Sed iam obligata est victima, itur ad Pontifices, & Sacerdotes, an potius sanguissimos lupos? Quorum hoc erant acerbiores dentium impressiones, & profundiora vulnera, quod specie pietatis sue uiebant. Quasi parum esset vitam eripere, nisi etiam probæ vitæ famam auferrent. Sed ecce iam per totam urbem sparsus nuncio, fama vagatur captum esse Iesum Nazarenum pro-

Sf

phetam

phetam magnum. Putares armari plebem, minitari Principibus, exclamare iniuriam, deposcere reum. Vt nihil est mutabilius populi studio? illi ipsi, qui paulo ante regium nomen, ac dignitatem deferrebant, repente, quasi Circeo poculo ex hominibus rabidissimi canes effecti, veluti ad illum diem insignis foret indicta venatio, conspirant cum Principibus, non capturi quem iam suis vnguibus comprehensum habebant, sed laceraturi, discerpturi, omnes sœuitiæ modos expressuri. Concurrere itaque ad Prætorium, circumstare frequentes tribunal, adductum reum onerare falsis criminibus, nec procedente fraude, minis, clamoribus, seditione, perficere tandem, vt qui pro Romano Imperio prouinciæ procurabat, quamquam gnarus id totum agi per scelus, & inuidiam, furori cedendum sit arbitratus. Nec tamen ultra sœuituros ratus, si verberum pœnam sumeret, fustuario subiicit Deum. Quo supplicio maiorem in modum exaggerato, lacero insuper, ac semianimi è dumis (quod spinarum genus est grandioris formæ in locis viginosis proueniens) contextitur diadema, quo per summum cruciatum in caput adactò, eadem res affectati regni, quod illi crimen obiecebatur & specimen fuit, & pœna.

Quanto hic opus esset summe orationis, quanta dicendi copia ad hæc, quæ cursim perstrinxi, ita in animis nostris imprimenda, vt ex eis, quod tantopere cupit Deus in recte facta amoris, aduersos peccati odij, præclarum germen existeret? fallimur, si hæc ad Iudæos, non ad nostram nequitiam, fraudes, scelera, tanquam ad fontes, & capita reuocamus: in nostris animis, in nostro corpore, in nostris sensibus est tanti mali architectus, imò, quod deterius est, & minore excusatione digni sumus, quod non per errorem, & ignorationem, vt illi, sed palam, & in manifesta luce peccamus. Nolo mihi credatur, sed grauissimo, & sanctissimo testi Augustino. Parceret Christo in terra ambulanti (ait) ille, qui contra dicit in celo sedenti? spuunt in faciem eius, qui eius præsentiam gratiæ respuunt: tanquam colaphis eum cedunt, qui honores suos ei præferunt. Et iam non est irascendum Iudæis, qui vel morientem deriserunt, non regnantem. Et quis est, qui Christum adhuc irrideat? Vtinam vnus esset, vtinam duo, vtinam dumerari possent. Tota palea aræ ipsius irridet eum, & gemit triticum irrideri Dominum. Hæc S.

Augu-

*Lib. 2. contra  
lit. Petilian  
lib. 1. 99. Eua  
gel. præfat.  
Psal. 21.*

# Oratio Tertia. 139

Augustinus, quibus addi potest, quod antiquissimus pater  
 Origenes dixit: Per malas cogitationes suffocatur quodam-  
 modo, & necatur in nobis Dominus Iesus. Et post multa  
 sæcula S. Bernardus: Horrendum est sacrilegium impedire  
 salutem animarum, quod & ipsorum videtur excedere faci-  
 nus, qui Domino maiestatis manus sacrilegas iniecerunt.

*Homil. 2. in  
 lib. Iud.*

*Serm. de Cen-  
 nerf. S. Pauli.*

- Hoc itaque modo acceptus, hoc nouo ritu diadematus  
 ostenditur furenti populo. Sed quoruscunque est ea specie  
 mitigatus? Mansere infensi, ac minitantes, & veluti tauri,  
 (ita enim eos vocat propheta David) conspecto sanguine  
 ferociore. Nondum ergo vaneſcente ira, nec dum lenitis  
 animis, sed mala cupidine magis, magisque incensis, quid  
 ageret timidior Præſes, priuata commoda ſpectare ſolitus?  
 Nulla recti, publicique cura, malo conſulto, peſſimo decreto  
 iuſtitie proſert cupiditatem. Cruci addidit cauſam, ſcribit  
 Ieſus Nazarenus Rex Iudæorum, in hac vna ſcribenda for-  
 tis, cætera timidus. Iam tunc Pilatus, hoc erat Præſidi no-  
 men, cum antea ſcleribus, libidinibus internam animi fa-  
 ciem ſedafſet, ſentire capit tormenta peſtoris ſui: quibus vt  
 nouis quotidie furijſ auctus, non modo Iudæorum quamplu-  
 rimos, gladio conſumpſit, ſed mortem etiam ſibi ipſe con-  
 ſciuit. Vt rectè ille dixerit: Si recludantur tyrannorum  
 mentes, poſſe aſpici laniatus, & ictus, quando vt corpora  
 verberibus, ita ſauitia libidine, malis conſultis animus di-  
 laceratur. Cui ego addiderim, cerni etiam poſſe crebros  
 Euripos, intercifa æſtuaria, ſtatns, reſtutus, vndarum impe-  
 tus, & irati ſpeciem maris, inter quæ animus, quaſi nauis re-  
 ctore, ac gubernaculo carens, miſerrimè conſiſtetur. Sed  
 quid amplius diſſero? Longa via, difficili cliu, luxato, &  
 fatiſcenti dorſo Crux imponitur ſerale onus, ſed ferendum.  
 Hunc ſibi delegit gloriæ currum triumphator noſter, in quo  
 non à præſerocibus equis veſtus lætitiæ ſimul, & victoriæ  
 ſpeciem præberet, ſed vt in eo clauis trabalibus conſixus,  
 vberriſſimum, & præſtantiſſimum ſalutis noſtræ pretium, con-  
 ſciſſo vndique ſacculo mortalitatis effunderet. Quod vt no-  
 bis fruſtuofum, ita ei, qui patiebatur ſanè acerbum, & igno-  
 minioſum fuit.

*Tacit. 6. ann.*

*Ag. 1. 2. 3.*

*Ag. 1. 2. 3.*

*Ag. 1. 2. 3.*

*Ag. 1. 2. 3.*

- Nam, vt cætera omittam, non modo nudus, (quæ mode-  
 ſtiſſimo cuique pœna acerbiffima eſſe ſolet) prætereuntium,  
 & adſtantium oculis eſt obiectus; ſed etiam per ſummam,

crudelitatem distractis ad clauorum loca pedum, & brachiorum neruis miserandum in modum ossa patuerunt. Doluit rerum vniuersitas tantam immanitatem, & Sole, Luna, astrisque lugentibus concurrere visa sunt elementa. Solus in hoc mundi concussi motu Iudæe perma-  
*Gell. lib. 5. c. 9* nes, tui magis obtulisti, an Dei? non tamen ille dum moritur, obliuiscitur tui. Sed inter contumelias, vulnera, dolorem, cruciatum, mortem, fel, acetum, quod illi sitienti extremum poculum obtulisti, tibi vicissim offert amorem, studium, charitatem. Nos vero, nisi eorum, quos maximè detestamur, imitatores esse velimus, ruere conuenit in questus, lacrymas, vota. Cræsi-  
 olim Regis filius ab infantia mutus, quum hostem ruere in-  
 parentem districto gladio cerneret, tanto est dolore com-  
 motus, vt nimio nixu, & linguæ nodum ruperit, & in vo-  
 cem eruperit, qua hostem à cæde deterruit. Et nos dum  
 Deum parentem, ac Regem nostrum in Cruce respicimus,  
 cruento corpore, coronato spinis capite, laceris membris,  
 hiantibus vulneribus, non dolor punget, non amor sollici-  
 tabit? Ah nimis ferrei, & inhumani sumus, & Iudæis, imo  
 etiam saxis, quæ pietatem hoc dieenserunt duriores. En  
*Zach. 3.* Satan à dextris Iesu Sacerdotis magni, vt aduersetur ei mu-  
 cronem intentat, vt eum conficiat: & nos patimur, imò,  
 quod peius est, vires addimus? En Imperator noster, tho-  
 rax est sanguis concretus, manicæ, ocreæque clauī, galeæ,  
 spinæ, militum præsidium, solitudo ab amicis, tubarum  
 clangor, silentium, & contumeliæ, & nos, vt ait Sanctus  
 Bernardus, puerorum instar adhuc ludemus in platea? An  
 hac ratione pugnandum fuit cum superbia, scelere, contu-  
*Psal. 146.* macia? Non in fortitudine equi, nec in tibijs viri. Sed, vt  
*Hom. 26. in* ait Sanctus Chrysostomus, quemadmodum fortis athleta  
*Ioan.* hostem altè erexit in Cruce, vt prosterneret gloriosius. Ita  
 mundanæ sapientiæ Sophista suis ipse commentis est cap-  
*Hom. 15. in* tus, ait Sanctus Basilius, & nos dum innocens Deus op-  
*Psal. 61.* primitur, nocentes liberamur. Neque putandum est sine  
 causa ita in Cruce corpore constitutum fuisse, vt ab Hiero-  
 solymis, & Iudæis auersus, Occidentem & hanc ipsam Vr-  
 bem, hanc Sedem, hanc Romanam Ecclesiam spectaret.  
*Isai. 2.* Nam verè tunc leuatum est signum in nationes, & nobis  
 percussus est silex ille fortitudinis, & fluxis vberimè non  
 aqua ad sitim hominum, & iumentorum extinguentur, sed

sed sanguine non modo ad peccatorum maculas ablue-  
das, sed ad Sacerdotes creandos, ad vestras tingendas pur-  
puras, Cardinales Amplissimi, ad tuum illud Regnum, Bea-  
tissime Pater, fundandum, excitandumque. Sanguis Chri-  
sti, ait sanctus Ambrosius, purpura est, qua inficit animas  
Sanctorum non modo colore resplendens, sed etiam pote-  
state. Quamobrem, amantissime Iesu, ad te Crucem, san-  
guinemque tuum manus tendentes supplici studio, ac vo-  
luntate petimus, ut quando veteri abiecta synagoga, hæc  
tibi hodierno die tantis laboribus, tantis ærumnis est con-  
stituta Respublica, eius non modo tutelæ, ut facis, sed etiam

*Serm. 17. in*

*Psal. 118.*

*Tertull. de*

*coron. mil.*

prosperitati velis esse consultum. Non est sapientis  
pugnare, ut pugnet, sed ut victoria, ac pace læ-  
tetur. Et sanè quum nobis eiusmodi Ponti-

ficem ante paucos dies concessisti, ma-

gnam votorum nostrorum partem

visus es annuisse, a quo ut no-

bis aduersus improbos

robur & vim leo-

nis; ita ad-

uersus

probos, & studiosos patris

liberalitatem, & cle-

mentiam pol-

licemur.





## ORATIO IV.



**RECONDITVM** est, incomprehensum, & omni ex parte diuinum P.B. sacrosanctū reparationis humanæ mysterium, cui nos hodierna die, ne dicā hodiernis tenebris, persoluimus tributum annuum, commiserationis, & lacrymarum. Idcirco humana mēs, dum se eius amplitudini parem intelligentiā, vel sensum asferre posse desperat;

non affert illum ipsum, quem potest, & in studio grati animi apparet ingrata. Eandem ob causam, si exoritur misratio ea cognita calamitate, hominis miseri calamitatem immerentis, nullum erit argumentum accommodatius ad hanc anniuersariam lamentationem, quam si breui, simplici que percursione facti planum fecero Christum Dominum fuisse, vt Isaias eum appellat, propter excellentiam virum dolorum, quasi dolorum principem, hoc est, inter mortales calamitosissimum, & eos innocentem subiisse corporis, animique cruciatus, quos ab vno homine perferri potuisse, ideo credimus, quod ipse pertulit. Quod enim vt exordiar in hortis Gethsemani erit illud opus, cuius sanguinea est vel idea? Quale tam inauditum tormenti genus, quod eliciat sola cogitatione sanguinem, quod noua quadam ratione, non animum per corpus, sed corpus vulneret per animum, quod cædem membris inferendam prius adumbret, & quasi experiatur in animo, quod antequam admoueat exanimet, & morte valentius solum, nudumque in Christo præstet id, quod mors efficere numquam potuit sine armis, sine cohorte. Fabrum habet infamem, hospitem Satanæ. Iudas magistro venalem in mortem exposito, negocium proditione instituit, osculo perficit, amoris armis abusus. Quippè qui nouerat gratum amanti cibum, coque venenum occultat; sed recidit in eius caput, is quem paulo ante pectori pro intincto pane, quasi tormentarium pulcrem inclussisset, ei cuniculo facem appli-

applicuit: cum ori suo Christi faciem deosculandam admo-  
uit: neque ita multo post igne ad intestina perlato, multipli-  
catis in arcto flammis quarentibus exitum sublatus est in-  
altum, & discerptus in partes: cum nactus carnificem ne-  
quissimum, laqueo seiple suspendit, crepuit medius, & dis-  
fusa sunt omnia viscera eius. Dignus planè, cui non aqua-  
rantum, & igne, sed ipse communi spiritu, ipsa terra inter-  
diceretur: quæ terra, ut dicitur, non amplius recipere vivum  
serpentem, postquam percussit hominem: ita neque spiran-  
tem ferre, neque extinctum attingere voluit, hunc homi-  
nis, eiusdemque Dei proditorem. Christus verò nec vul-  
nus, nec speciem insidiosam amoris auersatus, hostes admi-  
sit, quos, ut prostrernere, sic proterere, sola nominis umbra  
potuisset: illustris quod potuerit, illustris quod noluerit.  
Ab his per varia tribunalia circumducitur, quando vnum-  
capere tantam iniustitiam non poterat, neque inueniebat  
locum, ubi consisteret summa iniquitas, nisi fortè apud sum-  
mum Sacerdotem, apud quem iustitiæ debuit esse principa-  
tus. Sistitur ante Caipham, ante hostem potius, quam an-  
te iudicem, qui ut scelus artificiosè contexit, vestimenta  
discindit: per quem reus prius coniectus in vincula, quàm  
adesset errati suspicio; ante condemnatur, quàm dicat cau-  
sam: ubi dum accusator pro crimine affert mendacium, reus  
pro pœna subit iniuriam: ubi tacere periculosum est, respon-  
dere criminofum: ex quo ad primam emissam vocem, diui-  
num vultum, sedem gloriæ, furiali colapho impudentissima  
dextera ministri percussit: neque aruit. Aruit fortasse, sed  
ad contactum vitæ reuixit: prociuium, quòd vestigia oscu-  
li à proditore impressa deterferit. Vbi denique mortem  
non iudicium intentant, ideoque calumniam, non accusa-  
tionem adornant. Sed ipsa nocendi cupiditate profunt: nam  
testes, dum multos producunt, nullum habent, quia testimo-  
nia conuenientia non erant. Perdere per vim apertam no-  
lunt, ut ipsi insanire etiam in iudicio cognoscuntur: & sup-  
plicium, non minus Christi membra dilaceret, quam dila-  
ceret existimationem, quod meruisse, & iusta sententia in-  
flictum esse videatur. Si testes nullos habetis, introducite  
Petrum. Præstolatur in atrio; eo testis locupletior erit, quo  
amicior est, numerum gratiæ princeps, & Christum iniquius  
damnat in primis, dum tantum pudere se illius magistri de-  
mon-

monstrat; vt neget, detestetur, & iureiurando sibi ne cognitum quidem esse confirmet. O Petre hocine est solum amicum perseuerantem esse? Tu qui paulo ante deuorabas animo carcerem, crucem, mortem, persecutus es ad negandum, vt quo fueras audacior, eò esses cæteris Apostolis nocentior. Sed Dominus respexit Petrum, & stetit amarè: ictu Petra adamantinis Christi oculis guttas emittit non scintillas. Conclaciauerat miser; idcirco calor is egens ad ignem illum perperam se calefaciebat is, cui radijs diuinis opus erat, vt liquaret concretum timiditatis gelu cor, funderet ex oculis amarum imbrem, ac timoris vulnera lacrymis, non infidelitate sanant.

Fuit igitur Christus dimittendus ad Pilatum, apud quem legum inanem, ambitionis plenum, magistratus ludzorum factus de Iudice accusator, de accusatore testis, minore periculo, auctoritate maiore non causæ cognitionem exposcat. Sed crucem, de supplicio prius agat, quam de scelere: reum, & reum tacentem non crimine, sed multitudine, non testimonijs, sed clamoribus opprimat. Quid miraris? quid quæris aliam defensionem Præses ab eo, qui condemnationem habet in voto. Supplicia numerat in beneficijs, qui iniuria eò se indigniorem ostendit, quo illam animo æquiore sustinet: pro quo declamat ipsum silentium, & probat innocentem tibi ipsi, vt Caiphæ vero Herodi probauit. Ergo fuit tribus in foris innocentia Christi cognoscenda, vt tribus sententijs absolutus ferret supplicium? an potius vt sententijs illis iudicum iniquitas condemnaretur, illis supplicijs peruersitas Synagogæ plecteretur? Ipse Pilatus ter verbo Christum pronunciat innocentem, ac triplici facto eripere conatur ab iniuria, vt iustum ex vnguibus ferarum, subducatur, seditiosum supponit, imbutum sanguine, homicidam, & populo sitienti cruoris, cruorem propinat. Sed ij, vt oppresserunt innocentem, ita scelestum absoluunt, vt omnes iniustitiæ partes expleant. Quia puri sanguinis effusione delectantur, Barabbam liberant; Christo obstrepunt, vt qui par futurus erat in supplicio, sceleratis inferior esset in iudicio. Quare Præses, vt sanet liuorem ludzorum: vt mittatur ab ijs sanguis inuidiæ, Christo iubet aperiri venas, eiusque mandat hauriri cruorem, vt non hauriatur animas, vt vita seruetur. Loco igitur criminis eluenda sanguine est inno-

innocentia. O scelus execrabile; nudatur Deus, nuda conspiciuntur membra illa candida atque virginea, rubet sola pudore facies. Tunc Sol in sui Conditoris obsequium, subducta luce velasset illum opinor tenebris, nisi ad nouum spectaculum defixus in admirationem tam venerandi atque diuini corporis stetisset. Quæ vox, quæ lacrymæ, qui sensus æquare poterit lictorum sæuitiam, furorem, rabiem, innocentis rei tolerantiam, æquitatem, animi mansuetudinem, plagarum dolorem, numerum, cruciatum? iam nusquam apparet liuor, nusquam flagelli vestigium: vbique sanguis, vbique vulnera. Nec iam vulnera ipsa dinumeres, quantus, quantus est, vulnus vnum est. Deficit plagas locus, plagæ non deficiunt, est plaga plagæ locus. Deficiunt loræ, virgæ, flagella, tortores vires non deficiunt. Iam & vires deficiunt, non deficit rabies, vtque fecit initium tundendi crudelitas, sic facit finem crudelitas. Suadet enim vt aliquid sanguinis, atque spiritus relinquatur ad mortem atrocio- rem. Itaque crudeles in verberando, in parcendo crudeliores, non parcant vt cessent, sed cessant vt ad Crucem immanem referuent. Si tamen illa cessatio dicenda est, in quam mutato potius, quàm intermisso cruciatu, miserum contumeliosius acerbissimis dilacerant: in qua vt cæteris prætermis- sis, palmare vnum attingam. Diuinum illud caput, gymnasium sapientiæ, regia honoris, honos gloriæ, omnibus infulis, tiaris, coronis augustius, illud, inquam, ad ludibrium dicam, an cruciatum? an ad verumque spineæ corona præcingitur, atque transfoditur.

Dicebam, Pater Beatissime, hunc virum virum dolorum, iam verò, si intendimus in eum oculos, non tantum virum verum per excellentiam, principem dolorum; sed verè dolorum Regem esse cernemus. Appellatus est à cohorte Prætoriorum, quam audiuius dicentem: Aue Rex Iudæorum. Sedet in purpura, in sceptro, in corona: hæc omnia Regem significant. Sed qualem Regem? Regem dolorum. Ludicra illa, & sordida purpura, arundineum sceptrum, salutationes, appellationes, irrisioni fuerunt, atque contemptui: corona verò, si pro genere materiæ aurea, graminea, laurea principatum quendam opum, virtutis, fortitudinis indicat; per spineam certè significabimus Regem, dolorum principem: & Rex dolorum non nisi spineæ corona præcin-

gendas fuisse indicabitur. Perspexit Pilatus hoc Regnum calamitatis affabre effectum esse, atque expressum manibus carnificum in Christi corpore; sperauitque fore, vt satisfaceret oculis Iudæorum huiusmodi calaturæ cupidis, ac peritis, quibus illum in bono lumine, de superiore loco dedit in conspectum, dicens: Ecce Homo. Quasi vereatur ne non agnoscant, ne simulacrum, vel hominem exanimem, aut spirans cadauer existiment. Sed non placuit, nam immanissimis immaniores, ne victi scientia crudelitatis, feritatis artificiorum videantur, desiderant aliquid; addunt aliquid de suo: Crucifige, crucifige eum. O flagrans, & penitus infitum odium, ad quod inanis erit aqua: quum nihil sit alluione tanti sanguinis imminutum: restitui nisi diuino Spiritu in illum effusum non poterit. Quid facit in tanto malo religiosus iudex, qui ne fas ducit palmis immundis, committere parricidium manus lauat, & occidit dum iustum fatetur, & condemnat: sciebat quod per inuidiam tradidissent eum: sed dum auctor iudicii timorem incutit, iudex Cæsaris gratiam ambit, circumuenitur Deus in eo iudicio, in quo palam accusat inuidiam, testificatur odium, crimen est innocentia, coram rumpit timor, condemnat ambitio, plectit crudelitas. Illa illa statim, vt Pilatus Christum affigendum Cruci, dicam, & credit, an duxit? nihil enim abest à scelere is, cuius tantum modo manus abest. Illa, inquam, statim semiuivus, qui iam sibi ipse pondus erat, imposuit immanem paribuli machinam, vt suam ipse mortem prius secreta, quam inserreretur, & quæ Cruce mox erat extollendus, eadem prius opprimeretur. Hic ego, in hoc extremo actum, & quasi ex ipse actionis, quando præ dignitate pertractari, nisi deficiendo non potest, libenter deficiam, sacros Euangelistas imitatus, qui summam rei tanta breuitate perstrinxerunt, quanta satis esset ad non reticendum, gemino verbo, Crucifixerunt eum. Quare non perpendam Crucis atrocitatem, adiunctorum acerbicatem, renouatos imbres sanguinis, consortium latronum, conspectum matris, voces plenissimas mysterij, multiplice crudelitatem militum, qui non tantum in ira, sed in obsequijs hostes, eo loco ac tempore, ad sitim ardentissimam, acetum, atque sel adhibuerunt, vt intelligeremus, quo progredere in sciendo iij, quorum misericordia est summa crudelitas. In tanto agmine dolorum Christus Deus defunctus, Patri imperio,

imperio, nostræ salutis cupidus, inclinato capite. ò virum dolorum, qui diu quæsiuit vbi caput suum reclinet, neque inuenit locum molliorem ad quietem, quàm mortem. In eius igitur gremio, inclinato capite tradidit spiritum. O Angeli pacis. moritur Deus? moritur Deus. Non vox, non latera, nullum sententiarum, verborumque genus sustinere huius argumenti dignitatem potest. Opus silentio, mentis contemplatione, excessu. Quid ergo afferam? nihil præterea. Moritur Deus, & moritur propter hominem. Intelligentia vestra perpendite, quàm multa duplici verbo completar, quum dico mori Deum, & mori propter hominem. Addam aliquid, si ita loqui fas est, admirabilius. Iesus Deus, in cuius nomine habitat salus, qui profuit plus vnus omnibus, quàm omnes vnquam vni, qui nostram non modo causam vt sponsor, non modo personam vt reus, sed vicariā quoque mortem suscepit vt nocens, occiditur propter hominem, & per hominem viuic, auctor patricidij peccatum. Q hominem non hominem, sed cordis plumbei, & animi ingratiissimi monstrum. Obstupuit mens perstrieta magnitudine facti? an aures assidua commemoratione obduruerunt? Tradidit spiritum Deus inclinato capite: vt eo tandem animaret tacentium terrarum orbem emortuum, atque depositum: vt quoniam statuerat nihil sibi reliquum facere, quod pro mortalibus non exponeret, ceruice in latus deflexa, secretum locum indicaret, ex quo ad primum, quasi certum, destinatumque istum, exiuit sanguis, & aqua, simul ac ferina rabie vnus militum, lancea latus illud aperuit: quum enim tum Christi charitas, tum rabies inimicorum amplior esset, quàm vt vtramque capere posset corporis viuentis imbecillitas, effundenda, vtraque fuit in cadauer. Ex quo hinc Christus exaggeratam quamdam patiendi cupiditatem ostendit, nam suscepit vulnera doloris, etiam quum dolorem vulnerum sentire non posset. Hinc illi rabiem declararunt inauditam, dum effusa sæuitia in eum, in quo neque sæuitiæ locus, neque sensus esset, sine fructu crudelitatis, gustum crudelitatis habuerunt.

Expalluit, contremuit, ac prope defecit natura, ad huius carnificinæ conspectum. Lacerauit superuacaneum iam velum templi, quando templi corpus nudatum, atque diuisum conspiciebat; maius obsequium in cadaueribus inuentura,



quàm in viuētibz, mortuos exciuit è tumultis, vt obuiam Deo morienti procederent, obduxit Soli tenebras, vt parri- cidis ipso cælo, ipso conspectu lucis interdiceret. Oppressis- set coniectione saxorum, iam se sponte frangentium, & agi- tantium in vindictam, vel obruisset terræ se commouentis, neque hos homicidas ferentis hiatu: nisi vocem illam extre- mam audiuisset, quam Christus malis hominū grauius af- fectus, quàm suis, prope testamento cauit, vt ignosceretur. Iam verò, ò vir, ò Rex miserrimè dolorum, de Regnò tuo dubitatio nulla relinquitur. Regnas in regia Caluariæ, in throno Crucis, in purpura tui sanguinis, cum sceptro clauo- rum, cum corona spinea, ipsumque Regni titulum præfers: Rex Iudæorum; idest, Rex ciuium iniustissimorum, idest, Rex hostium immanissimorum, circumstunt loco asseclarum, reuiuiscētes vmbra, loco satellitum latrones, loco cohortis carnifices. Istic, istic, vt in tuo regno, in omni regia pompa, regioque apparatu triumphas, habes pro bellarijs fel, pro odoribus fœtorem, pro festis ignibus, tenebras, pro sym- phonia blasphemias, pro choreis terræ motum, pro peristromatis sparsisque floribus ossa cada- uerum, pro bulla pendente è monili, pla- gam luculentam pectoris. Tale re- gnum, talem Regem decebat vir dolorum: Vtinam intelligamus qua- les nos deceat esse sub tali Rege, in tali Regno.



## ORATIO V.



NAV DITVM hoc, & supra,  
quàm dici possit admirandum spo-  
taculum, quod hodierno die toti  
Ecclesie proponitur Pater Beatif-  
sime, pias mentes non minus ve-  
hementi admiratione reddit at-  
tonitas, quàm commiseratione  
tantæ atrocitatis exanimat. In  
eo enim maximum illum Deum  
cernimus, nostras ob culpas aded  
à seipso diuersum, et deposito gloriæ, atque immortalitatis  
diademate, facinorosis hominibus sit ludibrium, ab ijsque  
eos perferat cruciatus, quos nullus ferre posset, nisi qui idem  
homo esset, ac Deus. Quam eandem ob causam, ut tam pij  
sensus, hoc ipso die, in animis nostris acrius exardescant,  
nihil opinor, erit huic argumento accommodatius; quàm si  
dum præcipua huius facti capita percurro, quasi reducto au-  
lzo, simul indicauero, inquantam calamitatem cæli Rex in  
hac, funestissima omnium scæna, suam verterit fœlicitatem:  
ut iure cum Isaïæ vaticinio fateri liceat: Vidimus eum, &  
non erat ei aspectus. Quando eius constantia formidat; Dei  
libertas, ac maiestas captiua constringitur. Dei Sapienzia  
speciem stultitiæ induit: gloriæ splendor infensus omnium  
oculis, animisque conspicitur. Denique immortalis, sem-  
perque felix vita miserrimè extremum diem claudit. Qua-  
lis enim in hortis Gethsemani (ut hinc exordiar) est illius  
constantissimi animi aspectus, quum ad vnâ sui cruciatus  
cogitationem, inusitato quodam timoris genere exhorre-  
scat? Quum diuinum illud cor fortitudinis domicilium,  
non alienis armis, sed suis cogitationibus tumultuantibus,  
quasi intestino prælio concutiat? Quum sanguis ad cor-  
dis arcem, veluti præfidiarius miles, in periculis currere  
assuetus, ex eodem corde tanquàm ex arce direpta factis toto  
corpore hiatibus erumpere cogatur, ac membra cruentare?

150 Fer. vj. in Parasceue.

Magna profecto, atque inusitata Dei mutatio, quæ tantum à diuinitate videtur abesse; quantum à pietate non abest. At quæ fuit illa Christi facies, quæ deinde consecuta est? Aeterna illa Dei potestas à sceleratis hominibus obsidetur, capitur, funibus vincitur, ad varia iudicum tribunalia, atque adeo ad varios iniquitatis arbitros, per publicas plateas raptatur, ut nihil inter Deum, ac nefandum mancipium censeas interesse. Quis verò Dei maiestatem, quam in primis diuinorum sacrorum antistites venerari debent in terris, agnoscerent in illo, quem in summi Sacerdotis aula, ipsi Sacerdotum principes, vno ore reum, & reum sacrilegum conclamarent, & quo ille idem Pontifex nihil peius odisset? Irritauerat enim horum iras, faciemque odij accenderat, illa Christi beneficentissima innocentia, qua vniuersum populum non minus in sui admirationem, quàm in amorem allexerat. Iecirco eius neque silentium, neque vocem innocentiz illud præclarum argumentum, hanc certissimum testimonium pacato animo ferre potuerunt. O durum, nouumque spectaculum! O nouam Dei faciem. Hic illa veritatis vox concentus omnium laudum, omnisque gloriæ sacrilego Pontificis ore blasphemia pronuntiatur. Hic ille vultus, in quem intuentes cæli ciues ac dynastæ, immortalitatis gaudio perfruuntur, impia militis dextera cæditur: eripiturque sputis impurissimorum hominum, quod est in ipso beatissimum, illud decus, illa gloria, quæ ex eo vultu tanquam è propria sede, clarius quàm cæli sydera fulgurabant. Hic illi oculi benigna mortalibus astra, panno vilissimo obnubuntur. Hic tota illa infausa nox, nihil audiuit, nihil aspexit indignum, aut miserum, quod non in diuinæ maiestatis contumeliam verteretur. Horruiſſet, opinor, nefarios perduelles ipsa rerum natura, nisi tanta Dei mansuetudo illam in sui admirationem rapuiſſet. Hic denique illi modo Dei sacerdotes, nunc atrocitatis satellites, de eius perdendæ vitæ ratione deliberant, cuius spiritus, & aura mortuos reuocabat ad vitam. Inquirunt in eius vitam omnem: sed quid habere is poterat, in quo esset vel levis umbra peccati? Ut tamen aliquid in accusatione sapere viderentur, ad iudicium calumniatores, non testes criminis subornant. Actum erat de Christi capite, si illis liberum  
fuiſſet

fuiſſet innocentes occidere. Quam ob rem prima luce ad Pilatum ſit concurſus. O malitiam deteſtandam. Immane ſcelus trucibus animis conteſtum alio ſcelere cumulant. Sanctitatem prætexunt, ut captent in mendacijs fidem. Vrentur in Prætorium ingredi ne contaminentur; quaſi periculum ſit ne eorum pedes in Prætorij limine maculentur, quorum animi iam Dei ſanguinem, vitam, honoremque omnem in funeſta Caluaria deuorauerant.

ſiſtitur ergo Chriſtus ante Pilatum. Qualis hæc ſit Dei figura, vobiſcum ipſi reputate. Suprema, atque inconcuſſa maiestas de maiestate poſtulatur apud mortalem iudicem omnis legis expertem, quem vel ſola Cæſaris umbra ad omne facinus poſſet impellere. Hic ſi accuſatorum ſpectes clamores, totius terrarum orbis infeſtiſſimum archipyratam proſequuntur; ſin accuſationes, nihil ne ad criminis quidem ſuſpicionem afferunt. Tanto interuallo à contactu vilius labis diſtat innocentia, ut ad eam nulla vis noxia vires ſuas perferat. Itaque innocens à Præſide pronuntiatur. Impius tamen, vel in ipſius innocentiz propugnatione Præſes, quem innocentem pronunciat, ad Herodem innocentiz carniſcinam mittitur. Ibi tamen ſuos præclara illa virtus fulgores inter ſputa, ſacerdotumque ſacrilegas voces contraxit, & quodam ſilentij veluti obducio velo lucem cohibuit, arbitrata facinus, ſi ab illius inceſtis oculis conſpiceretur.

Mitto hic Patres Ampliſſimi, à teterriſimo tyranno iniuriam irrogatam numini, dum illam Sapientiz regiam, amentiz inſignibus illuſit. Mitto paulo poſt apud Pilatum iterum renouatos Sacerdotum, auſcoſque clamores, quibus innocentis vitam ad necem Crucis expoſcunt, quibus Cæſaris nomen iudici tremendum reddere conantur, quibus eiſdem iudicis de Chriſto liberando ſententiz, efferatis animis obſiſtunt. Mitto poſthabitu Deum ſceleſtiſſimo graſſatori, ac totius Hebræz gentis calamitati. Mitto denique tantæ iniuriz vltionem ab Hebræis in ſe, ſuiſque liberis vltro ſuſceptam. Illud, illud dicam, quo nihil dici poteſt, ſingue crudelius. Ferus ille, vel in ipſa dementia iudex, ut innocentis ſanguinis ſtim in Hebræorum animis æſtuantem, eiſdem innocentis ſanguinis alluue reſtingueret. Chriſto mandat è toto lacinato corpore ſanguinem extra-  
hi, ita.

hi, ita tamen vt spiritus consistat, ne vita perdat. Quid hic numerosum flagitium commemorem, satellitum rabiem, fecundas in odia vires? caduntur virgis, flagellis, loris, virginales illi artus, qui non dicam Romanum animum, sed Deum ipsum includebant. Lacerantur illa membra, conclaue diuinitatis, quæ supremus rerum opifex Deus suis manibus miro artificio composuerat. Pendent iam è toto lacerato corpore excarnificatæ carnis frustra; atque eius sacri cruoris, cuius precio cæli regna sunt venalia, defluentes in terram riui, impiorum pedibus proculcantur. Vitam eripuissent, nisi ad Crucem destinassent. Neque tamen his feritatis finibus contenti carnifices, excitant animos ad immane ausum, ad inauditam ab omni æternitate barbariem. Audierant ipsum se Dei Filium appellare, Regem felicitatis. Huic tanto Regi hostium rabies parem excogitauit ornatum, qui crudeli ludibrio par doloris, ac dedecoris vulnus infligeret. Cæsaries illa, illa inquam veneranda cæsaries, quam totius vniuersitatis longe, lateque commendat imperium, illud caput, Sapientiæ sedes, cubile honoris, stellis & gloria coronandum, spinis horrentibus redimitur. Manus illæ præpotenti scepro graues, vnius arundinis ignominiam gestant. Illi humeri immortalitatis paludamento fulgentes, ad augendum ludicræ maiestatis calamitosum aspectum, lacera & fœda purpura obsolescunt. Circumstant illum cætus lictorum, ac turbæ carnificum, eius miseræ illudentes, quem immortalibus laudum canticis beatæ mentes extollunt. Desloruerat in eo omnis non solum felicitatis, sed humanitatis decor. Heu quantum quantum ab illo cerneris immutatum, qui in cælo & vbique terrarum est rerum voluptas & gloria.

Non tulit æquo animo tantæ calamitatis effigiem Præses; & cuius pectus innocentæ dignitas vulnerauerat, eiusdem nunc animum expugnat præsentia miserabilis. Tantum igitur infelicitatis Regem, ac miseriarum, tale potius lacerum funus, mortuique spirantis effigiem, in quo nihil diuinum, si illam immensæ innocentæ gloriam excipias, apparebat, Pilatus ad misericordiam captandam eius hostibus, de loco superiore demonstrat. Veretur ne hominis quidem speciem agnoscant. Profert illud ingens Dei arcanum: E C

CE HOMO. Spectaculum visum est ferum, immane, horrendum Dei patientis exemplum. Fregisset commiseratione silices, tigres rabiem exuisset, non tamen ita, ut eorum perditorum animos flectat, aut molliat. Quin ad maiora vulnera, ad mortem ipsam Crucis accendit. Ausa est crudelitas crudelitate, nec continuatur solum, sed geminatur. Suffigendum patibulo proclamant eum, qui nihil ad mortem habebat, nisi quod Solymas, & Galilæam non pedibus magis, quam beneficijs peragrauerat: nisi quod eius sanctitatis fama, orbem terræ, ingenti omnium populorum admiratione peruasera. Concitant plebem, cuius iam infringi animos sentiebant, tantæ commiseratione calamitatis, ut ne prius inde abeat, quàm abstrahat impiissimæ Cruci destinatum.

Summis denique conatibus vociferantur, ut illa ipsa hora, horam dico? illud ipsum momentum sit & damnationis, & Crucis. O scelestissimum iudicem. O generis humani exitiale prodigium! Quem toties declarauerat innocentem, quem inuidia Scribarum sciebat proditum, maximis ærumnis exagitatum, toto corpore afflictum, iamiam pæne animam agentem, Cruci addicit: ipsum tamquam mancipium tradit inimicis, in illum plusquam ferina rabie furentibus, ut pro eorum voluntate in Crucis patibulo pendeat. O funestissimam vocem! Homo impius cæli Regem damnat, ad oblectamentum lanistarum. Hucine illa flagella, illa totius corporis vulnera, seu potius illa totius corporis vna plaga. Ille tantus sanguis in ore, quantus pudor in animo, reciderunt; ut hostium furor impetraret Crucem, uti flagitabatur, eidem offerret crudele illud spectaculum, quod non petebatur. Damnabunt hanc tuam indignissimam vocem cæli, terraque sancta legum iura, inque tuum caput, vltrices flammæ excitabunt; ut non vnius Cæsaris, quem tantum exhorruisti, vindictam; sed totius cæli, ac terræ ultionem arbitrere.

Hic deficit oratio, verba nulla succurrunt, horret animus meminisse. Cernitis oppletas vias, angustum tramitem relictum reo, hinc atque hinc alacrem populum, ubique par gaudium, paremque clamorem. Iam de cæli maiestate triumphat audacia, non spolijs provinciarum, aut auro,



## 154 Fer.vj. in Parasceue.

auro, sed Dei sanguine, eiusdemque miserrimi hominis patibulo, & Cruce conspicua. Victa suprema rerum potestas, trahitur ad supplicium Crucis. Cogitur suis labantibus, ac pæne inter mortuis artibus ferre lignum, non minus ignominia exitiale, quàm pondere: vt quantum oneris magnitudine præmeretur in corpore, tantum dedecoris acerbitate, cruciaretur in animo: & cuius humeris totus mundus incumbit, suis ipse viribus destitutus Cruci succumberet. Compellitur Deus conscendere illum extremum miseræ collem, vt qui sceleratorum fuit supplicium, eiusdem Dei nunc sit carnificina. Vt in eo tamquam in orbis terræ theatro, vniuersus mundus aspiciat, lacerum, ac summè defatigatum Dei Filium, excipi non placidissimo Patris sinu, sed horrendi Crucis ligno. Explicantemque brachia, non ad charæ parentis amplexum, sed ad luctuosissimam mortem. Aspiciat eundem Deum diris clauis affixum è patibulo inter latrones pendentem; ac de rerum summa, hoc est, de suo spiritu cum morte luctantem. Vt ibi denique in eius necem omnium vota conspirent, & ad illius acerbissimos cruciatus tantus hominum concursus applaudat. Quæ quidem & alia id genus innumerabilia reuerentius fuerit cogitationibus integra reservare, quàm ita carptim, iciunæque perstringere.

Dicam tamen Pater Beatissime, dicam vno verbo, quod omnium sæculorum litteris, voce, silentio, admiratione, mentis excessu celebrabitur. Deus: Ipse Deus æternitate immortalis, omni felicitate beatissimus, sempiternæ gloriæ princeps, summique largitor boni, denique seipso non aliunde felicissimus, in tanta suorum dolorum, atque infamiz procella, nullum inuenit portum nisi mortis. Mori vel inter sceleratos, instar est felicitatis, terminat calamitates. Mors efficit vt Deo viuere non sit supplicium, cum ingenti ignominiz nota permixtum. Vita semper felix sua cedit ex arce, atque in immortalitatis propugnaculo mors triumphat, tota rerum contremiscente, ac repugnante natura.

Tantæ atrocitatis spectaculo totius terræ orbis ingemuit, expauere inferi, accurrere mortui, Sol expalluit, saxa ipsa suo fragore tantum portentum complorauere, mundus ipse co-

se totus rerum omnium exitium adesse arbitratus, extimuit.  
Cuius ruinæ iâ iam imminenti ipse rerum omnium Im-  
perator Pater patrociniū subtraxisset, nisi illas  
morientis Filij voces, eximæ clementiæ in-  
ternuncias, excepiſſet, vt iam toti mun-  
do, tam pio sanguine conſperſo,  
tantum facinus cõdemnaret.

Hæc ſunt digna noſtris  
mentibus, noſtris  
lacrymis ſpe-

vbi

talem oportuit eſſe eum, quem  
non aliqua ſui peccati la-  
bes, ſed noſtra ſce-  
lera tam miſe-  
rum reddi-  
derunt.

Secundæ Partis Finis.



1. The first part of the book is devoted to a general  
 description of the country, its climate, soil, and  
 productions. It is a very interesting and useful  
 work, and is highly recommended to all who  
 are interested in the history and geography of  
 the country. The second part of the book is  
 devoted to a description of the principal cities  
 and towns, and the third part to a description  
 of the principal rivers and lakes. The book is  
 written in a clear and concise style, and is  
 highly recommended to all who are interested  
 in the history and geography of the country.

Second Part of the book





TERTIA PARS.  
DE CHRISTI DOMINI  
IN CÆLVM  
ASCENSVM



ORATIO PRIMÆ.



**Q**VANTO PERE gauisus sit vni-  
uersus beatarum mentium Cho-  
rus, cum Christum orbe deuicto  
redeuntem in cælum conspexit, P.  
B. cum mystica sacra hodierno die  
summa recte sentientium læticia,  
& frequentissimo concursu vbique  
locorum celebrata, tum in primis  
hæc nobilissima corona non minus  
præclaris virtutum & dignitatum insignibus, quam mul-  
ta purpura, auro, gemmisq. ornata declarant. Tantam  
enim sacri principis maiestatem, tantum splendorem am-  
plissimi ordinis quid aliud referre dixerim, quam supre-  
mum illum cœtum Dei, Angelorumq. præsentia mirifice  
coruscantem, quo Dominus noster triumphali apparatu  
exceptus est, & ad Patris dextram collocatus? Sunt quippe  
ista, quæ Deo aduultum exhibentur in terris, exempla eor-

rum, quæ geruntur in exlo, ac de sacra Ascensus Domini celebritate annua nobis conuersione repetita ex hoc ornatissimo loco dicere, Angeli munus est non mortalis oratoris. Quæ etenim mens, præter illas purissimas, & ab omni concretionē separatas Christum celsiora orbium fastigia scandentem prosequi, aut cogitatione complecti queat? Obruitur porro animus humi stratus contemplatione rerum altissimarum, vt oculus acerrima quantumuis acie præditus hebetatur tandem, ac deficit, sucalum suspiciens diutius tantæ defixus hæreat immensitati. Tu Christe immortalis, qui in solemni hoc anniuersario die, quo Regium Diademâ sacro capiti tuo impositum est, largiore copia quasi explicato sinum tua dona in homines effundis, da hominem omnino imparem tantæ moli de tuo ad Patrem reditu ea dicere, quæ grata auribus Vicarij tui, non indigna Cardinalibus Amplissimis primogenitis Ecclesiæ sanctæ, omnibus, qui audiunt vtilia sũt, & salutaria futura.

Patrato insigni opere humanæ redemptionis post innumeros exantlatos labores æquum erat Christum Dominum ad eam commeare sedem, in qua finis miserijs, & quies à molestijs promittebatur. Si enim laborem omnem præmium iure ipso consequitur, quis neget maximum Christo præmium debitum, qui maximè omnium laborauit? Tot vigilæ in alienam vtilitatē susceptæ, tot noctes orando traductæ, tot continuata ieiunia, tanta Iudææ & Palestinæ spatia sanctis pedibus emensa, tot ægritudines animi, tot lassitudines corporis, tantus sudor & defatigatis membris emissus, genus denique mortis maxime cruentum, atque sæuum innocenti irrogatum nonne ad sedes illum beatas, ad felicia regna, ad Patris dextram iure debitam vocabant, atque trahebant? Quin etiam cum Spiritus sanctus foret in discipulos emittendus, cuius vim quasi flammam erumpentem generosa eorum corda conciperent, ac spreto mortis periculo Euangelium ad vltimos terræ fines audacter deportarent, nec æterno ita disponente decreto tantum illis bonum Christo in terris agente esset attribuendum (quippe Apostoli eius conspectu mirifice delectati nihil maius cogitabant, ac præsentē humanitate, quæ cernebatur oculis manibusq. tractabatur in diuinitatis contemplationē minime,

nime, vt par erat, erigebantur) oportuit Christum ē me-  
 dio recedere, ac sui conspectum tantisper subtrahere, ne  
 Diuini Spiritus communicatio, & Euangelij promulgatio,  
 bona quibus neque meliora vnquam neque diuiniora mor-  
 talibus contingere, impedirentur. Declarauit hoc Domi-  
 nus Magdalene illi electa faucibus sagitta, ac nimio magistri  
 sui amore languenti, cum eam accidentem ad genū, & in  
 consueta pedum oscula ruentem prohibuit: Noli me tan-  
 gere, inquit, nondum enim ascendi ad Patrem meum. IOH. 20.  
 hominem quippe quem vides, & amas, manibus atrecta-  
 res, nec in diuinitatis cogitatione venires, si corpori quod  
 oculis subiicitur, mente inhereres: Sed altius quid concipe,  
 & Diuinam suspice naturam, quam tunc maxime in-  
 telliges, cum orbis denicti spolijs onustus reuersus fuerit  
 ad Patrem. Neque illud omittendum, quod cum nouo &  
 humanum caput excedente sacramento Christi humani-  
 tas a verbo in hypostasis fuerit communionem assumpta,  
 & ad diuinitatis participationem vocata, decebat vt eam  
 quasi propriam, & naturalem sortiretur sedem, in qua Dei  
 maximē potentia & beatitudo relucet: Cælum autem Deo  
 sedes est, cælo eius potissimum maiestas ostenditur, cælo  
 inexhausti infinitæ eius bonitatis thesauri continentur, in  
 cælo denique cum separatis a mortali concretionem menti-  
 bus beata ille fruitur æternitate. Denique Christus in Mun-  
 dum a Patre missus fuerat arcana voluntatis exequutor, &  
 magni consilij Angelus, peracto igitur ex sententia opere,  
 ad quod venerat æquum erat eum quasi de se bene gesta co-  
 ram acturum in mundo redire ad Patrem. Quare destructa  
 morte, exturbato demone, fractis inferorum portis, lu-  
 stratis profundis terræ partibus, non quibus cæca nox offu-  
 sa æterniq; cruciatus indit; sed queis patres nostri quies-  
 centes in sinu Abrahamæ continebantur, ijsque in hanc lucem  
 eductis, iactis firmissimis Ecclesiæ fundamentis, onibus  
 optime dispositis atque prouisis discipulos quadraginta  
 dierum colloquio confirmatos in Oliueti montem euoca-  
 uit, vnde septus magnis agminibus Angelorum ne dum eo-  
 rum quos proxime sedentes in tenebris, & vmbra mortis  
 ad vitam euexerat, cunctis cernentibus atque stupentibus,  
 mirante natura, plaudente vniuerso choro Beatorum in al-  
 tum sublatus, ac nube lucida quasi Regio vehiculo exce-



ptus, in Cælum ferri cœpit. Quo in itinere, breuissimo momento nullo labore confecto quas quantium Angelorum, acclamationes, quas voces laudantium Dominum, quas gratiarum actiones, quam plenas lætitiæ, & voluptatis fuisse existimamus? Non vidit oculus, nec auris audiuit quæ fortissima illa sanctorum acies in Imperatoris sui triumphantis laudem egit, & decantauit. Vos ò Cælestes animi qui vicissim in ea pompa ducem vestrum effusis viribus collaudastis, vestramq. lætitiā non vno argumento significastis, vos tantæ gloriæ spectatores atque testes dicite, nobis quæ ibi gesta sunt, & in grati animi significationem commemorate. Primus, vt opinor, nobilis Choreæ ductor Adam incedebat propagator humani generis, magis de salute posteritatis quam seruaturam intuebatur exultabundus, quam olim fuerat de perditâ sollicitus. Aderat Eua communis mater tanti causæ mali, & infinitam illam hominum multitudinem astris mox inferendam, aspiciens, o felices; clamabat, dolores partuum meorum, posteaquam ad supera explenda in utero gestauī, & peperī. ò felicissimas, addebat alter, spinas, ò dulces tribulos & terræ mihi germinatos, quos vita ista beatissima, & in omnem æternitatem duratura consequitur. Nos insensati, & exempla nouissima meriti in turpe rueramus peccati seruitium, quo vniuersam traxeramus posteritatem. Sed tu Christe seruasti quos perdidimus, reparasti quos destruximus, extulisti quos depressimus. Longo his intervallo succedebat Abraham vir vehementissimi spiritus, & exploratæ in Deum voluntatis, ac filium Isaac manu tenens, hunc aiebat, quem à te vnicum habui solatium senectutis, spem successionis, libentius tibi obtuli, quam acceperam. Paterni oculi in filij mox patranda necesse sicci ingens opus animi, & fidem in te eximiam testati sunt.

Equidē non delectabar parricidijs aut aris humano sanguine. Barbara crudelitate respergis. Te te vnicum Dei Filium tota hæc actio representabat, te primam victimā, puram, innoxiam ob aliena scelera immolandam; Sed tu immortalis existēs à Patre traditus es vt morereris, iste mortalis natus à me oblatus est non moriturus. Magnifica fuit ista vestra nobiscum liberalitatis concertatio: Ecce vberimos te-

## Oratio Prima.

5

mos ferimus hodie obedientiæ nostræ fructus, quales, ne si vitam ambo iussi profudissemus, deberi nobis esset existimandum. Excipiebat Abraham orationem Iacob legitima, soboles tantorum patrum, Ego, inquam, peruigil pastor ouium, patientissimus laborum, contemptor æstus, atque frigoris iniurias cæli quatuordecim annos toleraui, ut pulchra tandem Rachele frui liceret; an me leuitates consecratum amatorias quis arbitretur, nec in Rachele quid altius fuisse meditatum? Vita ista felicissima, cuius iam compos tuo beneficio effectus sum, in formosa Rachele mihi agnita, ad quam non nisi per Liam vitæ operosa imaginem gradum facere licebat. Hos inter, Hebræos Iob ille cernebatur grande & singulare patientiæ documentum, qui nullius conscius flagitii vidit quod esset in vita calamitatis extremum, clamans, Ego, cum scaterem vlceribus, rasi testa saniem corporis, quasi typus effectus diuinæ dispensationis; qua mortalis corporis testam ex Virgine induens nostram immunditiam absterxisti. Spoliatus fortunis, orbatus filijs, desertus à domesticis, omnibus ludibrio expositus, inibi metipsum demum grauis effectus, tandem exi te miserante squalorem, bonis omnibus magis quam antea locupletatus, te te innuens Cæli Regem, qui e ventre materno sub humili casa exceptus frigore, & nuditate laborasti, constitutus in maxima egestate famem, & sitim, moderatus aliquando es nunquam expleuisti, continuis tuorum maledictis impeditus, proscissus conuitijs, vexatus iniurijs, flagris ad percussorum defatigationem cæsus, mor te turpissima multatus, ita demum toto corpore affectus ut nulla in te membra non luxata, deformataque remanerent, repente reuiuiscens vi propria sole clarior victor, triumphatorque apparuisti. Lucent cicatrices illæ manuū atque pedum tuorum pyropo fulgentiores, corona ista spinea ò quorū capita mox coronabit, asperitatem vitæ in delicias vertens; ò quanta religione sacra illius tempora cinget, qui Hierosolyma pijs Gallorum & Italarum armis immortalī gloriæ à Saracenis recepta, indignum ducet in ea vrbe auream gestare coronam, in qua tu spineam acutissimis capiti sentibus defixis portasti. Splendescet propediem in diadematis Regum Crux ista tua, adeo hactenus inuisa: ipsa Roma orbis Regina ad speciosos discipulorum tuorū pedes

pedes mox prouoluenda, superbas moles in virtutis ac munificentiz suæ monimentum erectas salutarî crucis vexillo subiiciet, lætabunda magis quod ad piscatorum pedes factum deposuerit, quam quod immania de superato quondam orbe trophæa statuerit. Sed & Moses mitissimus mortalium, hunc verum dicebat exitum de Aegypto atque securum transitum Rubri maris, nec non Iolue diuisor promissarum à Deo sedium hanc veram assererat promissionis terram, in quam filij Israel essent per spiritum introducendi. Vberiores quippe campos in cælo. sedes latiores, dulciores fructus, suauiores aquas, iucundiora memora, auram salubriorem. Hanc auram, hæc memora, hæc aquas, immensum illum laborem in sæda Aegyptiorum, seruitute excutienda susceptum poposcisse, ad hos fructus, ad has sedes, ad hos campos per maximas difficultates festinasse, nihil prorsus de sæculo appetere, quos diuinâ bonitas facit sæculo superiores. Iam verò Salomon omnium quotquot vnquam fuere sapientissimus, natus, & educatus in regnatrice domo, castissimarum inter Christum, & Ecclesiæ nuptiarum decantator suauissimus, quenam in perfecta illa animæ cum Deo coniunctione recitabat Epithalamia? qualem eo die harmoniam ediderit satis eius cantica docent, quibus non profani amores vlli, verum, hæc naturæ humanæ supra sydera collocata, ac in delicijs à Deo habitæ dignitas, & venustas celebratur. Tu quoque Hieremias lugubris auctor carminis, qui Hierusalem dirutam flebili lamentatione, & amaro animo suspirans atque ciuium deplorasti, deposuisti in eo triumpho mœstitiæ omnem atque squalorem, & oblitus vastitatem Templi, ruinas vrbis tuæ hanc nouam Hierusalem in cælo adificatam suspiciens terrena illa longè meliorem lætabaris maxime atque plaudebas vsurpans illa Dauidis, Posuisti Domine planctum meum in gaudium mihi, conficidisti sacrum meum, circumdedisti me lætitiâ, vt caneret tibi gloria mea, & non compungar. Aderant & septem fratres Machabæi, quorum vnus post alium velut in fluctuum iactatione ad supplicium raptus est, & mortem tunc superarunt, cum adhuc inuicta perseverans terribile quiddam atque tremendum spiraret. Hi permisi infantibus illis Christo coetaneis, quos veluti flores nouellos aratro successos Herodiana

rodiana rabies e medio sustulerat, grates Domino agebāt, quod cum lauisent stolas in sanguine Agni, in eandem cum illo felicitatis partem vocarentur. Par læticia eademque exultatio cernebatur in sanctis mulieribus quamplurimis quæ vilissimis huius sæculi voluptatibus minimè mancipatæ fœminea vitia deposuerant; has inter Susanna pudicitia impenetrabili, & egregia in Deum, & virum fide, ne non Iudith illa virilem in sexu fragili animum sortita, in gensque molli manu Holofernem armatum trucidando, atque adeo inauditum ausa facinus. Et quæ obiecit caput suum communi tempestati ut à Dei populo depulsa in se vnā furens crudelitatis procella redundaret, Esther inquam, singularis animi fortitudinis exemplar maxime illustres apparebant. Supra omnes vero David bellator fortissimus, propheta, ut si quis alius, perspicacissimus, non iam citharam tractabat leuem & exilem, sed in Psalterio Decacordo fidibus maxime tensis celebrabat laudes Imperatoris sui, ac dulciora quam vnquam carmina fundens maiori tripudiabat alacritate, quam cum Arcam Domini reducens Rex clarissimus ad organum spectante populo totis viribus cecinit atque saltauit. Huiusmodi faustis acclamationibus, quantum pie in diuinis meditari fas est. Christo, super astra scandente cælum resonabat donec in paternos ventum complexus, & communicata cum Angelis læticia, iteratis plausibus, geminatis gratiarum actionibus Dei dextra illi attributa est, & summa cæli terræque potestas confirmata. Atque hæc fuit humanæ redemptionis periodus, hic triumphatoris Christi reditus ad Patrem. Roma similem nunquam vidisti triumphum, etsi pampis plus æquo dedica ciues tuos orbis deuicti spolia referentes effusa per vias & suburbia insigni sæpe honore, & apparatu plusquam regio exceperis. Quicquid in amplitudine tua nouum fuit, & mirabile, vilescit triumpho comparatum hodierno. Parum est quod dico, sed maiora mens concipit quam exprimere possit oratio. Christe, Christe Maxime, & Potentissime, etsi supra cæli ambitum ascendisti, & pede orbium altissima premis iudicaturus viuos, atque mortuos, non tamen ima despicias, neue nos humo reptantes contemnis, ita enim per os David promissisti: Excelsus Dominus & humilia respicit, & alta, idest, profunda de  
longe

longè cognoscit. Dies iste dies est lætitiæ & exultationis, dies quo cæli atque terræ sceptrum accepisti, dies muneribus diuidundis destinatus, dies quo minime decet quemquam à te non voti compotem recedere. Quæ à te fonte perenni bonorum omnium flagitamus hæc sunt: Ecclesiam sanctam repressa Barbarorum feritate ad ultimas terras extendere. Beatissimum, Optimumque Pontificem tuas gerentem vices saluum, & incolumen, Cardinales Amplissimos sacri firmamenta Principatus bonis omnibus cumulos diutissime conserua, omnes demum qui festum hunc diem in Ascensus atque Triumphus tui memoriam læti agitamus, eiusdem in cælo gaudij fac esse consortes.

## ORATIO II.



**INSIGNEM** Redemptoris nostri hodie Cælum Ascendentis Triumphum, præclarum de tam magna parte victoria Trophæum Oratorijs numeris adumbrare æque maximum ac difficillimum est B.P. Quis enim unquam tanti Triumphatoris gloriam vel ipsis beatis mentibus præsupere ac nouitate clamantibus: Quis est iste, qui ascendit de Edom tinctis vestibus de Bosra? nisi diuina præditus eloquentia verbis percensere, aut oratione persequi valebit? Regem atque Imperatorem nostrum non ut olim suos Cæsares Roma laurea redimitos ambitiosa Triumphus pompa conspiciuos acclamantium vndiq. turbis & inhorrescente armorum militum acie stipatos præunte Senatu in aurato curru albis quadrigis Capitolium inuestos videmus, sed diuinæ maiestatis specie augustissimum cælesti gloria circumfusum purpuratam atque immortalitratibus ornatum, summum Cælum propria vi propriaque virtute penetrantem humanum corpus, nouam quadam atque insuetam naturam varietate, polo ac sideribus inferentem ad summum illud Deitatis fastigium, cuius celsitudo, & mortalis oculi aciem hebetat,

## Oratio Secunda

9

hebetat & humanę cogitationis captum superat, super vententem, atque exaltantem cernimus. Trophæum opimis Tartari spolijs abducta præda hostilibus armis crucis, atque immaniſſimi Tyranni catenis grauem & glorioſum coſpicamur. Quod ſi in tanto ac tam mirando ſpectaculo triumphantis Eccleſiæ vocibus ad pſallendum, & concinendam Aſcenſori noſtro gloriam inuitamur, Regna terræ cantate Deo, pſallite Domino, pſallite Deo, qui aſcendit ſuper Cælum Cæli ad orientem, liceat & mihi cum militante Eccleſia panegyricum illud ingeminare: Aſcendens Chriſtus in altum, captiuam duxit captiuitatem, dona dedit hominibus. Sed vndenam tantæ laudationis ducam exordium? Tanti numinis maiestate percuſſus, tanta dicendarum rerum mole ac magnitudine obrutus, niſi diuino aſſante ſpiritu, inde Aſcenſoris noſtri gloriam dicere aggrediar, vnde deſcenſus ipſius humilitas traxit originem. Vna porro, atque eadem cauſa fecit, diſcenſus & aſcenſus, ſummus amor, ſumma charitas, qua Deus humanum genus eſt proſequutus: hæc enim vt deſcenderet Chriſtus cauſa fuit, Sic Deus dilexit mundum, vt Filium ſuum vnigenitum daret: quod ſi hæc cauſa fuit deſcenſus, hæc eadē quoque erit aſcenſus: Ne mo. n. aſcēdit in Cēlū niſi qui deſcēdit ē Cēlo. Ante igitur de ſingulari ipſius amore in ſuſcipiēdo certamine dicam, quam de laude victorię. Quid tibi erat Chriſte, cū inferiore natura, cū humanę cōditoris vicibus, & miſeria, toto quippe impetu in pugna ferebare torrēti ſimilis amni, quē abruptę radicitus ſiluę & conuulſa funditus ſaxa ſequerentur. Illis pugnare fas erat, quibus ſuo cuiuſque malo tantę ruinę calamitas ingruerat. Tu ex cuius nutu omnia pendent, omnia gubernantur, in tantum diſcrimen venires, inter tot labores, inter tot anguſtias verſareris, quis à te hoc exigebat, aut cui cogitare fas eſſet mortis imperio quidquam in Deū licere, deceat Deum vitam largiri, non mortis iacula experiri. ſed hæc tanti tibi fuit cauſa deſcenſus, tam magnę extitit occaſio humilitatis, vt aſcendens hodie hominem, ad ſublimia promoueres, Cæli ſedibus irrogares, innumeris & ingentibus beneficijs cumulares. Aſcendens Chriſtus in altum, captiuam duxit captiuitatem, dona dedit hominibus. Aſcendit Enoch in altum, ſed non propria vi: tulit enim illum Deus, & non apparuit. Aſcendit Elías, ſed cur-



rus igneus sustulit eum . Ascendit vero Christus propria vi, propriaq. facultate videntibus enim discipulis sublatus est . Quod si nubes suscepit eum ab oculis eorum, hoc minime causa fuit ascensus, sed signum ascendentis: velut enim ignis, & currus igneus Eliæ assumpti symbolum præstitit; ita nubes Christi cælum scandentis indicium demonstrauit: in nube enim tamquam in signo diuinæ potentie ascendit, in nube posuit ascensum suum . At vero & assumptus est Christus monstrantibus Angelis, Hic Iesus, qui assumptus est à vobis, sed ipse qui tanquam homo assumptus est, Hic idem veniet, sic enim veniet, quemadmodum vidistis eum euntem in cælum: vnus enim est Christus, qui in diuinæ hypostasis vnitæ utramque retinet naturam, diuinam quam innumeris iam ante sæculis habet, & humanam quā in tempore suscepit . Ita vnus est, qui assumitur Christus, & qui ascendit Christus, velut etiam vnus, qui suscitatur Christus, & qui seipsum suscitatur Christus . O eximium, & præclarum spectaculum, quod nulla temporum series abolebit, nulla hominum memoria conticescet! Eam quam paulo ante Diuini numinis maiestatem mortali carne obuelauerat, hodie sublato mortalitatis velo omnibus manifestat. Splendet corpus, & radianti Sole lucidius gloriosum apparet, neque amplius sua mole grauatum, sed omni leuitate leuius, & omni agilitate agilius, sedet supra nubem, leuē, & ambulat supra pennas ventorum, transcendit cælum, neque illi orbium soliditas obstat, sed dote subtilitatis præditum corpora ipsa non peruia, atque indifsecta permeat. Iam illa manibus, pedibusq. inflicta vulnera, non amplius ad dolorem extant, sed ad gloriam coruscant: omnem namque doloris sensum prorsus abiecit immortale redditū corpus . Ascendens inquam Christus in altum, neque solus ascendit, sed multorum comitante cœtu, stipat illum frequens Angelorum agmen, qui lætis plausibus potentissimi Regis gloriam prosequuntur. Victori emerito, aulae celestis portas referari conclamant, pugnam prædicant, labores extollunt, victoriam laudibus, & encomijs exornāt, Attollite portas Principes vestras, & eleuamini portæ æternales, & introibit Rex gloriæ. Excipiunt cælitæ tantæ exultationis voces, & summi Regis potentiam admirati, venerabundi simul, atque stupentes clamant, Quis est iste Rex gloriæ?

## Oratio Secunda.

II

gloriz? sed illis statim vndique reboante polo respondetur, Dominus fortis, & potens, Dominus potens in prælio. Fortis enim hic Dominus ante descenderat, vt fortem inimicum, qui vicerat, fortior ipse vinceret, & superaret: potens qui deiectum hominem extolleret, & iacentem, ac deperditum erigeret, ac saluaret. Hic Dominus, qui fortis, & potens descenderat, hodie iam fortis & potens in prælio deuicta morte, attrito diabolo, gloriose triumphans ascendit. Sed neque agnoscunt illum, cuius rubra sunt vestimenta ex humanorum malorum torculari. Itaque rursus comites eius vocibus illis interrogatur, Quis est iste Rex gloriæ? respondetur autem non amplius, Fortis & potens in prælio; sed, Dominus virtutum, qui omnium principatum obtinuit; data est enim illi omnis potestas in cælo & in terra, qui omnia in se ipso collegit, qui pristinum in statum cuncta restituit, ipse est Rex gloriæ. Comitatur multorum turba, quos ipse spoliato inferno, debellato crudelissimo hoste, superata morte, secum in triumphum adducit, & teterimi carceris repagulis confractis, morti atque diabolo ex peccato acquisitum ius auocans, captiuam ipsam ducit captiuitatem, dona dat hominibus: sed quæ dona? Discipulis suis pacem & benedictionem, pacem tranquillitatis, pacem benignitatis, pacem charitatis, atque dilectionis. Benedictionem omnia largientem, affluentissime ditantem, quid quid ad beatitudinem opus est tribuentem, eos, quos secum adduxerat, caelesti gloria, & in omne æuum duratura felicitate muneratur. Humanam vero naturam in tantam dignitatem, in tam magnam sublimitatem extollit, vt eam, supra omnes orbes, supra omnes Angelos, supra creaturam omnem in ipso Trinitatis solio collocarit. O lætitiæ memorandam, o exultationem perpetuis hominum, & cælitum laudibus celebrandam! Gestiunt elementa, lætantur homines, gaudent Angeli, Deus ipse in sua, ac propria iu-cunditate lætatur, ridet terra tanti Regis calcata plantis, & tanti accepti honoris monumentum diuinis impressa pedibus vestigia retinet, & conseruat, gestit aqua, gestiunt maria, tam magnis illuminata luminibus, ac velut speculum, perpolitum oblato triumpho referunt imaginem, gestit aer tanta serenitate præditus, tantis fulgoribus illustratus, tot ac talibus melodijs, atque Angelicis concentibus pulsatus,

& sanctissimi contactu corporis honestatur, gessit ignis longe maiori hodie micans lumine, & qui aliàs ascendentibus Dei ministris præbuit famulatum, nunc Ascendenti Deo, ac Domino collucet & coruscat, exultant homines, quibus si antea Christi resurrectio spem attulit, nunc eiusdem Ascensio gloriam portendit, concinunt Angeli, & lætis choris modulamina fundunt Regem suum videntes triumphato crudelissimo hoste manubias reportantem. Latatur æternus Pater oblatum donum miratus, quod & tanta dignitas offerebat, & quod offerebatur nulla macula fœdabat. Oblatum suis manibus suscipit, & in sede suæ dexteræ collocat. O felicem, o faustum, o beatum diem, qui Deiparæ semper Virgini, qui Apostolis, qui toto demum humano generi felicissimus illuxit! quantis lætabunda exultat gaudijs, Virgo mater carnem, quam è purissimo suo sanguine Deus ipse susceperat non in adoptionis communione, sed vtraque salva natura in diuinæ hypostasis vnitatem ad sublimem maiestatis gloriam, ad summum altitudinis apicem sublatam videns. Quantis exultant lætitijs Apostoli Regem suum sessurum in throno ascendere conspicati, qui olim duodecim illis sedes pollicitus fuerat ad iudicandas duodecim tribus Israel. Quanta replentur iucunditate cælites instauraram sui ordinis ruina videntes. Quanta gessit humanum genus lætitia, Principem, atque Imperatorem suum defensorem, Patronum, ac Tutelarem ad dexteram Paternæ maiestatis ascendere prospiciens, sublati manibus, clauorum vulnera pignus nostræ redemptionis ostendere extensis brachijs dehiscens latus omnis salutis promptuarium patefacere ad iustam Patris iram, aduersus nostra scelera, excitatam, compescendam ad emerita nostris delictis supplicia auertenda, ad diuinam nobis gratiam conciliandam. Quod si Dominum immutata nostræ naturæ conditione, ex mortali immortalem cælesti gloria circumfusus plaudentibus Angelis triumphata morte, alligato diabolo cælus ascendentem hodie contemplamur, etiam nos interioribus, atque exterioribus gaudijs affici, & repleti par est, si enim ascendit Christus, & nos ascendemus, sed ascendit superato diabolo: deuicta morte exterminato peccato, ita & nos nostrum secuti Ducem superatis diaboli artibus, debelatis carnis illecebris, conculcato mundi fastu, cum Christo glorio-

glorioſe aſcendemus operum innocentia, cogitationum integritate nitentes. Quis enim aſcendet in montem Domini? aut qui ſtabit in loco ſancto eius? Innocens manibus, & mundo corde. Ita Chriſtum eundem comitati, eundem deinde redeuntem in nubibus celi, in clangore tubarum, in fragore tonitruum minimè pertimeſcemus, ſed cum ipſo ad immortalitatem, ad gloriam immutabimur, Aethereas ſedes conſequemur, & æterna cum ipſo beatitudine perfruemur.

## ORATIO III.



ON erat cur Dei Filius de bellato humani generis hoſte, Patris longè, ac latè propagato imperio, diutius in terris moraretur, & partè victoriæ ratio poſtulabat, vt mortalibus in libertatem vindicatis, euerſa mortis iniuſta tyrannide, fundata vbique terrarum lætiſſima pace, triumphans in cælum renereretur, vt ſudori præmium, labori merces; pugnæ victoria, victoriæ par eſſet triumphus. Ac mihi quidem, Beatiſſime Pater, in pompam illam, qua Princeps Regum terræ poſt diuturnum bellum in patriam reuerſus eſt, intuenti, adeo ſupra humanum & captum & facultatem eius explicatio videtur, vt ſupra humanum illius amplitudo fuiſſe modum videri iure omnibus conſuevit. Dicam igitur de multis, pauca de maximo Chriſtianæ religionis myſterio, timidè, vt par eſt & parcè dicam, ac prius de incredibili huius triumphī maiestate & ſplendore, tum de ijs quæ Imperator noſter ſuo triumpho nobis peperit. Sed vnde poſſimum exordiar à Sanctiſſimorum Vatum oraculis, an ab Euangelistarum enarratione? ab Apoſtolorum mœrore & lætū, an à Chriſti triumpho & gaudio? à Cæli ſerenitate, an à nubium ſubito concurſu? à veſtigijs in lapide impreſſis, an à deſiderio in viſceribus relicto & medullis? ab

Ange-

Angelorum vocibus, an ab hominum admiratione & silentio? ab eo quem Deus vnxit oleo lætitiæ, an ab Oliueto monte? Ex hoc enim Christus in cælum proficisci voluit, vt inde cæleste Capitolum triumphans subiret, vnde non ita multo ante Hierusalem ouans fuerat ingressus, & qui è monte conscenderat. Crucem, è monte quoque in triumphalem suæ virtutis, ac potestatis currum in regnum euehendus patrium, insiliret. Hic itaque tanquam in totius Orbis terrarum Theatro magna discipulorum frequentia, librat se se in aere, liberoque, ac soluto volatu beatis illis spectantibus mentibus, sanctissimis admirantibus seminis, mundoq. ipso obstupesciente sanctissimum Christi corpus in sublime fertur, aeris mobilitatem superat, soliditatem penetrat cæli. Quid mihi Enoch sanctissimum Vatem, quid mihi Eliam igneo curru in cælum delatum commemoras? non manu factò vehiculo ait sanctus Cyprianus, non alarum remigio, non Angelorum humeris, sed diuina potestate Christus ad felicissimas beatorum sedes deducitur.

Rectè Vir sanctissime, ac iure, horum enim ope ne indigeret, vt gloriosus esset, ipse facit, cuius illa ope indigent ne sint omnino nihil: Quid commemorem mortalitatem hanc nostram in immortalitatis sinu collocatam, corpus hoc corruptibile ad sedem incorruptionis euectum, nostram inopiam & mendicitatem æternis diuitijs & gloria ornatam, nostram nuditatem inextincto splendore amictam, qui neque solis euinentibus radijs obruatur, neque ventorum iniurias pertinescat, hominem hunc natum, è luto fictum & argillæ ad præpotentis Dei dexteram constitutum, humilitatem ad supremum dignitatis gradum euectam, has carnes, quam circumferimus, hunc cinerem, hunc puluerem, hoc lutum, sideribus, cælo, diuinæ sedis maiestatis illatum? Iosephum quidem virum innocentissimum, qui exteris primo hominibus flagitiosissimo mercatu à fratribus addictus, deinde diuturno carcere ab impudica femina per summam iniuriam inclusus fuit, per medias calamitates, per odiâ, per contumelias, per iniurias ad Ægypti Imperium viam sibi aperuisse sacræ, diuinæque litteræ testantur.

Præclara hæc quidem, ac mira omnibus esse, & quidem rectis-

reſiſſimè videntur, ſed quanto admirabilis Chriſtus non ſolius Ægypti, ſed totius orbis terrarum, non vnus gentis, ſed omnium hominum Saluator ad mundi imperium iter habuit? Proditus enim ab amicis, vinctus ab hoſtibus, inſimulatus à Iudæis, damnatus à Romanis, deluſus à Regibus, ſp̄retus à Sacerdotibus, à Milite contumelijs, à Liſtore verberibus affectus, cruciatibus, opprobrijs, virgis, criminationibus, maledictis, ignominijs, alapis, ſanguine, cruce, morte, ad ſupremum rerum omnium principatum peruenit: vt facile appareat quantum illud eſſe regni ſaſtigium oporteat, quod tanti vel ipſi Domino fuerit acquiſiſſe. Vbi nunc eſt Mors victoria tua? vbi Inferre gloriatio tua? O diem poſt hominum memoriam maximam, ò commutationem inauditam, ò incredibilem huius diei viciffitudinem!

Ille, Cardinales Ampliſſimi, qui pauloante reus capitis ad tribunalia traheretur, viuorum omnium & mortuorum iudex renunciatur, qui morte damnatus eſt, auctor eſt vitæ, qui parebat hominibus, imperat Angelis, qui pauebāt in horto, terrèt à cælo, qui ſudabat ſanguine, ſplendet purpura, qui latronum ferebat ſupplicia, regium geſtat ſceptrum, qui pendeat in Cruce, regali ſedet in ſolio, qui cum latronibus cruciabatur in terris, cum Patre regnat in cælo, qui Barrabæ fuit poſthabitus, cælitibus antetertur, qui non habebat ſpeciem, neque decorem, factus eſt ſpecioſus præſilijs hominum.

Vbi nunc ſunt qui conſilium inibant vt Ieſum morti traderent? videant illum hodie cælo quaſi ſignum quoddam geſtibus vniuerſis ad bene ſperandum ſublatus, ne illos quidem ipſos excludens à quibus? æquitatem, humanitatemque ille omnem olim ſibi deſperauit. Vbi ſunt qui armabant cohortes? cernant hodie fortiſſimum Deum exercituum innumerabilibus Angelorum legionibus vallatum. Vbi ſunt qui pleſtebant ſpineam coronam? ſpectent vigintiquatuor ſeniores deponentes coronas ſuas ante ſedem Agni. Vbi ſunt qui clamabant, Non habemus Regem niſi Cæſarem? Legant in Chriſti veſte, Rex Regum, & Dominus dominantium.

Quid multa confeſtor? vnum omnia complectitur, ſi vnū rectè exponatur, ſi audiatur attentè, ſi ſuis expendatur momentiſ



mentis, reliqua sileri, præteriri possunt.

Condiderat hominem Deus, atque ita condiderat, ut si æquissimæ vni pareret legi, vivens in cælum eucheretur, sin secus perpetuo beatorum domicilio excluderetur. Verum cum infelix ac miser contra eam egisset legem, obiecto huius primogeniæ culpæ quasi vallo ita sibi cælum obstruxerat, ita omnem in cælum obcluserat aditum, ut nemini ad illud aspirare fas esset. Quid hic ageret Deus? cuius natura, ut ait S. Leo, pietas, cuius voluntas misericordia est, ipse quidem nec homines opus habebat, quippe seipso contentus, felicitatis intra se continens fontem, si quid extrinsecus ad perfectissimam expeteret felicitatem, Deus non esset, nec vlla vel ratione, vel lege cogebatur, ut eos qui sponte Beatorum sedibus concesserant, in pristinum reuocaret dignitatis gradum, & nostra flagitia postulabant ut hæreditate, quam nostra culpa amiseramus, nostram ad pœnam perpetuo careremus.

Non tulit tamen clementissimus Pater diu filios paternæ domo excludi, non tulit ille qui nostra causa teterrimas sibi, ac voluntarias consciuerat misérias, ut exules diu vagamur, & inopem vitam traheremus verius, quàm ageremus. Cogitavit igitur nobis rursus iter ad cælum communire, cogitavit interclusum beatitudinis aditum tanto benignius, atque amantius aperire, quanto maius est in ingratos iterare beneficium, quàm conferre, nec vero cogitavit & non potuit, potuit enim qui omnia potest, cuius imperio subiiciuntur vniuersa, quis enim tuæ Domine resistere potest voluntati? Disturbatis ergo repagulis, effractis claustris, reuulsis obicibus, humani generis Saluator optimus conscendens cæli fores, quæ ab ipso mundi nascentis exordio ad eam usque diem mortalibus omnibus claudebantur, non verbo, sed facto, non voce, sed re ipsa tentauit, reserauit, aperuit, nobis omnibus patefecit, viamque mortalibus strauit amplissimam. Exules filios Euz longo postliminio reduxit in patriam, eos qui teterrimo carcere detinebantur ex abditis inferorum cauernis, ad lætissimam Cæli Regionem, ex tenebricoso ergastulo ad Regales Aulas, à tenebris ad lucem, à desperatione ad spem, à morte ad vitam reuocauit. Hodie Pater Beatissime, bonus pastor ouem, quæ longe ab ouili errauerat, suis humeris refert ad caeleste præsepe.

sepe. Hodie Pontifex Opt. Max. Cæli ianuam tanquam expiationis, & vt nos loquimur Iubilei portam longa per sæcula aperuit. Hodie summus Sacerdos Melchisedech ingreditur Sancta sanctorum æterna redemptione inuenta. Hodie Princeps pacis Cæli portas quasi iam fores aduerso Ethnicæ superstitioni more ad perpetuum pacis referat monumentum, Hodie summus Patriarcha Iacob suas turmas è Mesopotamia reuehit in patriam, Hodie natura humana ad Cælestis Regni possessionem vocatur. Hodie felicitatis æternæ accipimus auctoramentum. Quid hic agimus Cardinales Amplissimi, palmarum à Christo accipimus beneficium, quando in æternitatis possessionem venimus.

Quo ergo animo, qua voluntate, qua religione eum colere, ac venerari debemus, à quo cuncta accepimus, quid non debemus ei cui debemus omnia?

Ille nos abiectissimos, atque adeo improbos seruos in Regni sui societatem vocauit. Ille nos amplissima rerum omnium possessione ditauit, eamque cum amiseramus restituit. Ille nobis cæleste regnum donauit, quod hodie quasi vsucapiens iterum reddidit, Ille è regalibus dilapsus est sedibus, vt in cæleste domicilio nos representaret. Ille nos non è mortalitate verius quam à morte extractos ad immortalitatem reuexit: Ille se in teterrimas mundi tenebras demersit, vt nos ad cælestem lucem transferremur.

Quid ergo nos illi? quid inquam illi nos? Beatissime Pater, hoc est Regi, Domino liberatori, reparatori libertatis, salutis auctori, vitæ largitori, Redemptori, Deo, serui, capriui, mendici, nequam, ingrati, hostes, & quod semel omnia, complectitur, homines. Si nostra illi obtulerimus, si libertatem, si vitam, si nos ipsos, vel sua illi obtulerimus, vel nihil, sed ita sit sanè nos ipsos nostro Regi, ac Domino offeramus, quoniam que illius est humanitas sua, tum denunt, ille sua credit, si ea nos illi vt nostra, offeramus, nostramque illud nihil, tum esse, nihil desinet, cum omnium donum, ac procreatoris thesauris inferetur.

## ORATIO III.



3. Reg. 2.

ODIERNI triumphi Pater Beati-  
 ssime, noua, & inaudita species  
 ab Ecclesia Sancta Dei filiorum  
 suorum oculis anniuersaria cele-  
 britate monstratur, & fulgore suo,  
 vel diuinarum mentium aciem  
 præstringit, cum auctor nostræ sa-  
 lutis Christus nouo pugnandi,  
 inusitato vincendi genere, fractis  
 ac debellatis humani generis ho-  
 ribus, non curru vt Helias, sed propria virtute inter grātu-  
 lantes cælestis militiæ ordines concinentibus Angelis ad  
 Patris dexteram euectus est. Nō enim vt cæteri Duces ma-  
 ximo comparato exercitu, adiunctis sibi potentissimorum  
 Regum, & nationum auxilijs, cæsis aut fugatis hostibus, vnā  
 aliquam regionem, aut regnum suo adiecit imperio, neque  
 detracta hosti spolia, aut signa militaria relata speciosiorē  
 eius triumphum reddidere. Longe alia fuit huic nostro  
 Imperatori bellandi causa, diuersa pugnandi ratio, diuersis-  
 sima pompa triumphi. Nam qui huius mundi regnum non  
 appetebat (quid enim appeteret quod suum esset?) ne præ-  
 sidijs quidem huiusmodi ad res gerendas indigebat. Causæ  
 illi suscipiendi cum hostibus nostris belli fore ære ardentissi-  
 mus nostræ libertatis amor, & nos Patri suo reconciliandi  
 desiderium, illiusque gratiæ nobis reddendæ, à qua per pec-  
 catum primi parentis excideramus. Arma illi fuisse verba  
 vitæ, & spiritus, manus non gladio instructæ, sed vinculis  
 astrictæ: corpus non lorica aut clypeo tectum, sed nudatū,  
 non ad defendenda, sed ad excipienda vulnera paratum:  
 vultus non elatus, sed benignus: os non minas in suos in-  
 terfectores, sed preces pro eis ad Patrem fundens: deni-  
 que ipse nulli alij, nisi Satanæ, & morti terribilis; quorum  
 vni, hoc est morti, morte sua interitum attulit, alterum  
 vero sempiternis vinculis constrictum in perpetuas tene-  
 bras

bras relegauit, & hominum genus vniuersum in pristinam libertatem restituit. Neque hic immensa eius benignitas conqueuit, sed humanam naturam in tantum honorem extulit, vt hodierno die supra choros Angelorū, supra Principes; & Potestates, supra Archangelorum ordines euectā, aperiente se cælo, & omnium suarum diuitiarum pulchritudinem explicante ad Patris dexteram collocarit; vt quanto humilior diuina natura propter nostræ humanitatis assumptionem fuerat in Christo demissa, tanto sublimior humana natura propter ipsius in cælum ascensum, tantoque gloriosius tolleretur; vt interdum exclamare libeat, fuisse homini optandum, vt caderet, cum maior illi in resurgendo felicitas, quàm ex casu ruina contingerit. At nos quantis gaudijs exultare ob tam gloriosum Christi Domini ad Patrem ascensum, quantis affici voluptatibus debeamus, non sanctorum modo Apostolorum docet exemplum, verum ipsa quoque rei vtilitas, & momentū ostendit: neque enim sicut in discessu carissimorum cōtingere solet, ita illi abeunte Domino tristi aliquo desiderio; aut maxore contabuerunt, sed cum gaudio regressi sunt; non ex eo quidem, quod ab illis abiret, sed quod tanquam gigas exultans ad currentem viam, iter illis ad cælum aperiret, quod paraturus eis sedem; & locum abiret, quod abeundo regni cælestis possessores efficeret. Etenim hic dies primus nobis Dominicæ mortis, resurrectionis, totius denique antea acti laboris fructum vberimum, ac fecundissimum attulit, hoc est obstru- ctum ad æternam vitam aditum patefecit: quo detracto quid erat, quod destructa morte lætaremur, si nihilominus in hoc exilio mansuri eramus? Nihil (inquit Ecclesia) nasci profuit, nisi redimi profuisset. At vero vnde homo redemptionis suæ plenitudinem accepisset, nisi redemptis paradisi ianua patuisset? quæ cum antea esset præclusa, nec quisquā ascendere posset in cælum, nisi qui descenderat de cælo, Filius hominis, qui est in cælo; necesse fuit ab eo ipso Domino, qui fons vitæ est, via, veritas, & vita, per quem itur ad Patrem, qui denique nos ad vitam vocauit, vitæ viam aperiri. Hoc facturus hodie Saluator in Cælum ascendit, & nostram naturam in beatam illam sedem intulit, & locum nobis, vt spondit, in summa illa felicitate constituit, vt vbi ipse est, illic & nos simus. Exultemus igitur, & iure

Psal. 118.

Ioan. 3.

Gen. 3.

optimo lætemur, quia, vt Gregorius ait, hodie deletum est damnationis nostræ chirographum, mutata sententia nostræ corruptionis, & illa natura, cui dictum est, Terra es, & ibis in terram, ducente Domino iuit ad cælum, & ad Dei conspectum euecta ab eo ipso, qui eam damnauerat vt audiret promeruit: Esto meæ particeps sedis. O rem admirandam! Ille homo, qui cum in honore esset, minoratus ab Angelis dicebatur, postquam de suo statu culpa sua deiectus,

Psal. 8.

& comparatus iumentis, similis factus est illis, in tantam, redeat gratiam, vt non pristino tantum decori restitutus, sed celestis vocationis, diuinæq. adoptionis particeps effectus longe excellentius Angelis, & nomen, & locum assequatur: cui enim aliquando dictum est Angelorum, Filius meus es tu, aut, Sede à dextris meis? hoc tamen humanæ in Christo naturæ hodierna die concessum est, cuius tantæ felicitatis, cum quibus, modo velit, particeps fieri possit,

Heb. 1.

quis tam supinus, tam stupidus erit, qui sibi illam inuideat, qui non illam sibi toto animo gratuletur? Exultemus igitur & nos læticia, & cum Domino gaudio triumphemus, quia eleuatus est Sol, & luna stetit in ordine suo: eleuatus est quippe Sol iustitiæ nostræ Christus, & nostra humanitas, quæ Lunæ instar tanti Solis radijs illustratur, stetit in ordine suo, nimirum pristino candori, & innocentie restituta. Exultemus, inquam, & gaudijs omnibus distinguamus, quia ascendens in altum Dominus captiuam duxit captiuitatē, naturam nempe nostram, nec eo modo captiuam, quo in summorum Ducum triumphis nonnunquam vincti, constriktiue Reges ante currum duci solebant, sed gloriosam, & illustrem; quæ tamen captiua dicta est, quia antea quidem diaboli iugo, & inferni claustris premebatur. Nunc vero per Dominum eruta, & diurnæ seruitutis vinculis erepta,

Psal. 67.

non captiua amplius, sed libera, & triumphans liberatorem suum, ac vindicem comitatur. Sed quid amplius boni in suos Dominus ad cælum ascendens contulit? Dedit dona hominibus. Et quæ (Deus immortalis) dona: diuina scilicet, & nullo pretio comparanda: quia quæ admodum terreni Imperatores, vel in recens partis prouincijs, vel de integro acquirendis varios, ac multiplices militiæ ordines, ac ministros constituere solent, qui belli munia obeant, eos  
que

que varijs telorum generibus ornant: ita Dominus noster inuasurus Orbem terrarum, eumque Euangelicæ gratiæ legibus subactus, non claros bello Duces, non genere, & opibus pollentes, non doctrinæ studijs; aut rerum vñ præditos alciuit; sed infirma huius mundi elegit, & misso de celo Spiritu sancto, quosdā quidem dedit Apostolos, quosdā Prophetas, alios vero Euangelistas, alios Pastores, & Doctores; rursus alij sermonem sapientiæ, & scientiæ; alij gratiam sanitatum, alij operationem virtutum, alij discretionem spirituum, alii genera linguarum, alii interpretationem sermonum distribuit: quibus veluti armis quibusdā instructi, & præceptis firmati pro veræ fidei defensione, non Regum minas; non supplicia, non armatos exercitus timuerunt: sed Euangelici imperij iura, per vniuersum terrarum Orbem propagarunt. Illud vero præcipue obseruandum; quod discipulis suis Dominus, vt gratiam huiusmodi consequerentur, præcepit ab Hierosolymis ne discederent: hoc est, ne se ab Ecclesia Dei seingerent: cui qui non adheret, Spiritum sanctum non expectet: tantum enim abest, vt ad eos, qui ab hoc sancto cœtu seiuncti sunt, accedat: vt etiam eos, qui aliquando potiti sunt, si se ab Ecclesia separauerint, derelinquat: quam cum perspicuam sit vsque ad consummationem sæculi diuino spiritu continenter affari, qui ei, qui tibi Beatissime Petri Successor, non crediderit fide formata, operibus confirmata, iure optimo condemnabitur. Signa autem eos, qui crediderint, hæc sequentur. In nomine meo, inquit Dominus, dæmonia eiicient, linguis loquentur nouis, serpentes tollent, & reliqua in Euangelio descripta: quæ vt olim ad nascentis fidei nutrimentum necessaria quoad adolefceret, & corroboraretur, ab Apostolis, cæterisque sanctis facta esse scimus: ita nunc ab Ecclesia, & eius ministris, hæc eadē in spiritu quotidie fieri re ipsa sentimus. quanquam & in corporibus miraculorum gratiam, etiam nostris diebus enituisse, tam pertulatum est, vt ea de re dici fufus non oporteat. Non videtur hoc loco prætereundum, quod certa fide traditum est: vestigia scilicet Domini nostri in eo monte, vnde in cælum ascendit, ita impressa remansisse, vt quāuis præter alia plura incommoda Romanus exercitus in Hierosolymæ vrbis excidio ibi castra habuerit, ex quo verisimile sit ea loca, vel

1. Cor. 1.  
Ephes. 4.  
1. Cor. 13.

Mat. 16.  
1. Cor. 13.

Mat. 16.

1. Cor. 13.



ca, vel equorum ungulis contrita esse, & innumerabilis piorum hominum multitudo eo deuotionis causa confluentium, aliquid semper inde detraxerit; adhuc tamen incorrupta, & integra perseuerent, non secus ac si recentissime facta essent. Quin etiam cum locus ille manibus septus, & ascensui Domini dicatus in templi formam extructus esset, nulla cuiusque arte, aut industria effici potuisse, ut summum illi fastigium imponeretur: adeo Dominus noster solum illud, in quo postremum institit, sui ascensus memoriam sancte, inuiolateque retinere, & cælum, qua permeauit, liberum ac peruium esse voluit. Utinam idem Saluator noster pro sua infinita bonitate id ipsum in nobis efficiat, ut quæ nobis ante suam migrationem viuendi præcepta; & exempla reliquit; ita in mentibus nostris insculpamus, ut nulla inde obliuione deleri, nulla insultantis mundi contumelia tolli, nullis denique tentationum stimulis excuti possint: & anima nostra sicut passer de laqueo venantium erepta in cælum aspiciens, adeo illud patens, & apertum inueniat: ut ascendentis orationis, & diuinæ gratiæ descendentis iter nihil impediatur: non demonum ars, non peccati murus obfistat: quin potius pro certo habentes Saluatorem nostrum ita venturum, quemadmodum discipuli in cælum eundem viderunt, sic nos per merita

*Psal. 123.*

virtutum; & bona opera paremus, ut venientem non reformidemus: sed vltro in eius

*Psal. 124.*

aduentum leti, & alacres propere

*Psal. 35.*

inveniamus, cupientes aliquando inebriari ab uberrate Domus

Dei; præ cuius desiderio æstuantes, di-

camus inter-

rim

cum Beatissimo Euangelista

Ioanne: Veni Domine

que Iesu, veni

cito.

ORATIO V.



**N**IMADVERTE Beatissime  
Pater nostrę humanitatis natu-  
ram in tatum dignitatis gradum  
fuisse subleatam, ve quod nec Che-  
rubim, nec Seraphim, nec uniuersum  
spiritualium Legionum agmen  
peruenire unquam potuere ibi,  
multo illis nature conditione in-  
ferior homo, singularis gratię lar-

gitate fuerit collocatus. Que res dum non solum homi-  
num, sed Angelorum etiam mentes ad sui admirationem  
inibat, in eam mentis aciem intendere cohortatur, ve sur-  
sum vocati animi terrenis non deprimantur, nec liberi cor-  
dis oculi ab eternę altitudinis intuitu visibilibus sugge-  
stione retardentur. Omnis igitur nostra conuersatio ho-  
dieo die in cælis futura est, cælum ipsum corde, & animo  
volutandum. Dicendum est enim de Christi Victoris ad  
superiora cælorum ascendenti triumpho, de cælestium  
Spirituum occurru, ac denique de humana natura in potio-  
ri cælorum parte constituta, quibus latior aperitur ora-  
tionis campos, quam illi temporis spatium concedatur.  
Sed, ut à Christi triumpho mea proficiat oratio, admi-  
rabilis prorsus apparuit diuina sapientia, dum tyranno, qui  
mortalis habebat imperium, iustitia primum, deinde poten-  
tia superato quos captiuos ipse detinuerat, a seruitute in-  
libertatem Christus asseuit, & à morte ad vitam penitus  
reuoauit. Nam antiquus humani generis hostis, qui Chri-  
stum, in quo nihil morte dignum inueniri potuit, iniuste  
fecit à Iudæis occidi, iuste quidem tunc victus est, quando  
sibi vincere videbatur, iusteq. eos ob inflictam Saluatori  
mortem amisit, quos merito tamquam peccati reos mor-  
tis vinculis obligat. Desinde vero potentia diuinitatis  
Redemptor noster à mortuis resurgens, & in cælum glorio-  
sus ascendens destruxit mortem, vires tyranni confregit,  
nobis

nobilemque de ipso triumphum reportauit. Solus iste est triumphator semper magnificus, cuius victoria nulla unquam maior, cuius triumpho nullus sublimior, cuius denique Ascensionis fructus nullus potest esse vberior. Quæ enim maior victoria, quam hostem superbissimum omnibus antea insultantem ita prostrernere, ut semel victus amplius regnare non possit? Quis triumphus nobilior, & excelsior, quam triumphali pompa supremam ingredi cæli regionem? Quis fructus copiosior, quam æternæ beatitudinis hæreditas, & Spiritus sanctus donorum largitor in filios adoptionis effusus? Multi sane viri illustres, ut veteris testamenti narrat historia, de hostibus triumphum egere: triumphauit enim de quinque regibus Abraham, & captam ab illis prædam Regi Sodomorum restituit; triumphauit de Chanaanitis Iosue Israeliticumque populum in terram promissionis induxit. Sed si cum Christo victore conferantur, ita triumpharunt, ut non tam victoriam, quam insignia victoriae fuerint consecuti. In illis enim forma quadam, & figura præcessit, in hoc veritas manifestata est. Illi priuatos quosdam homines sibi inimicos alieno auxilio deuicerunt; hic communem humani generis hostem, hostilemque eius exercitum propria virtute prostrauit. Expolians enim principatus, & potestates traduxit confidenter, palam triumphans illos in semetipso. O triumphum egregium, quem egregie propheta describens, ait: Ascendens in altum captiuam duxit captiuitatem. Non in hoc triumpho inanis captiuorum pompa præcedit; sed triumphatorem ipsum comitatur gloriola captiuitas. Non Triumphali via proædit in Capitolium Rex noster, sed Salomoni difficili, & nullius antea temerata vestigijs, via scilicet Aquilæ in cælum ascendit. At, quid dico in cælum? immo, quia à summo cælo egressio eius, victor etiam remeauit ad sublimia cælorum. Itaque dum eius ascensum intuetur Angelorum cætus occurrit admirans præ tanti mysterii stupore, reique nouitate perterritus sciscitatur: Quis est iste, qui venit de Edom? Quis est iste Rex gloriæ? Interrogant virtutes cælestes, & discunt Sacramenti absconditi dispensationem à sæculis in Deo latentem: neque ab alio discunt; nisi ab eo, cui datum est omnia nosse. Quamuis enim beati Angeli semper videant faciem Patris, & diuinam sapien-

Genes. 14.

Isai. 63.

Prou. 23.

Isai. 63.

plentiam perpetuo contemplantur: quia tamen inspirata  
hæc est, & incomprehensibilis omnino penetrari non po-  
test. Innorescat igitur principibus; & potestatibus in cæ-  
lestibus per Ecclesiam multiformis sapientia Dei. Inno-  
rescat Christi Triumphantis fortitudo, potentia, atque  
maiestas. Eleuantur portæ cælestes; & introeat Rex glo-  
riæ Christus. Ipse quippe fortis, qui vicit mundum, ipse  
potens, qui spoliavit infernum; ipse rex gloriæ verus, qui  
restituit paradysum. Quæ cum ita sint, elucet in Ascensio-  
nis mysterio Dei virtus, & fortitudo, eiusque in extollendo  
homine benignitas commendatur. Nam mortuus homo  
cum esset, Dei virtute reuixit; cum iaceret, erectus est:  
cum esset inglorius, adeo sublimem gloriam comparauit,  
vt in sanctę Trinitatis consortium per Christum ingredi  
meruerit & nominari, & esse filius Dei. Quare si dignita-  
tem, in qua nos Christus constituit, vere agnoscimus, &  
agnitam conseruare studemus, delenda est nobis omnis  
peccati macula, vel nostra peruersitate, vel inimici fraude  
suscepta: quæ si infederit, & inueterauerit in nostris ani-  
mis, vera laude, & gloria priuamur, ac libertate donati  
per Christum, miserrimæ dæmonum seruituti subiicimur,  
æternæque mortis laqueis iterum innodamur. Quid enim  
nobis prodest Christi victoria, quid eius triumphus, quid  
superata mors, quid draco crudelissimus alligatus, quid  
mundus victus, quid caro depressa? si reformatam in no-  
bis Dei imaginem, in peccata ruentes deformamus: si de-  
uictis, & detriumphatis hostibus nos ipsos turpiter in præ-  
dam dantes, cælestia contemnimus, si curis sæcularibus im-  
plicamur, nostrę dignitatis obliti? Deglutiuit mortem  
Christus, vt hæredes Dei efficeremur: assumptus est in  
cælum, vt semper animo superiora versantes, nihil nos ca-  
ducum ab eius amore separaret: Sedet à dextris Dei, hoc  
est in potioribus Patris bonis, vt situm in cælis thesaurum  
nostrum intelligentes, ibi corda defixa sint, vbi est omnis  
altitudo diuitiarum. At vero stupens Angelorum chorus  
ad Christi mirabilem conscensum, & sublimitas ipsa, in  
qua humanæ carnis paruitas collocatur, omne superbum,  
& elatum à nobis remouet. Non enim diaboli superbia,  
quæ angelicam gloriam è cælis deiecit, sed Christi Re-

demptoris humilitas, qua ſemetipſum, vſque ad mortem  
crucis humiliavit, ad cœlos euexit infirmitatem humanam.

Igitur à Chriſto edoſti, Chriſti documenta ſeſe-

mur: descendamus per manſuetudinem,

& humilitatem cordis, vt his po-

ſtea efferamur in patriam.

vbi Chriſtus in

gloria

eſt Dei Pa-

tris.



IN FESTO  
SANTISSIMAE  
PENTECOSTES.



ORATIO PRIMA.



**S**I vel recondita quæque mysteria  
temporis plenitudine consumman  
da Beatissime Pater; velut præsen  
tia Deus Patriarchæ Iacob ob ocu  
los proponabat, Diuini Incarna  
tionem Verbi, quam ipse moriens  
testatam reliquit mundo: Non au  
feretur sceptrum de Iuda, & dux  
de sœmore eius, donec veniat, qui  
mittendus est, & ipse erit expecta  
tio gentium. Mortem ipsam, Lauabit in vino stolam suam,  
& in sanguine vix pallium suum; Ad partes inferas descen  
sum; Ad prædam fili mi ascendisti; Eius de morte glorio  
sum triumphum, ad propriaque recessum, Requiescens ac  
cubuisti vt leo, & quasi læna, quis suscitabit eum? vt & Spi  
ritus Paracleti missionem, quæ cæterorum est consumma  
tio mysteriorum, illi etiam demonstraret, ratio postulabat.  
Quapropter pronūciasse de ea reor; Nephthali ceruus emis  
sus, & dans eloquia pulchritudinis. Quid enim Nephthali  
valet, nisi retorsio? Quid Sanctus ipse Spiritus, nisi amoris  
nexus? Ceruus profecto tarditati inimicus, vtique à Patre,  
Filioq; emissus, dās Apostolis hodie pulchritudinis eloquia,  
dans Euangelizantibus verba virtute multa: lætami er  
go pro Nephthali emissio; intuemini cerui huius velocita

Gm. 49.

Psal. 67.



tem, & cursum, attendite pulchritudinis eloquia, quæ brevius, ut potero, sermone perstringam.

Qui inter primos est à secretis Dei, Ecclesiam uniuersam, Principem eius communem fidelium cætum pro tanto hoc die ad læticiam conuocat, ad contemplantum horrat, ad stuporem inuitat; quinimo id ipsum, quod actum est, mirabile secum asserre gaudium, omnibus insinuat, & recenset. Fluminis impetus, inquit ipse, lætificat ciuitatem Dei. Quid flumen à Deo procedens, nisi Spiritus Paracletus? Porro quid hæc Ciuitas præter Militantem Ecclesiam, cuius Princeps tu Pater Beatissimè, cuius muri vos estis Cardinales amplissimi, cuius incolæ credentes omnes? Satisficauit Altissimus hodie ignis desuper missis linguis tabernaculum suum, Apostolorum cætum in vno Spiritu congregatum, hunc hodie accingit ad fortia, perficit ad ardua, timore exiit, induit acrimonia; etenim Deus in medio eius non commouebitur, Spiritu huiusmodi assistente; tam cito promissa implere curat, tantum Dei Filius premitur hoc negotio, ne suos relinquit in terra orphanos, ut decet tantum post ascensum in cælum expectatis diebus, quod Spiritum mittat Paracletum, qui suæ assistat Ecclesiæ, Patrem rogat; parum enim habet, quod adiuuet, nisi & adiuuet eam. Deus mane diluculo. Et quis non tantam admireretur pronascenti Ecclesiæ providentiam, atque curam? tali induuntur hodie virtute ex alto, quod deponunt illico timorem. Apostoli, noua prædicare mysteria non verentur, ignota pandere, à sensibus remota ostendere conantur intrepide, nec animum vilo pacto despondent, si nouitate mysteriorum conturbata sunt gentes. Quinimo instant oportune, importune, arguunt, obsecrant, increpant, quandoquidem creditur eis, vincant in finem omnia. Inclinata sunt eis regna, deditq. vocem suam nascenti, & adhuc è cubulis latens Ecclesiæ Synagogam expellens, se nouam Sponsam ornata viro suo, se Eschir dato. Vbi libello repudij manifestans, & mota est terra tanta negotij gravitate, tanta mysterij magnitudine. Attamen cur gaudium à cur læticiæ ad quid exulset Ecclesiæ dicat ipse, qui cœpit David; Quia Dominus virtutum nobiscum, susceptor noster Deus Iacob, in specie ignis. Attendite ergo, contemplantini singula, venite, & videte opera Domini, quæ posuit prodigia super cætum,

*Psalm. 45.  
Daniel. 7.*

*Joan. 14.*

*2. Tim. 4.*

*Apoc. 21.  
Eschir 1.*

*1. Cor. 13.*

*1. Cor. 13.*

*1. Cor. 13.*

*1. Cor. 13.*

terram, sonitum, impetum, ignem. Quid Domine, pro tanto munere tibi rependat Ecclesia cum possit nil ultra ab ea appeti, quod non à tuo Spiritu sit allatum? Etenim ne singulis insudem, vno omnia breui complectar verbo: dato hodie Spiritu dantur eum illo pariter omnia bona. Et hoc insuper argumento quantum debet pro hodierno munere. Sponso, agnoscat Ecclesia: quod si hunc Spiritum Dominus non misisset, quæ egerat, quæ passus fuerat, quid ad salutem nobis fuissent vtilia? Quid enim sanguis, crux, passio, mors, resurrectio, ipse insuper in celum ascensus subleuassent, si non in Deum homines credidissent, cum sine fide impossibile sit placere Deo? Porro qui credidissent sine prædicante? Quis autem tam admiranda, & à sensu remota mysteria prædicasset, nisi à Deo doctus interius? Quis vero instruxisset de his, quæ supra naturam sunt, nisi Spiritus Dei, qui solus nouit profunda eius? id quod completur hodie facto repente de celo sono, tanquam aduenientis Spiritus vehementis. Sed cur Spiritu vehemente? cur in commotione, & clangore? cur datur in Spiritu forti? si Spiritus est suauis, atque benignus suauiter disponens omnia, cur non se potius tradit in auræ tenuis Spiritu, prout olim in deserto se Deus ostendit Eliz? Vere nouum hodie facit, nunc vere in igne Dominus, quomodo videri noluit ab Elia; sed iure factum est ita, ut disparem Apostolorum, & Eliz esse rationem hoc modo demonstraret; quam fortis diuersitatem ex temporis ratione diuersa facile agnosci posse pro comperto est mihi. Vidit Elias Dominum in deserto, in sibilu tenuis auræ vidit, quia ante passionem vidit: tunc enim vel grauius auræ parce demonstrabat Deus. Quid etenim grauius Diuini Verbi Incarnatione? & in hoc ipso demonstrando negotio dulci, ac leni utitur figura. Descendit sicut pluuia in vellus, & sicut stillicidia stillantia super terram. Ante mortem nondum gloriæ suæ diuitias effuderat Deus, nondum coagitauerat, nondum gratiarum mensuram coaceruerat, nondum superfluentem dederat. Impetu vero post passionem, vehementi Spiritu se communicat, sonitus se patefacit. Quandoquidem Isaia testante: Consummatio abreuiata inundabit iustitiam. Hoc impetu ducti Apostoli, hac intus charitate urgente, hoc Spiritu inflammati quid non audent? quid non peragunt? Durum non timeant, difficile

Sap. 7.

Heb. 11.

Rom. 10. 14.

1. Cor. 2.

Añ. 2.

Sap. 7.

3. Reg. 16.

Psal. 71.

Rom. 9.

Isai. 10.

2. Cor. 5.

facile non illos retardat, ardua agrédiuntur alacriter, quis ardor? quæ vis? quæ Spiritus acrimonia non apparebat in eis? impauide præsentibus equuleis, præparatis tormentis; igne, rogo, pyra succensis loquebantur de testimonijs Dei in conspectu Regum, & non confundebantur, Reges ipsi, & Præsides, imo, Dauide sic testante, conturbati sunt omnes, qui videbant eos ferreo pectore prædicantes: timuit omnis homo, & ipsi annuntiauerunt opera Dei. Cæterum quis non admiretur mortalium, ne dicam Angelicorum etiam spirituum, quæ disertè, & eruditè se gerat piscator Petrus, qui timuerat Petrus, qui fugerat Petrus, qui negauerat Petrus, nunc Spiritu Sancto repletus? Apologetice primo, didactice secundo discurret, non ebrii, inquit, sumus, sicut vos existimatis, cum sit hora diei tertia; non morbo correpti hæc loquimur, non allucinati mente, non fascinati sensibus; vinolentus qui est, ignorat subtilia, alta nõ penetrat, argumentari nescit, defendere non valet, quæ tam facili negotio explicari videntur à nobis. Quæ verò in didactica dixerit Petrus, quis penetrare valebit? probat omnia Dei Filio non fortuito euenisse, sed iamdiu à Prophetis fuisse pronuntiata, ac ne Iesum casu occisum se tueantur, definito consilio interemptum clare demonstrat; & ne quemlibet communem fuisse virum pro eorum alleviatione deducant, approbatum à Deo testatur eis, ac ne prædicta eos omnino latuisse audeant vilo modo asserere, virtutibus, signis, atque prodigijs per ipsum in medio eorum factis claruisse audientibus intimat in promptu. Indicitur eis silentium, ne loquantur in nomine eius, crimen velare putant; Christi sanguinem in plateis Ierusalem inique effusum operire forsitan credunt, sed tota aberrant via; clamat ipse de se, nec valent Apostoli conceptum continere sermonem; non possunt inquirunt, quæ vidimus, & audiimus non loqui. Ex venter eorum, quasi mustum absque spiraeulo, quod lagunculas novas dirumpit, & quis tacere valebit? Si minantur contra, quid minæ? An proscriptionem bonorum minentur his, qui reliquerant omnia, & sequuti erant Christum? An contra famam his, qui per infamiam, & bonam famam suos ducebant annos? An contra vitam ipsam his, quorum viuere Christus erat, & mori lucrum? Nec tormentorum varietatè vilo modo tacebunt. Quod enim tormenti ge-

pius aduersus istos? si ignem, Quid ignis contra ignitos?  
 Quid fauilla contra carbones. à Deo succensos? Quid enim  
 terrenus, & corruptibilis ignis contra Diuinum, atque ca-  
 lestem, nisi vinci ab eo? An laqueos his, qui per prius ab-  
 negauant semetipsos? An denique crucem ipsam, quam *Luc. 9.*  
 vltro Christum sequentes baiulabunt? Dixi, quod resistere  
 non valent in finem. Etenim in Spiritu vehementi conte-  
 rebant Apostoli naues Tharsis, inimicos crucis Christi de-  
 terrebant, in faciem resistebant, plantauerunt Ecclesiam  
 Dei, proficiebant magis in dies: liceat hoc dicto silere. Mi-  
 rabar antea, Beatissime Pater, Eliam Regi Achab dicenti, *Psal. 47.*  
 tu conturbas Israel, in faciem respondisse, Nô ego turbaui,  
 sed tu, & domus patris tui, qui dereliquisti mandata Dei,  
 & sequuti estis Baalim, sed experimento facto, Sacerdoti-  
 bus occisis, minante Iezabele, Hæc mihi faciant Dij, & hæc  
 addant, nisi hac hora cras posuero animam tuam, sicut ani-  
 mam vnus ex illis: timuit Elias, fugit in desertum, petiuit  
 animæ suæ, vt moreretur, proiecit se sub iunipero: longe  
 igitur maiore digni sunt admiratione Apostoli, qui cerge  
 vertere nolunt; crimina ob oculos ponunt, vera libere an-  
 nunciant, in faciem resistunt ad sanguinem vsque. Magnum  
*3. Reg. 12.*  
 per prius ducebam, quod Regi Dauidi dicenti filium mor-  
 tis esse, qui fecerat propositum malum, humilis Nathan, Tu  
 es ille vir, dicere ausus esset. Attamen si mitissimo Regi  
 hæc dixisse, si sub parabola, ac vmbra insinuasse, Christi ve-  
 ro Apostolos palam, omni parabola seclusa, omni figura  
 remota manifeste opera Dei annuntiassent, iudicemus, hoc  
 erit admirationi, non sic illud. Accedite ergo ad ignitas  
 istas linguas desuper hodie emissas; quæ dicant, audite,  
 non enim sunt loquelæ, neque sermones, quorum non au-  
 diantur voces; præstolamini promissum & vobis Spiritum,  
*Psal. 14.*  
 præparate corda, venite in occursum: Quid nî dabit & vo-  
 bis? si Petro dedit, En potestate Petrum, verum Christi Vi-  
 carium, Supremum omnium moderatorem Beatissimû Pa-  
 trêm. Apostolis dedit alijs? En alij qui succedunt. Para-  
 tus est ipse dare. Vbi enim est Deus Eliæ? etiam nunc. *4. Reg. 2.*  
 Vbi Deus Apostolorum? etiam nunc. Requieuit spiritus  
 Eliæ super Eliseum; dicebant filij Prophetarum. Requie-  
 scat Spiritus Apostolorum super sacrum istum confessum,  
 precatur orbis terrarum, ipsum tenete, videte, ne con-  
 triste-

Ephes 4.

tristemini, quæ Dei tantum sunt querite. Persequimini, anhelate, ei tandem ex toto uiuite, qui uiuit in sæcula.

## ORATIO II.



**M**ENERANDA huius diei solemnitas, quam Spiritus sanctus excellentissimo sui muneris miraculo consecrauit, vberissimam desideraret orationem, Pater sanctissime, continet enim & veterum, & recentiorum Sacramentorum magna, mysteria, quibus manifestissime, declaratur, & gratiam prænunciatam fuisse per legem, & legem impletam esse per gratiam. Verum quoniam nec huic augustissimo loco, assignati temporis breue curriculum, nec virium mearum imbecillitas id patitur, his omnibus prætermisissis, quæ de Spiritu sancto copiosissime disputari possent, de temporali illius missione, deque ineffabili virtute, quam breuissimum sermonem instituiam. Quare quod ipse dicendo exornare non potero, audientium benignitate compensetur.

Humanæ redemptionis peracto insigui opere, post multos exanclatos labores, nascentis Ecclesiæ iactis fundamentis, diuinæ voluntatis exequuntor, magnique consilij Angelus Christus Dominus, ad eam ascensurus sedem, in qua finis miserijs, & quies à molestijs promittebatur, discipulis suis, quos Ecclesiastici ædificij cooperarios elegerat, quosque ad intelligenda diuinæ sublimitatis arcana minus capaces, ad humanæ imbecillitatis toleranda incommoda, minus fortes nouerat, Spiritum sanctum Paraclitum, spiritum veritatis se missurum spononderat, ut immensam illius vim, quasi erumpentem flammâ corde concipientes, Evangelicam doctrinam, ad vltimos orbis terrarum fines audacter deportarent, tantique ædificii terminos longè, latèque protenderent. Cum ascendero, inquit, rogabo Patrem meum,

meum, qui mittet vobis alium Paraclitum, qui vobiscum sit in æternum spiritum veritatis. Quamobrem hodierno die, qui decimus tantum à promisso munere nobis illuxit, fluctuantibus Apostolis magno curarum æstu propter metum Iudæorum, totaque mente, atque animo in eum erectis, quem proximè mirante natura, stupentibus cunctis, quos ipse ex vmbra mortis ad vitam euexerat, plaudente vniuerso beatorum Spirituum choro, nube lucida, quasi regio vehiculo exceptum, in cælum ascendentem fuerant admirati, promissa implens, gloriæ suæ diuitias Deus effundit, vehementi spiritu se communicat, sonitu se patefacit, Spiritum sanctum mittit, qui repleuit totam domum, & in ea residentes Apostolos agitauit, ac commutauit, non leniter strinxit, sed potenti quodam flamine concussit, ac penetrauit, eorum ora diuersarum linguarum vbertate ditauit, mentem virtutibus instruxit, pectora animi magnitudine compleuit, vt omnium gentium linguis apud omnes audacter exponerent, quod taciti dudum, periculo territi, apud suos inuolutabant. O sanctam agitationem, o felicem domum, cui non rectè gemmis, auroque superbas Augustorum aulas contuleris; verè terribilis locus erat ille & domus Dei, & porta cæli.

Et quis non tantam admiretur pro nascenti Ecclesia, prouidentiam, atque curam? Quid enim tot vigilæ in alienam vtilitatem susceptæ, tot noctes orando traductæ, tot continuata ieiunia, tot animi ægritudines, tot corporis lassitudines, tantus è defatigatis membris sudor emissus, quid genus mortis maximè cruentum, quid vastati inferi, quid subacta demum mors, ac triumphalis in cælum ascensus, ad salutem nobis profuissent, nisi Spiritum sanctum misisset Dominus? Quid subleuassent si non in Deum homines credidissent, cui sine fide impossibile sit placere Deo? Porro quis credidisset sine prædicante? Quis verò tam admiranda, & à seipsu remota mysteria prædicasset, nisi à Deo instructus? Quis verò de his, quæ supra naturam sunt, humanumque excedunt saltigium instruxisset, nisi spiritus Dei, qui solus nouit profunda eius? Cuius solius testimonio, & eorum, quos sua ipse virtute repleuerit, opera Christi confirmari poterant. Spiritus enim est, qui testimonium Spiritui perhibet: Non enim, inquit, vos estis qui loquimini; sed spi-



ritus Patris vestri, qui loquitur in vobis. Peccatori autem dixit: Quare testimonium meum accipis per os tuum? Hanc Dei domum, Spiritu sancti aduentu illustratam, eam ipsam Ecclesiam referre intelligendum est, cuius humani generis Saluator proprio sanguine fundamenta iecerat, de qua Petro dixerat: tu es Petrus, & super hanc petram ædificabo Ecclesiam meam, cuius tu tunc Princeps existis, Pater sanctissime, cuius columnæ vos estis Cardinales Amplissimi, cuius incolæ credentes omnes, cuius auctoritas quanta sit, vel ex hoc apparet, quod huic soli Spiritus sanctus mittitur, sola Spiritu sancto regitur, & in qua solus Spiritus sanctus gratia operatur, ex quo fit, vt si quid ea, vel faciendum, vel omittendum præscribat, Deo ipsi auctori acceptum referri debeat, de qua nihil vt prorsus dubitamus, ita qui Ecclesie præfatus est. Qui vos audit me, audit, & qui vos spernit me spernit. Vbi sanè illorum apparet execranda impietas, qui nihil admittendum putant, quod non sit expresse in diuinis litteris, vel iussu, vel vetitum, & generalium Conciliorum. Pontificumque decreta contemnunt, nec vident huiusmodi contemptum in Deum ipsum redundare. Numquid Christus fallit Ecclesiam suam, cum qua se futurum promisit omnibus diebus vsque ad consummationem sæculi, cui etiam Spiritum sanctum, Spiritum veritatis hodierno die mittit, vt cum ea sit in æternum? Nunquid Spiritus ille qui olim per Prophetas, qui & per sapientes sua mysteria huic mundo protulit in nouo testamento, ab Apostolorum temporibus, ad hæc vsque tempora obmutuit? Nunquid Ecclesiam suam cui propriè est promissus hæcenus dereliquit, nequaquam, sed Prophetas, Doctores, Rectores, iuxta atque Apostolos, & Evangelistas Ecclesie semper præfecisse testatur Apostolus ipse. Facessant ergo, qui se ita de genuino scripturæ sensu ostentant, quasi Spiritus sanctus hæcenus Endymionis somnum dormierit, faceessant inquam; non enim Spiritum sanctum, Spiritum pacis, & concordie desertores filij mirum in modum, inter se dissentientes, pugnantia docentes, à mystico Christi corpore separati, in varias opiniones deducti, quibus mirabiliter illudunt spiritus tenebrarum, & in horrenda eos errorum præcipitia abducunt habere possunt, qui tantum in illos venit, qui in hac Ecclesie Catholicæ domo vnanimi

mes, & concordēs viuunt, quorum vnus est sensus, eadem sententia, qui vno ore Deum laudant, & magnificant.

Hoc Spiritu inflammati Apostoli, hoc impetu ducti, hac intus urgente charitate, ibant gaudentes à conspectu concilij, quoniam digni habiti sunt pro nomine Iesu contumeliam pati: opportunè instabant, importunè arguebant, obsecrabant, increpabant, durum non timebant, difficile non illos remorabatur, ardua alacriter; & intrepidè aggrediebantur, noua prædicare mysteria, ignota pandere non verebantur. Lucebat ante oculos succensa pyra, oculorum aciem intenti gladij præstringebant, instabat furens Tyrannus, tamè præsentī animo, timoris expertes, de testimonijs Dei loquebantur in conspectu Regum, & non confundebantur. Qui tunc animus, qui sensus hostium adstantium erat, qui videbant eos ferreo pectore prædicantes? timuit omnis homo annunciantibus ipsis opera Dei. Gaudet Petrus in verberibus, qui antea in verbis timebat, & qui prius vna mulierculæ voce compellatus timuit, Spiritu sancto repletus, collatas in suam perniciem Principum vires confregit, nam in dicto Apostolis à senioribus, & magistratibus silentio, ne in nomine Iesu loquantur, respondet Petrus, nec valent ceteri conceptum sermonem continere non possumus inquirunt, quæ vidimus, & audiuius non loqui, non ebrii inquit sumus sicut vos existimatis, cum sit hora diei tertia, non morbo correpti hæc loquimur, non allucinati mente, non fascinati sensibus, vinolentus qui est, ignorat subtilia, alta non penetrat, argumentari nescit, defendere non vallet, quæ tam facili negotio videntur à nobis explicari, etenim verbo Domini firmati sunt, & spiritu oris eius omnis virtus eorum.

In Spiritu vehementi conterebant naues Tharfis, inimicos crucis deterrebant, in faciem resistebant, nullo tormentorum genere tacebant. Quid enī tormenti genus aduersus illos, quorum viuere Christus erat, mori lucrum? Quid ignis contra ignitos? Quid fauilla contra carbones à Deo succensos? Videte opera Domini, qui posuit prodigia super terram sonitum, impetum, ignem. Liceat hoc dicto silere, eorum complures, qui fama miraculorum Christi, Resurrectionis, & Ascensionis, ad sanctæ Ciuitatis festiuam celebritatem confluxerant, cum Galilæos viros, qui uix na-

Ecc 2 tiuam

tuam sermonis facultatem callebant, nec tamen ea ipsa, quam nouerant apertè Christum loqui audebant, omnium repente linguis loqui audierint, non vanas Philolophorum opiniones, quos illi quasi cum mutis piscibus, certamen esset facile superabant, sed sublimia, & admiranda, utpotè quæ à Spiritu sancto dicenda suggererantur, viderintque loquente Petro, tam magnum, atque diuinum testimonium perhiberi de Christo, ut qui ab eis peremptus, inter mortuos deputabatur, surrexisse iam, & viuere probaretur, tam insigne miraculum admirati compuncti corde conuersi sunt, & quem sanguinem, tam impie, atque immaniter fuderant, illius indulgentiam perceperunt, ipso redempti sanguine quem vendiderunt. Multi præterea ab ipsa tam insignis miraculi admiratione, grauissimum se admisisse peccatum infantis Saluatoris tradendo sanguine cognouerunt, & ad tria millia hoc ipso die baptizati sunt. Horum causa Spiritus sanctus visibili signo, & sonitu in credentes venit, qui alioqui tacito illapsu poterat, suorum pectora implere, & copiosissimis suis charismatis ea perfundere, & illustrare: verum ea res non tantam admirationem habuisset, nec tam illustre Christo rediuuo, & in cælis regnanti testimonium attulisset. Quis hanc capiat diuinæ misericordiæ immensitatem, qui illos etiam ad sui cognitionem voluit adducere, qui Christi sanguinem fuderant? O verè ferreum hominum cor, quod tanta non valet ad sui amorem excitare benignitas. Agnoscat nunc Ecclesia quantum Deo pro hodierno munere debeat, lætetur, gaudeat, exultet, videatque quod illi rependat, cum nihil potuerit ab ea optari, quod à spiritu Dei non sit allatum. Gaudeat inquam quia sanctificauit Altissimus hodie ignitis desuper missis linguis tabernaculum suum, Dominus virtutum nobiscum susceptor noster Deus Iacob.

Quod reliquum est, faxit Deus, ut adorandus ille Spiritus, cui cum Patre, & Filio par est potestas, quique repentino sonitu hodierno die, foris igneis linguis apparentibus, carnalium mentes in sui amorem permutauit, sui nos capaces efficiat, cordis duritiem omnè emolliat, diuini amoris ignem in nobis accendat, cælestibus donis corda impleat, atque adeo ad seruiendum Deo ardentem faciat.

## O R A T I O III.



**I**AM aliquando Beatissime  
 Pater, diuina pollicitatione pro-  
 missus, ac diu exoptatus illuxit  
 dies, quo, & humanæ reparationi  
 suprema imponeretur manus, &  
 nascentis Ecclesiæ non secus, ac  
 primi parētis corpus ab ipso Deo  
 formatum vitali, diuinque spiritu  
 redundans sese attolleret cum ma-  
 xima Synagoga iam iam cadentis  
 labe, atque foedissimo immanissimi serpentis interitu. Adest  
 igitur in præcipuis sacris veneranda celebritas sacrosanctis  
 insignita mysterijs, siue donorum nunquam alias tam effu-  
 sam vbertatem, siue eius quod datur admirabilem, incom-  
 prehensam, atque omni ex parte diuinam excellentiam, si-  
 ue tempus quo datur cogitemus. Nam quod tempus ma-  
 gis aptum reperiri potuit, quam id quo confluentibus vni-  
 dique terrarum populis celeberrima ceremoniarum pom-  
 pa quinquagesimus post immolationem agni, summo rerū  
 omnium parenti consecrabatur dies ob legem lapideis in-  
 scriptam tabulis ab ipso in monte Syna donatam: vt omni-  
 bus innotesceret initia veteris Testamenti. Euangelicis mi-  
 nistrasse principijs, & gratiam denunciatam esse per legem,  
 & legem impletam esse per gratiā. Neque potuit ad hoc mu-  
 nus obendum aptior mitti persona. Erat mysticum hoc  
 Ecclesiæ corpus suo capiti coniungendum, anima vna, cor  
 vnum, vna omnium credentium efficienda voluntas. Cum  
 autem nihil creatum sit vnum in diuersis corporibus, opor-  
 tuit, vt hæc tam admirabilis vnitas, atque omnibus ex par-  
 tibus absoluta consensio fieret ab amore increato, qui solus  
 perfectam vim habet vniendi, & sicut anima diuersarum  
 corporis partium, ita ipse omnium animorum est vita com-  
 munis. Hæc ei proprietates, & Ezechielis vaticinio tributa  
 est, Dabo inquit vobis spiritum, & viuetis, & vetustissima  
 Ecclesiæ voce decantata, cum cum in symbolo fidei quoti-  
 die

die viuificantem appellat. Quinimo, vt sacrosancta Tridentina synodus diuinitus ad veritatem instructa declarat, anima hoc vinculo cum Deo coniuncta magis vinit, quam corpus animæ coniunctione alitur, & sustinetur. Quatuor enim potissimum rebus excellens humani structura corporis continetur, vnitatem, calore, motu, decore. Ea quippe est animæ vis, atque natura, vt ipsa sortita corporis dominatum, & in summo capite præcipue collocata tanquam in celo Deus membrorum hanc multiplicem varietatem in admirabilem seriem, & ordinem congerat; congestam autem; & colligatam distinctis veluti riuus, & vitalibus succis à perenni cordis fonte ductis irriget, irrigatam minimo nutu vbique præsens, vbique diffusa formet, regat moderetur, ac temperet. Ac denique quod iucundius ceteris omnibus visu est lineamentis exornat, condecoratq. pulcherrimis. Quod si in hac mortali, & caduca mole ex terrestri materia compacta propter inlitum animum nescio quid elucet diuinitatis; qualem putamus animorum nostrorum esse venustatem, ex quorum vniuersitate, & connexionem mysticæ Ecclesiæ corpus, vitæque perficitur, cum habeamus veluti communem spiritum, quo vegetante viuimus, mouemur, ac sumus. Nihil ergo abiectum, & humile cogitandum, nihil fluxum, & caducum, ac penitus humanum nihil? Excitandi, & extollendi sunt animi, vt aliquid magnificentius de tam amplo Dei opificio sentiamus. Age iam quam breuissimo orationis cursu videamus, qua ratione admirabilis nexus vbique terrarum sparsa membra coniunxerit, & in hanc redegerit felicissimam, & inseparabilem consensionem. Aperuit hoc nobis diuinorum consiliorum interpres Paulus, cum indissolubilem nodum ex coherencia Christi, ex habitatione vnius, & eiusdem spiritus, ac denique ex nostri cordis charitate, hoc est ex amplissimo ipsius diuini spiritus munere procedentem sepe demonstrat. Rogauerat summus ille humani generis reparator patrem suum antequam hortum ingressus persequentibus se tanquam victimam immolandam traderet, vt eos, quos sibi custodiendos commiserat iam custoditos protegeret, & quoad fieri posset ad similitudinem illius incomprehensibilis diuinæ naturæ vnum, & idem efficeret. Pater sancte inquit serua eos in nomine tuo, quos dedisti mihi, vt sint vnum, sicut, & nos,

& pau-

& paulo post non pro eis rogo tantum, sed pro eis, qui credituri sunt per verbum eorum in me, vt omnes vnū sint, sicut tu pater in me, & ego in te, vt & ipsi in vobis vnū sint (quid autem toties ingeminatæ preces agebant, quid postulabant nisi, vt Ecclesiæ corpus formaretur atque eo contineretur nexu, qui est summi parentis, filijque coniunctio? Annuit parens filij votis. Diuiserat enim sibi hoc opus misericordiæ Trinitatis, vt Pater propiciaretur, Filius propiciaret, Spiritus sanctus igniret; Christum ergo dedit caput super omnem Ecclesiam, quæ est corpus ipsius, vt nos omnes vnū essemus in Christo, & ipse indiuisus nobiscum esset vsque ad consummationem sæculi. Verum quia oportebat, vt qui tanti capitis membra futuri essent eius intelligerent dignitatem exoptarent copulationem obsequerentur imperio: Ecce continuus ignis ab eo procedens, veluti riuus diffusus à fonte manat, qui lumen mentibus affert, desiderium excitat, vires infundit, illustrat, vt videamus, prouocet, vt velimus, roborat, vt bona, quæ volumus sine formidine præstare possimus. Hoc hodie Apostolorum princeps eiusdem sancti Spiritus vna cum socijs repletus afflatu, & ardore inflammatus non solum verbis ostendit, sed etiam comprobauit exemplo. Postquam enim multa de Christo nunquam alias viso animi robore, & audita sapientia disseruit ad extremum orationis inquit: Dextera igitur Dei exaltatus, & promissione Sancti Spiritus accepta à Patre effudit hunc quem vos videtis, & auditis: Non enim ipsi loquebantur Apostoli, sed Spiritus Dei per ipsos non ipsorum erant tam admirabiles res gestæ, quorum membra iam erant ipsius sancti Spiritus domicilium; ac sedes; non denique musto erant pleni, sed diuino poculo ebris, qui ante oculos posita contemnebant, & ad ea, quæ sunt ab hac rerum vniuersitate semota, & abscondita incredibili mentis ardore rapiebantur. Quo enim pacto potuissent ante conspectum infinitæ propemodum multitudinis ex omnium gentium colluione missæ eius prædicare gloriam, quem paulo ante à Iudæis captum præ timore comitari au si non fuerant? Ep Petrus Synagogæ totius frementis aspernatur sauitiam, qui in Caiphæ domo timuerat sacerdotis ancillam. Non alius profecto est tam excelsi operis auctor quam diuina sapientia, quæ vbi magistra est quam citissime disci-



discitur quod ipsa nos docet, & nunquam ociosus esse potest sermo decentis. His igitur iactis fidei fundamentis, ne membrorum hæc inutilis esset conglutinatio, corpusq. viribus distinctum veluti mortuum iaceret, spe hereditatis nostrę confirmata, datum est amplissimum donum charitatis, quę diffusa in cordibus nostris vicē sanguinis sustinens, & ipsius sancti Spiritus iucundissimum esset pabulum, & quaslibet corporis partes ad bona peragenda roboraret. Sicut enim feruido sanguinis humore deficiente anima recedit à corpore, oleo consumpto lumen extinguitur, excisa radice arbor arefcit: ita deferuēfacto in cordibus nostris ardore charitatis viuificator ille Spiritus suo carēs alimēto discedit. Ipse vitalis dicitur succus, oleum preciosissimum, inuisibilis vñctio. Ex ipsa omnis virtutum germen emititur, omnis ecclestium donorum copiā tanquam rami arboris ex vna radice procedit, omnis prodit nostrorum affectum lachrymarumq. fecunditas. Per ipsam denique militans Ecclesię corpus triumphat in cladibus, persecutionibus augetur, sanguine martyrum semper irrigatur, tristitia magis erigitur, dilatur angustijs, fletibus pascitur, ieiunijs reficitur, & inde potius crescit vnde deficit mundus. Neque hic imensa illa, diuinaq. largitas terminata est. Quanquā enim ea, quę hactenus dicendo percurrimus satis esse videantur ad salutem animarum, huiusq. corporis firmitatem; maximē tamen ad eius incrementum, & dignitatem interfunt innumerabilia illa honestamenta decorū, quę si desint, nulla potest esse plenitudo charitatis: Cum eius propria natura sit non sibi solum frugiferam esse, sed, & alijs fructuosam. Ex hoc fonte manant splendidissimus omnium humanarum vocum concentus, potentissima virtus miraculorum, prudentissima rerum prædictio futurarū, quibus ita exornata fulget Ecclesia, vt nihil ad extorquendos hominum animos admirabilius nihil ad eorum allicendas voluntates iucundius, nihil ad latentis tanquam in speculo diuini splendoris demonstrandam vim possit esse præstantius. De hac inquam vbertate monerum, aliorumque munificentia donorum vberius, etiam esset agendum: verum quia magnopere, & corne latius prouehar quā huiusmodi patiatur humanitas, orationis meę vela contraham, Gaudeat igitur vniuersa terra, quia hodie facta est celum, quisque

quisque huius gratulationis est particeps, quia iam spiritus Dei iuxta eius promissionem super omnem carnem effunditur. Lætetur omnium fidelium cœtus, quia iam habet cœlo pignus hereditatis suæ, atque illum militiæ duces, cuius ope, & consilio facillimum sit de immanissimis hostibus triumphare. Exultet Roma, quæ prius erat carnicina ciuium, bellicosorum hominum receptaculum: præda Tyrannorum, silua denique frementium bestiarum: nunc effecta est placidissimæ quietis conseruatric, sapientum virorum alumna, bonorum omnium commune perflugium.

## ORATIO III.



LORTIOSISSIMVS Christi Domini in cœlum ascensus, Pater Beatissime, cuius festum diem quadragesima post Resurrectionem luce solemni ritu, ac cærimonia celebrauimus; non paruam Christianæ Reipublicæ doloris, & luctus materiam supeditauit: nec enim aliqua ratione acerbus esse nō potest ille dies, qui nos Christi moderatoris aspectu visibili, iucundissimaque præsentia eius, qui animos consolatur in omni tribulatione, spoliavit. Verum hodierna celebritas, qua impleti sunt dies Pêtecostes, ac Domini Spiritus, qui Paracletus dicitur, immensa suæ largitatis abundantia repleuit orbem terrarum vniuersum, omnes non modo sollicitudinis, ac mœroris aculeos penitus exemit; sed nos, qui vetus fermentum iam expurgauimus, in summo lætitiæ gradu constitutos eodem principali Spiritu, qui, cum sit consolator optimus, dat perenne gaudium, honorificentissime confirmauit. Quare ne ex admirabili nostri Liberatoris ascensu ad æterni Patris dexteram, qui abundantissimus fons est omnis dulcedinis, vnde fluminis impetus emanat, qui Dei ciuitatem lætificat, quæ noster animus est,

2. Cor. 9.

Ab. 2.

Sap. 1.

Ambros. in  
hym.

1. Cor. 9.

Psalm. 50.

innocentiæ clamydem indutus, amaritudinis liquores hauriamus; omnino memoria teneamus necesse est, Christum, nisi ascendisset in altum, pretiosissima Spiritus sancti dona, nequaquam hominibus tributurum fuisse. O cælestis Hierusalem beatissimi ciues! pace vestra loquar, qui estis Angeli pacis, vobis præferuntur mortales hodierna die, & mira quadam ratione præferuntur. Etenim idcirco ascendit Christus, & in altum ascendit, ut diuitiarum suarum dona affluentissime largiatur: quibus autem tam diuina dona largitur? Largitur vniuerso terrarum orbi, cuius facies emissio Spiritu renouata est: sanctis viris largitur, qui propter singularium virtutum eminentiam cælorum appellatione nuncupantur, quorum virtus omnis Spiritu oris eius est confirmata: cæteris denique largitur hominibus, qui soli inuitantur eodem clamante Domino his verbis: Si quis sitit, veniat ad me, & bibat, quæ ab illo discipulo, qui præter ceteros dilectus fuit, quique supra Magistri pectus recubuit in vltima cœna, vnde abstrusissima salutis nostræ mysteria degustauit, nobisq. in posterum patefecit, intellecta sunt de Spiritu, quem accepturi erant credentes: largitur inquam hominibus, quorum ab eiusdem sancti Spiritus interprete, ac teste fideli facta est tantummodo mentio, cum apertissimè pronunciauit, Christum in altum ascendentem sua dona prolixè in homines effudisse. Nimirum non manens nobiscum largitus est, sed ascendens in altum, ut non ad mensuram, sed largius & vtraque, ut aiunt, manu effunderet super omnem carnem sacratissimum septenarium. Porro virtutes omnes ex eo tempore insinuauit nobis Saluator noster miro exemplo, singulari doctrina, quo cœpit facere, ac docere vsque in diem suæ reversionis in cælum; sed, nisi effudisset Spiritum de excelso, Spiritum sapientiæ, & intellectus, Spiritum scientiæ, & fortitudinis, infirmæ omnino, ac nullius fere roboris resedissent in nobis, adeo quidem, ut lucis eius tantummodo radijs illustrati arma sumamus audaciter contra teterrimum Principem tenebrarum. Obcui quidem cælestis ille Magister eos discipulos, quos in finem vsque dilexit, præter ceteras egregiæ fortitudinis virtutem; neque id verbo solum, ut diximus, verum etiam innumerabilibus vitæ totius documentis: & tamen percusso pastore dissipatæ sunt oves, quæ instar leonum,

vali-

# Oratio Quarta.

43

validissimorum ingentem fortitudinis ardorem præferebant, atque ita præferebant, ut mori etiam, si necessitas incubuisset, non recusarent: & tamen amisso duce ne prodire quidem propter metum Iudeorum audebant. Postquam vero repleti sunt omnes Spiritu sancto, ibant gaudentes à conspectu concilij, atque inter ipsas minas, inter medios tortores, in ipsis cruciatibus, in ipsa morte fortiter loquebantur magnalia Dei. Nec mirum Spiritus ille fortitudinis, qui descenderat super eos linguis igneis, timoris uniuersum, ac formidinis torporem profligauerat, atque depulerat. Vidimus, quemadmodum sanctissimi Proceres afflati sunt igne spiritali de excelso, reliquum nunc est, ut videamus, quomodo eum recipere, ac receptum in nobis conseruare possimus, quo explicato finis dicendi faciendus est: etenim per dilectionem Dei, & præceptorum eius induere debemus nouum hominem, ut per expurgationem, prauis operis Deo Optimo Maximo, qui & Spiritus est, mentis nostræ domicilium præparemus, ut ipse libentissime veniat, & in cordibus nostris perpetuam faciat mansionem, inde nullo vnquam tempore recessurus; dummodo nos illud nullis peccatorum sordibus commaculemus. O viuificans ignis, o largitor clementissime munerum, o iucundissime hospes animorum,ingere te tãdem pectoribus nostris, ut mens nostra te solum concipiat, os, & lingua loquatur, sensus expetat, corpus totum exæstuet igne flagrantissimo charitatis tuæ, ut inde digni amoris fructus in nostram, aliorumq. confirmationem pertinere possint. Tu verò, qui in altum ascendens captiuam duxisti captiuitatem, solve obsecro, si qua est, captiuitatem nostrã, ut dignius quantum fert humana fragilitas, septiformia tui Spiritus dona in visceribus nostris innouentur, ut bono Spiritu corroborati in viam rectam ambulemus mandatorum tuorum. Te inquam obsecro, ne illum villo vnquam tempore auferas à nobis, ne eo destituti in Spiritu vehementi, indignationis tuæ, qui ardoris est, & iudicij conteramur, sed per Spiritum adoptionis filiorum Dei ad æternam illam immortalium bonorum possessionem capessendam admittamur.

*Matth. 26.*

*Act. 2.*

*Greg. in hy.*

*Greg. hom. 10.*

*Ephes. 4.*

*Iohan. 4.*

*2. Cor. 3.*

*Iohan. 14.*

*2. Cor. 3.*

*Amb. in hy.*

*Psal. 67.*

*Amb. in hy.*

*Psal. 50.*

*Psal. 143.*

*Psal. 50.*

*Psal. 47.*

*Ephes. 1.*

## ORATIO V.



OST QVAM Salomon Rex sapientissimus, Pater Beatissime, templū illud sumptuosum, ac magnificentissimum tam insigni structure arte & perfectione fabricatum tot gemmis, atque margaritis clarissimis, aureis poculis preciosis vasis, & ornamentis locupletatum, illustratūque cōstruxerat, quo pulchrius, seu præstantius aliud excogitari non,

poterat. Quippe qui omne suæ sapientiæ studium regniq; potentiam in insigni illius ædificii fabrica collocauerat, vtrumque enim cum maximum esset quorum alterum altero magis Reginam Saba in admirationem traduxerit, nō facile discerni potest. Cum itaque hæc diuina domus pro regio debito, & humana parte perfecta, præsentia solum, maiestatis Dei diuinitus expectaret absolui sacerdotibus, & leuitis byssinis vestibus, & ornamentis indutis, cum dulcissimo musicorum cantu, vocum ac fidium concentu, cum reliqua populi multitudine coram Rege, ad fundendas ad Deum preces & vota, simul omnibus congregatis, ecce repente impleta est Domus Dei nube; ita vt sacerdotes stare, & ministrare non possent, impleuerat enim gloria Domini domum Dei: tunc omnis populus, & turba silens, & tacens stetit intenta, ac sapientissimus Rex animum ad præteritorum memoriam reuocans, illumq; apparendi modum gratissimum Domino frequentissimumq; exitisse, ac propterea sub nube, & caligine se super oraculum ostensurum promississe, reminiscens plenus gaudio hilari vultu, ingentq; perfusus lætitia cum populum à se benedictum: tum etiam sacras ædes, diuino cooperto numini copiosissima oratione protegendum obtulit, atque illius diei solemnitatem hymnis orationibus canticis innumerisque musicæ instrumentis, ac victimarum girobus per septem continuos dies

dies singulis quoque annis cum magna lætitia celebrādam instituit. Non aliter profecto verus ille Salomon, immo plusquam Salomon ille filius David, filius Abraham postquā viarū construendę Ecclesię sacram inuiolabilis petrę firmitatem æternum iecerat fundamentum, super quod Ecclesiastici edificiij altitudo consurgeret, postquam discipulos suos in præstātissimas columnas erexerat, quibus diuina domus suffulta immobilis vndique permaneret: postquam amborū parietum, quos forsā duo illa sanctissimę crucis ligna representabant, se angularem lapidem, quem reprobauerunt ædificantes tāquam totius edificiij clauem expansis hinc inde manibus in caput anguli constituerat: postquam pretiosissima sacramēta velut vasa gratiæ aurea, tam ad Agni immaculati hostiam, quam ad peccatorum expiationem necessaria excellentiæ suę auctoritate considerat, postquam Pontificem summum creauerat, sacerdotesque instituerat; postquam sacrosanctum Dei tabernaculum, in quo non legis tabulę; sed ipse legislator omnipotens continebatur, corpus suum, & sanguinem mirabiliter ibi collocauerat, ac tandem mundans eā lauacro aquę in verbo vitę gloriosam, sibi Ecclesiā non habentem rugam, neque maculā gloriosis meritis, ac cruore sanctissimo illustrauerat. Cum essent Apostoli pariter in eodem loco, ecce repente de cęlo sonus tanquam aduenientis Spiritus vehementis, & repleuit totā domum, vbi erant sedentes, & apparuerunt illis dispersitę linguę, tanquam ignis, seditque supra singulos eorum, & repleti sunt omnes spiritu sancto, & cęperunt loqui varijs linguis prout Spiritus sanctus dabat eloqui illis.

O ineffabilem sancti Spiritus aduentum, o fidelium immensam felicitatem! O mirabilem legis Euangelicę excellentiam, ac præstantiam! tunc siquidem tanquam in lege timoris iustitię, & vindictę in præuento quodam aduentu nullo prius cognito inītiō, aut signo sub tenebrosa caligine latens, & occultus apparuit. Nunc autem in lege amoris, charitatis, & gratiæ, quia non accepimus Spiritum seruitutis iterum in timore; sed Spiritum adoptionis filiorum Dei, in quo clamamus, Abba Pater, in clarissima gratissimaque luce venientem iucundissimus præuenit sonus, tunc quantum noctu deambulantibus nocturno habitu, & vestitu incedendum est; quia lex illa nox, vmbra, ac figura futurorū erat nube,




nube, & caligine, quasi nocturnis vestibus venit fulgenti, & lucida voluit apparere. Tunc quasi in sterili, atque infecunda hieme, quando glacie, & frigore omnia rigent, omniaq. marcescunt, quando nebula, ac nubibus radijs solis frequentissime oppositis, ut omnia illius legis sacramenta egeant esse vacua, & infirma elementa aperte ostenderet, sub nube, & caligine venit. Nunc, aut tanquam in fertilissimo vere quando iam hiems transijt, imber abiit, & recessit, floresque apparuerunt in terra nostra, ac vinea protulit grososuos. Nunc (inquam) quoniam omnia sacramenta verborum gratie fructus in se continent, ac digne accedentibus copiosissime conferunt, quasi in lucidissimis, ac fecundissimis solis radijs, omnia claritate illustrantibus, suaq. suauitate complentibus in linguis igneis caelestia super discipulos diffundens munera visus est.

Tunc tandem tanquam in lege obscura, in qua olim Deus patribus in Prophetis, in somnijs per figuras, seu in visione per parabolas velut in enigmatibus loquebatur, quasi consulto vellet, ut latenter, & tacite sub verborum obscuritate compressa mysteria seruariantur, ut videntes non viderent, & intelligentes non intelligerent, latenter, & tacite descendente Domino, omnis etiam populus, & turba silens, & tacens stetit intenta. Nunc autem quando loquutus est nobis in Filio, in lege clara, expressa, ac toto orbe notissima reuelanda paruulis, & a pauperibus publicanda, in linguis igneis descendente Domino omnis sacra discipulorum turba loquebatur varijs linguis. Verum enimvero legem illam soli populo Hebraeo latam sola materna lingua doceri opus erat. Hae autem, quia per vniuersum mundum omni creaturae ab vnius gentis, & nationis magistris praedicanda venerat, eos omni scientia, omnique linguarum facultate imbui postulabat: & sigentibus, quae superbia elatæ turrim contra Deum aedificare conatae sunt, vna materna lingua confusa est, his qui profunda humilitate fundati vniuersalem gentium, atque exterarum nationum Ecclesiam aedificare volunt, omnia genera linguarum diuinitus elargiantur: & si illis ad idolatriam declinantibus diuersitas linguarum instrumento fuit, eisdem ad vnius Dei cultum reuocandis earundem linguarum donum subsidium fore necesse est.


Si ergo, Pater Beatissime, ex illo typico Domini aduentu tanta populi læticia oborta est, tantum gaudium, tantaque alacritas redūdauit, ut præ animi gratitudine nulli musicorum instrumento pepercerint, nullumque exultationis signum reliquerint: ita ut hominum viginti duo millia; arietum autem centum viginti millia ad sacrificium, & victimas vix suppetere: nos in hoc præstantissimo, ac facillimo sancti Spiritus aduentu, quo Ecclesiam sanctam tot, tantisque cumulauit muneribus, quo gaudio, qua læticia, quæ animi gratitudine exultabimus? Præterea etiam si hæc est sacrosanctæ matris Ecclesiæ laudabilis institutio, hoc veræ pietatis obsequium gloriosa Sanctorum merita perpetuis præconijs, & laudibus in eorum natalitijs extollere, toto corde gaudere, atque honorifice celebrare, quanto magis hodiernæ festiuitatis mysterijs fortius mens nostra ad hæc deuotionem illecta, & inflammata rapiatur necesse est? quibus sancti Spiritus, diuinæ bonitatis, & misericordiæ opera protestantur; à quo Sancti omnes tanquam ex perenni bonorum omnium fonte virtutes hauserunt, & merita. Vnde enim constantiam Martyres? vnde Virgines continentiam? vnde Confessores perseuerantiam? nisi ab hoc diuini Spiritus gratuito quodam dono, & munere receperunt? nam si diuisiones gratiarum sunt, idem autem Spiritus, diuisiones ministrarionum sunt, idem autem Dominus: diuisiones operationum sunt, idem vero Deus, qui operantur omnia in omnibus, idem (inquam) Spiritus quem propterea, & Dominum, & verum Deum Apostoli testimonio confitemur, quem licet à Patre, & Filio persona distinguit: immensa tamen bonitas, & essentia nullatenus separat, quia ij tres vnum sunt, ipse dator munerum, beneficiorum largitor, donorumque est optimus distributor. Quapropter de Sanctorum triumphis monumentis, & gloria simul & lætari, & huic diuino largitori gratulari debemus. Ergo si perspicuum est in collatis beneficijs quanta sit laus cum in acceptis tanta sit gloria, dum sanctos viros, quos iam super omnes cælos accepta virtutum beneficia extulerunt, nos iterum illos, vsque nostris laudibus efferre nitimur: sanctificantem ipsos Spiritum, qui eis, & meritum munera, & præmiorum gloriam in beatitudinis felicitate donauit quo digno laudum genere celebrabimus? (si dum illorum festos dies anniuersarios agimus, qua animi ala-

mi alacritate possumus velut eorum gaudemus gaudium, quamuis tunc temporalem vitam cum eterna vereq. beata commutantes gratissimo nos suo consortio, ac societate priuarint in Spiritus Paracliti egregio, magnoq. Paschate, cuius suauissimus, optatissimq. aduentus, maxima & pretiosa nobis promissa donauit; per hæc nos efficiens diuinę consortes naturę: qua lætitia perfrui, quibus gaudijs, seu gratianimi monumentis exultare oportebit? Omnis quippe humana facultas, Illustrissimi Principes, ac tantam habendam gratiam quanta debetur inops est, nedum referendam: erumpant ergo, erumpant præ lætitia lachrymę, erumpant simul, & vota, quibus ab eodem diuino Spiritu condignum gaudium, debitamq. gratiarum actionem imploremus: etenim si, vt vera Dei templa simus, quod Spiritus habitat in nobis sat est: vt idem ipse Spiritus fons gaudij, ac plenum lætitię Dei donum cordibus nostris per charitatem infusus, magna nos sui specialis aduentus alacritate perfundat, pro tot musicorum generibus, & instrumētis vnum decem chordarum psalterium, diuinis auribus iucundius pulsemus, quoniam delectatur, & gaudet Dominus in illo decalogi decem fidium instrumento cōsona chordis cōcordia resonante, melior enim, & suauior actionum quam vocum concentus, etiam ac bonorum operum dulcior, quā sonorum armonia, ac pro tot millibus bouum, atque arietum victimis: vnum sacrificium laudis melius, alterum cordis contriti, & humiliati præstantius; reliquum vero Agni immaculati omnium præstantissimum offeramus, beneficentię, & communio-  
nis memores; talibus enim  
hostijs deus propitiatur.





IN FESTO  
SANTISSIMAE  
TRINITATIS.



ORATIO PRIMA.



VM verus Dei, atque hominis  
filius, Beatissime Pater, He-  
bræorum regiones doctrinæ  
suz splendoribus illustrasset,  
& hominum tabefactæ natu-  
ræ salutarem vigorem suæ  
virtute passionis intulisset, ac  
peracto Resurrectionis trium-  
pho, supremæ potestatis ac-  
cepisset amplitudinem, disci-  
pulos suos, in quibus omnes  
Evangelij ministros instrue-

bat, in lucem pariter & salutem populis destinavit vniuersis,  
dicens: Euntes ergo docete omnes gentes, baptizantes eos *Matth. 28.*  
in nomine Patris, & Filij, & Spiritus sancti. Quo nouissimi  
sermonis eloquio reductus in cælum Dominus Ecclesie suæ  
posteritati veluti pater futuri sæculi prospexit, dum sempi- *Isai. 9.*  
ternæ Trinitatis aperuit ineffabile mysterium, simulque po-  
tentissimum regenerationis instituit Sacramentum. Vt ex  
omni natione, quæ sub cælo est, promissionis filij vocarentur,  
quos non externa solum corporis ablutio, sed interna etiam  
mentis illustratio renouaret, & amissæ restitueret dignitati.  
Nam sicut baptizato in Iordane Domino eadem se Trinitas *Luc. 3.*  
apertis declaravit indicijs, cum super ipsius incarnati Ver-

bi personam Spiritus sanctus in columbæ specie descendit, & mansit, audita de cælo Patris voce, dicentis: Hic est Filius meus dilectus, in quo mihi bene complacui: non secus in renouationis lauacro, salua cooperatione inseparabilis Deitatis, se Pater, se Filius, se, propriè Spiritus sanctus ostendit. Filius enim originem, quam sumpsit ex utero Virginis, ponit in fonte baptismatis: & Spiritus Altissimi virtus, & obumbratio, quæ fecit vt Virgo gigneret Saluatorem, eadem facit, vt regeneret vnda credentem: quem Pater æternus in primogeniti sui temporali natiuitate congenitum, adoptat in Filium. Vnde quamuis nulla mens ad cogitandum de Deo, nulla ad loquendum lingua sufficiat: diuinis tamen sermonibus eruditi fideles, illam de incomprehensibili summæ naturæ sacramento fidem mentibus amplectimur illuminatis, & ardenti prædicamus affectu, quam nobis Pater cælestis reuelauit, quam stabiliiuit Vnigenitus, quam Spiritus sanctus infudit. Scimus enim, & toto corde confitemur vnã Patris, & Filij, & Spiritus sancti Deitatem, & consubstantialẽ sempiternæ Trinitatis essentiam, in nullo à se diuisam, in nullo esse diuersam, nullo exordio temporalem, nulla varietate mutabilem. Quia tota simul Trinitas vna virtus est, vna maiestas, vna substantia: par in omnipotentia, æqualis in gloria, concors in voluntate: indiscreta opera, inseparabilis dilectione: simul implens omnia, simul continens vniuersa. In qua ideo Scriptura sacra singulis aliquid personis per proprietatem vocis, aut operis assignat, vt nobis eiusdem Trinitatis insinuet veritatem, non tamen vt diuidat intellectus, quos distinguit auditus. Nam cum vera vnitas, ac vera Trinitas possit quidem aliquatenus mente sentiri, sed non possit simul ore proferri: numquam intelligeretur esse Trinitas, si semper inseparabiliter diceretur. Quare cum Dominus ante passionis suæ diem Discipulis suis Spiritus sancti polliceretur aduentum: Hæc, inquit, locutus sum vobis apud vos manens, Paraclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia, quæcumque dixerò vobis. Et iterum: Verba, quæ ego loquor vobis, à meipso non loquor, Pater autem in me manens ipse facit opera. Quæ igitur illuminat Pater, illuminat Filius, illuminat Spiritus sanctus: & cum alia sit persona missi, alia mittentis, alia promittentis: simul nobis

32. *avc*

*Joan. 14.*

*Ibidem.*

nobis & vnitas manifestatur, & Trinitas. Vt essentia non recipiens solitudinem sic in tribus intelligatur esse personis, vt omnibus æqualitatis & existentie gradibus exclusis, nulla iib persona sit maior, nulla minor, nulla sit anterior, nulla posterior. Non enim est pietas Vnigenito præferre Genitorem, nec omnipotens Pater, nec incommutabilis æstimatur, si aut minorem se genuit, aut quem non habuit, habendo profecit. Quapropter dicente Domino: Qui videt me, videt *Ioan. 14.* & Patrem, tanta excauit hæreticos dementia, vt qui Filij maiestatem non viderunt, Patris gloriam non viderent. Cum idem Dominus per potentiam verbi se profiteatur æqualem, *Ioan. 10.* qui propter carnis veritatem se Patre dicit esse minorem, & vna Catholica Fides vtrumque suscipiat, vtrumque defendat, quæ secundum confessionem beati Apostoli Petri vnum Christum Dei viuientis Filium & hominem credit, & *Ioan. 16.* Verbum. Quibus diuinæ Sapientie documentis ita noster acquiescit assensus, vt quantumcumque de incomprehensibili Patris, & Filij substantia radio supernæ lucis attingit, hoc ipsum de Spiritu sancto simul & indiscretè concepiat, & quidquid Deo dignum reperit, nulli hoc audeat negare personæ. Cuiusvis enim nefandæ opinionis dogma blasphemum disciplina celestis execratur, & damnat, quæ sic Trinitatis adserit vnitatem, vt Patrem, & Filium, & Spiritum sanctum sine confusione indiuisos, sine tempore sempiternos, sine differentia credat æquales. Christianæ siquidem Fidei *Ibidem.* fortitudo, quæ portas mortis super hanc inexpugnabilem petram ædificata non metuit, impugnatores mysteriorum Dei sub imperio diaboli militantes dextera Domini pugnantem confringit, & errorum tenebras coruscante lumine veritatis expellit. Quia vero, vt Apostoli verbis vtar, Neque *ad Gal. 5.* circumcisio, neque præputium aliquid valet, sed Fides, quæ per dilectionem operatur, quotquot per aquam, & Spiritum sanctum renati sumus, solerti studio vigilemus, vt cui intelligentiæ concessione subijcitur, eidem pietatis imitatione iungamur. Quippe cum Dominus Apostolis suis regenerandi filios hominum, & in filios Dei adoptandi tradidit potestatem, vitæ quoque rationem præscribens, ait: *Mat. 28.* Docentes eos seruare omnia, quæcumque mandauì vobis. Et ne quisquam se per occasionem infirmitatis excuset, cum *Ioan. 15.* sine quo facere nihil possumus, omnia per ipsum valeamus *Philip. 4.*



*Matt. 28.**Isai. 7.**Joan. 6.*

implere, spondet nobis Dominus præsentiam suam, dicens: Ecce ego vobiscum sum omnibus diebus, usque ad consummationem sæculi. Sic etenim qui per Isaiam vocatur Emmanuel, idest, nobiscum Deus, sui nominis proprietati respondet: atque adeo qui ascendit in cælos, non deserit adoptatos: qui sedet ad dexteram Patris, totius habitator est corporis: quia ineffabili modo capit esse diuinitate præfentior, qui factus est humanitate longinquior. Immo etiam in vtriusque veritate naturæ voluit nobiscum permanere, idem Verbum caro factum, siquidem in illa mystica perennis mensa conuiuij sic impartitur, & sumitur, vt accipientes virtutem cælestis alimonix in carnem ipsius, qui caro nostra est, transeamus, dicente Domino: Qui manducat meam carnem, & bibit meum sanguinem, in me manet, & ego in illo. Cum ergo tanta sit misericordia Dei, vt nos sub veteris quondam ignorantix profunda nocte pereuntes in

Patriarcharum societatem, & sortem electi generis adoptarit, sic nobis potissimi reuelatione mysterij fides illuminet intellectum, vt etiam diuinorum custodia mandatorum accendat charitas voluntatem, spes quoque cælestis auxilij promissione, memoriam ad æternæ gaudia felicitatis attollat.



## ORATIO II.



**S** T A T A solemnique caerimonia  
 veteri, communique religione  
 mysterium celebramus B. Pater,  
 ita sublime, reconditum, diuinum,  
 vt prae illius excellentia cetera  
 Christianae veritatis arcana, quae  
 quidem & praestantissima sunt &  
 augustissima, vel arcana dicenda  
 minimè sint, vel hoc vnum, à quo  
 suam illa amplitudinem petunt, ac  
 diuinitatem mysterium mysteriorum appellandum esse non  
 inficiemur. Argumentum non lingua, verbis, sententijs, sed  
 silentio, admiratione, stupore quodam sacro recolendum:  
 nusquam commodius pertractandum, quam praesente te, qui  
 Dei internuncius, diuinorum interpretes, religionis arbiter, &  
 serenitate frontis, quasi secundae cuiusdam aurae statu solu-  
 tem impelles, & oculorum obtutu, quasi tuo felici fidere diri-  
 ges in tam incogniti, immensi, ac prorsus interminati maris  
 tractibus euagantem. In apertum siquidem ruit interitum,  
 qui sine tuo ductu, & auspicijs hic intelligentiae vela pandat,  
 ea quae tradita rationis humanae ventis nimis intendant. Cur-  
 sus enim dirigitur in penetralia diuinitatis ipse, in ipse  
 Dei cubilia, qui lucem habitat, sed lucem inaccessibilem, ita  
 fulgentem, atque coruscantem, ita nostris oculis imparem, vt  
 videatur obscura. Non secus, atque humana acies si inten-  
 datur in solem nimio splendore hebetatur, minus videt, ma-  
 le videt, versari videtur in tenebris. Ex quo aequè verè qui  
 lucem habitat inaccessibilem, tenebras posuisse dicitur lati-  
 bulum suum. Quare, nisi vel in tanta obscuritate dux ad-  
 sit, vel nisi in tanto lumine Ecclesiae dextra, umbra Fidei ob-  
 tendatur nostris oculis, obtutum desigere nullam in partem  
 possumus, aberramus, perimus. Testatur hoc Gnosticorum  
 & Manichaeorum error, qui duos in Deos, alterum boni, al-  
 terum mali auctorem impeerunt. Confirmat Vadianorum  
 exemplum, qui ad membra nescio quae humana peruenerunt;  
 quorum

quorum etiam vsum Deo necessarium tribuebant. Documento sunt Noetiani atque Sabelliani, qui cæcutientes vnam tantummodo personam inspexerunt, quam diuersis tamen dicebant appellari nominibus. Recordamur miserrimum Arij naufragium, & ex eadem sentina Actium, Eunomium, Achatum, Maximinum, Felicianum, orbem pene terrarum vniuersum, qui in persona Filij diuinitatem videre non potuerunt. Scimus Macedonium, qui contra Spiritum sanctum, & aduerso Spiritu sancto vela solueret, in syrtes illas incidisse, in quibus, dum tertiæ personæ fateri diuinitatem noluit, spiritum ipse, & corporis, animique vitam amisit. Sed quid ego cæcitatem, quid errores antiquorum enūmero, qui veritatem diuinæ Trinitatis non viderunt, qui in ea turpissimos errores inducunt, quoniam Ecclesiæ ductu caruerunt. Vtinam non ingens eorum numerus, quos ætate nostra Trinitarios appellamus, vtinam non bona Græciæ pars ferre testimonium verissimum, & miserrimum posset, quibus fuit idem discedere ab auctoritate Sedis Apostolicæ, & male sentire de Trinitate, & ignorare fontes, à quibus summus ac diuinus ille Spiritus procederet. Sunt præsentia huius naufragij calamitosi vestigia, ipsi videmus iactari passim aliorum cadauera, aliorum adhuc spirantium, sed à mente abalienata corpora; omnino siquidem opprimeretur à gloria scrutator maiestatis, ad quam neque cognoscendam, neque inuestigandam accedere suis viribus possit. Sunt sanè in animis hominum informatæ Dei notiones, indidit ipsa natura anticipatas quasdam cognitiones diuinitatis, ut nulla sit geos, neque tam hebes, atque excors, neque tam immanitatem effugerata ac barbara, quæ non cognitum, comprehenduntque animis habeat, esse aliquod numen præstantissimæ mentis, à quo tanti naturæ motus, tantæ vicissitudines, tam multarum rerum, atque tantarum ordines administrantur: à quo consulatur rebus humanis, à quo mundus administratur, quod denique habeat diuinitatem. Sunt in hac rerum vniuersitate illustria quædam, nobilissimaque itinera, quibus ad aliquas Dei virtutes perueniatur. Exsunt egregia, præclarissimaque vestigia, quibus ducimur ad eius unitatem intelligendam; siquidem inuisibilia Dei à creatura mundi per ea, quæ facta sunt intellecta conspiciuntur. His institit insignis ille Plato, qui Deum vnum asseruit, ac de rebus altissimis ita dispu-

disputauit, vt si cum cæteris Ethnicis conferatur, diuini cognomen obtineat. His ille rex ingeniorum Aristoteles, qui per motus orbium, quorum alter cietur ab altero, quibuldam quasi gradibus adductus ad eum, qui mouet & non mouetur, argumentatione metaphysica concludit: vnus ergo Princeps. Hæc sequuti qui in antiqua illa philosophia cæteris oculatiores multitudinem Deorum irriserunt, atque vni principatum, vni diuinitatem esse tribuendam asseruerunt. Potuerunt hæc inquam coniecturis assequi, humanis rationibus inuestigare, cum per commodè ex operibus transire liceat ad effectorem operum, & ea de illo cognoscere, quæ opifici, atque architecto conueniunt, quod in Deo est vnica eius princeps, nobilissimaque natura. De Trinitate verò non modo nihil attingere, nihil cogitare, sed neque proposita quidem ab alijs credere absque lumine, præsidioque diuino potuerunt. Hic enim deficit humana vis, hic vniuersa philosophia conticescit, nullæ sunt argumentationes, nullæ necessaria indicia; hic omnis intelligentia vel nobilissima, vel cælestis obstupefcit, sese abiicit, suamque proficitur imbecillitatem. Credam fortasse picta ab Apelle, quæ pingi non possunt, tonitrua, fulgura, fulgetraque; credam fortasse pictum ab Aristide Ihebanol, quod vix cogitatione comprehendetur, hominis animum; potest enim species humani corporis ita coloribus exprimi, vt si credas oculis, inesse animum opineris. Possunt in tabula ita referri signa fulguris, vt auribus imponant oculi; & prope fragorem exaudias, illa tamen ab humana mente, aut fingi, aut adumbrari posse non credam, vnā esse naturam, sed triplicem hypostasim, tres personas & vnum Deum. Filius est à Patre; est, non tamen Filius, tempore Pater præcessit, non est Filius Patre posterior. Spiritus sanctus est à Patre, atque Filio, est, sed æquè, atque illi sempiternus. Pater Deus, Filius Deus, Spiritus sanctus Deus, & tamen non trēs Dij, sed vnus est Deus. Dialecticæ ratiocinationes facessant, altior est omni argumentatione, Trinitatis mysterium omni intelligentia sublimius, vt mihi exclamare cum sancto Augustino liceat: O vna Trinitas, o Trina vnitas? & cum Paulo: O altitudo diuitiarum sapientiæ, & scientiæ Dei, quā incomprehensibilia sūt iudicia eius, & inuestigabiles viæ eius, Te ipso doctore finit opus; te ipso arcani tanti reſeratore, quia nemo nouit Filium nisi

nisi Pater, neque Patrem quis nouit nisi Filius, & cui uoluerit Filius reuelare, sed reuelari profecto cupit vniuersis. Audite cum Paulo ante discessum, quo tempore amicis ad præstandum paratioribus committi solent mandata maxima, charissimæque: Euntes, ait, docere omnes gentes, baptizantes eos in nomine Patris, & Filij, & Spiritus sancti. Hoc nimis mirum promiserat per Ieremiam: Ecce ego mittam piscatores multos, & piscabuntur eos. Hoc ipsis Apostolis: Et faciam vos fieri piscatores hominum. Sed quam diuersus bone Iesu, hominum piscatus est à piscatu piscium; hos piscamur ad intentum, illos ad vitam, & hanc fortassis ob causam cum pisces irretitos educimus ab aquis, extra quas illi moriuntur; Christus contra quos docemus, quos piscamur homines baptizari, idest in aquas immitti imperat. Docere omnes gentes, baptizantes eos mergi iubet in vndas, quibus (vt vtat sermone Patrum) regenerentur, atque vt ipsa Veritas Nicodemum docuit, renascantur, & renascantur vt videri possint regnum Dei, habere vitam, & vitam æternam: hæc est autem vita æterna, vt cognoscant te solum Deum verum, & quem misisti Iesum Christum, vt credant admirabile nomen Trinitatis, quoniam ex ipso, & per ipsum, & in ipso sunt omnia. His aquis baptizandi sunt in nomine Patris, & Filij, & Spiritus sancti. Huius maris vndis immergendi, cuius vt dicebam initio cognoscendi, ac transmittendi rationem solus Deus aperire potuit, Nec mihi quis Numenium, Plotinum, Proclum, nouissimos Platonicos afferat, quos certum est à Christianis, quorum ætate vixerunt, arripuisse illa omnia, quæ explicatius de triplici persona disputauerunt. Nec mihi hæc à fabulosa illa antiquitate adumbrata esse assermet, in triplici diuisione mundi, qua Ioui cælum, Neptuno maria, Plutoni terras obtigisse fabulantur: ob eandemque causam ad vnitatem in singulis cum Trinitate figurandam; trisulcum fulmen Iouis, tridentem Neptuni, tricripitem canem insignia fuisse Plutonis. Hæc enim incertum est, vtum ab antiquis ficta inconsideratius, an ab alijs applicata sint ingeniosius. Non longè discrepant, trinæ modo lustrationes, modo aspersiones, modo vociferationes, quas in sacrificijs, funeribus, auspicijs, ternario plerumque numero concludebant. Nam quæ Plato, quæ Orpheus, quæ Zoroaster, quæ Chaldaei, quæ Mercurius Trismegistus, quæ

alij Ethnici de natura Dei, de Patre, de Filio, de vna diuinitate, de triplici hypostasi, non dissimulanter, ac temerè, sed apertè, considerateque scripserunt, ea vt e sacris doctõribus pleriquè testantur, ab Hæbreis, ab Aegyptiis, Chaldeis acceperunt. His porro indicata ab Abrahamo, Iacobo, Moyse, à primis Patriarchis fuerant, quibus Deus Opt. Maximus illa singulari beneficio, atque elementia significauerat, nobis verò disertè certissimeque declarauit.

Hanc nos Dei naturam hoc statò festoque die, ac sacra sollemnique cæremonia fatemur, profitemur, veneramur, hanc eius benignitatem amamus, prædicamus, celebramus, per quam factum est, vt in orbe Christiano vulgo docti, indoctique ea teneant, ea credant, quorum vmbra nullæ Academicæ, nullæ lycææ, nullæ Peripateticorum, Stoicorum, Sapientium quorumlibet scholæ, aut vnquam cogitatione comprehendere, aut attingere suspicione potuerunt. Quare Sacro Sancta Trinitas, tibi laus, tibi canimus trisagium hymnum, quem vt quarta synodus Chalcedonensis asserit, & refert Damascenus Constantinopoli in publicis supplicationibus puer è populo omnibus inspicientibus raptus in cælum ab angelis didicisse dicitur. Sanctus Deus, Sanctus fortis, Sanctus immortalis: quem conuenire sibi propriè Athanasius, Basilus, Gregorius, aliaque Christianæ Reipublicæ lumina plenissimè testantur. Quas enim tibi pro tuis

tantis in nos promeritis gratias referamus, nullas

habemus præter gloriam: idcirco vt ea tibi

perfoluenda, nostras plerumque preces

claudimus, sic optamus, vt reuelata

facie eandem tibi, extre-

mum, æternumque de-

cantare possimus.

Gloriam Pa-

tri, &

Fi-

lio, & Spiritui sancto.

Amen.





## ORATIO III.



VAE res Oratorem duæ plurimum hic solent à dicendo deterrere, ac pene abducere: eæ, si quando. B. P. hodierno die me ambæ vehementer vrgent: auditorum maiestas, & materiz excellentia. Quarum altera non mediocriter commoueor: altera sic animum meum percellit, conturbatque, vt vixdum verbum proferre sinat. Exanimor

protecto supra modum, & tanquam vastissimum, procellosumque pelagus intraturus, pedes è vestigio refero: tam immania, tamque impenetrabili deterritus abyssus. Obmute-  
scerem, fateor, ac rei magnitudine, & difficultate, tantique theatri præsentia, & maiestate perterritus animo penitus succumberem: ni singularis illa humanitas tua. S. P. satis vbiq; decantata; mihi iam pridem explorata: solitusque ille vester in dicentes candor, ac beneuolentia, Patres Illustrissimi, me bono fortique animo esse non solum cohortarentur, verum cogerent etiam quodammodo. Accedit eodem (quod me vel cum primis audentem facit) exuberans illa cælestis virtutis, gratizque affluentia, quam Deus Optimus Maximus Evangelici verbi proclamatoribus non semel pollicetur. Quam etiam in me ipse, concionibus ad populum habitis, sapissime sum expertus. Equis enim, quamlibet suæ imbecillitatis, ac paruitatis conscius, de tam munificentissimi patris largitate, non dicam dissidat, sed vel non spectatissima ducatur? qui abstrusissima quæque suæ maiestatis mysteria, sæculi abscondit sapientibus, reuelat paruulis: & ex illorum ore gratiam sibi perficit laudem: qui vinctas mutorum linguas disertas & eruditas facit: qui interdum in rubo loquitur: qui demum tum ex mutæ, stolidæque animantis lingua, tum ex ore sceleratissimi hominis oracula promit saluberrima. Velamen igitur illud, quo oculus Moysi olim obtexerat, discisso per salutiferam filij mortem veli templo, a me

*Psal. 67.*  
*Matt. 10.*

*Matt. 11.*  
*Psal. 8.*  
*Sap. 10.*  
*Isai. 50.*  
*Exod. 3.*  
*Ioan. 11.*  
*Exod. 34.*

*Matt. 27.*  
*Psal. 118.*

à me ( quæ sua est benignitas ) tollet : reuelabitque osculos meos, & considerabo mirabilia de lege sua. Adestoque itaque animis Patres Illustrissimi, qui adestis corporibus : & me licet immeritum, de Sancta Trinitate: hoc est : de unico & inexhausto omnium sacramentorum fonte dicere incipientem, ( id quod res ipsa postulat ) quæso, diligenter attendite.

Ut nulla est in diuina Philosophia quæstio, vel obscurior l. difficilior, atque Theologica illa, quæ in Dei natura & vi, quæ, qualis ve sit, peruestiganda versatur : sic illa priori, an sit? nulla est inter omnes, non religiosos modo, sed & profanos : non Philosophos, sed etiam indoctos, vel explicatior, vel constantior, vel sensu magis confirmata communi. Quæ est enim natio tam fera? quæ gens tam barbara? quod hominum genus tam immane? cuius mentem non imbuerit Dei Optimi Maximi opinio? Nam Protagoram illum Abderiten <sup>Abderiten</sup> appellatum, quod Deum in dubium vocaret : & Diogoram Melium ; & Theodorum Cyrenaicum : cæterosque Philosophastros, qui cum omnino tollebant : indignos profecto iudico, qui hominum, nedum Philosophorum numero adscribantur. Ecquis enim tam sit imprudens rerum? quis tam mentis inops? qui terram, mare, cælum, quæque horum ambitum continentur, pergat oculis collustrare? qui solis interdiu pulchritudinem, magnitudinem, efficientiam? noctu deinde lunæ, luminum varietatem, crescentis, senescentis, ac mirè res immutantis? stellarum præterea, quas vagas dicimus, motus incitatos, retardatos, insistentes? astrorum demum inerrantium vim, distinctionem, multitudinem? quis, inquam isthæc, aliaque id genus in natura mirabilia contempletur, qui non modo non Deum esse consentiat? sed & cum Vate regio non protinus clamet: Cæli enarrant gloriam Dei, *Psal. 18.* & opera manuum eius annunciat firmamentum? Et cum Sapienti eius filio. Hoc quod continet omnia scientiam habet *Sap. 1.* vocis? hoc est, Mundus prædicat non solum inuisibilẽ deum, sed & inuisibilia dei; quæ vt dicebat Apostolus, a creatura *Rom. 1.* mundi, per ea quæ facta sunt, intellecta conspiciuntur: semper æterna quoque eius virtus, & diuinitas. Quæ plane effecta, ceu quosdam magistros, Dei indices, consulere cohortatur Iob. Interroga, inquit, iumenta, & docebunt te: volatilia cæ *Iob 10.* li, & indicabunt tibi: loquere terræ, & respondebit tibi: &

narrabunt pisces maris . Solidum ergo fundamentum luce & sole clarius; quod Deus sit, merito iactum videtis .

Quis autem, qualis ve sit? mentis Angelicæ nedum humanæ captum longe superat . Vnde recte Simonides, post accuratissimam eius rei perferutationem; dicebat . Quanto diutius Deum considero, tanto mihi res videtur obscurior. Enim uero cum Deo nihil in omni natura esse: nihil excogitari possit, aut præstantius, aut excellentius, aut omnibus denique numeris absolutius: nomen quoddam esse necesse est incorporatum, immensum, incommutabile, æternum, necessariū, omni ex parte perfectum, summè bonum, in se ipso beatum, omnia efficiens, omnia gubernans, omnia comprehendens: a nemine comprehensum, omnia cognoscens, cum tamen ipsum, ut in se est, nemo vel nomine tantum possit cognoscere. Propterea Sapiens, Quod est, inquit, nomen eius si nosti? Plato etiam nunc eum ἀπύρρον, nunc ἀκαταμάχτην vocitabat, cuius est & illa præclara sententia. ὁ θεὸς μὲν, διὰ τοῦ ἐν ἑαυτῷ οὐκ ἔστιν ἀδύνατον. Ad lucem hanc inaccessibilem, sicut ad solem solutæ, omnes fere mortalium mentes olim exercebant, ac miserè hallucinabantur: donec arcanus ille Deus, qui posuerat tenebras latibulum suum, iubar illud splendidissimum doctorem iustitiæ Christum, misit ad nos . Qui flagrantissimæ caritatis suæ radijs ignorantix tenebras procul effugaret: & fidelium mentes, nouis, inopinatis, mirabilibusque institutis imbueret. Princeps hic Trinitatis Euangelistes aperte, ac sine inuolucris vniuersum tantum naturæ diuinæ, triumque personarum nomina in terras primus inuexit . Hoc potissimum doctore, vnicum Deum Patrem, & Filium, & Spiritum sanctum appellare didicimus: Patrem ex nullo: Filium ex Patre: Spiritum sanctum ex Patre & Filio, æternum procedere. Præterea, Patrem Filio: Patrem quæ & Filium Spiritui sancto, quicquid sunt, quicquid habent ( proprietatibus, quas vocant, duntaxat exceptis ) illum scilicet intelligentia sui: hos vero mutui amoris vi commune, ac indiuiduum facere. Denique Patrem ingentem, genitorem tamen . Filium genitum imaginemque Patris, non tamen omnino donum: Patrem & Filium non gignentes, sed spirantes: nec Spiritum sanctum genitum, nec proprie imaginem: sed procedentem, sed spiratum, sed proprie donum, fide confiteri inconcussa. Hinc voces illæ Theologiæ candidatis perquam familiares. Essen-

Prou. 20.

Ineffabilem.  
Innominabilem.

Deum inuenire profecto haud facile: at nosse tamē impossibile.  
Psal. 17. &  
Iob. 22.

tia simplex: Processiones duæ: Personæ tres: Proprietates quatuor: Notiones quinque: Appropriata complura: Attributa innumerabilia. Quibus vocabulis, in re præsertim diuinitus reuelata, cum Ecclesiam, sanctosque Patres sic passim videamus loquentes, libenter vtimur. Sed progredior quod me vocat Trinitatis mysterium. Quod nimirum quonam sese habeat modo, balbutientem me potius, vt res ipsa fert, quam Latine pronuntiantem, intenta mentis acie cogitante: vt acumen penetret, quod obtundit oratio.

Ergo cum Vnigenitus ille Dei natura sit à Patre, tot, tantisque ac talibus cumulatus perfectionibus, vt nihil omnino penes Patrem existat (præter id solum, quod innascibilis, ac Pater est) quod non cum Filio communicarit, non potest vno vocabulo exacte cognosci. Atque ea de causa quærebat Salomon. Quod est nomen Filij eius si nosti? Vnde necesse est eum multis notionibus, quas solus peculiari quodam sibi iure vendicat, explicare. Vocatur imago substantiæ Patris, vt Patri, virtute inenarrabilis ortus natura esse persimile: splendor, vt coeternum: filius, vt in eadem numero natura genitum; Verbum, vt non aliqualis seminis, sed defæcata intelligentiæ, vi conceptum, genitumque doceamur. Quemadmodum enim creatura rationis particeps, dum sese ipsa considerat, speciem quandam, notam ve sui intra se format: quod Philosophi verbum conceptum appellant: sic plane mens illa increata, ac mire fecunda, expressam imaginem, eiusdem secum omnino naturæ, æterna sui comprehensione gignit. Quod sane Verbum illud appositè nuncupatur, quod & in principio erat apud Deum, & Deus erat. Creatum hoc nostrum tanto superans intervallo, quanto mens ipsa diuina corpus, creaturam creator excellit. Mentis enim creatæ verbum, accidens est, non substantia, non persona, non hypostasis, non infinitum, non immensum, non sempiternum, non *ἀειδύς*, non denique filius: at Dei verbum, isthæc omnia. Nullatenus a Patre distinctum, nisi quod ille gignit, hoc gignitur: ille *γεννῶν*, hoc imago: ille ordine, quem vocant origenis, prima Trinitatis persona, hoc secunda: denique, ille Pater, hoc Filius.

Præterea ex Patre & Filio, mutuo quodam, & inexplicabili amoris nexu persona Spiritu sancti procedit: hoc vno à duabus illis tertia, quod ab vtraque simul, tanquam ab vnico princi-

*Prou. 30.*

*Ipsē dixit.*

principio, spiratur: non ut genita, non ut Filius, non ut imago, licet omnino natura persimilis: sed ut procedens, ut spirata, ut propriè donum. Cuius nimirum non est alia potissimum ratio desideranda, quam illa Pythagoreorum: αὐτὸς ὁ παῖς ipse videlicet veritatis magister. Sed de sanctissimo Spiritu, quoniam breuitati studemus, & hic ab alio nuperrime dictū est, ne verbum quidem in præsentia. Oratio ergo eo, vnde cœpit exspatiari, recurrat.

*Matt. 16.*

*Matt. 11.*

*1. Cor. 3.*

Reconditissimum itaque ineffabilis mysterij oraculum triū diuinarum vnus naturæ personarum, Christo domino vnico veritatis doctore, nobis palam innotuit: non id caro, non sanguis, non sæculi sapientia adinuenire vnquam potuit. Nemo enim nouit Filium nisi Pater: neque Patrem quis nouit nisi Filius: & cui voluerit Filius reuelare. Idemque omnino cum Paulo de Spiritu sancto confitendum. Quæ sunt, inquit, Dei, nemo nouit, nisi Spiritus Dei.

*Matt. vii.*

*Gen. 1.*

*Exemplar.*

*Sap. 11.*

*Act. 12.*

Christo igitur redemptori hanc potissimum gratiam, sicut & alias innumeras profecto debemus: qui accersitis Apostolis, ut modo audistis: Ite, ait, docete omnes gentes baptizantes eos in nomine Patris, & Filij, & Spiritus sancti. Ecce Christi fideles Deus noster trinus, & vnus. Hæc illa causa causarum, Hic ille Deus ignotus, quem tam anxia ingeniorum defatigatione incassum olim quæritabat antiquitas. Hic ille rerum artifex qui in principio cælum, & terram architectatus est: quem res omnes pro suo quæque modulo expectunt. Ecce thesaurus vnde rerum ditescit vniuersitas: Ecce *ἀρχιτρον* animæ tribus delineatæ potentijs. Hinc rerum, quas cernimus, pulchritudo: Hinc ratus ordo: hinc numerus, pondus, & mensura dimanat: Hoc denique auctore viuimus, mouemur, & sumus.

*Exod. 31. &*

*1. Cor. 3.*

*Rom. 1.*

*Psal. 35.*

*Morbo oculorum.*

*Matt. 5.*

Porro quo illum pacto recte nosse, ac eo tandem perfrui liceat, paucis accipite. Imprimis facies vbi resident sensus, exemplo Moyse, velanda est: auribus dumtaxat liberis, qua fidei pateat ingressus. Deinde diuino opus est lumine (quod regius Vates edocuit) ut solis luce solem ipsum intueamur. Postremo ægitudines, sordesque animi procul depellendæ sunt: & de eius sanitate, & candore summo studio laborandum. Ut enim vitiorum *ὀφθαλμοί* mentis acies obtunditur: sic gratiæ collyrio eatenus exacuitur, ut ad Deum vsque valeat penetrare. Beati, Dominus ait, mundo corde, quoniam ipsi Deum

Deum videbunt. Quare cordis oculos prauis affectionibus expurgemus, vt vinculis aliquando corporis exoluti, quem modo fide profitemur, spe præstolamur, caritate complectimur; euanescenti tandem fide ceu nebula, reuelata facie cō- 2. Cor. 3.  
templemur, æterna tranquillitate possideamus; arctissimo, inenodabilique amoris nexu deuinciamus trinum, & vnum Deum, in sæcula sæculorum. Amen.

## ORATIO IV.



**E**t si conspectus tuus humanissimus Beatissime Pater in huius amplitudine loci, in hoc sacro conuentu, in hac totius orbis terrarum clarissima luce quantumuis mutos, & elingues prouocet, & mihi etiam ipsi animum faciat ad dicendum: Sacrosanctæ tamen Trinitatis mysterium occultum, reconditum, ac supra omnem creaturæ captum, eleuatum (quod hodierno die in maximum se exhibet omnium & orationis, & fidei argumentum) silentium indicit; vt de eius excellentia, quam nullius potest mentis cogitatio cōplecti, lingua penitus conticescat. Quid igitur faciam, aut quid loquar tantæ rei magnitudine explorata? Satiùs quidē esset tacendo cum Moyse mutum me animal, aut puerum *Exod. 4.* nescientem loqui cum Heremia profiteri, quàm dicendo de *Hier. 1.* Deo balbutire. Nam si David iudicia Dei abissum multam *Psal. 35.* vocat, cuius stabilis sedes nec mensura, nec sensu capi queat; Si Paulus dum eadem contemplatur, nec exitum, nec quò *Rom. 11.* ascensum figere, ac stabilire possit reperiens orationem admiratione circumscribit, Deique iudicia nullius ingenio percipi, comprehendique posse decernit: quid à me de summo illo numine, de principe illa, ac primaria essentia, quæ nullo interiori mentis conceptu capi potest, exteriori vocis oraculo proferetur? Verum, vt hinc initium sumam, docuit non incallidè profanorum Theologorum quidam, illum quasi parentem huius vniuersitatis inuenire difficile esse, & cum iam

*Plat. in Timæo interpr.  
Cic. lib. deenni  
uerfi.*



*Grego. Naz.  
oratione 1. de  
Theolo.*

*Hilarius lib.  
2. de Trinit.*

*Sap. 10.*

*Apocal. 6.*

*Matth. 28.*

*Eſaiæ. 64.*

*Ephes. 2.*

iam inueniſſis neſas in vulgus indicare: vt ex eo, quod intel-  
lectu difficilem affirmat; opinionem hominibus afferat, ſe  
Deum cognitione percepſiſſe, ex hoc verò, quod neſas in vul-  
gus indicare ait, id agat, ne inſcitia ſua prodi, ac deprehen-  
di valeat. Simplex tamen, ac ſyncera Chriſtianiæ mentis pi-  
tas Deum nec verbis exprimi, nec humani ingenij acie pene-  
trari poſſe fatetur. Eſt enim inuiſibilis, ineffabilis, infinitus,  
ad quem & eloquendum ſermo ſileat, & inueſtigandum ſen-  
ſus hæbeterur, & complectendum intelligentia coarctetur.  
Si igitur de Deo aut ſentiendum aliquid, aut dicendum eſt, a  
Deo diſcamus oportet, ne mens errore deluſa, aut mendax  
in multiloquio lingua terminos à varietate præfixos transgre-  
diatur. Quamobrem ſumma illa ſapientia Patris, quæ ape-  
ruit os mutorum, & infantium linguas fecit diſertas, Deus  
ſcilicet, & Dominus noſter Ieſus Chriſtus immaculatus agnus  
obſignatum librum reſignauit, deſcriptum in eo Trinitatis  
myſterium oſtendit, ac ſermonem, quem de Deo loqueremur,  
antea nunquam auditum in aures eccleſiæ toto orbe diſfuſæ  
Matthæi teſtimonio cum ipſa veritatis ſuæ virtute transfu-  
dit, Docete, inquit, omnes gentes, baptizantes eos in no-  
mine Patris, & Filij, & Spiritus ſancti. Quid amplius dicen-  
dum eſt, ſi in tanta verborum breuitate tam infinitam maie-  
ſtatem, & gloriam nos Chriſtus edocuit? Quis vnquam Deū  
Patrem, Filium, & Spiritum ſanctum nuncupauit? Solus ipſe  
in ſeipſo beatus, & incomprehenſibilis naturæ ſuæ compre-  
henſor Deus hoc ſibi nomen impoſuit. Quod vt manifeſta-  
retur mundo, dum flagranti deſiderio Sanctus Eſaias à Deo  
deprecaretur, Vtinam, inquit, dirumperes cælos, & deſcen-  
deres à facie tua montes deſluerent, vt notum fieret nomen  
tuum inimicis tuis. Eſaiæ votis arrisit euentus, vniuerſo orbi  
Dei nomen innotuit, & in ſacramento ſalutis nos cum inimi-  
ci, & natura filij iræ eſſemus, in nomine Patris, & Filij, &  
Spiritus ſancti baptizati veram Diuini nominis cognitionem  
ſumus conſequuti. Nec immerito tanti nominis deſiderio te-  
nebatur Propheta, cum ob illius ignorantiam in maximis quo-  
que mundus ignorantiz tenebris verſaretur. Nam Iudæi, qui  
ſe eruditores inſipientium proſitebantur, Trinitatis Theſau-  
rum inveteris teſtamenti agro abſconditum non inuenientes  
Diuinitatem in vnam perſonam contraxere. Gentiles verò,  
qui curioſè nimis de Deo philoſophabantur, & ſe ſapientes  
exiſti-

existimabant, in Deorum cæternas prolapsi sunt: Diuisio religionis humanum genus in duos populos diuidebat, & ut vterque in vnum conueniret, Trinitatis declaratione opus fuit, ut vitiosa extremorum Iudaismi, & Paganismi semita interclusa, media veritatis via Christianismus incederet. Enim verò digno diuinæ largitatis beneficio donati vnam in Patre, & Filio, & Spiritu sancto Diuinitatem agnoscimus, ne ultra tres personas Diuinitate diffusa, Deorum turbam cum Gentilibus inducamus, aut ihera tres personas Diuinitate restricta, Deitatis inopia premi iudicemur in vnam tantum personam cum Iudæis incidentes. Hæc est summi arcani breuis, & admirabilis summa, quam paucis complectens diuinus ille Theologorum magister Iohannes: tres sunt, inquit, qui testimonium dant in cælo, Pater, Verbum, & Spiritus sanctus, & hi tres vnum sunt. O rem miram, & stupendam? Omnia in hoc mysterio sunt difficilia, omnia ardua, omnia sublimia, omnia denique stupore plena. Qua igitur pergemus via ad imperia Diuinitatis? fide. Quo lumine illustrati Trinitatem inconfusam, & inseparabilem vnitatem consitebimur? fide. Quo auxilio, quæ ad coniunctam, discretamque Theologiam spectant, omnibus intrepidè assentiemur? fide. Fide inquam, quæ ita nos in altum subuenit, ut quæ de prima illa, ac purissimâ natura humana ratio non percipit, mundana Philosophia non sapit, singulari ipsius munere comparemus. Nihil enim tam ab humano intellectu remotum est, quam quod vna prorsus Diuinitas in tribus hypostasibus reperiatur. Nihil tam in Philosophia inauditum, quam quod geniti, & ingenti vna eademque omnino natura sit. Nihil tam à sensibus alienum, quam Diuinarum Hypostasicon circa confusionem, & mixtionem intima, & ineffabilis consuetudo. Sed si hæc auscultamus, & fide auscultamus sine vlla animi hæsitatione credimus, admiramur, stupemus. Iam verò dum tantum Sacramento per fidem acquiescimus, per quam veluti per speculum in ænigmate (ut ait Apostolus) nunc videmus: cupit intelligentiæ nostræ infirmitas quasdam ex inferioribus imagines quasi indices superiorum ut rerum familiarium consuetudine admonente ex sensus nostri conscientia ad insoliti sensus notitiam educamus. At quæ potest comparatio Diuinæ Triadi consentanea reperiri, cum nulli rei procreatæ similis Deus sit? Quo veluti simulachro incomprehensam Patris,

Greg. Naz.  
orat. 39. in  
Christi nat.

1. Ioan. 5.

Hæc à Grecis  
patribus  
Χρυσόστομ  
dicitur  
turde qua  
Genbrar. 2. lib.  
de Trin. &  
in Apol. con.  
blasph. 14.  
Scheg Kij.  
1. Corin. 13.  
Dionys. lib. de  
calest. Hier.  
c. 2. et Hilar.  
lib. 1. de Tri.

Ezech. 1.

22. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Basil. magnus  
in epis. ad  
Gregor. Nyss.  
de differentiis  
viri-  
tatis xpi  
v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

August. libr.  
6. de Trinit.  
cap. vii.

1. Corint. 15.  
Cant. 1.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Filij, & Spiritus Sancti vnionem depingam? Equidē, si patris magna componere concedatur, vocat me Ezechiel (sanctus), vt in visione sua adumbratē Triadis cellitatem patefaciam. Testatur namque Diuinus ille vates: se hominem in throno sedentem contempsisse, & aspectum splendoris per gyrum, sicut aspectum arcus, qui fuerit in nube in die pluuiz. Deus est Optimus Maximus, qui in Throno maiestatis sedens dum Iridi cōparator, trinus, & vhus credentibus apparet. Vt enim in Iride trium colorum discrimina clarē cognouimus, & tamen alterius ad alterum dissidium sensu percipi nequit; & sicut in vna nubis substantia solis repercussa radio floridus, qui cernitur color multiformis est. Sic etiam in eadem diuinitate tres hypostasēs cōstanter asserimus, quarum proprietates in singulis hypostasibus separatim relucēt, eius verō proprietatis, quæ secundum naturam est, nulla alterius hypostasis ad alteram potest differentia excogitari. Hic est aspectus arcus ab Ezechiele prauisus. Hic est aspectus splendoris per gyrum diuinæ æternitatis. Hæc visio similitudinis gloriæ Domini. Quid multa? Profus admirabilis est beatissima Trinitas, in qua singula existunt in singulis, & omnia in singulis, & omnia in omnibus, & vnam omnia. Quæ cum ita sint, fortes semper in fide, & à vitiorum labe per purgati præsentem huius mysterij intuitum hilari animo expectemus. Tunc enim nobis hæc veritas sine vllō velamine detegatur, cum tradiderit Christus regnum Deo, & Patri, cum Deus nos fauore suo singulari in cellaria sua introducet, cum erit Deus omnia in omnibus. Interim tamen, ne desinamus tantam maiestatem cōtemplari; & ad eius gloriam pauentes, atque ætoniti supplicare, vt fidem, quam dominus in nostris animis ingenerauit, quàm tantis Apostolorum suorum doctrinis propagauit, tam multo martyrum sanguine confirmauit, tam difficilibus hominum & aduersus infidelitatis nostræ luctationibus stabiliuit, hanc alacritate augeat, & ad summum perducat. Amen.

## ORATIO V.



EST VS hic dies, Beatissime Pa-  
ter, exposulat, vt de incomprehen-  
sibili Sanctissimæ Trinitatis myste-  
rio dicam, cuius ex obscuritate,  
difficultas omnium assensione tan-  
ta est, vt sapientissimorum, atque  
ad eam Christianæ philosophantium  
ingenij acumen hæcenus retude-  
rit, vt in hæc B. Pauli acclamatione  
nem omnes compellamur: O alti-

Rom. 11.

tudo diuitiarum scientiæ, & sapientiæ Dei, quam incompre-  
hensibilis iudicia eius, & inuestigabiles viæ eius. Ad eam sanè  
obscura est, hæc Sanctissimæ Trinitatis in Vnitate speculatio,  
vt consultius fecisse videar, si cum Neoptolèmo, qui sibi, sed  
paucis philosophandum dicebat ex secretiore Theologia de  
Trinitate, per ea quæ Deus hominibus reuelata voluit, breuius  
ter dixerò, quam si in re, quæ huiusmodi est, vt nullibi labo-  
riosius aliquid quærat, nec periculosius alibi erretur, im-  
portunum me percunctatorem, ac illicitè curiosum præbue-  
ro. Quod cum facio, Patres Illustrissimi, quam aspectu au-  
dientiam pollicemini, auribus precor non denegate.

Et si, B. P. nulla gens fuerit tam fera, tam immanis, & bar-  
bara, quæ aliquam Dei noticiam non habuerit, tamen Chri-  
stiani, quibus iustitia Dei, ex fide in fidem reuelata est, de  
Deo vno, vero, trino in personis, in cuius cognitione & frui-  
tione hominis felicitas posita est, Vnitatem secundam, Tri-  
nitatem incomprehensibilem, vnigenito ipso, qui est in sinu  
Patris enarrante, ac Spiritu sancto illis inspirante, veram,  
certam, distinctamque supra ceteros, lumine fidei, cogniti-  
onem habuerunt. Istud nimirum profitentes, aliarum scien-  
tiarum initia, manifesta esse oportere, & prope aspectabilia,  
huius verò speculationis, quæ de diuinis est, paradoxa, ino-  
pinata, nisi superiore fidei lumine, mentes humanæ illustren-  
tur: Accedentem enim ad Deum, non quærere, sed credere  
oportet, quia est. Nisi crediderimus, non intelligemus, as-

Rom. 1.

Ioan. 1.

Hebr. 1.

*Matth. 11.**Luc. 10.**Hebr. 9.**Psal. 70.**Ephes. 4.**Sap. 9.*

sensione, non disputatione, orationibus, non rationibus opus est. Hic non magnitudo sensus, sed humilitas; hic non sublimitas sermonis, sed ostensio virtutis requiritur. Ideoque Christus inquit: Confiteor tibi Pater, Domine cæli & terræ, quod hæc abscondisti a sapientibus, & reuelasti ea paruulis. humilitas planè, ac simplicitas credendi, omnibus qui quærent Dominum, & faciem Christi sui, necessaria est, & quanto quis seipsum magis despicit, & abnegat, tanto penitus se Deum attingit. Itaque Philosophi & sapientes huius sæculi, scrutatores maiestatis diuinæ, oppressi à gloria, vix vmbra veræ sapientiæ assecuti, euauerunt in cogitationibus suis, & sapientes se esse credentes, stulti facti sunt: cum enim mentis humanæ acies inualida, in tam excellenti luce non figeretur, nisi per iustitiam Fidei, ab operibus mortuis emundata, & supra naturam eleuata, ad seruiendum Deo viuenti, ac, ut inquit Iustinus Martyr, non nisi docente, ac reuelante Deo, res diuinæ cognosci possent, ipsi verò sibi nimium tribuendo, quasi satis haberent in se à natura præsidij, ad diuina intueendum, & vera à falsis secernendum: ob nescio quam perexiguam & adumbratam scientiæ & literaturæ persuasione, nolentes intrare in potentias Domini, in ipso statim porta ac limine impingentes, alij nullam dixerunt, alij falsam pro vera Religionem tenuerunt, ut certissimum sit, animales Philosophos, ambulantes in vanitate sensus sui, obscuratum habentes intellectum, alienatos à vita Dei, non solum perfectam in diuinis veritatem non inuenisse, sed nec inuenire potuisse, cum quomodo, & ubi quærenda esset ignorarent: Sensum enim Domini quis intelliget, nisi Deus dederit sapientiā, & miserit Spiritum sanctum suum de altissimis? Notæ sunt ipsorum Philosophorum de ignoratione veritatis, confessiones, ut si quid de rebus diuinis præclare dixerint, à Christianis acceperisse facile conuincantur: ita enim Iustinus Martyr, Clemens Alexandrinus, Eusebius, eruditè docent, quæ apud Homerum, Hesiodum, Platonem, & alios, de vno Deo, & reliquis nostræ religionis capitibus habentur, ex sacris libris esse deprompta, & partim quædam transscripta, partim intextis fabulis nonnihil immutata atque deprauata. Ex hac vna, vnus veri Dei ignoratione, quem nos Christiani collimus, profitemur, inuocamus, adoramus, Philosophi, & sapientes huius sæculi, se, & alios, summis, inexplicabilibusque damnationis.

tionis erroribus inuoluerunt: Hæc est enim vita æterna, vt Ioan. 17.  
 .cognoscamus Deum verum, & quem misit Iesum Christum.  
 .Hinc forte sectarum inter Philosophos initia. Hinc Athei,  
 .Idololatæ, Iudæi, & hæretici Philosophorum filij prodierunt,  
 .in quibus debilitandis, atque frangendis, animosa fide, vete-  
 .res omnes ad nostra vsque tempora, Orthodoxi Patres, sin-  
 .gulari quodam, & singulis accommodando disputandi gene-  
 .re, operam, studiumque posuerunt. Philosophos enim &  
 .Atheos, qui scripturas non recipiunt, mutuatis à Metaphy-  
 .sico, & naturali Philosopho rationibus, quasi proprijs armis  
 .iugularunt, Iudæos & hæreticos prope domesticos hostes,  
 .domesticis armis, sacris videlicet Scripturis expugnarunt,  
 .Iudæos quidem Scriptura veteris testamenti, hæreticos verò  
 .primum Scripturis viriusque testamenti, quarum interpre-  
 .tationem in dubijs, Ecclesiæ iudicio relinquendam sapienter  
 .iudicarunt, ne indocti, & instabiles, ad suam ipsorum perdi-  
 .tionem, Apostolica scripta, malitiosè magis, quàm ignoran-  
 .ter perverterent. Deinde traditionibus Ecclesiæ, Decretis  
 .Pontificum, œcumenicis Concilijs, & antiquorum Patrum  
 .testimonijs. Quibus quidem argumentorum generibus, or-  
 .thodoxi Patres, omnes de religione controuersias, cum ad-  
 .uersarijs gloriôsè composuerunt. Omnes de vno Deo & ve-  
 .ro, omnes de Trinitate personarum in vnitæte essentiæ, qua-  
 .siones cum Atheis, Iudæis, Philosophis, & hæreticis, cum  
 .Arrio, Eunomio, Sabellio, & alijs de sanctissima Trinitate,  
 .personarum perperam, & impiè sentientibus, ad Catholici  
 .dogmatis defensionem ita definierunt, coneluserunt, vt nul-  
 .lus iam ad refiliendum, sensus & motus in modernis Trinita-  
 .rijs, contra Catholicam veritatem posse subsistere videatur.  
 .Hoc vnum igitur superest, Patres Illustrissimi, vt quid de  
 .sanctissima Trinitate, fide Catholica credendum, recipien-  
 .dum, profitendum sit, breuiter concludamus.  
 .Orthodoxorum omnium Patrum Athanasij, Hilarij, Gre-  
 .gorij Theologi, Basilij, Ioannis Chrysostomi, Cyrilli, Cy-  
 .priani, Augustini, & Conciliorum œcumenicorum institutum  
 .est, Beatissime Pater, docere secundum Scripturas, quod Deus  
 .tam ineffabilis est, vt vnus existens, trinus sit, vna natura nul-  
 .lo modo multiplicabilis, neque nulla est in ea diuersitas, sed  
 .perfecta vnitas: vnum, hæc sic est, vt nulla sit in ea solitudo,  
 .nulla orbitas, sed tres sint in hac omnimodè vna natura per-  
 .sonæ,



*Aug. de Civ. Dei. l. 1.* sonæ, Pater generans, Filius genitus, Spiritus sanctus à Patre, & Filio procedens, ac genitoris & geniti, nexus & vnio. Quæ singula, cum tam longè intelligentiam humanam superent; vt nullum flumen ingenij, nulla dicendi copia, ratione tanti mysterij complecti posse videatur, vt vel sola mutatione nominum, Vnitatis & Trinitatis grauissimè impingamus, ac licentia verborum, falsas interdum opiniones gignamus, videbitur profecto gloriosa, ineffabilis, & incomprehensibilis,

*1. de Trinit.* Trinitas vnus Deus, pio quodam silentio, & mentis excessu, magis quàm verbis honoranda. De qua tamen duobus modis veteres solitos fuisse tractare, scribit Augustinus: Quidā, inquit, dum Trinitatis aliquod specimen, quod humano capui esset accommodatum, effingere vellent, exemplis potissimum vsi sunt, velut intellectus, voluntatis, & memoriæ, quæ tres inuicem distinctæ facultates, vnicam animæ complent essentiam, item animæ, corporis, & vitalis caloris, quæ suæ inter se natura distincta, in vnicam hominis hypostasim concurrunt. Huc pertinere poterit, quod de beato Lupo, in Gallijs Senonensi Archiepiscopo, sua commemorat historia, qui cum Deum precaretur, in tremendo Altaris mysterio, vt sibi Trinitatis sanctissimæ specimen aliquod ostenderet, sacra peragendo, tres pretiosissimos lapillos calicis in sacrum suū calicem demissos, in vnum lapidem coaluisse. Sunt plura alia ad Vnitatis & Trinitatis rationem explicandam, aduersus proteruos disputatores, qui rationibus naturalibus fidem sibi fieri volunt, non contemnenda exempla. Nam etsi comparatio terrenorum, & humanæ naturæ ad Deum nulla sit, nec ad res diuinas explicandas, humana elocutio sufficere possit, tamen nostræ intelligentiæ infirmitas, cogit species quasdam ex inferioribus, tanquam superiorum indices querere, vt verum familiarium consuetudine adinobente, ex nostri sensus conscientia, ad insoliti sensus opinionem edoceamur. Alius de Trinitate tractandi modus securissimus videtur, cum scilicet simpliciter absque vel demonstratione, vel exemplo, veritas ex sacra Scriptura proponitur credenda; Quamethodo vsom beatum Ioannem Euangelistam laudamus, qui Christi aduentum, ac humanam redemptionem expositurus, necessitate quadam à sanctissimæ Trinitatis declaratione exorsus est: In principio erat Verbum, & Verbum erat apud Deum, & Deus erat Verbum; cum ante aduentum Christi

*Hilarius de Trinit. lib. 1. 4. & 7.*

*Ioan. 1.*

Christi parum communicata Trinitatis 'speculatio' habere-  
tur. Nam etsi in veteri Testamento multa sunt loca, quibus  
in Deo plorantes infonator, parum tamen & paucis extigit  
apud eos explicata hæc distincta personarum in Unitate nat-  
tura veritas; cum alijs de causis, tum quod tres in diuinis  
personæ nondum distincte apparuissent, vt postea in Baptis-  
mo Christi, & missione Spiritus sancti, nondum ad sacratis-  
simorum nominum honorem; celorum palacia referata vi-  
debantur, nondum hæc vox Dei Patris in Christi Transfigu-  
ratione, vt & in Baptismo personuerat: Hic est Filius meus  
dilectus in quo mihi bene complacui, ipsum audite & nondum  
hæc Christi promissio Discipulorum mentes exhilarauerat:  
Rogabo Patrem, & alium paracletum dabit vobis, & maneat  
vobiscum in æternum, spiritum veritatis, qui à Patre proce-  
dit, ille me clarificabit, quia de meo accipiet. Cæpit enim  
tum post Baptismum Christi, ascensionem in celum, & Spiritus  
sancti missionem celebris esse distincta personarum, Pa-  
tris, Filij, & Spiritus sancti, in Baptismo & cæteris Ecclesiæ  
benedictionibus enunciato, sic fides, quæ est, vt inquit Pau-  
lus, ex auditu, & auditus per verbum Dei, plenissime compa-  
ratur, nutritur, augetur, accuratur, illustratur. Satis autem,  
meo iudicio, de sanctissima Trinitate ad salutem cognoue-  
rit, qui reuelata à Deo, eo quo proponuntur modo ab Eccle-  
sia tenenda, pia credendi simplicitate receperit, vt hic non  
intelligenda mente veneretur, intellecta veneranter teneat, &  
quæ nondum cognoscit humiliter expectet. Sunt etenim mul-  
ta in Theologia inexplicabilia, in quibus quiescere intel-  
lectus hominis non potest, nisi confessa ignorantia. Ideoque  
scriptum est: Altiora te ne quaeris, & fortiora te ne iura-  
tatus fueris, sed quæ tibi præcepit Deus, illa cogita semper,  
& in pluribus operibus eius ne fueris curiosus. Sunt enim  
nobis diuina opera admiranda, laudanda, extollenda, verum  
non sunt semper vel imitanda, anxie, vel perfecte vt intelli-  
gamos querenda. Nam si vel tantillum illa voluerimus ultra  
fidei nostræ mensuram intelligere, ipsa eorum luce reuerbe-  
rante animæ nostræ acies excæcabitur.

Quicquid ergo ratio clamauerit, quicquid apparens 'pro-  
babilitas ostenderit, in cognitione Dei, & sanctissimæ Trini-  
tatis mysterio, ne viribus nostris, sed reuelanti Deo, & Eccle-  
siæ innitatur, credamus reuelanti Christo, & sigillum quo  
in Ba-

1. 2. 3. 4.

Marc. 1.  
Bernard. in  
serm. de S. Io.  
Bapt.

Ioan. 14. &  
16.

Gregor. lib. 1.  
moral. cap. 9.

Eccles. 3.

in Baptismo insigniti sumus, teneamus. Baptizati sumus in nomine Patris, & Filij, & Spiritus sancti, ut etiam tres personas intelligeremus, sed vnum tantum Deum confiteremur. Hoc est illud vnum testimonium, de quo Ioannes ait: Tres sunt qui testimonium dant in celo, Pater, Verbum, Spiritus. Merito autem dant vnum testimonium, quia tres hi vnum sunt.

Illum ergo, qui vtilia ad salutem nos docet, inuocantes, alium non sapiamus, sed timeamus ne forte contristemus Spiritum sanctum Dei, in quo signati sumus in die redemptionis. Nihil nos scire arbitremur præter Iesum, & hunc crucifixum. Omnia denique quæ nos Romana omnium Mater Ecclesia docet, hoc animo, & desiderio addiscamus, ac cogitemus, ut ardentiores in vnus veri Dei cultu, magisque pijs reddamur, per Dominum nostrum Iesum Christum, qui cum Patre, & Spiritu sancto, in vnitæte viuunt, & regnat per æterna sæcula. Amen.

Tertiæ, & vltimæ Partis Finis.











